

56,003/C

MEDICINA
RATIONALIS.

MEDICAL

ПЛАНОВАЯ

MEDICINA RATIONALIS

AD RECENTIORUM MENTEM
OBSERVATIONIBUS
ADAUCTA

*Constitutionem Epidemicam partis anni 1733., atque inte-
grorum annorum 1734. 1735. 1736. in Cremonensi
Civitate complectens*

AUCTORE
PAULO VALCARENGO
MEDICO CREMONENSI

Cui accessit

AUREA METHODUS VETERIBUS INCOGNITA

*Ad profligandas expeditissime Febres Tertianas tum intermittentes,
tum per subingressum continuas*

Brevissime lucubrata

A FLORENTIO AUGUSTINO GALLARATO

*Ex Colleg. Nobil. Phys. Papiæ, ibique in Reg. Caesar. Universitate
Præcticae Primario.*

CREMONAE MDCCXXXVII.

Apud Petrum Ricchini. Superiorum permissu.

Aligi Langendi

ВЛАДИМИРА

AD RECEPTION

WINDY CITY V. 17240

Confidential - Information from the FBI is being furnished to you for your information only. It is not to be distributed outside your agency.

THE UNIVERSITY OF CHICAGO

1890

180704

PAID BY ORDER OF THE

MEDICO CRIBIOTOMIA



HISTORICAL
MEDICAL

MEDICAL

LIBRARY

EXCELLENTISSIMO VIRO
DOMINO COMITI
DON CAROLO
PERTUSATO

EX INTIMIS CONSILIARIIS SUAE REG. CAES. CATH. MAJEST.
MEDIOLANENSIS STATUS MAGNO CANCELLARIO,
REGENTI, ATQUE EXCELLENTISS. EJUSDEM
SENATUS PRAESIDI, CASTRI FERRI
REGIO FEUDETARIO &c.

PAULUS VALCARENGUS
P. F.



*UAE ne, Excellentissime
Vir, excelsae dignitatis,
atque insignium honorum,
quibus nuper Augustissimus
Caesar Te speciatim de-
coravit, an omnigenae doctrinae tuae, caetera-
rumque virtutum, quibus apprime enites, causa*

*

contigisse dicam, ut quum primum de tuo Mediolanum reditu fama undique personavit, excussis vix vix belli terroribus, atque praegressarum calamitatum fere immemores facti, Primates omnes, & Populus insolito gaudio summopere exultaverint? Siquidem maxima utrinque ad id prodibant incitamenta, quae quisque pro ratione sua vario modo attendens, nec satis admirari, nec satis plaudere unquam poterat. Porro sublimē in Te decus laeto omnes animo venerabantur, dum te in excelsō hoc Solio constitutum spectabant. Hoc tamen quid sublimius longe omnibus videbatur, quum Te selectioris doctrinae lumine undecunque coruscantem perspicerent; ac si dignitates tuae, caeteroquin amplissimae, majus a Te ipso nanciscerentur decus, majoremque proinde ab omnibus venerationem mutuarentur. Quamobrem eo speciali quorumcunque applausu, tantaeque laetitiae exceptus es, quantum in animis Hominum recte sentientium tot eximiae dignitates, maxime virtuti tuae merito tributae, poterunt excitare. Iccirco non merito tantum, sed peculiare ipsius Principis oblectamento, totiusque Reipublicae maximo bono, Te ad summum hoc honorum culmen evectum dixerim. Quippe quod vetus inter Graecos adagium est, & a Platone non praetermissum, Sapientum congressu Principes sapere. Quod si ex ejusdem
Phi-

Philosophi oraculo verum sit, beatas fore Res-
publicas, si eas vel studiosi Sapientiae re-
gerent, vel earum Rectores studere Sa-
pientiae contigisset: Quis non videt, qualia-
nam, quantaque commoda cuique derivari a Te
possint, dum in altissimo hoc gradu dignitatis,
et auctoritatis collocatus, omnium augendae fe-
licitati, servandis bonis, promovendae virtuti,
perquam sapiens praesides? Qui bene sapit, bene
imperat, bene judicat. Novit enim et ipse ro-
manus Orator, quod ad Rempublicam plu-
rima veniunt commoda, si moderatrix om-
nium rerum praesto est sapientia. Enim vero,
si de justitia praesertim sermo sit, quae Reipu-
blicae incolumitati, et Populorum tutamini dis-
tincte prospicit: haec profecto, quae, pro mune-
re tuo, specialiter Tibi commissa videtur, non in
alio equidem melius, non aequius, quam in Te
regnare poterat. Alias omittam animi tui prae-
clarissimas dotes; prudentiam nempe, pietatem,
humanitatem, liberalitatem, integritatem, et for-
titudinem, quas fere per traducem ad Te deri-
vatas augere, atque decorare magis, magisque
in dies satagis, tuo non magis evehendo decori,
quam Reipublicae ditandis bonis omnifariam con-
sulens. Etenim, cum Tibi nasci contigerit ex no-
bilissima, generosa, et equestri Pertusatorum
Familia, in qua semper verus honor, et splendor

Boet. de
Cōsol. Phil.
lib. I.

Cicer. I. de
Invent.

Bartolom.
Cort. No
rizie Iſto-
riche.

virtutis effulſit : excelsa ſemper petis , ampla ,
illuſtria , plena dignitatis , & gloriae , quo Te
ſemper a prima tua pueritia maxime vocaverunt
Majorum tuorum nitidiſſima exempla , quorum
nomina nulla dies extinguet , nulla obſcurabit ob-
livio . De hiſce enim quamplurima extant Alex-
andriae monumenta , quae innumeros pene clarif-
ſimos Viros , omni virtutis genere , atque praeci-
pue munifica magnificaque pietate illuſtres , colle-
giali juris prudentiae Judicium laurea , patriciif-
que Decurionum honoribus , atque integerrima
ampliſſimorum Magiſtratum adminiſtratione de-
coratos , Toga demum , & Sago per quinque ſae-
cula inſignitos recensent , atque magnificentiſſimis
laudibus commendant . Verum cur a longe excel-
ſum antiquiſſimae , nobitiſſimaeque Familiae tuae
decus expetam ? Huc adſit Nicolaus Pertuſatus
ex Praeſectis Cubiculo potentiſſimi Caroli II.
Hiſpaniarum Regis . Huc adſit Chriſtophorus Per-
tuſatus inter Procereſ a Cubiculo , & in ſecretis
expeditionibus in Aula Leopoldi I. Caſaris poli-
tica dexteritate conſpicuus . Huc adſit ampliſſimus
Pater tuus Lucas , qui ab anno 1682. uſque ad
annum 1717. excellentiſſimi Mediolanenſis Pro-
vinciae Senatus Princeps praefedit , cujus prae-
cipuis , atque innumeris enarrandis dotibus di-
ſertiſſimus nullus nunquam ſufficiet Orator . Nobis
autem e memoria nunquam excidet vigilantiffimus
quondam

quondam Cremonensis Ecclesiae Antistes Carolus Octavianus Guascus avunculus tuus; cujus eximiae pietatis, atque munificentiae, pro communi Civium nostrorum salute, aeternum exhibent testimonium magnificentissimae Aedes, ipsius jussu, & aere constructae, congruisque redditibus decoratae, ut idoneus sacris obeundis exercitiis locus cuique semper ibidem pateat. Nec minor est vigilantia, atque sollicitudo religiosissimi Praesulis Francisci Pertusati Fratris tui, cui, ceu solidissimo singularis sapientiae, & pietatis fulcro, Papiensis Ecclesia felicissime innititur. Quod de sapientia, religione, pietate, aliisque dotibus, quibus quamplurimi ex nobilissima Familia tua emicarunt, hic obiter attigimus, idem & de strenuissimis tot aliis Viris dicendum venit, quorum illustria bellica gesta, atque conspicua munera, non interituris gloriosis lauris, & palmis stemma tuum pluries cumularunt. Vivit adhuc generosus Comes Christophorus Frater tuus, qui, Majorum suorum martialia gesta, non sequi tantum, sed illustrare magis, & semper quaerens, sub Austriaca Aquila inter Primates strenuissime pugnât. Ast quid plura? Tantum enim abest, ut a Majoribus, & Consanguineis tuis, multiplici virtutum nitore affluentibus ad Te ornandum quidquam haurias, ut etiam in Te clare fulgeat, quod ad illos redundet, ipsorumque splendorem
niti-

nitidiorem reddat. Frustra ideo aliunde petenda
tibi laus est, si omne ex Te solo fundamentum
mutuatur.

Ovid. Me-
tamor. lib.
13.

Nam genus, & Proavos, & quae non feci-
mus ipsi,

Vix ea nostra voco.

Tu enim solus immensum Tibi ipsi decus praestas,
magisque in dies praestiturus es, cujus gloriosa
vestigia sequitur praeclarissimus Filius tuus, Ma-
gistratus Quaestor sapientissimus, ad majora sem-
per abiturus. Tibi itaque maxime Socraticum illud
effatum arridet, unicum esse bonum scientiam.

Cael. Rho-
dig. Lect.
antiq. lib.
16. cap. 12.

Cicer. 2. Of-
fic.

Quare & cum Cicerone semper testaris, quod sa-
pientia nihil est optabilius, nihil praestantius,
nihil Homine dignius. Hinc non equidem sum
veritus, quin Tibi, in supremis negotiis summo-
pere occupato, quae Augustissimus Caesar tuae
fidei, sapientiae, diligentiaeque mandavit, atque
indesinenter committit, lucubrationes hae meae,
tamquam maximi obsequii erga Te mei testimo-
nium, futurae essent non omnino contemnendae.
Nam, etsi magna Tibi est gravissimorum negotio-
rum imposita moles, quam Tu summa tua cum
laude, omniumque admiratione sustines; tamen
in ipsa hac indesinente occupatione ita Te littera-
rum tractatio delectat, omnigenaeque doctrinae
splendor evehit, atque allicit, ut in scientiarum
selectissima studia, quasi in hortum amoenissimum,

Te

Te semper divertas, aliosque simul ad studium continuo excites, atque studiosos humaniter semper excipias. Tamen non est credibile, quantum ad illam ipsam animi erga Te mei voluntatem addiderit praestantissimi Praesulis nostri Alexandri Littae praedicatio: cujus multi, & egregii de tua laude sermones me, jam antea commotum, impulerunt, ut opusculum hoc cum tui amplissimi nominis inscriptione divulgarem. Hinc & ipsi maxime, ob id, praeter caetera innumera in me collata beneficia, me semper obstrictum fore profitear. Meos itaque labores ne spernas, obsecro, Excellentissime Vir, meque excelso patrocinio tuo ad majora semper excitare, non omittas. Etenim donec vixero, quoquo modo potero, aliorum saluti sedulo incumbam, non solum ut AEgrotos mihi commissos ad pristinam valetudinem redigam: verum etiam ut ex iteratis observationibus novas semper, medendo, hauriam cognitiones, quarum ope rationalem Medicinam in dies magis, magisque augere valeam. Attamen id, & alia etiam plurima, eo libentius, eo accuratius perficere in posterum quaeram: quo magis novero, me sub faustissimis auspiciis tuis haud incassum litaturum. Interim, cum neutiquam ignores, esse animi praecelsi, ac prorsum regii, munuscula, vel ab infimae fortunae Hominibus collata, communicave, non asper-

aspernari; Opusculum, hoc quaecunque illud sit,
meae in Te reverentiae, & obsequii argumentum
habere, atque humanissime excipere, non renues:
si saltem animum, non rem ipsam spectaveris.
Vale Excellentissime sapientiae Heros, teque pro
Reipublicae felicitate, atque scientiarum tutela,
& augmento diutissime sospitet Deus.

Dabam Cremonae VI. Non. Maji

Anno MDCCXXXVII.

DE mandato Reverendissimi Patris Hermenegildi Todeschini
Sacrae Theologiae Magistri, & Inquisitoris Generalis in
Civitate, & Dioecesi Cremonae, ac in aliis locis solitis, &
consuetis; Ego infra scriptus legi Librum, cui titulus est –
Medicina Rationalis ad Recentiorum mentem observationibus adauc-
ta &c. Auctore Paulo Valcarengo Medico Cremonensi; Cum-
que in eo nihil deprehenderim, quod Catholicae Fidei, mo-
rumque disciplinae opponatur, posse Typis donari censeo, si
ita iis ad quos spectat videbitur. In quorum &c.

Dat. in Conventu nostro S. Patris Francisci Cremonae die 29.
Augusti 1736.

*Fr. Joseph Antonius Fontana Sac. Theol. Magister,
Ex Generalis Ord. Minorum Conventualium,
ac Sanctae Cremonae Inquisit. Consultor.*

DE mandato Reverendissimi Patris Hermenegildi Todeschini
Inquisitoris Generalis Civitatis, & Dioecesis Cremonae &c.
Attente legi Librum inscriptum – *Medicina Rationalis ad Re-*
centiorum mentem observationibus adaucta &c. Auctore Excellen-
tissimo D. Paulo Valcarengo Phil. & Medic. Doct. celeberrimo;
& cum in illo Fidei orthodoxae, bonisque moribus ni-
hil contrarium invenerim, quinimmo ad tuendam valetudinem
utilissimum existimaverim, ne tanto opere Viri adeo eximii
Universa Litteraria Respublica privetur, Typis mandari cen-
seo.

Dat. Cremonae VI. Nonas Octobris Anno 1736.

*Alexander Bossii Philos., & Medic. Doct.,
nec non Incltyti Cataphractorum Regiminis
Veterani Caes. Cath. Majest. Medicus
Ordinarius, & Libror. Revisor
Sancti Officii Cremonae.*

Die

Die 10. Octobris 1736.

Attentis suprascriptis Attestationibus

I M P R I M A T U R

**Fr. Hermenegildus Todeschini Inquisitor Generalis
Cremonae.**

**Vidit Joannes Antonius Castillionaeus Vicarius Praetorius
Vicegerens.**

INDEX

INDEX

SECTIONUM, ET CAPITUM

DISSERTATIO PRAEVIA

De hodierno Medicinae statu, ejusdemque necessario augmento ab observationibus maxime petendo, ubi & totius Operis idea, & scribendi occasio proponitur.

SECTIO I.

Constitutio Epidemica partis anni 1733.

CAP. 1. *Febris tertiana exquisita.* pag. 1.

CAP. 2. *Febris tertiana spuria.* pag. 9.

CAP. 3. *Febris tertiana perniciofa, ubi & de quartana.* pag. 18.

CAP. 4. *Febris tertianae generalis causa, & aliorum morborum, juxta anni temporum vicissitudines.* pag. 46.

CAP. 5. *Lymphatici varii morbi.* pag. 53.

SECTIO II.

Constitutio Hyemalis anni 1734.

CAP. 1. *Lymphaticorum morborum, & Pectoris maxime causa perpenditur, simulque Pleuritidum generales dif-*

ferentiae proponuntur.
pag. 61.

CAP. 2. *Pleuritis lymphatica simplex, ubi & de Pleuritico cortice, & ratione emittendi sanguinem in hisce morbis.* pag. 70.

CAP. 3. *Pleuritis lymphaticobiliofa, ubi de variis Pulmonum cum Pleura, aliisque Pectoris partibus adhaesionibus; de Pleuritico cortice iterum; de Pseudo-polytis, de Pleuritidum diversa sede, atque exitu vario; de earundem symptomatibus, & curatione.* pag. 86.

CAP. 4. *Pleuritis lymphaticosanguinea, ubi de variis puris excretionibus in quibuscunque Pectoris*

toris suppurationibus;
& praesertim in Em-
pyemate; item de di-
versis abscessibus in
hisce morbis occurren-
tibus; de usu Vesican-
tium, atque Balsami
de Copaiba &c. pag.

107.

CAP. 5. Pleuritis sanguinea
simplex, ubi de Erysi-
pelatode, & Phlegmo-
node Pleuritide agitur
&c. pag. 141.

SECTIO III.

Constitutio partis anni 1734. a
Vere incipiens, atque usque
ad AEstatem sequentis anni
1735. protracta, ubi distinc-
te de febre petechiali tunc
communiter grassante.

CAP. 1. Hujus Febris petechia-
lis historia; de peculia-
ribus ejusdem sympto-
matibus, de critica al-
vi excretionem, obiter
de sudore, de urina,
ejusque inspectione, de

Haemorrhagia, de ve-
risimili Petechiarum ori-
gine, de earundem dif-
ferentia a maculis Scor-
buticorum, de Oedema-
tosis extremitatum tu-
moribus hasce febres
comitantibus &c. pag.

159.

CAP. 2. Hujus Febris causa,
& curatio; praesertim
de sanguinis emissionis,
& purgationis ratione,
atque usu Vesicantium
in hujuscemodi Febris
&c. pag. 194.

CAP. 3. Peculiares hujus Fe-
bris observationes.
pag. 238.

SECTIO IV.

Constitutio partis anni 1735.
ab AEstate incipiens, inte-
grum quoque annum 1736.
respiciens. Agitur iterum
de Febrium tertianarum
causa, tum & de modo,
quo China China easdem
febres evincit. pag. 255.



DISSERTATIO PRAEIVIA DE HODIERNO MEDICINAE STATU

Ejusdemque necessario ulteriore augmento
ab observationibus maxime petendo,
ubi & totius operis idea & scri-
bendi occasio proponitur.



Uotiescunque mecum ipse seria magis accurataque atten-
tione in praestantissimae Artis nostrae infaustam sortem
animum intendo : ipsam quo magis nobilem atque ab om-
nibus jure merito aestimandam , tanquam utilem quam-
maxime totique Orbi necessariam , eo magis frequentiusque
variis temporum atque animorum de ipsa temere sentien-
tium vicissitudinibus obnoxiam semper misere fuisse , nostroque pariter
hoc aevo non minus jactatam esse vehementer doleo . Non defuerunt
enim transactis saeculis non modicae estimationis nonnulli Viri , (1) qui
re minus aequo pensitata , atque malefano forsan livore obcaecati auda-
cter publice docuerint , Medicam Artem tanquam inutilem non-
solum , verum & tanquam noxiam condemnandam prorsus fuisse ,
atque ab Orbe ipso penitus eliminandam : quod quidem , licet ipsius
splendorem haudquaquam obumbrare potuerit , debitae tamen ejusdem
venerationi minus consonum fuisse , nemo inficiabitur . Hinc mirum ne-
mini unquam videbitur , qui cordatiores hujusce Artis Professores iisdem
persaepe iniquae sortis legibus pessime obnoxios fuisse pluries attenderit ,
dum par utplurimum Sapientium ac Insipientium ratio apud plerosque
non raro habita fuit . Id autem ex eo tanquam primario fonte semper
emanavit , quod cujuslibet Medentis praestantia non ab ipsius doctrina
atque peculiari in Arte peritia , sed a solis Morborum eventibus pessime
judicari solita fuerit . Sola enim inviolabilis Supremi Numinis lex nulli
prorsus indiscriminatum parcens , quae cuique mortalium sive prae ture
sive tardius terminum statuit : Illa inquam sola lex non rite perpensa
sapientissimis expertissimisque non raro Medicis debitam estimationem
auctoritatemque injuste derogavit : cum quis lethali contumacioreque
aegritudine detentus non ob Medentis imperitiam , sed ob peculiarem
Morbi vim potentiora quaeque praesidia medica penitus eludentem è vivis
A misere

(1) *Plin. Hist. nat. lib. 29. cap. 1. & alibi.*

Franc. Petrar. lib. 5. Epist. rer. Senil. 4. & alibi. Thom. Bovi. flagell.

misere discessit: idque non nativae aegritudinis indoli, occurrentiumve symptomatum violentiae, sed agentis Medici incuriae aut imperitiae irrationabiliter adscriptum fuit. De hoc autem jure merito Divinus ipse Senex Hippocrates sic doluit (2) *Quaecunque necessitatem habent, ut fiant in Morbis, ac vulneribus mala supra mala, ea ubi sunt, in Medicum culpam rejiciunt, & necessitatem talia fieri cogentem non agnoscunt.* Ob eandem rationem quamplures contra videre Medicos contigit (quorum fides Hominum potius malefana opinione, caecove nescio quo praejudicio, quam ipsorum doctrina aut vera experientia firmabatur) felicibus sub auspiciis tam amicae sortis semper militantes, ut, si quidpiam ipsis minus faustum in exercenda praxi occurreret, nil prorsus ipsorum honorem convelleret: cum satis & ultra ipsis esset, statutum Aegrotantibus nullo modo protrahendum terminum illico indicare, ut imperitiae suae, atque inani medendi methodo decus atque venerationem conciliarent, indeque consuetas effugerent obtrectiones, inter primates semper nihilominus habiti. Id etiam nostris temporibus ubique locorum pariter evenire nemo non nescit: dum Medentium quorumlibet fama a vulgi utplurimum opinione non a Sapientum judicio derivatur: quod quidem ideo facilius occurrit, quia solis sagacioribus Medicis atque in omnibus ad Artem Medicam spectantibus apprimè versatis, qui certe perpauci sunt, (3) non autem inexpertis quibuslibet, quorum maximus est numerus, de Medentium praestantia justo sentire datum est, atque tuto judicare unice, & quidem merito competit.

Nisi supremum ineluctabile decretum illud persaepe obstaret, sanioribusque Medentibus concessum esset saevientis Mortis promiscuos furores compescere, lethalesque ictus pro libito ac praecipue pro majore ipsorum peritia semper retundere: omni certe jure a Morborum quibuslibet eventibus, fortuitisque omnibus eorundem transmutationibus de Medicorum excellentia quilibet è Populo judicare primo vix intuitu posset. Profecto tunc quilibet rudiore licet ratiocinio praeditus genuinos Medentium quorumvis characteres attingeret, certoque certius perspiceret, quisnam inter ipsos solidiore doctrina fretus abditiores Morborum causas intine magis pervadens Aegrotantes ab Orci faucibus facilius eriperet: quis citius tutiusve ipsis opitularetur: quisve turpi tantum lucrandi cupiditate, non autem sufficientis doctrinae lumine ductus in nobilissimae Artis nostrae cancellos sese audacter intrudens Hominum vitae manifeste insidiaretur, dum ipsorum saluti congruam se ferre posse opem, temere praesumeret, eorundem periculis caeteroquin discens. Tunc ideo congrua Sapientibus laus emergeret, ipsorumque decus non tam debili staret pede, insipientibus quibuslibet a selectiore Medentium coetu prorsus ablegatis, communique non debita ipsis existimatione omnimode fraudatis.

Verum cum hoc contra eveniat, lethalesque mortis impetus nemo effugere

(2) Hippocrat. lib. 1. de Morbis. (3) Idem lib. de lege.

gere semper queat, quamvis expertis utens Medicis ad potentiora confugiat Artis adminicula laudabiliore methodo usurpata; hinc corrui non raro, hinc conculcatur pessime Sagaciorum Medicorum sapientia, atque inanes imperitorum nugae usque ad Sydera universali plausu aliquando attolluntur: maxime cum fausto ipsis omine res quomodolibet cedat, ob nativam potius Morbi indolem, quam ob agentis Medici solertem industriam. Attamen id eo frequentius, eo facilius, eo turpius in Arte nostra contingere, compertum satis habetur; quia pessimo nescio quo fato praesto semper sunt malignantes mutuae Medentium eorundem aemulationes ab invido tantummodo furente animo pullulantes, quorum mordacibus atque scindentibus intime dicteriis praeconceptae a Vulgo de agente caeteroquin sapienter Medico falsae opiniones foventur atque magis magisque firmantur, aut saltem lepidis jocis amaro sale dolose conditis, praemissis personatis laudibus, ne dicam acerbioribus scommatibus, arrepta dextere occasione suscitantur; propter quod omni jure a Vander Linden statutum est, (4) *Quod non magis invidet Mendicus Mendico, quam Medicus Medico: est Medicus invidum Animal, si quod aliud.*

Hinc nil mirum cuiquam fortassis erit, si paucos admodum invenerit, qui indefessis studiis, atque non interruptis diligentioribus observationibus omnem Medici attentionem requiruntibus Artem nostram ulterius extendere atque ditare satagant. Desunt enim ipsis congrua ad ulteriores labores incitamenta: dum non aequa lance a fortuito tantum AEgritudinum exitu fausto, vel infausto, aut ab alia quavis incongrua causa, tum Medicorum, tum Pseudo-Medicorum status promiscue perpenduntur, indeque expetitis, debitisque honoribus illi fraudantur, ad quos, faventibus magis patrociniis, quam necessariis dotibus isti perveniunt.

Ceterum haec omnia Medicus prudens animose contemnat, atque falsa haec caducae fortis munera generose spernens vulgares hujusmodi opiniones flocci faciat, ut Sapientibus dumtaxat Viris satisfacere studiis suis quaerat, quid de ipso sentiant isti, aut sentire unquam possint scrupulose attendendo. Quamobrem pro certo semper habeat, quod, licet insipientibus, aut invidis sic non arrideat, conscientiae suae debito nunquam deficiet, ut idoneus magis proprio muneri evadat ad Artis simul, sui que ipsius decus firmandum, atque in dies ultro magis magisque promovendum. Non aliunde enim violatam jam nobilissimae Arti huic nostrae existimationem debitamque famam restituendam melius esse, ullus credat, quam vera Medentium doctrina, cujus ope pristinus illico antiquissimus splendor tum ipsi tum Professoribus conciliabitur, quem jure meritoque ob eorundem ignorantiam obumbratum penitus fuisse divinus olim Senex sic acriter doluit: (5) *Omniū profecto Artium Medicina nobilissima. Verum propter eorum, qui eam exercent ignorantiam, eorumque, qui temere de his*

A 2

judicant

(4) Vander Linden *Sch. Med. exerc.* 12. (5) Hippocr. *lib. de Lege.*

judicant, omnibus Artibus jam longe inferior habetur. De quo autem potissimum hinc subdit rationem, quam, utpote rei nostrae perquam faventem, ab eodem Praeceptore hic fideliter transcribere necessarium arbitror. Cujus quidem erroris ista mihi potissimum esse causa videtur, quod soli Arti Medicae nulla in Urbibus, praeterquam ignominiae praefinita poena est, quae eos, qui ex ea constant minime attingit. Qui quidem personarum, quae in tragaediis producuntur maxime similes esse videntur. Quemadmodum enim illi quidem formam, habitum, & personam Histrionis referunt, neque tamen Histriones sunt. Licet Medici nomine quidem multi, re ipsa perpauci.

Omnibus itaque viribus atque solertiore omne indutria contendere, quilibet deberet Medicus, ut necessariis potitus scientiis ad summum Medicinae culmen pervenire posset, ut inde & sibi gloriosum maxime nomen conciliaret, simulque ipsi Arti denegatam penè ex toto venerationem adderet, atque majorem ultrò promoveret: quae quidem maximo certè jure ipsi debetur, utpote a Deo ipso promanatae, propter quod non immerito Apollinem ejusdem inventorem statuit Ovidius, eum sic loquentem proponens.

(6) *Inventum Medicina meum est, opifexque per Orbem*

Dicor, & herbarum est subjecta potentia nobis.

Nullis idcirco laboribus, studio, atque sollicitudini parcendum unquam esset, ut expetito perfecte fine potiri quilibet posset. Quo namque in sublimi magis, atque in aprico loco sedem suam Medicina posuit, unde magis suspicienda merito est: eo indefessam magis Studentium solertiam atque operam omnem exposcit, ut intima ejusdem sacra penetralia aliquando subeant, ad quae plerisque accessus denegatur. Ab omnibus enim acceptum omni jure est (7) *Vix unum esse ex Artis sapientibus, qui moriendo Artis tyrocinia penitus exuisse nedum gloriatur. Quantum enim dives & altus est Naturae fundus, inexplebile tantum Medentis officium, cui quo propius aut intimius Naturam intueri datur, eo inexhaustam magis aut minima sua parte revelaram sentiet.*

Si laudabilis hæc addiscendi cupiditas Medicorum omnium animis firmiter infixata esset, atque nemo sacratum hoc Apollinis templum pro communi AEgrotantium salute coelitus fabrefactum subire audacter praesumeret, nisi congruis antea instructus cognitionibus necessariisque dotibus sufficienter munitus: corruerent illico furentis invidiae malesani livores, atque in gloriosae aemulationis vicissitudines subito transmutarentur, propter quas non interrupto studio quilibet Medentis alterius famam aestimare atque anteire contenderet, omnesque simul non litigiosis, sed gloriosis contentionibus pro proprio atque Artis decore strenue viriliterque pugnarent.

Semotis hisce teterrimis Medicinae hostibus, lucro nempe atque ab eo pullu-

(6) Ovid. *Metamorph.* (7) Hequet in *prolog. de Med. purg.*

pullulante necessario invidia, protinus exurgeret veluti ex tenebris splendidior, atque in dies auctior Medicina; nemo in aliis blasphemaret ea, quibus se carere ignominiose cognosceret: quin immo ea quilibet laeto animo suspiciens Possessorem illius virtutis diligeret, quam ipse non habet, sublimique honoris stimulo excitatus illum sibi doctrinae splendorem asciscere curaret, propterquem aliquos super caeteros longius eminere laetanter admiraretur, atque nemo tandem nisi sufficienti studio instructus, atque congrua experientia maturus satis in Arte redditus, praxim indiscriminatim exercere cito nimis auderet, quod maxime interest.

Hisce autem praesertim, qui immature absque ulla haesitatione difficiles quaslibet curationes sibi assumunt perficiendas, abditioresque morborum causas intime perscrutari tentant: satis sit ob oculos ponere id quod de se ipso ingenuè fatetur Hippocrates hisce verbis: (8) *Neque enim ego quantumvis senex ad Artis Medicae summum perveni. Quamobrem vitam brevem, atque Artem longam esse divinus idem Senex merito statuit, ut inde maximam Artis difficultatem cuique indicaret, pro ut aperte sic demonstrat Vallesius: (9) Docet itaque Artem medicam difficilem esse & ad inveniendum & ad addiscendum, usque adeo ut ad neutrum horum vita videatur esse satis.*

Jure autem ob utramque rationem Medicae disciplinae difficultatem ostendit. Etenim si de ipsius inventione sermo sit, satis superque quilibet ab antiquis tum Medicorum, tum Historicorum monumentis intelliget, quomodo Medicina primam a casibus fortuitis originem nata, successive eventuum aliorum diligenti observatione nec non fideli accurataque adnotatione quorumlibet ad eam spectantium, grandior evaserit. In hoc autem laboriosum opus innumeri inter antiquos Medicos hinc inde diuturno admodum tempore insudarunt.

Verum si antiquorum illorum Medentium documenta, si fieri posset, quispiam in unum redigeret opus, perfectam se inde Medicinae Artem proponere atque firmare, neutiquam gloriari unquam posset. Ipse enim perfectior Medicinae primus institutor Hippocrates, licet priorum Veterum Medentium doctrinis innumera postmodum a se diligenter observata veridicisque innixa experimentis addiderit: incompletum tamen opus, imperfectamque ideo Artem posteritati tradidit. Attamen hoc tanti Viri debitam existimationem imminuere neutiquam potest, sed maximam tantummodo ad ipsius Artis integrum complementum difficultatem ostendere; cum & ipse aperte docuerit, quod, (10) *Medicina ab antiquo existit, & principium & via inventa, & multa, & probe habentia comperta sunt per multum adeo tempus, & reliqua deinceps invenientur, si quis idoneus, & jam inventorum gnarus ex his ad perquirendum procedat.* Nam, ut Galenus merito innuit, (11) *Nemo nostrum satis esse potest ad Artem simul & constituendam & absolvendam: sed satis*

A 3

superque

(8) Hippocr. Epist. ad Democr. (9) Valles. Com. Aphor. I. Sec. I.

(10) Hippocr. de veter. Med. (11) Galen. Com. Aphor. I. Sec. I.

superque videri debet, si quae multorum annorum spatio Priores invenerint Posteriores accipientes, atque his addentes aliquid, illam aliquando compleant atque perficiant.

Verum enim vero non hoc tantum de Hippocrate aliisque omnibus veteribus Medicis, verum & de recentioribus quibuslibet usque in hunc diem dicendum est, & ultra etiam de posteris merito verum comperietur. Ea namque omnia quae diuturnis Veterum studiis sedulaque longa observatione detecta sunt, ac successive Recentiorum omnium sanioribus ratiociniis, solertioreque indagine novis iteratisque experimentis magna ex parte illustrata, licet Artem medicam quammaxime adauxerint, eam tamen omnimode perficere haudquaquam potuerunt.

Nemo sanae mentis inficiabitur, credo, tum praesente, tum elapso saeculo maximis plurimisque cognitionibus partim a Chymia, ab Anatomia partim, partim a Mechanica, & saniore Physica, necnon ab experientia etiam ipsa mutuatis Medicinam locupletatam quammaxime fuisse. Haec autem omnia magis eruditum quidem, atque aliquantisper magis expertum Medicum reddunt, sed non omnimode scientem, quin immo paulo magis curationibus idoneum. Quot quantaque sunt adhuc circa Morborum genuinas essentias, & veras causas, subitas mutationes, complicationesque varias &c. quae prorsus nescimus, nec ulli forsitan in posterum scire datum erit? quae si unquam diligentiorum Medicorum solertia in propatulo poneret, maximum inde toti Medicinae augmentum, praestantissimumque decus emergeret, cum citius inde tutiusque expetitam Aegrotantes salutem obtinere possent. Si ea omnia quispiam in unum redigeret, atque aequa iudicii lance perpenderet, propter quae nostro hoc aevo nitidior Medicina ditiorque undecunque facta maiore quam antea in pretio habetur, profecto Moralis Senecae verbis jure merito exclamaret: (12) *Multum adhuc restat operis multumque restabit: nec ulli nato post mille saecula praeccludetur occasio aliquid adhuc adjiciendi.*

Etenim ut de singulis paululum differamus: Nemo certe inficias iverit, laboriosis Chymicorum tentamentis atque novis indefessis investigationibus Medicinam maxime debere, cum inde novas & innumeras pene remediorum praeparationes Therapia deprompserit, quibus aliunde potiri melius haudquaquam potuisset. Verum remedia haec non raro aut minus operantur quam ipsorum Inventores pleno ore fidentius promittunt: aut violentius quam par est pro morbi indigentia atque Aegrotantium tolerantia vim suam exerunt; quare utrinque aut inutilia aut nocua saepissime comperiuntur. Non hinc tamen ausim quamplurimas praecipuasque praeparationes ex toto respuere, atque, tanquam nocuas è regno medico eliminandas penitus esse, absolute statuere. Quamplurima enim medica praefidia a Chymia petita summopere commendo, ipsorumque Inventores, tanquam de Republica Medica optime meritos, laudare nunquam desinam; maxime

(12) *Senec. Epist. ad Lucil. 64.*

maxime cum hujuscemodi remediis in quotidiano praxeos exercitio uti passim soleam, ipsorumque vires utilitatemque admiratus non raro fuerim. Attamen non eosdem semper prosperos eventus, licet in iisdem penitus morborum atque AEgrotantium circumstantiis obtinere mihi fausta forte contigit: unde praecipuum chymicorum remediorum opprobrium elicitur. Non enim tam facile tam commode sat experti Chymiae Artifices ubique locorum praesto sunt, qui & simplicium Medicamentorum, quibus utuntur, individuales essentias, proprietates & texturam, simulque agentis ignis vires satis callentes, opus suum ad calcem laudabiliter perducere satis sciant. Cum varii caloris gradus plus minusve aucti, plus minusve imminuti, rectaque magis minusve ratione retardati atque commensurati primarii agentis, seu ignis, momentum vario modo augere, sollicitare, atque immutare valeant: varia ratione hinc patitur perficiendorum medicamentorum materies, ipsorumque componentes partes varie pariter alterantur, dividuntur, associanturque; unde alienum penitus ab Artificis mente productum non raro emergit, aut nocuum aut saltem inutile. Merito itaque hinc statuere quilibet potest, quod, cum paucis admodum perfectis Chymiae veris Magistris Respublica medica gaudeat, pauca etiam è chymico penu remedia in AEgrotantium tutiorem opem ubicunque depromi possint, quae quidem & repetitis toties observationibus perpendenda rite sunt, antequam iis promissa ab Inventoribus suis fides inconsulto nimis adhibeatur.

Quod si de Theoricis etiam sermo sit: Quae nam quantaeque sunt sublimis cognitiones, quas a Chymicorum Elaboratoriis feliciter utiliterque emanasse, uno ore depraedicant nimium creduli Chymiae fautores? Sine quibus, nec melius, nec commodius, nec rationabilius veridicam Medicamentorum in Humano corpore agendi vim, praecipuasque humorum nostrorum praeparationes, atque secretiones, excretionisque: magis analogas in morbis indicationes, atque certa judicia: quin immo quaeque naturalis OEconomiae arcana, ullum aliunde expetere, atque tutius unquam assequi posse, absolute contendunt. Innumera ideo salium diversa genera, varias combinationes, ac dissolutiones: Liqueurum commixtiones, tumultus, fermentationes, philtrationesque varias: sublimationes, praecipitationes, omnimodasque corporum commutationes, atque eorundem conjunctiones, fortesque inde ortas luctas, & subsequentes separationes: atque infinita pene tot alia Artis suae miracula in medium proferunt, quorum ope nil prorsus ipsis impossibile videtur: sive abstrusiores Corporis nostri functiones sibi assumant dirimendas: sive morborum quorumvis genuina principia enucleare tentent: sive denique abditiora quaecunque Naturae penetralia subire quaerant.

Ast quam diversa sint primigenaea Corporum quorumvis sive animatorum sive inanimatorum principia ab iis, quae vi ignis extorquere, atque

assequi se posse a quibuscunque Corporibus fidenter nimis sibi ipsis illi persuadent : quilibet intelliget, qui potentissimam ignis vim ad scindenda quaeque, dissolvenda, immutanda, atque consumenda, variaque ex variis de novo facile producenda adamussim perpenderit. (13) *Supposititia enim sunt chymiae principia*, (ut apposite satis ostendit clarissimus Hequet) *utpote quae prodit una ignis tortura, eadem a tortura imaginationis obtinet Chymista recoctus, eo successu, ut quae in officinis operabitur, ea in humano Corpore creaverit.* Etenim ubinam adest in humano corpore aequipollens furibunda vis illa nullis fere legibus obtemperans, quae adinstar ignis in cuniculis aestuantis, tot varios atque tam discrepantes sales volatiles, spiritus penetrantes, scindentes, nullisque compedibus satis unquam firmandos, Sulphurea corpuscula, aliaque tot mirabilia hujuscemodi ab assumptis alimentis elicere, atque violenter emungere queat, nullamque solidis continentibus Corporis partibus noxam, neque incongruas humorum immutationes, atque dissolutiones valeat producere? Frustra ideo & Sulphura, & Sales, & Nitrum, & Alkali, & acidum, & fermentationes, praecipitationes, sublimationes, aliasve actiones hujuscemodi manualibus suis operationibus analogas caeco praejudicio ducti in Corpore nostro assignant Chymici: unde primaria Morborum germina semper desumentes, abditioresque eorundem causas, ad absorbentes pulveres, ad oppositos sales, ad praecipitantes potiones, atque ad alia hujusce generis adminicula confugiendum in curationibus merito semper esse, certo certius affirmant.

Non hinc tamen quempiam suspicari vellem, me absolute judicare chymica documenta, necnon inventa quaelibet nil prorsus medicae Arti prodesse: sive ea intelligantur medicamenta non pauca, quae, dummodo sint rite praeparata, quammaxime AEgrotantibus prodesse non raro ego ipse expertus fui; sive spectentur peculiare cognitiones, quas ad quamplurima in humano Corpore facilius enodanda phaenomena, morborumque quamplurium causas quomodolibet indicandas, non improspere semper ab Alembicis suis quoquo pacto extraxerunt nimium creduli chymiae AEstimatores. (14) *Fucum fecit & dolum invecus in Medicinam Chymiae analogismus*: docet praeclaudatus Hequet. Hujusce praestantissimi Auctoris judicio fretus, non modicam Chymiae utilitatem tum ad Praxim tum ad Theoricam medicam semper cognoscam. Attamen fixum ratumque mihi pariter erit tam expetito Medicinae augmento eam nil penitus aut parum saltem contulisse: cum praecipuae ab ipsa petitae cognitiones aut parum explicent, aut nimium imponant, atque intime cognoscendis morbis sanioribusque eruendis postea indicationibus tutiorem agenti Medico semitam ostentantibus, (quod maximum quidem est in Medicina faciendum) nil prorsus conducant; quare ad haec aliunde merito mutuandum est auxilium.

Sed jam altius, potiore quidem jure, in medium hic Caput extollit
Anatomia

(13) Hequet de purg. Med. in prolog. (14) Hequet ibidem ut supra.

Anatomia innumeris solidisque doctrinis undecunque perfulgens, ut obscuriores Medicinae tenebras, nitidissima, qua pollet luce, ex toto dirimat. Profert haec veridicam internarum externarumque omnium partium nostri Corporis descriptionem, sive mavis accuratissimam Microcosmi ichonographicam cartam. In hac singillatim distincteque noscitur praecipuorum Viscerum peculiares effigies, positiones, structuras varias, mirabilesque mutuas eorundem cum aliis ingeniosas connexiones. Habes hic tubulorum omnium originem, eorundemque usque ad minima exilissima vascula productiones huc illuc tendentes, propter quas itus reditusque sanguinis mirabiliter perficitur, atque perbelle explicatur. Mechanicam hic attendis Nervorum omnium efformationem, atque ab his ortas Membranarum quarumlibet admirandas structuras: Musculorum varias configurationes, atque constructiones, pro diversis exercendis partium motibus, sive naturalibus tantum, ut ajunt, a solo arteriosi sanguinis ordinario motu praecipue derivandis, sive voluntariis juxta nutum voluntatis peculiari humorum dato tempore moderato influxu peragendis. Miraris hic fistulosa Ossium corpora solidissima majora minorave, atque multifariam ex tenuissimis lamellis constructa ad varios usus, & praesertim ad universam Corporis Machinam firmiter suffulciendam; atque mille tot alia pulcherrima admirabilia spectas, quae Omnipotentis Artificis sapientiam Atheorum pervicaciam atque stultitiam omni jure inculpantem, in propatulo ponunt. Adunt primaria omnia Corporis machinamenta, quibus & objectorum species in Meningibus, externis opitulantibus sensibus imprimuntur, omnesque ratiocinantis Animae functiones peragi solent; quibus Aer intra Pectus protruditur, atque ab ipso variis modis expellitur, tum ad vocem pro libito modulandam, tum ad dilatandas constringendasve, congrua alternatione, vesiculares Pulmonum minimas omnes capsulas, atque ad perennandum Sanguinis circulatorium motum; quibus Ciborum receptio, trituration, transmutatio, atque in sanguineos tramites trajectio habetur: quibus noxiorum quorumlibet atque inutilium sive solidorum, sive fluidorum discrepantes partes extra Corpus propelluntur: quibus Hominis procreatio arcano profecto mechanismo perficitur: quibus tandem Homo movetur, sentit, atque in omnibus perfecte vivens deprehenditur.

Quid inde? Pulcherima haec omnia instructum quidem magis Medicum reddunt, atque optime eruditum, sed paulo magis AEgrotantibus proficuum, nisi potissima etiam a solidiore praxi adminicula desumantur. Praeterquam quod quot nam fortasse erunt nobis tanquam vera ab Anatomicis proposita, quae quantum a veritate utique absint, nemo unquam satis novit? quod apposite admodum indicat hisce verbis Celsus: (15) *Ita demum mortui praecordia, & viscus omne in conspectum latrocinantis Medici dari: quod necesse*

*necesse sit tale esse, quale mortui sit, non quale vivi fuit. Verum, dato etiam, quod ea omnia anatomico cultro in dissectis accuratissima indagine Cadaveribus detecta, talia vere sint, qualia in viventibus integris corporibus antea extiterunt: omniaque praecipua membra eo vere fungantur officio, quod ab expertissimis Anatomicis ipsis assignatur (quod profecto de omnibus absolute absque ulla haesitatione concedere nemo poterit); Quis unquam distincte indicare ex hisce poterit, quam nam alterationem Organa illa in peculiaribus quibuslibet morbis patiantur? Quomodo nam quibusve tutioribus signis morbosas eorundem affectiones varias sola anatomia attingere poterit? Quanam ratione quibusve efficacioribus tutisque praesidiis laborantes partes ad pristinum naturalemque statum sint illico reducendae? Quomodo denique tot alia maximi momenti documenta ex solis anatomicis doctrinis eruentur, quibus licet nos magnopere debere, liquido constet, non ex hisce tamen sitis instruitur Clinicus Medicus de iis omnibus, quae pro Aegrotantium salute necessario requiruntur, atque totius Medicae Artis augmento maxime conducere possunt? Pro maiore autem asserti mei explicatione, & confirmatione placet hic perspicacissimum de Moor loquentem sic proponere. (16) *Quemadmodum Oceanus vincula rerum laxavit seris annis, ingensque tellus patuit, ita in Microcosmo detectae sunt regiones, Montes, Flumina, ac perennes fontes, Cerebri inquam, Cordis, Hepatis & Renum structura valde artificiosa, glandulae variae, vasa lactea, & lymphatica, ductus pancreatici, & salivales, denique vitae fons, functionumque scaturigo, circulatio sanguinis. Sunt etiamnum Thyphyes qui carbasa audent pandere vasto ponto, & profunda naturae arcana detegere. Laudanda est horum diligentia, exercitandum. Studium. Verum non immerito quis requirat in praxi medica maiorem profectum. Multa scilicet deteguntur cognitu iucunda, subtilitate speciosa, & physicis investigationibus alendis apta, ad curationem autem morborum non aequae utilia.**

Nec dissimili certe ratiocinio utendum nobis est si de Philolophia omnibusque praecipuis ipsi famulantibus scientiis, quae & in usum Medicinae revocari non immerito, non infructuose solent, hic ultro differere velimus. Porro eadem rationes, atque primaria fere argumenta omnia, quibus indicare breviter curavimus, Chymiam atque Anatomiam, rationalem quidem Medicinam pulcherrimis atque ingeniosis cognitionibus magna ex parte ditasse: ipsam autem ex toto, & praecipue in hisce, quae ad praxim spectant, haudquaquam perfecisse: eadem inquam rationes de Philolophia aliisque ipsi adjunctis doctrinis veritati consonae comperiri facile possunt.

Philosophiam Medicinae parentem esse, satis omnibus notum est; cum inde Medicum incipere quisque noscat, ubi desinit Physicus. Attamen, licet maximum ratiocinii Medici fundamentum a Philosophia derivari certo credam: non eam tamen Medicinae potiore utilioreque partem, quae non rationibus, sed remediis Morbos vincit, & sanitatem affert, inde
tanquam

tanquam a primaria genuina parente emanasse, unquam concedam. Docet enim Celsus, (17) *Repertis deinde Medicinae remediis, Homines de rationibus eorum differere coepisse: nec post rationem Medicinam fuisse inventam, sed post inventam Medicinam rationem esse quaesitam*. Primo itaque ab observationibus atque experimentis Medicina emanavit, quae postea famulante Philosophia ditior grandiorque facta, caput sublimius extulit, atque magnifico rationum amictu gloriose cooperta, succinctam, quam primo induerat, personam empiricam ex toto dimisit; unde sanio-rem quidem, non autem utilio-rem Medicinam a Philosophia veluti Matre primario pullulasse, multoque minus in posterum ad perfectum inde maturitatis statum perducì posse quilibet intelliget.

Et ut paululum de hisce arrepta occasione distincte breviterque sermonem ineamus; concedamus primo Philosophicas doctrinas illas omnes, quae nostro hoc aevo in Medicinae subsidium fausto admodum sydere adductae sunt, utiles quammaxime Medentibus esse; utpote eas, quae non a Peripato chimaericas cavillosas nimis disputationes atque somnias merè facultates, energias, seu potentias veritatem ipsam obumbrantes potius quam illustrantes, desumunt: sed a sensibus ipsis iteratisque accuratis observationibus atque experimentis ratiocinii sui firmitus fulcrum mutuuntur. Extant enim undique experimentalis Philosophiae solidissima documenta, quae, doctissimo Roberto Boyleo veluti antesignano meritissimo clariorem semitam demonstrante, illustrarunt ultro atque ampliora reddiderunt tot praestantissimi tum transacti, tum hujusce nostri saeculi Viri, quos tanquam totius Theoricae sanioris Medicinae praeclarissimos illustratores nunquam satis commendabit posteritas. Vides hic illic ingeniosissima machinamenta; vides tubos variis modis constructos diversisque repletos liquoribus, atque ordine dispositos vario, mediis quibus modo Aeris elasticitas, & gravitas, modo rarefactio & condensatio, aliaeque non minoris momenti ipsius proprietates patefiunt, quae certe & respirationis, & perspirationis negotium totum, omnemque Aeris in Corporibus nostris sive intrinsecus sive extrinsecus agendi vim, tum salutis tum morborum peculiarem fontem, aperte nobis demonstrant. Hinc liquorum quorumlibet essentiae, proprietatesque variae tum a densitate tum a consistentia unice derivandae, ipsorumque varii motus & momenta exsurgunt: dum aut ob nativam gravitatis propriae vim, aut ob extrinsecam quamvis propellentem diverso modo potentiam, per varios transferuntur tubos majores minoresve obtinentes diametros, interioresque varias superficies plus minusve laevigatas: qui variis modis, aut horizonti inclinati sunt, aut ipsi ad perpendicularum inhaerent, variosque angulos cum aliis efficiunt, aut tamen variatione oblique magis minusve ab angusto in latum, aut viceversa tendunt.

Hinc primarias tutioresque circulantis sanguinis leges, ipsiusque vicissitudines,

(17) Celsus in praef.

tudines, aut a consueta femita aberrationes quascunque quam proxime attingamus. Vides varias in hisce tubis liquorum contentorum elevationes, depressionesve, dum aut igni admoventur magis, aut ab ipso retrahuntur, liberove aeri expositi sunt, a cuius specifica gravitatis vi aucta magis vel imminuta liquores alii in aliis tubis pari ratione attolluntur, habitaque ratione specificae eorundem liquorum gravitatis ad diversam libellam sustentati manent. Haecque ea sunt, quae perennem aerae atmosphaerae corpora nostra undecunque cingentis indefinentem actionem variam ad contentorum humorum omnigenas producendas alterationes, iuxta occurrentes temporum vicissitudines perbelle demonstrant, atque satis indicant obviam magis, & vero magis proximam Epidemicorum morborum scaturiginem anni temporum quorumlibet cursibus & transmutationibus rigore, caeteris paribus, utplurimum respondentem.

Variae adsunt alibi quamplurium globulorum diversae molis ac materiae spectandae series, quae diversos eorum motus, velocitates, impetusque varios indicant, dum aut per plana variis modis inclinata vi nativae gravitatis suae, aliave qualibet extrinsecus adjuncta feruntur, aliosve in globulos iisdem occurrentes irruunt, habitaque ratione eorundem renixus, impetusive directionis, aut immoti manent motum suum iisdem communicando, aut quomodocunque resilientes, novas adepti directiones ad alias partes motus suos adimplent. Quodsi in solida alia nativa elasticitate praedita impetum faciunt, ratione alia vario modo motus suos protrahere coacti sunt.

Resilientibus corporibus hisce prope adsunt varii funes, pro diversa ambientis Aeris constitutione, varia ratione tensi, occurrentia quaevis corpora vario impetu retro pellentes, atque ad pristinum citius tardiusve locum redacti, habita ratione impetus validioris aut debilioris, quo inde semoti antea fuerant.

Ab hisce omnibus ultro veridicas motus leges assequeris, ut melius novercas, quamam ratione Sanguis per venosos arteriososve tubulos diverso modo tendentes celerius tardiusve excurrere debeat; servata scilicet ratione tum inclinationis directionisve canalium, tum primarii a Corde recepti impetus, tum vis renisus seu elasticitatis, qua praesertim arteriarum parietes ditati sunt, tum & crassitiei majoris minorisve sanguinei fluidi, plus minusve recepto a Corde impetui resistentis, atque continentium tubulorum strictioris ampliorisve capacitatis, quam supra attigimus.

Recensita ultro propositorum funium vis elastica Nervorum omnium atque Meningum maxime easdem undecunque cingentium mirabiles actiones patefacit: dum illi ab externis objectis quomodolibet affecti eadem ratione resiliunt, adjunctum inde oscillatorium motum primario eorundem fonti communicando, ad varias ibidem figendas ideas; sive etiam illi intrinsecus a naturali morbosave causa quavis ratione ad motum suscitentur, & pro-

& proportionato correspondente impetu resiliant: in quo primaria solidorum vis maxima a laudato toties Hequet tanti non immerito habita unice derivatur & pendet.

Vides Rhombos, Rhomboides, Ellypses modo per latum decrescientes dum per longum augentur, modo vice versa diversaue trahentes pondera per diametri directionem, cujus alteri extremo vis trahens, seu punctum fixum, alteri movendum corpus alligatur. Hisce adjacent Vectes varii corpora alia majore minoreve velocitate & momento aut elevantes aut trahentes, pro varia distantia in qua sistitur vis agens, aut corpus movendum a centro motus, seu fulcro. Nil certe hisce melius subjici Medico poterat ad explicandas enormes musculorum nostri corporis vires, variosque motus, qui aut indefinenter fiunt ex perenni sanguinis arteriosi affluxu per fistulosas eorundem fibrillas a sola Circulationis lege pendente: aut identidem fiunt, retardantur, accelerantur, regunturve variis modis juxta voluntatis nutum, cujus imperio arteriosus idem Sanguis modo hosce, modo illos musculos concitato magis minusve motu permeat.

Admirandum ultro magis nobis exhibent Spectaculum Opticae Camerae, Telescopia variis numero & configuratione lentibus constructa objecta a longe plus minusve ampliantia atque oculo appropinquantia nunc inverso nunc recto, quibus succedunt & microscopia varia, quorum ope minimorum quorumcunque Corporum spatia metimur, interstitia, texturas, atque alia caeteroquin incomprehensibilia adaussum attingimus. Diaphana hinc habemus corpora, fluidaque varia lucem trajicientia, atque varis modis refringentia, in quibus posita recta virga, magico quasi incantamento, fracta ideo videtur magis minusve habita proportionem densitatis liquorum in quibus partim immergitur, & medii in quo primo tota jacebat: cum è denso in rarius, & è raro in densum medium lux trajecta oppositam semper subeat refractionem. Nec minus jucundum porrigunt theatrum diversae lentes, quae Solis radios pro sua densitate & configuratione vario modo colligunt, ut citius tardiusve in unum coeant; ad quod facilius obtinendum aliae interponuntur lentes juxta indigentiam diversa ratione collocatae, quae in determinata tantummodo a prioribus distantia optatum exhibent effectum, dum alio modo dispositae votis omnimode frustratum Spectatorem relinquunt.

Vides etiam specula dissimiliter constituta & inclinata objecta variis modis & positionibus repraesentantia, atque multiplicantia. Prismata quoque habes triangularia, quae instar Iridis versicolorata objecta quaelibet tibi ostendunt, dum hinc inde admirabili profecto conspectu,

(18) *Arva, tubi, silvae, messes, & prata colores
Innumeros induta micant, croceumque virenti,
Et rubrum croceo miscent, roseoque decori*

Coeruleum,

(18) *P. Anton. Chanut. in Parnas.*

*Coeruleum, niveusque coit cum murice fulgor:
 Purpura candescit nivibus, flavescit in auro,
 Frondibus arboreis viret, accensaeque rubescunt
 Purpureo simul igne, simul rutilantibus auri
 Ardescunt radiis frondes; ceu Flora per omnes
 Ingeniosa comas ramorum & gramina laetas
 Veris opes, variosque sinu quos claudit honores
 Sparsit:*

Hisce adjunguntur innumera tot alia, quae attente perpensa omnes reflexionis & refractionis veridicas leges cuicunque ostendunt.

Hisce instructus concipis illico & admiraris merito infinitam Supremi Opificis sapientiam in Oculo construendo, cujus mirificum artificium, atque ingeniosam actionem aliunde nunquam assequi melius potuisses. Perpendis hinc atque intelligis tutius, cur lucis radii ab objectis ad oculum, variis modis pro varia eorundem superficie remissi, è rariore ad densius medium tendentes, ad aqueum nempe humorem, primam subeant contortionem, quae opposito modo postea occurrit, dum Crystallinum pervadunt, indeque Vitreum, donec tandem in datum punctum retropositae Retinae simul uniantur, in tot nempe apices lucidorum penicillorum, ibidemque ceu in papyro camerae opticae parieti appensa, occurrentis extrinsecus objecti genuinam depingant imaginem.

Quodque de admirabili Oculi in naturali statu constituti artificio hic obiter monuimus, satis superque dirigit ad morbosas quaslibet objectorum repraesentationes in Oculo factas, quotiescunque ipse a naturali statu quomodolibet recedit. Quando nempe aut ob Corneae, Crystallinive humoris opacitatem radiis ex toto transitus praepeditur, ut in Cataracta visum omnimode auferente: aut ob morbosas humorum densitates varias non recte radii refringuntur, ut debito modo in unum occurrant; aut, incongrua data Retinae distantia a Crystallino; quando nempe brevior, quam par est, aut longior oculi axis fit, quare tardius aut citius pari ratione, quam exigit Retinae positio, in apices penicillorum suorum lucis radii uniuntur: scilicet vel post Retinam, vel ante ipsam, & non in ipsa, quod necessarium unice est pro objecti repraesentati icone ibidem clare & distincteque efformanda; Ideo, ut Myopibus, aut Praesbytis succurramus, congruam inde lentium structuram seligimus, quibus idonea perspicilla provido consilio ipsis construimus.

Sed me sero fortasse nimis ab admirandis hisce Chymiae, Anatomiae, & Philosophiae amoenitatibus plus aequo deductum fuisse, & sublimiter abstractum nosco. Jam jam è diverticulis in viam propero. Haec omnia supra recensita jure, & quidem merito hic erant singillatim subjicienda, ut commodius ostenderem, qualem quantamque utilitatem toti Medicinae attulerint veterum, & praecipue recentiorum Medicorum labores; propter

ter quos modo eos Chymiae indefinentibus experimentis, modo Anatomiae accuratissimis perquisitionibus, modo Philosophiae abstrusis speculationibus, observationibus, supputationibus, aliisque hujusmodi ab hisce pendentibus studiis indefesse occupatos fuisse, quammaxime Litteraria tota Respublica admirata semper fuit.

Me hercle haec omnia ampliasse quamplurimum, ditasse, atque rationalem ultro Medicinam reddidisse quidem constat; ipsam tamen perfecisse, atque ad optatum tandem maturitatis terminum unquam esse perductura, nemo satis intelliget, nemo satis probabit. Siquis enim philosophicis hisce arduioribus doctrinis instructus, sanioribus Theoricae medicae documentis undecunque potitus esset, nil autem, parumve saltem de practicis solidioribus cognitionibus sibi comparandis sollicitus fuisset; quamvis hinc sapientibus loquendo, disputando, differendoque satisfacere potis esset: nullos tamen hinc unquam morbos, nisi fortuito curaret, quorum symptomata, generalesque causae funditus ipsi perspecte caeteroquin forent.

(19) *Per varios casus Artem experientia fecit*

Exemplo monstrante viam.

Sine hac Medicus, etsi optime eruditus, nunquam AEgrotantibus satis utilis evadet. (20) *Non enim humani ingenii partus est Medicina, sed observationum filia, non arbitrariis inventis, non pomposis nominibus & medelis decipientibus Homines novitatem affectantes curantur AEgroti, sed quae aliis profuerunt, remediorum observatione & applicatione.*

Hac de causa non paucos passim clarissimos Viros videre contingit, qui etsi Theoreticis scientiis suis sublimis doctrinae sale perbelle conditis quorumlibet admirationem sibi merito conciliare valeant, si ex cathedra in primariis Academiis disputent; antehabita existimationis decus ex toto fere deperdunt, dum ad AEgrotantes accersiti de Morbi genuina idea, individualibus causis, atque congruentibus ipsi praesidiis medicis differere coacti sunt. Quare omni jure in hujusmodi Medentium theoricorum opprobrium Silvium De Le Boë sic locutum esse constat: (21) *Malim uti Medico empirico, idest secundum experientiam Praxim exercente, quam theoretico ex suis ratiociniis & figmentis Medicinam faciente.* Hujusmodi ratiocinia & figmenta, quibus quandoque absque congrua praxi ad pompam potius, quam ad utilitatem nonnulli gloriantur, sicuti AEgrorum curationibus frustranea penitus evadunt, ita & ipsius Artis decori & augmento non parum obstant. (22) *Revera tandiu profecit medendi Ars, quandiu sapientiae addicta, operandi feliciter, non erudite interpretandi rationes quaesivit; hinc, quod Artificum dedecori vertitur, progredi desit Ars, ex quo coepit philosophari.*

Ad AEgrotantes ideo frequenter & sedulo est accedendum, ut solidioribus

(19) *Manil. lib. 1.* (20) *Petr. Ang. Pap. in sacr. Auct. recent. Crit.*

(21) *Silv. De Le Boë prax. lib. 2. cap. 23.* (22) *Hequet de purg. Med. cap. 17.*

dioribus. Praxeos cognitionibus illis potiri possimus, a quibus non sola Morborum ingeniosa explicatio, sed tutior citiorque sanatio, in qua unice Medicinae utilitas consistit, derivari vere potest. Quamobrem sano certe consilio Baglivius expertissimus Juvenibus Medicis inculcat, ipsos (23) *Doctiorem librum non inventuros quam AEgrum ipsum, cujus Morbus illis diligenter observantibus multa scitu digna brevi ac fideliter aperiet, quae molesta plurimum annorum lectio praestare forsam non poterit.*

Attamen nemo hinc unquam credat, me tam caeco mentis criterio ductum esse, ut physiologicas sagaciores speculationes a Chymia, Anatome, & Philosophia Mathesi famulante petitas è penu Medico ablegandas esse, stulte contendam, tanquam vanas, atque ad AEgrotantium salutem, ipsiusque Artis decus & augmentum nil penitus conferentes. Tantum enim abest ut a sublimioribus hisce doctrinis unquam abhorream, ut eas semper pro ingeniolo meo indefessis studiis asciscere mihi curaverim; utpote qui Empiricorum chimaericas nugas veteratoriis Assentatoribus relinquens, a doctissimo Celso ipso didici (24) *Rationalem quidem Medicinam esse debere: instrui vero ab evidentibus causis, obscuris omnibus non a cogitatione Artificis, sed ab ipsa Arte rejectis.* Tanta quippe est Praxis ad veram Theoriam, & Theoriae ad solidiorem praxim relatio, ut una ex his deficiente, altera prorsus vana & inutilis evadat. Etenim (25) *Ars medendi* (asserente expertissimo Vallesio) *duobus quasi Cruribus incedit, experientia & ratione, quae cum altero crurum deficit non potest per media opera percurrere: sed multa omit- tens necessaria, transibit, ut quae uni cruri innituntur Animalia.*

Praxis seu observatio, quae rationis prima jecit fundamenta, a Medicinae usque incunabulis Theoriae materiam suppeditavit, in qua morborum occurrentium characteres varios intime magis pervadendo, & medicamentorum adhibitorum peculiare conditiones varias scrutando, haec mutuo comparare potuit: eorum discrepantes causas perquirere atque distincte assignare, & tandem ad nova ultro invenienda aditum sibi parare, mediis quibus successive Theoria Praxi ipsi famulari coepit, atque ultro magis inserviet, quo usque Posteris ratiocinationum suarum fundamentum inde delumant, unde primo ratio emanavit: a repetitis nempe observationibus quotidiana praxi ad trutinam optime revocatis. Id ipsum aperte testatur doctissimus de Moor hisce verbis: (26) *Experientia varia suppeditat ad argumentationes medicas necessaria, ratio disponit; illa colligit, haec dijudicat; utraque autem Artem nostram perficit. Hac via multa praeclara inventa sunt, & reliqua deinceps invenientur, si quis inventorum gnarus ex his ad perquirendum procedat. Quicumque vero his omnibus rejectis, & repudiatis aliam inventionis viam, aut modum aggreditur, & aliquid se invenisse jactat, is cum fallitur, tum alios fallit.*

Hinc

(23) Bagliv. lib. 1. cap. 7. (24) Celsus in praef. (25) Valles. controvers. lib. 3. in praef. (26) Barthol. de Moor Cogit. Med. de instaur. Med. lib. 1.

Hinc sano profecto consilio, communibus undecunque clarissimorum Virorum annuentibus votis, id tanquam certum ab omnibus acceptum est: non solas observationes, etsi diligenter perpensas, etsi graphice exaratas, atque ad Hippocratis mentem fideliter conscriptas, rationali efficiendo Medico, Artique ipsi firmandae, ditandae, ampliandaeque sufficere: cum non paucae ex illis sub veritatis obscura simulatione, quandoque mendacium intrinsecus habeant: quod solus clinicus Medicus nihil penitus discurrens, sed tantum videns & adnotans, detegere unquam haudquaquam poterit.

Oportet ideo, ut, antequam Medicus habitis observationibus fidem praestet, eamque ab aliis immature nimis expetat, eas adamussim perpendat, & quidem solidiorum rationum congruis adhibitis momentis, quae tum ab Anatomia, tum a Chymia, tum a saniore Philosophia, uno verbo a veridica magis Theoria mutuanda erunt. Tali adminiculo habitas observationes cum aliis rite conferet: Aegrorum differentias a varia temperamentorum veridica, aut saltem verosimili symmetria tuto desumet: externas quaslibet, internasque propositi morbi causas acri iudicio pensabit: Remediorum praesertim vires attinget melius, quorum operationes praeconcepta plerumque opinione potius, quam sana mente perpendi solent: ac denique sic planam magis sibi parabit viam, ut ad alias obtinendas veridicas observationes tutiorem sibi aditum faciat. Quamobrem jure merito praestantissimus Fridericus Hoffmannus sic statuit. (27) *Neque tamen sufficit practicarum tantum observationum uberi instructum, esse apparatus, sed accedat etiam necesse est solida in anatomicis, Physico-Mechanicis, Chymicis scientia, sive vera Theoria Medica, quae clavis historiarum de morbis, & causis diversissimorum phaenomenorum eruendis inservit &c.* Ad haec porro animum rite intendere, cuique primo necesse est, qui veridicas sibi asciscere in morbis observationes tentet, eas nempe, quibus arrepta occasione in occurrentibus quibuslibet symptomatibus, tum ad certius judicandum, tum ad tutius curandum uti commode possit.

Hoc unum tantum super hac re sedulo animadvertendum cuique propono, & praesertim quibuslibet vix a Medicinae limine sapientiam paulatim forbentibus: quod Theoricae speculationes, utpote ante dictis amoenioribus scientiis innixae, Studentium animos ita alliciunt, ut totum persaepe Hominem auferant. Qua de re ingeniosis hisce ratiocinationibus assueti, atque discursuum multiplici speciosa varietate attracti, non tam facile ab iis se discedere patiuntur, ut ad materialia Objecta exteriores potius sensus, quam interiores potentias afficientia animum convertant, ad ea nempe omnia, quae ad taedium usque ab Aegrotantibus, ab Adstantibus diligenter perquirenda sunt, atque seorsim accuratissima patientia perpendenda, ut rectum de occurrentibus morbis

B

judi-

judicium facilius emergat. De hisce praesertim appositeque admodum Juvenes sic admonet clarissimus Lancisius. (28) Sedulo tamen cavendum ne (ut saepe contigit) specie ac praestantia harum disciplinarum ultra metas Juvenes abripiantur. Non pauci enim dum eorundem pulcritudinem evidentiamque sectantur in abstrusas & omnino obscuras Metaphysicae, Analysis, Algebraeque inquisitiones, & problemata sese abdunt penitus & immergunt. Et sane qui Geometriam diu tractaverint, ingenium utique acre vividumque efficiunt. Verum tamen imaginandi facultatem ita laedunt atque enervant, ut ineptam pene reddant tot tantisque genere variis, natura diversis, quin immo saepe contrariis noscendis, tractandisque naturalibus rebus, quas Medicus experiundo magis, quam meditando consequitur.

Hinc, dum pulcherrimas hasce sublimes cognitiones intellectum quammaxime ditare, noscimus, Medicum certe haudquaquam perficere, non ignoramus. Etenim quo magis quispiam omnigena hac scientia imbutus clariores Philosophantes alios loquendo, ratiocinando, atque egregie disputando antecellit, atque veluti praestantissimus Philosophus omnium votis habetur: eo magis potioreque jure ab expertissimorum Medentium, agendo magis quam loquendo opem Aegrotantibus ferentium, coetu distare credendus est: nisi ante dictis multiplicibus cognitionibus completum selectiorum observationum acervum primo adiunxerit; quod utique nemo brevi vitae nostrae spatio praestare unquam satis potest: cum utrinque tam diuturna, tam laboriosa emergat opera, ad cuius complementum nullus homo etsi maxime longaevus unquam sufficiet.

Haec sedulo animadvertisse Celsum, adnotare quilibet potest, ubi distincte docet, (29) Sapientiae studiosos maximos Medicos esse, si ratiocinatio hoc faceret; nunc illis verba superesse, deesse medendi scientiam. Ab operibus enim, non a verbis, a medicamentis, non a ratiociniis, ab experto tandem Medico, non a disertissimo Philosopho salutem expetunt Aegrotantes, ipsamque tuto sperare ipsis datum est. Quid autem cuipiam prodest excelsum se Philosophantem accuratissimum praestare? Dum Medicam Artem specialiter profitendo ipsi ineptus prorsus reperitur, & quidem ineptior tot aliis, qui nec Philosophia quidem a limine salutata, omnibusque penitus destituti sublimioribus scientiis, frequentibus tantum Aegrotantium diligentibus visitationibus, morborumque practicis simplicibus speculationibus, congruo Remediorum sibi parato promptuario, arrepta occasione Morborum essentias non infructuose proponunt, atque solis erutis a memoria signis, differentias quascunque satis attingunt, nulloque habito respectu ad internas causas, quas ipsi scrutari penitus nesciunt, analogum remedium proponunt, ac morbos vincunt; unde majore isti merito in praetio communiter habentur, quam priores Medici, etsi sapientiam omnigenamque doctrinam undecunque crispata fronte tumidaque facie frustra eructantes.

Nullum

(28) Lancisius dissert. de Med. Stud. (29) Celsus in praef.

(30) Nullum ex his, quae sola ratione concluduntur, fructum percipere licet, verum ex his, quae operis demonstrationem habent (divinus Senex in praenotionibus admonet, & subdit) Fallax enim & ad errorem proclivis est asseveratio, quae est cum garrulitate conjuncta. Quo circa his, quae sunt in universum insistere oportet, & circa ea vel maxime versari, si quis facilem, & eum extra culpam habitum, quem certe Medicinam vocamus, sibi comparare velit. Maximam enim utilitatem tum Aegrotis, tum iis, qui illorum res administrant, comparabit. Neque vero pigeat ex Plebeiis sciscitari siquid ad curandi opportunitatem conferre videatur. Sic enim censeo Artem universam commonstratam fuisse, quod singula ex fine observata, & ad eadem aggregata fuerint.

Haec tutior atque utilior via est, quam tanto duce Magistro sequi debemus, ut pristinum Medicinae restituatur decus, atque ultro magis magisque augeri queat: quod maxime refert pro communi salute, Medicorumque propria existimatione, quam certe parvi eos facere, supra ostendimus, quos Polymathiae gloriosus & Medico inutilis pruritus extra Medicinae cancellos misere ex toto abducit.

Veridicam Sciolorum hujuscemodi Medentium picturam ad vivum optime delineatam pro assumpti mei probatione ab eruditissimo Hequet placet hic ultro in prospectum ponere (31) Videas non paucos naturalis historiae rebus insuccatos, vel Medicinam totos eructantes, nihil tamen minus quam Medicos; Medendi enim peritia vacui sunt, utpote qui Artis amoenitates venando, utilitates omisere. Errandi occasio fuit de Medicina praeconcepta opinio, illam eruditionis titulo habuerunt, qua multa scire debet, cum sapientia sit, qua multum scire convenit. Concedendum interea Medicum non deducere Polymathiam, at illum non facit, adjuvat tantum aptiorem Medicinae reddendo: igitur ut eruditio omittenda Medico non est, facienda pluris est sapientia.

Aurea profecto verba tantoque Viro digna? Veram expetant sapientiam, qui Aegrotantibus salutem vere adferre contendunt. Eruditionem non omittant, eam tamen solummodo curando, quae satis utiliterque docet, non eam, quae nimis absque fructu instruit. Ex Chymiae, Mathesis, & Philosophiae uberrimo penu ea tantummodo haurire satagant, quae ab evidentibus causis, non autem ab obscuris, ut Celsus indicat, emanare facile noscant; reliquis omnibus otiosae subtiliorum Philosophantium operae, non pro utilitate Hominum, sed pro ingeniorum fertili pabulo inventae, prorsus relictis; ideoque satis ipsis sit congruas induntaxat generales cognitiones illas eruere, quae absque eo quod Medentium mentes per mille ambages infructuose abducant, commodius tutiusque ad veridicas Morborum indagines eos dirigunt, rejectis facultatum chimaericis commentis, quibus alias tota solidioris Theoriae machina debiliter inhaerebat. Etenim si ab ante dictis scientiis peculiâres quaslibet, atque individuales praesertim ratiocinationes illas eruere con-

tendant, quae in quocunque indiscriminatim AEgrotante naturales & morbosas affectiones quaslibet specialiter detegere valeant:

(32) *Una opera ebur atramento candefacere postulant.*

Tanta quippe est, & fuit, eritque semper inter quemcunque Hominem internarum omnium partium, tum singillatim, tum summatim sumptuum discrepantia: quantam & quo ad externas partes diversitatem oculis ipsis attingere, cuique datum est. Nullum enim unquam Hominem alteri prorsus similem, sive quo ad vocem, sive quo ad incessum, sive quo ad faciei delineamenta ullus invenire unquam poterit: quod & de interna quoque organizatione pariter verum comperitur.

Quis ergo mathematicis tutioribus famulantibus demonstrationibus in possibili quovis AEgro speciales OEconomiae animalis leges, propter quas optima fruitur valetudine: aut peculiares morbosas deviationes varias, unde ipse variis modis aegrotat, audebit indicare? Si nil penitus ipsi tanquam certum conceditur, a quo ad ignota quaelibet possibilia eruenda more geometrico gradum facere queat. Quod si incertis prorsus nec satis unquam probatis mathematicis suppositis inhaerere Medicus melius amat, quam tutis aliis minus fallacibus cognitionibus non vi philosophantis chimaerice ingenii, sed oculi tantum naturae obvios mores indefessa attentione lustrantis, detectis; caveat, quaeso ne ingeniosis hisce facibus nimium allucinatus, rectam iudicii semitam deferat, unde pessime progrediens, incongruam inde ex toto curationis methodum in AEgrotantium perniciem assumat. Etenim cum Lucretio sciat: quod

(33)

si prava est regula prima,

Normaque si fallax rectis regionibus exit,

Et libella aliqua si ex parti claudicat hilum,

Omnia mendose fieri, atque obstipa necessum est.

Dicam ideo cum eruditissimo de Moor, quod (34) aestimare nos ab abstractis speculationibus & mathematicis figuris, multum posse adjuvari in curatione Morborum, ego eo usque non admitto, donec usus id me clarius doceat. Corporis quippe nostri compages longe est subtilior, pororum major diversitas, textura particularum longe magis stupenda, quam ut ad triangulum, parallelogrammum, sphaeram, cubum &c. reduci queat.

Nihilo tamen secius Mathesi quammaxime Medicina tota debet, a qua tutiorem ratiocinandi methodum, aliaque quamplurima mutuata est, quae ad renixus solidorum, ad saniores motus leges tum in fluidis, tum in solidis, atque ad alia innumera, quae supra breviter attigimus, spectant: quae quidem generalia suppeditant documenta, quae etsi in quocunque individuo talia vere esse, nemo dicere unquam ausit, mentem

(32) *Plaut. in Most.* (33) *Lucret. lib. 4.* (34) *Barthol. de Moor Cogit. de instaur. Med. lib. 1.*

mentem tamen per tutiorem dirigunt semitam, longe admodum a somniatis veterum speculationibus.

Absit tamen, & quidem longissime absit, ut quo magis sanioribus hisce necessariis cognitionibus avide nimis mentem ditando, sublimem sibi existimationem asciscere Medentes curant: eo minus se AEgrotantibus utiles reddere practicis necessariis documentis fatagant; quod, pessimo nescio quo fato hisce temporibus praesertim contingere, dolendum maxime est: dum plerique Medici ingeniosissimis ut plurimum philosophicis dissertationibus tantum, aut Mechanico-Medicis eruditissime exaratis Medicum aerarium augere quotidie quacrunt; pauci autem ex accuratis observationibus solidiores eruendo doctrinas, peculiarium quorumlibet Morborum exactam descriptionem pro bono publico diligenter perficere tentant.

(35) *Apparent vari nantes in gurgite vasto.*

Harum autem observationum feraces libri universam praxim, juxta recentiorum Medicorum nova inventa, atque ratiocinationes, in prospectum ferentes, ideo magis utiles evaderent, meritoque pluris essent aestimandi: quia ab iis ictu oculi arrepta occasione eas eruere cognitiones Tyrones possent, a quibus rectam magis obtinerent methodum, ad curationes satius dirigendas; individualibus nempe inde habitis signis morbum ipsum, adjunctaque symptomata, & familiares ipsius mutationes indicantibus, atque validioribus inde habitis remediis: quae omnia a veteribus tantum Practicis obtinere datum est. Hoc autem maturesciente aetate ex quotidiana praxi, ad trutinam rigoroſe perpenſis quamplurimis, quas jam teneo, peculiaribus observationibus, pro viribus meis me facturum aliquando, promitto.

Vera Medentis sapientia AEgrotantibus utilis, post necessarias, non autem supervacaneas sanioris Theoriae cognitiones, ab iteratis praesertim clinicis observationibus mutuanda itaque est. Etenim (36) casus clinici (asserente Friderico Hoffmanno eruditissimo) & *completae de Morbis historiae unicum & verum Pathologiae, & Therapiae rationalis fundamentum constituunt, sine quarum sufficiente apparatu nihil solidi Medicus in Theoria statuere, neque in praxi praestare & efficere potest.* Sola praxis veram & justam exhibet trutinam, qua & Theoriam ipsam ponderare recte possumus, eandemque illi absque praejudiciis adaptare, ut solidissima emergat Medicina. Verum namque est, quod (37) paulatim practicae Medicinae se comitem addidit, & socias vires junxit Theorica, reverenter tamen circa illam tanquam parentem se gerens, rationem quippe facto, non factum rationi accomodans.

Laudabiliter sic vera potitus Medicina maximam semper apud omnes commendationem pro suo atque Artis simul excelso decore quilibet me-

B 3

rito

(35) *Virgil. Aeneid. lib. 1.* (36) *Frid. Hoff. part. 2. Tom. 4. in praef.*

(37) *Bern. Ramaz. Orat. 8.*

rito obtineret Medicus: tum AEgrotantes cito, tutoque, & jucunde sanando, tum & de Morborum eventibus certe pronunciando.

(38) *Quae sint, quae fuerint, quae mox ventura trahantur:* quod maxime interest. Namque teste Vallesio, (39) *Nihil est quod tam reddat Medicum aliis Hominibus admirandum, quam pars prognostica, quippe quae sola videtur esse supra humanam conditionem.* Proinde divinus Hippocrates, cum reliquarum Medicinae partium laudes operibus ostendat potius, quam verbis celebret, tamen prognosticam multis nominibus commendavit: Et quod major fides habeatur Medico, qui quae AEgro evenere, aut eveniunt modo, aut eventura sunt, praedicat, eoque plures se illi audeant concedere; & quod etiam cum AEgrotantes intereunt, credatur culpa vacare, si praedixit: quodque praenoscendo futuras affectiones melius multo curationem moliatur.

Ad uberem autem hanc practicarum cognitionum suppellectilem, hi-
sce omnibus mirabiliter faventem, assequendam tutius: non satis certe est morborum quorumlibet accuratas & singulares observationes contexere: sed & varias temporum constitutiones distincte perscrutari necesse est, quarum habita discrepantia variae etiam morborum ideae emergunt, cum ab iis proximam, aut saltem quamproximam fortiantur originem. Ob hanc causam sano certe iudicio divinus statuit Senex, quod (40) *qui Artem Medicam recta investigatione consequi volet, is primum quidem Anni tempora in considerationem adhibere debet, quid horum quodque possit; quibus positis Regionum etiam, & ventorum, & aquarum singulares conditiones distincte perscrutandas proponit.* Haec omnia cum non tantum indicasse, sed & accuratissime praestitisse, ex aureis operibus suis satis & ultro patet. Id autem eo magis necessarium esse constat, cum Morbi omnes ad triplicem vulgarem illam classem reducantur: ad Sporadicos nempe, Endemicos & Epidemicos; qua de re non AEgrotantium tantum quorumlibet singularis habenda est ratio, sed & Regionum, & Anni temporum, unde ipsi speciatim derivantur. Haec tutior est ad veram Medicinae sapientiam semita, quam & doctissimus Sydenhamius & Ramazzinus, & Lancisius, & Hoffmannus, aliique quamplurimi hujusce & transacti saeculi clarissimi Viri laudabiliter percurrerunt.

Horum doctissima sequens vestigia tribus circiter ab hinc annis ad occurrentium quorumlibet Morborum, & praesertim peculiarium fidelem diligentemque observationem, atque descriptionem perficiendam animum induxi, atque in posterum, donec vixero, indefinenter facere decrevi. Ad hoc autem hac praecipue ductus ratione fui, quod, posteaquam completam occurrentium epidemicarum constitutionum historiam per longum tempus continuatam graphice exaraverim, atque in unum redegerim, clariorum semper Auctorum clinica documenta perpendens, atque
cum

(38) *Virgil. Georg. 4.* (39) *Valles. controuv. lib. 10. in praef.*

(40) *Hippoc. de Aere Aq. & Locis.*

cum occurrentibus successive Morbis exactissime conferens : multiplicem mihi selectiorum observationum messem satis amplam comparare tractu temporis possim, cui firmiter inhaerens completum universae Praxeos medicae opus de singulis agens morbis exarare queam, quod jam incoeptum prae manibus habeo. Trigesimum tertium vix nunc aetatis annum attingo, & decimum quintum ex quo Medicinae initiatus Praxim medicam colere coepi. Quamobrem nisi immatura Mors, quae per saepe

(41)

rapit Juvenes prima florente juventa

mihi filum abrumpat, non immerito ausim polliceri, me ineunte aetate non incompletos universae Medicinae canones quorumlibet Morborum curationibus optime & singillatim faventes tutius firmitusque sic completurum esse : quod universo medico orbi nec inutile, nec ingratum ex toto futurum, spero, utpote expetito ab omnibus solidioris Medicinae augmento vere conducens.

Ut opus ideo hoc solidiore inhaerere fundamento posset, non meum tantum, quod quidem minimum est, sed clariorum omnium Virorum, quorum plusquam ante aetas nostra ferax maxime reperitur, super opusculis meis & consilium & judicium mutuandum erat, ne quispiam postea ea jam peracta, aut tanquam vana, aut tanquam falsis innitentia suppositis laceffere, condemnare, atque abjicere jure posset, meque laborum meorum praemio (quod unice ex communi salute in patrio degens museolo enixe exopto) frustratum ex toto relinquere. Hac de causa, quotannis, aut saltem post binos ternosve transactos annos, pro ut quotidianae indefinenter praxeos curae mihi permittent, observationes habitas, atque in unum pro tenuitate mea redactas publicae luci donabo, ac quaecunque de iisdem judicium meum Medicorum selectissimo coetui submittam, ut ab ipsis, super exhibitis benevolum judicium habeam, tum ut melius opus jam incoeptum dirigam, si opus sit: tum ut novis, quas ipsi suppeditare mihi non graventur, cognitionibus, & observationibus magis augeam atque perficiam.

Interim trium proxime transactorum annorum medicas observationes hic qualitercunque conscriptas teneat Lector benevolus: quas quidem me absque ullis hujusce potius, quam illius Theoriae praejudiciis exarasse, juxta doctissimi Sydenhamii monitum, certo asserere possum. Scio equidem, sicuti in physicis, ita & in medicis speculationibus aequam libertatem servandam esse, nullisque sententiis illum debere mancipari, qui veritatem in obscuro maxime latentem investigare tentat; quod eo magis in rebus medicis attendendum sedulo est, quo magis ipsae opinabiles plerumque, & conjecturales sunt. Theoricas tamen hinc inde explicationes pro ingenio meo quoquo pacto habitas aliquando subjiciam, pro ut occasio postulabit: ne & agendo, & scribendo, empiricam me Medicinam professum fuisset

B 4

se

(41) *Virgil. Eleg. in Moecen. obit.*

se, aliquis possit arbitrari; cum rationalem caeteroquin, nullis tamen commentis, auctoritatibus, aut ratiocinationibus omnimode devinctam, sed praesertim observationibus inhaerentem semper amaverim.

Verum si haec omnia, quae in adnexis observationibus proponuntur, alio modo ab aliis observata esse dicantur, utpote alio systemate praevio, diversaque methodo curationes dirigente; non hinc falsitatis accusari merito unquam potero; sive quo ad methodum, qua feliciter utens, me tutius faciliusque AEgrotantes a Morbis liberasse putavi; sive quo ad Theoricas hypotheses, quibus alter forsan aliter fulcitus, alio modo haec melius explicari posse, pro certo habebit. Etenim quod ad methodum a me servatam spectat, aliam non condemno, dum meam propono, de qua Sapientiorum iudicium anxie exopto. Scio enim in rebus medicis, utpote conjecturalibus, varios varia atque aeque laudabili ratione incedere posse. Si tamen faustus exitus curationibus meis plerumque arrisit: satis id mihi videtur esse ad rationem a me in Praxi servatam non incongruam demonstrandam. Quod vero ad Theoricas explicationes attinet: de his nil penitus sollicitus ero: & quod alii aliter sentiant, nunquam reprobare contendam, cum nullis penitus sententiis mancipatus omnimode sim veritatis genuinus & nudus amator; propter quod modo ab hoc, modo ab illo systemate rationes mutuari satius duxi, pro ut melius juxta occurrentium morborum indolem, variam symptomatum seriem, atque maxime juxta observationum diligens examen, mihi visum fuit. Loquar denique cum doctissimo Sydenhamio quod, (42) *si quis hic objiciat alios aeque in hac Arte versatos non idem mecum de his rebus sentire; meum non est, quid sentiant alii, disquirere, sed meis observationibus adstruere fidem, quod ut faciam, Lectoris patientiam desidero tantum, non favorem. Res ipsa etenim brevi loquetur.*

Agam hic specialiter de genuina peculiarium morborum pectoris origine, de varia symptomatum iisdem competentium serie, de eorundem transmutationibus, & judicationibus, atque de rationali magis ipsis congruente curatione, & prognosi. Idem praestabo, cum de tertianarum Februm varia indole, & exitu, tum & distincte de petechialium febrium natura, progrediendi modo, atque phaenomenis variis sermo habebitur. Hac eadem occasione ea omnia evertam vulgaria praejudicia, tum Theorica, tum practica, quae passim in earundem curationibus circumferri solent, tum ad peculiaria ipsorum symptomata explicanda, tum ad congruentia magis ipsis remedia seligenda; sicque quamplurima alia commenta rejiciam, quae distincte proferre non erubescunt ii, (43) *qui sine ullo iudicio inventa majorum probant, atque ab aliis pecudum more ducuntur.* Aliorum etiam morborum hinc inde historias contexam, atque singulares observationes, quas mihi contigit identidem attendere. In hisce vero morbis

(42) Sydenh. in praef. (43) Lactant. instit. 2.

bis fervatam a me curationis methodum, quae idonea magis visa tunc mihi fuit, exacte ostendam, atque praefertim remedia illa omnia, quibus tunc uti satius duxi.

Porro haec omnia trepidanti admodum animo lucubravi, ab incoepto opere manum fere non semel revocaturus optime conscius, quod (44) *difficile est hoc saeculo fastidiosissimo scripta sua publici juris facere. Plures aliorum labores censoria virgula notare gestiunt. Attamen timoris & pudoris ingenui repagula perrupi: quia (45) utile est Medicos, ea, quae ad AEgrotantium salutem observarunt, benigne aliis communicare.* Praeterquamquod parcendum mihi merito videbatur ultro, si haec omnia inconcinne magis, minoreque forsan, quam operae praetium postulabat, diligentia exarata, sint, inter assiduas praxeos curas, propter quas animus satis superque defatigatus vix modicum inde tempus studiis diligenter insumendum surripere potest. Quamobrem si haec sapientibus Viris toto animo pro libito & commode studio deditis parum arrideant, cum Seneca gratiose animadvertere non graventur, quod (46) *nulla res bene exerceri potest ab Homine occupato.*

Certe si aliud mihi munus inesset, quod majus mihi concederet otium, pro meis certe, & Lectorum votis assumptam mihi operam melius fortasse perfecissem, atque in posterum melius etiam praestare possem. Hac eadem de causa si quisque sciat, me non Rhetoris perfectissimi, sed Medici tantum munus quomodolibet profiteri: ingenii mei tenuitati, & scribendi modo parcere non recusabit; cum aequum tantum Lectoris benevoli iudicium meo muneri consonum, omnemque amorem anxie vehementerque exoptem, ne in incoepto vix opere animo deficiam, quin immo ut magis ultro promotus sim ad reliqua jam promissa assumenda, atque ad calcem perducenda. Id autem eo magis mihi deberi semper credam, quo magis haec ad utilitatem tantum non ad pompam, non ad gloriam conscripta sunt; Quare cum elegantissimo Poeta sic effari non verebor:

(47) *Da veniam scriptis, quorum non gloria nobis
Causa, sed officium, utilitasque fuit.*

Hisce positis, si quis adhuc malignante tantummodo natura ductus, (quorum neminem unquam existere credam) injuriosis dictis labores meos tanquam inutiles divellere tentaret, aut quomodolibet me injuste offendere: sciat me ad haec nil penitus animum admoturum, dum organientes hujuscemodi Blaterones nunquam curabo, propter quos ab incoepto munere removeri haudquaquam potero. Etenim cum Platone semper dicere non erubescam (48) *Talia quidem nostra esse, non qualia quis optaret, ut trito proverbio fertur, sed qualia esse possunt: simul agnoscentes alium reperiri posse, qui plura & meliora in hoc argumentum conferat, qui vero omnia, neminem.*


(44) Barth. de Moor in praef. cogitationum &c. (45) Idem ibid. (46) Seneca de brevitate vitae cap. 6. (47) Ovid. 3. de Pont. Eleg. (48) Plat. in Hipp. Mayor.

SECTIO PRIMA

Constitutio Epidemica partis anni 1733.

CAPUT PRIMUM

Febris Tertiana exquisita.

I. ON aliter certe melius assumpto muneri satisfacere me posse pro certo habui, dum peculiarium morborum, qui transactis proxime tribus annis 1734., 1735., & 1736. nostro sub Coelo grassati sunt (*Epidemicorum* nempe praecipue, tum & aliorum quorumlibet, quos & *intercurrentes* seu *sporadicos*, & *stationarios*, aut alio quovis nomine appellare solemus) exactam historiam conscribere mecum ipse statueram; quam si ab aestivis usque praegressis mensibus anni 1733. totius operis exordium sumerem, habitorum nempe tunc morborum indolem, mutationes, transmigrations, & exitus varios accurate conscribendo. Tantam quippe illorum cum subsecutis morbis relationem, seu cognationem quamdam animadvertere potui; ut isti ab illis quasi per successionem derivari viderentur, atque ab eorundem admirabili profecto transmutatione, aut pertinaci saltem, ut ajunt, recrudescencia pendere. Quamobrem nec illorum progressus & terminos, nec istorum

genuinas origines & derivationes perpendi adamussim posse, mihi videbar; nisi de illis primo distincte disserens, ad subsecutorum inde morborum descriptionem omnibus numeris absolvendam, faciliorem mihi, tutioremque aditum pararem.

II. Aestate praedicti anni 1733. ingentibus plus solito caloribus atque diutius perdurantibus Aer ferbuit. Aestus enim paulo post Vergiliarum ortum primo insurgens, successive magis magisque adauctus est, usque dum, cum

(1) *Acer anhelantes incendit Sirius agros,*

sequenti toto Augusti mense vehementius vires suas ultro exereret, usque ad octavam circiter Septembris diem, non procul scilicet ab Autumnali Aequinoctio. Ideo autem hisce mensibus eo saevius caloris dominium passi fuimus, quo rarius aut occurrentibus nubibus ab indefinitibus radiorum Solis ictibus tellus defendi unquam potuit: aut congruo imbrium beneficio inadesieri: aut provido Septentrionalium saltem ventorum afflatu gaudere.

III. Hinc paulo post aestivum Solstitium Tertianae febres magna in copia

(1) *Stat. 3. Syl.*

copia caput extulerunt. Non eodem tamen eae semper passu incedebant, sed varia ratione progrediendo, variique stipatae *symptomatibus* modomajus, modominus negotium Medicis facessere visae sunt. Omnes tamen ad duplicem reduci classem merito poterant: ad exquisitas nempe violentius insurgentes, & nil penitus ut plurimum aestimandas: atque ad spurias, ut ajunt, alias, quae etsi sub initio mites simularent accessiones, in progressu tamen aut gravissima praeseferebant *symptomata*, propter quae in discrimen vitae Aegrotantes manifeste conjiciebantur; aut diu admodum protraherantur chronicas alias accersentes Aegritudines; propter quod utrinque perniciosae quammaxime evadebant.

IV. Februm istarum omnium peculiare attingere mores, ipsarumque varios motus ab adnotatis toties signis in prospectum ponere, non ~~abs re~~ crit, nec inutile forsan. *Tertianae* haec febres, quae primo prope, aut paulo post Aestivum Solstitium quamplures invasere, plerumque benignae indolis erant, solos *Exquisitae* simplicis intermittentis, sive mavis, legitimae characteres tantum proferentes.

V. Ista autem Corpora optime constituta, atque caeteroquin bene valentia, nec incongruo victus regimini assueti ut plurimum corripiebant. In hisce praesertim *Almeliletu* (quo nomine cum Arabicis, & antiquis aliis Medicis intelligo praevias immediatas ad febrim disposi-

tiones, quae proprie febrim non constituunt: seu cutis calorem plus solito adauctum, universalem lassitudinem, inedia, atque alia hujuscemodi, quae varia in variis occurrunt, pro varia Aegrotantium constitutione & febris ipsius natura) in hisce, inquam, post *Almeliletu* universale sequebatur forte frigus, aut rigor etiam modo longior, modo brevior, aut plus minusve protractus, habito respectu ad vim causae febrem producentis.

VI. Rigor iste in primis accessibus semper mitis, successive augebatur in subsequentibus usque ad tertiam, quartam, aut etiam quintam diem: quo transacto tempore, ad remissionem vergente morbo, & ipse minor semper reddebatur, usque dum non raro post quintam plerumque post septimam accessionem statim omnimode solveretur febris: juxta Hippocratis monitum (2) *Tertiana exquisita septenis circuitibus, quod tamen longissimum est, judicatur.*

VII. Hujusce febris accessiones congruo semper praevio sudore universali solvebantur, & quidem taliter, ut modica excepta virium dejectione, Aegrotantes, soluta ex toto febris, sequenti intermissionis die vix quidpiam antea se aegrotasse sentirent. Plerumque febres hae nullis stipatae *symptomatibus* erant: gravi dempto dolore per longum Dorsi, quandoque etiam capitis; ob fortem Aortae, aliarumque Arteriarum distensionem, a rarefacto in ipsis sanguine, maximoque cum impetu adauctae velocitati proportio-

nato

(2) *Hippoc. Aphor. 59. Sec. 4.*

nato in ipsarum parietes irruente, factam: quod ideo omnes plus minusve experiebantur. Aliquibus tamen Vomitus, aut inanis penitus, aut cum flavae virentisve materiei amaricantis expulsionem, prope febris accessionem, tertia maxime, aut quarta morbi die occurrebat: absque ullo tamen animi defectu, aliisve consuetis *symptomatibus*, quae tertianis aliis contumacioribus, aut magis pernitiolis evenire solent: de quibus postea sermo erit.

VIII. Vomitus biliosi non raro breviorum huiusce Februm terminum statuerunt; tum & croceae affluentes dejectiones, quas post secundam & tertiam etiam accessionem evenisse, atque perfectae crisis loco fuisse, toties observavimus. Sitis tamen cum amaritiae Oris inseparabile fere semper *symptoma* fuit. Quo ad accessionum diuturnitatem, hae vix ad octavam, aut saltem decimam horam protraherantur: quod si hoc tempus transgrediebantur, non modica de febris extensione, etiam post septimam accessionem suspicio hinc aderat: quod saepissime contigit.

IX. Quotiescunque ad huiusmodi exquisitas tertianas febres curandas accersitus fui, non agendo potius, quam aliter Aegrotantibus me prodesse posse, pro certo habui: maxime cum firmum mihi ratumque semper fuerit, huiusce praesertim magis quam aliis febribus illam omni iure convenire Morbi definitionem a doctissimo Sydenhamio propositam, atque ab aliis unanimiter acceptam: eas nempe (3) *nihil esse aliud quam*

Naturae conamen, materiae morbificae exterminationem in Aegri salutem omni ope molientis. Unde & febres tertianas huiusce a magnis liberare morbis, communi fertur adagio. Hinc in earundem curatione haec maxime mihi cura fuit, (quoties tamen mihi libere agere non fuit denegatum) ne quidpiam sagacioris naturae salutare motus, aut plus aequo sollicitarem, aut diverterem, multoque minus malefano consilio cohiberem: sed tantum ut auxiliatrices ipsi manus porrigerem, impedimenta quaeque, si unquam essent, tollens, ipsique tutiorem facilioremque victoriam dextere parando.

X. Huiusmodi est sapientiorum omnium Medicorum in hisce curandis febribus tanquam inviolabile, sicuti & in aliis etiam Morbis, servandum maxime consilium: quod clarius indicat eruditissimus Hequet, dum sic monet: (4) *Talem ergo febrim nactus Medicus, de medicaminibus sollicitus minus, de dieta cogitabit, caetera providendo, quae fluida diluant, leniant solida, vias reserent, arceant obices, impedimenta tollant, in quibus conquiescendo non frustra expectatam febris solutionem praestituto tempore factam, vel nulla etiam sensibili vacuatione data, stupens & gaudens videbit*.

XI. Huiusce de causis nunquam Sanguinis emissionem Aegrotantibus huiusce praescribere solitus fui, & nisi in iis, caeteroquin bene constitutis, in quibus praevia attentam universali plethora, merito suspicandum erat, ne Sanguis aliunde quam-

(3) Sydenh. de Morb. acut. in gener. Cap. I. (4) Hequet Com. Aphor. 59. Sec. 4. Hippoc.

4 Sect. I. Cap. I. Febris tertiana exquisita.

quammaxime extra febris insul-
tum canales adimplens, febrili su-
peraddita rarefactione, majus inde
eadem ratione spatium expetens,
tubulorum tunicas extra limites for-
titer distenderet; unde & graviores
Capitis Dorisque dolores, & univer-
sales partium omnium molestissimas
tensiones, & deliria etiam non raro
occurrere, animadverti: in iis prae-
sertim, in quibus aut vasa Menin-
gum aliarumque partium minores
aequo diametros obtinerent, aut ex
minus flexibilibus fibrillis construe-
rentur: unde Superaddito rarefacti
Sanguinis majori propulsui satis
resistere haudquaquam possent. Ideo
autem eo magis veritati consonam
rationem hanc arbitratus semper fui,
quo saepius attenderim, in maxima
tertianae istius febris, & aliarum
saepius, aestuatione, Narium hae-
morrhagias succedere, maxime cum
de *plethoricis* ageretur Corporibus.
Memini me cruentam urinam toties
observasse in Reverendo D. Zaccha-
ria Vacchello, qui quoties tertiana
febre corripiebatur, prope remissio-
nem sanguinem semper cum urina
expellebat, majore minoreve in co-
pia habita ratione ad febrilem san-
guinis tumultum, juxta febris ma-
jorem aestum, Emulgentium tubulos
ita ampliantis, ut non tantum fe-
rosas urinae tenuioribus moleculis,
sed & fibrosis Sanguinis particulis
liber aditus fieret, ut cum urina
secernerentur.

XII. Id autem ideo in ipso occa-
sione febris distincte evenire putavi:
quia aliquoties etiam sanus, sive ob
violentas Corporis exercitationes,

sive ob aromaticorum, meracioril-
ve Vini usum, aliamve non absimi-
lem intrinsecam extrinsecamve cau-
sam, sanguinolentas & quidem
sanguine intime saturatas urinas ille
excernebat, plerumque crassas ad-
modum & turbidas; unde peculiaris
renalium secermentium porulorum
amplitudo, & laxitas patebat, quae
major reddebatur urgente febre, quo
majus inde fiebat irruentis sanguinis
momentum, ipsius velocitati ob adau-
ctam febrem pari ratione respon-
dens.

XIII. Obeundem febrilem tumultum in hisce febribus tertianis fa-
ctum, seu aestuantis sanguinis fer-
vorem, quandoque *petechiis* exti-
mam Corporis superficiem foedari
arbitror, non secus ac in *petechia-
libus* aliis febribus sic proprie dictis
evenire solet: quod quamplurimi te-
stantur Auctores, ac praesertim
praeclarissimus Homobonus Piso
concivis noster, atque in Academia
Patavina celeberrima Medicinae pra-
cticae Professor eruditissimus in ele-
gantissimis dissertationibus suis de
regimine magnorum auxiliorum; pro
ut & infra adnotabimus, de Macu-
lis illis agentes, quae in *epidemia*
Malignantis Febris Cremonae tunc
grassantis observatae sunt; qua occa-
sione magis veridica *petechiarum*, &
quorumlibet exanthematum origo,
progressus, atque earundem magis
sanum judicium proponetur.

XIV. Vice versa non aliunde pro-
fecto ratiocinari melius possumus,
dum percolatas, ut ajunt, ac fere
aqueas urinas in initio tertianariae
accessionis videmus; quando fibrae
omnes

omnes contrahuntur, atque coarctantur renales poruli: indeque ipsas rubicundas fere, aut alio modo fortiter coloratas, remittente febre post praegressum sanguinis fervorem intuemur: tunc nempe cum adaucta febris, ampliatisque inde secretoriis omnibus tubulis, laxatisque postea solidis, patula magis in Renibus fit via, ut per ipsam, una cum serosis minimis particulis, crassiores etiam aliae percolari possint, propter quod magis minusve intensos colores, crassitiemque variam urinae induunt.

XV. Hisce itaque de causis urgente *plethora*, aut peculiaribus id poscentibus *symptomatibus*, habitove respectu ad familiares suppressas quaslibet sanguinis evacuationes, maxime si de imminente quavis haemorrhagia suspicio adesset, in remissione secundae febris praesertim sanguinis emissionem imperavi, & quidem utiliter; cum ampliore hinc facto tramite circulanti residuo sanguini, parique ratione solidorum relaxatis fibris, praecipui tollerentur obices, propter quos consuetas sudoris criticas expulsiones retardari passim animadverteram: quod fausto plerumque exitu evenit.

XVI. Exinanitis sic vasis, ob congruam sanguinis detractionem, laxatisque per consequens fibris, facilius mihi inde tutiorque fiebat aditus ad purgans remedium exhibendum, sive per inferiora, sive per superiora, pro ut Aegrotantis, aut in orbi peculiaris ratio per hanc potius, quam per illam viam biliosi humoris educationem expeteret. Ad huiusmodi tamen remedium purgans

tunc solum in hac febre confugere solitus fui, cum, aut ex se sola morbi victoriam moliri natura satis non videretur, aut ex praehabito liberaliore victu, aliave de causa de copioso latitantis bilis apparatu certus essem; quem tum ex flavente linguae colore, oris amaritie, ex praegressis non completis expulsionibus, atque maxime ex molesto gravedinis sensu in regione ventriculi, aut prope ipsum satis conspicuo, noscere aperte poteram. Hisce sic stantibus leve purgans utiliter semper propinavi: nempe aut Sirupum rosatum solutivum, quem dicunt, aureum, aut Sirupum ex flor. Persicorum, aut potionem levem clarificatam, cum infusione Rhabarbari, & Tartari albi, atque Pulpae Tamarindorum, addita sufficienti quantitate dicti Sirupi. Huiusmodi pharmaci ope, si qui erant in intestinali tubo crassiorum faecum obices, eos tollebam, simulque tenacem bilem, proprio continentium solidorum suscitato motu, excutiens, necessarias naturae consuetas expulsiones promovere curabam.

XVII. Verum cum de Hellyone ageretur, atque ab iteratis ad vomitum concitationibus cum amaritie oris, & stomachi passione in cholericis maxime corporibus, de latitante prope ventriculum biliosa massa monitus eram; ad Ypecacuanham illico confugiebam, eo maxime ductus consilio, quod, quo natura vergeret, eo materiam ducerem, atque per brevioram viam: absque quod eam per longos intestinorum anfractus inutiliter, nec non cum justa noxae

noxae suspicione perducerem.

XVIII. Faustis sic semper mihi votis res cessit; dum vice versa ex opposito ab emetico temperans, cum indicantia id satis polcere non viderentur, per inferiora congrue purgare satius duxi. Attamen utramque purgationem toties omisi, quoties sagax natura ipsa suo munere optime fungebatur: aut *Cblysteribus* tantum ex lacte & saccharo utendum esse, docebam, ad retardatas promovendas expulsioniones in illis maxime corporibus, quibus, cum purgantia caeteroquin omni jure convenirent, ob justas causas minus tuto evadere posse, pro certo habebam: Caeterum nulla alia exhibebam remedia, copiosas tantum Aegrotantibus Aquae potiones concedens, quibus data opera succum Limonum immisceri jubebam, tum ad sitis fervores melius compescendos, tum ad bilis aestuantis tumultus facilius sedandos.

XIX. Sub tertianarum exquisitarum simplicium censu, & duplices etiam recensendas esse semper putavi. Hae enim licet accessiones de tertio in tertium sibi semper respondentes quotidie haberent: non magis tamen quam illae timendae erant; illas tamen solum intelligendo, quarum accessiones quotidie cum manifesto rigore exsurgentes, vix octavam aut decimam saltem transgressae horam, cum copioso sudore ex toto solvebantur, nullisque gravibus stipatae erant *symptomatibus* grave Aegrotantibus incommodum afferentibus.

XX. Febres hae eadem prorsus curatione ac supra enarratae simplices, iisdemque servatis cautionibus, aequae facile remittebant; quod tamen ideo mirum mihi minime erat, cum ab eadem penitus causa, citius vel tardius agente, utraque pendere, non ignorarem. Hanc enim non aliunde melius quam ab ipsa bile petendam esse, tanquam indubitatum apud plerosque habetur: quod aperte sic indicat praeclarissimus Hequet. (5) *Enim vero exquisita febris tertiana est a fervente bile nata, qua exaltari maxime potest, aut evolvi sanguis, quod accendi & flammare est; talem ergo febrim tertia qualibet die, exacerbari, novas est tam saepe exsuscitari flammis, proferique novos ignes naturae ferendos, & vincendos Arti.* Bilis enim a nativa constitutione sua deflectens, determinato tempore in biliariis receptaculis ad quandam idoneam quantitatem coacervata in fervorem effraenate ciebatur, qui aut quotidie, aut alternis tantum diebus fiebat, pro ut citius aut tardius, copiosior aut parcior ejusdem secretio haberi poterat.

XXI. A bilioso hoc unico principio facile est quaecunque tertianarum quarumlibet *symptomata*, eorundemque motus varios derivare. Quippe cum bilis in hujusmodi caestus primo sic excitata, circumpositas membraneas partes tum pungenti vi sua, tum adjuncto impetu irritando, ipsas in *spasmodicos* cogit motus, contractionesque varias (unde genuina rigoris causa desumitur): quod tamdiu perdurat, usque dum biliosus

(5) *Hequet Com. Aphor. 43. Sec. 4. Hippoc.*

biliosus humor superatis iis omnimode, quibus antea occludebatur, cancellis, amplius spatium in Intestinorum cavitatibus nactus, partim Ventriculi inferius orificium aliquando subit (quare aliquibus rigoris tempore biliosus suscitatur vomitus): partim successive inferius progrediens, reliqua pervadit intestina, per quae tandem liberum sibi parat aditum, ut inde educatur: quod aliquando vigente febre, plerumque in remissione occurrere, non semel observavi.

XXII. Cum, primis superatis cancellis, biliosus febrilis humor extra aream circulationis in cavitatem intestinorum magna ex parte effusus est: Partes omnes quae antea, ut diximus, contractae maxime fuerant, dempta priore, qua urgebantur, causa, iterum relaxantur, & frigus cessat, magno succedente calore. Hic autem necessario evenire debet: quia, laxatis undique nerveis fibrillis canalium quorumvis parietes contexitibus, successive Vasorum omnium capacitates, quae antea constrictae erant, eadem ratione augentur, contentusque Sanguis, qui ob eandem causam in iisdem fere stipatus jacebat, pari modo dilatatur: dum componentis omnes ipsius moleculae ob nativam elasticitatem suam, priorem, quam antea deperdiderant, distensionem iterum acquirunt. Hoc cum in minimis quibuslibet moleculis eveniat pari modo, singulae in singulas quaque versus impetum faciunt; unde ex adjuncta nova haclucta, novus in ipsis atque in tota massa inordinatus suscitatur

motus, qui cum alio a Corde indefinenter derivato conjunctus, effraenatam illam constituit sanguinis commotionem cum adaucta velocitate, propterquam febrilis calor satis & ultro explicari potest. Haec omnia non incongrua analogia veritati magis proxima quilibet noscet, si peculiarem illum attenderit calorem, qui cum proportionata pulsus frequentia *hystericas* quaslibet *spasmodicas* contractiones plus minusve subsequi plerumque solet. Durat autem diutius, aut citius solvitur, donec solidorum fibrillae omnes *spasmodicas*, quae antea subierant, contractiones, sicuti & fluidorum particulae praehabitas compressiones proportionatis *oscillationibus* compensare rite potuerint. Eodem enim prorsus modo, quo pendulum, dum horizonti ad perpendicularum insistit tanquam in nativo loco suo: si vi quavis fortius, aut debilius inde removeatur, posteaque liberum evadat, eadem proportionem hinc inde oscillare incipit longiore breviorve tempore, habitatione impetus, quo primo a quiete recesserat. Tandiu autem motum prosequitur, usque dum paulatim imminuto inde impetu, minores semper & minores *oscillationes* perficiat, donec tandem ad quietem perveniat. Pari pacto id etiam de solidorum fibrillis, fluidorumque moleculis contractis, atque coarctatis verum esse, non absolum mihi videtur judicare; dum istae etiam *spasmodica* contrahente superata quomodocunque causa, sui juris factae, ac quasi a compedibus solutae, quaque versus congrua servata propor-

tione commoventur, atque oscillare pergunt.

XXIII. Omni ideo jure febrim *convulsioni* supervenire, bonum esse animadvertit Hippocrates, quam vice versa, dum ait (6) *Febrim convulsioni supervenire melius est, quam febrim convulsionem*. Etenim febrilis causa, quaecunque tunc illa sit, a compedibus contractas liberat partes, dum novo adjuncto impetu, priorem contrahentem superat potentiam; quod & *anthysterica* medicamenta eadem ratione praestare, laudatus toties docet Hequet. (7) *Hoc autem ipsum est (inquit ille) quod agunt Anthysterica, atque antispasmodica remedia, quae singularibus & propriis elateribus turgidula, sanguinem pandunt, acuiunt, adigunt in nervos, quorum arterias referendo sanguini aperiunt aditus, illiusque circuitui libertatem restitunt, & aequabilitatem*. Quod si tantum, possunt *anthysterica* haec medicamenta volatilia in exigua, admodum dosi exhibita, atque vix vix in ventriculum intrusa, ad *oscillatorios* suscitandos partium motus antea a *spasmodica* causa sopitos: quantum nam ultro magis poterunt biliosae febrilis materiae molecule minimae praeter modum actuosae, per intestina quaquaversus majore admodum in copia dispersae, inde-

que etiam per *lacteorum* venarum hiatus in sanguinem transmissae, ad *oscillatorios* hosce suscitandos, & perennandos motus, febrilemque aestum ultro producendum per plures horas in tertianis hisce febribus? Donec tandem partim per sudores, partim per urinas, partim per Alvim bilioso furente expulso humore, tum in fluidis, tum in solidis *oscillatorius* denovo adjunctus motus paulatim imminuatur, atque ad nativam aequabilitatem redigatur.

XXIV. Bilis haec morbosa hac indole (cujuscunque naturae illa sit, quam certe adamussim indicare frustra quilibet quaeret) praedita, si alternis diebus a sanguine in consuetis Hepatis colatoris in congrua quantitate excernatur, alternis diebus febrilem suscitatur luctam, tertianamque simplicem intermittentem producit; duplicem vero, dum singulis diebus de novo in sufficienti copia coacervata, quotidie saevit & furit. Quare satis patet eandem utriusque febris causam esse, atque iisdem vincendam remediis, quibus plus minusve, juxta ejusdem copiam, aut tenacitatem majorem minoremve, resistit: quod experientia ipsa compertum satis apud saniores Clinicos habetur.



SECTIO

(6) Hippoc. Aphor. 26. Sec. 2. (7) Hequet in Com. ejusdem Aph.

SECTIO PRIMA

CAPUT SECUNDUM

Febris Tertianae Spuria.

XXV.



NON omnes tamen tertianae febres istae eandem in omnibus tam benignam servabant indolem; sed habita proportionem Corporum, quae invadebant, nec non & occurrentis praesertim Aeris constitutionis servata ratione, variis modis, majore nempe minoreve vi saevire visae sunt. Etenim quo magis ab Aestivo Solstitio recedentes Autumnali AEquinoctio propiores tunc eramus: tertianae febres spuriae, ut ajunt, tum duplices, tum simplices, tum & aliae utriusque generis, pessimae tamen indolis, atque ob gravium *symptomatum* comitatum, utpote mali moris, merito metuendae exsurgere visae sunt, quarum peculiares mores, adhibitamque in ipsis curandi methodum, sanioresque ipsis congruentes ratiocinationes, hic distincte subjiciam.

XXVI. Tertianae hae Spuriae, sive simplices, sive duplices in eo a legitimis exquisitis supra descriptis differre videbantur, quod ut plurimum cum levi rigore diutius protracto insurgerent, atque a prima, usque ad quartam accessionem magis magisque augerentur. Istae diutius perdurabant quam aliae; cum

pleraeque ex his duodecimam & ultra magis etiam horam transcendebant: ita tamen ut procedente longius febre, eo diuturniores semper accessiones fierent; Quare illae praecipue, quae duplices erant, conjunctis non raro accessionibus, ab intermittente in continuam migrabant; maxime cum consuetam quotidie accessionis horam plus minusve praecirent: unde febris quae antea die majoris, ut dicitur, *notae* occurrebat, mutatis vicibus ad subsequenter minoris *notae* diem circuitus suos transferre passim solebat. Cum autem id praecipue eveniebat, non tantum febris continuae naturam facilius adipiscebatur, sed magis quam aliae diuturna fiebat. Generatim loquendo tertianae hae spuriae, quaecunque illae essent, modico admodum cum sudore solvebantur. Quod si levis sudor iste diutius perdurabat, comite frequentia quadam pulsus maxima diu protracta, una cum *soporoso* capitis gravamine, universali lassitudine, cibi fastidio, oris amaritie, ventriculi passionibus, aliisque hujusmodi *symptomatibus* post harum febrium solutionem perdurantibus: certo certius de diuturnitate maxima morbi pronuntiandum erat. Ideo febres hae omnes non septenis circuitibus, ut aliae,

sed multo longius, pro varia indole sua, cursum adimplebant. Attamen in hisce nil penitus metuendum ut plurimum erat: ast non omnes aequae facile curabantur. Plerumque remediis auscultabant citius illae, quorum posthabitaе semper accessiones, quam citius quotidie insurgentes fierent. Neque id quidpiam a ratione alienum videbatur, cum inde innotesceret satis, minorem quotidie haberi ejusdem biliosi humoris copiam, qui, ut in congrua quantitate ad producendam febrim idonea fecerneretur, majore certe temporis spatio indigebat: quod cum quotidie majus & majus semper evaderet; inde fiebat, ut non raro illae, quae tertianae duplicis characterem habebant, in simplicem transmutarentur: eademque ratione, posthabitis ultro accessionibus, & in Quartanam migrarent, in *Quintanam*, *Sextanam*, *Octanam* &c. atque etiam in aliam, quae post quindecim singulos dies accessiones haberet; quod saepe contigisse adnotavimus, quo magis ad Vergiliarum occasum vergebamus.

XXVII. Ex iteratis autem hisce, atque tot aliis observationibus firmum mihi ratumque semper fuit, febres hujusmodi omnes a bilioso eodem principio unice derivari, habito tantum discrimine congruae ipsius quantitatis, quae brevior, aut longiore tempore coacervari ita poterat, ut febrilem exsuscitaret aestum. Quamobrem hinc satis patet, & Quartanae simul febris originem aequae ac Tertianae ab Hepate desumendam esse, non autem a

Liene, quod veteribus praecipue Medicis persuasum fuit. Neque contra militare videntur Lienis tumores, qui aut Quartanas Febres praecedunt, aut ipsas comitantur, aut iisdem profligatis eveniunt. Etenim quicumque satis noverit immediatam Hepatis cum Liene communicationem, mediis praesertim Venae Portae ramis utraque viscera pervadentibus, atque ab uno in aliud derivatis: non ignorabit etiam, quam ratione, Hepate male se habente, analoga etiam morbosa affectio in Liene necessario suscitari debeat; quod & in aliis imi Ventrvis visceribus contingit, & vice versa: uti quotidiana experientia satis testatur, atque Cadaverum dissectiones ultro confirmant.

XXVIII. Ad curationem quod spectat, parum absimili remediorum apparatu curari commode tunc poterant spuriae tertianae istae febres, ac aliae exquisitae. Nisi tamen *symptomata* aliqua urgerent gravia, aut Aegrotorum sanguinea temperies id necessario expetere videretur, raro admodum in hisce sanguinis emissionem imperabam. Ipsam enim tertianis hisce spuris mitioribus, minus quam exquisitis convenire absolute semper existimaui. Huic namque satis obstant peculiare, qui ipsas passim sequuntur, Morbi; *Cachexia* nempe: Lienis, Hepatis, aut Mesenterii obstructions: virium prostrationes: atque non raro *Hydrops* ipse, qui contumaciores hasce Febres persaepe subsequi solet. Quod autem in iusta hujusmodi suspitione a sanguinis emissionem in hisce

hisce Febribus temperandum merito fit; eo magis patet, quo frequentius & facilius morbos hosce *tertianarii* illis succedere novimus, quibus nimis large sanguis emissus fuisset. Non hinc tamen quispiam putet, me omnimode, & semper sanguinis emissionem omisisse; cum in arena, ut vulgo dicitur, consilium capiendo, pro morbi indigentia, aut Aegrotantis peculiari constitutione, & praesertim gravioribus *symptomatibus* urgentibus, quae totam ad se curationem trahere non raro solent; varia semper ratione, tutiore tamen me gerere semper in hoc curaverim.

XXIX. Verum supposita peccante bile, ejusdemque tumultu prope biliosos ductus, prope Ventriculum, atque in Intestinis etiam, solventibus potionibus, caute tamen (pro ut febris, atque Aegrotantis ipsius peculiaris ratio postularet) exhibitis, opus primo peragere curabam. Quamobrem si biliosi humoris aestuationem ex allatis jam supra signis noveram, & maxime in superioribus partibus: statim ad *Emeticum* confugiebam, atque ad *Ipecacuanham* maxime; idque ob recensitas supra rationes. Neque inconsiderate ad *Emeticum* in quocunque casu confugiebam, sed tantum necessariis praeviis cautionibus. Etenim, quoties urgeret *Plethora*, primo sanguinem emitti jubebam, optime conscius, quod, dum in vomendi conatibus omnia infimi Ventris organa, atque maxime Ventrículus & Intestina contrahuntur, pari ratione ipsorum vasa comprimuntur,

per quae ideo tunc fluens sanguis majorem suo motui obicem invenit, qui cum minor, habita proportionem, adsit in superioribus canalibus nil penitus inde compressis, in iis praetertim quae Pulmonare pervadunt. *Parenchyma*: major ad ipsa, praeter ordinem, confluxus sanguinis fit, atque ad Caput etiam; unde & major eorundem distensio, a rubore subsequente faciei, Capitisque superaddito gravamine satis indicata emergit: & quandoque ipsorum disruptio, copiosa succedente haemorrhagia, quae eo facilius occurrere potest, caeteris paribus, quo major adest sanguinis copia, major Pectoris atque in ipso contentorum vasorum angustia, cum & major earundem partium laxitas: ad quae omnia semper sedulo ante *Emetici* praescriptionem attendere curavi, & curabo, de quo Discipulos meos distincte semper monitos volui.

XXX. Quod si maxima propinandi *Emetici* necessitas aderat, nec modica exsurgeret *contraindicationis* alia, non parvi facienda: suprarecensita nempe in regione Ventriculi tensio, seu ejusdem fibrarum corrugatio, seu valida contractio fere *spasmodica* maxime *Emetico* resistens, nec dubiam de remedii hujusce infausto exitu suspicionem exhibens; tunc laxantia idonea praescribebam, aut simul cum ipso *Emetico* commiscebam; Oleum nempe amigdalorum dulcium in sufficiente dosi. Praeterquamquod in ipso vomitu, si inanes exurgerent conatus, aut nimis fortes: repetitis calidi jusculi, aut copiosis aquae tepidae potionibus, satis su-

perque huic malo prospiciebam. Mediis enim hujuscemodi calidis potionibus larga dosi haustis, tum laxando, tum vi ponderis agentibus, si qua erat tenax bilis Ventriculi *parietibus* inhaerens, aut prope *Duodenum* Intestinum, (quod fere semper in hisce casibus evenit) solvebatur optime, fluidaque reddebatur: unde aut per superiora, Ventriculi adjunctum vi *Emetici* motum sequens, prodibat: aut sic Intestinarum tubos facilius subiens, per Alvum eliminari tutius citiusque poterat. Quod si peccans humor ille vi irritante sua tantum, non quantitate maxima Ventriculum adnexasque ipsi partes laederet: praedictae copiosae potiones post assumptum *Emeticum* exhibitae id commodi praestabant: quod a Medicamento vi Ventriculi tunicae aliunde satis irritatae minus afficerentur: quod maxime interest, atque in quacunque occasione propinandi *Emeticum* praevidere semper, atque diligenter praecavere debet Medicus. Hisce omnibus de causis tunc solum ad *Emeticum* confugere satius duxi, cum saniora vere adessent *indicanria* magis rura; quae si vere non urgerent, *Emeticorum* loco, tutiorem minusque incommodam feligens viam, ad mitiora purgantia remedia confugiebam, quae supra indicavimus.

XXXI. Qui purgantia remedia quaeque cane pejus & angue tum in his, tum in aliis praesertim morbis evitanda esse indiscriminatim depraedicant, & maxime initio morborum, non pauca hic mihi opponunt: dum cum Hippocrate admo-

nebunt, attendenda prius semper esse *coctionis* certa signa, quae tantum prope morbi exitum apparere adnotant. Hisce nunc respondere omittam, de hoc fufius acturus, cum de purgationis exhibendae ratione initio *Malignantium* Februm quaestio infra suo loco habebitur. Interim seiant, quod quotiescunque in hisce febribus sive per superiora, sive per inferiora purgare necessarium arbitrabar, atque ad alterutrum confugiebam remedium, non ex toto febrilem causam destruere intende-
bam, sed obices tantum tollere, qui per saepe *criticas* hisce febribus familiares evacuationes retardant: tum & secreti jam, si adesset, aut secer-
nendi postea humoris expulsionem promovere per loca *conferentia*, ad quae nempe in hisce specialiter febribus natura tendit. Sic enim expedita magis paratur semita futuris excretionibus ineunte morbo a natura ipsa promovendis minus resistens.

XXXII. In iis tamen, in quibus solventibus uti, justis de causis, initio morbi convenire nil penitus poterat: necesse autem aliunde erat iteratis vicibus ad consuetas biliosi humoris expulsionem torpescentem, quasi dixerim, naturam aliquo modo promovere; ad *Clysteres* emollientes tantum confugiebam. Verum si in hisce casibus *Clysterum* ope nihil parumve educitur: caeterum tamen biliosi tenacis admodum humoris in receptaculis propriis lente-
scantis vitium satis ex propriis signis constet: maxime cum humor ille in superioribus Intestinis aliisve
adnexis

adnexis partibus consistit, ad quas *Clysterum* vis, nisi per eorundem Intestinorum continuationem, debilis admodum pervenire potest; hisce, inquam, sic stantibus, utile admodum expertus fui Serum Lactis alteratum cum aperientibus, & lenientibus herbis, & maxime cum Camomeli floribus *febrifuga* satis mihi cognita vi pollentibus. In hujusce Seri sic praeparati congrua dosi *Rhabarbari* proportionatam quantitatem infundi pernoctem jubebam, ut *colaturam* inde singulo mane, aut etiam alternis saltem diebus, ut opus esset, sumerent. Peculiare hoc mihi fuit, magisque tutum remedium ad tertianas praesertim spurias illas debellandas, quae pertinaciores erant, utpote a crassiore passim & lenta bile pendentes. Ideo autem in hujusce modi febribus Serum hoc potius Lactis *Rhabarbaratum*, quam aliud quodlibet remedium, proficuum quam maxime evadere putabam: quia, tum ob nativam Seri Lactis demulcentem indolem, bilis acrimonia compesci satis poterat, tum ob incisivam *Rhabarbari* adjunctam vim ejusdem tenacitas solvi, ut facilius sic protruderetur, quin a pungente *Rhabarbari* vi Solida nimium irritari possent, atque in violentiores *oscillationes* cieri; ad quod satis superque laxans & demulcens Seri Lactis vis respicere videbatur.

XXXIII. Hujusce tenacis, glutinosaeque, atque aegre admodum mobilis bilis tumultum prope ventriculum, praeter supradicta signa, optime indicabant frequentes ructus, cum maximo amaritudinis sensu in Ore, Ventriculi gravamine & ten-

sione; Intestinorum murmura, atque alia etiam *symptomata*, quorum pleraque aut omnia in hujusce modi AEGrotantibus conspicua semper erant. Prae caeteris tamen in hisce febribus semper laudavi, atque perquam utiles expertus semper fui copiosos haustus decoctionis Hordei, facta simul infusione modicae quantitatis Cinnamonis integri, addito Mali medici succo, quem tanquam maximum, atque plus aliis efficax bilis aestuantis fraenum esse, innumeris observationibus didici. Quin immo quoties ex iteratis vomendi conatibus, aliisque supra enarratis signis, prope Ventriculum bilem turgescere noscerem, quam ideo *Emetico* validiore educere non conveniret; ejusdem potionis, tepidae tamen, quantitati congruae Sirupum acetosum simplicem adungebam, ut pleno gurgite sumerent; quod tutum pluries simulque efficax satis remedium expertus fui, ad biliosum blande humorem per vomitum educendum. Non omittebam quandoque Decoctiones alias ex radicibus Cicorei, Graminis, ex foliis Acetosae, Sonci, & similibus lenientibus, atque incidentibus herbis, quibus utiliter *Elixir proprietatis Paracelsi* modicam dosim in matutino haustu adungere curabam; quoties tamen magis pervicax esset febris, in *Cachecticis* praesertim Corporibus, in quibus distincte apparebat crassae admodum mucosaeque bilis dominium; quo in casu utiles per saepe expertus tunc fui succos Absynthii & Cicorei depuratos identidem assumptos.

XXXIV. Ad innumeros quod spectat

stat pulvisculos, digestivos, quos dicunt, *Alcalicos*, incidentes, aut quocunque alio specioso nomine ab eorundem Fautoribus insignitos, qui tanquam maxime efficaces ad contumacem harum febrium causam evincendam passim praedicantur: iis nunquam usus fui, nisi cum, aut Aegrotorum nimia credulitas, aut aliorum Medicorum absolutum iudicium ad id me cogeret. Quamvis enim primis praxeos meae annis auctoritate simul, atque communi Medentium opinione ductus iis uti consueverim; iteratis tamen observationibus a praejudiciis liber magis factus, satis novi, eos in hisce febribus nil penitus, aut parum saltem utiles esse (si tamen *febrifugos* excipias pulveres sic merito dictos, de quibus infra): cum & ipsa ratio, experientia duce, doceat, ad evincendas radicitus febres hasce nullum efficacius tutiusve haberi remedium, quam copiosas portiones aut alicujus aquae mineralis casui congruentis, ut Villensis, Nocerianae &c. aut decoctionis suprascriptae, aut alterius non absimilis.

XXXV. Non hinc tamen ausim unquam denegare, praecipuam maximamque in debellandis hisce febribus laudem *Peruviano* Cortici merito deberi. Scio enim in hoc uno tantum verum & admirabile tertianarum quarumlibet, sicuti & aliarum febrium conspicuas habentium periodos, remedium *specificum* reperiri, quo nullum certe majus transactis saeculis Medicina habuit, nec fortasse assequi unquam poterit poste-

ritas. In hujusce autem remedii usu semper expertissimi Sydenhamii monitum ante oculos habui. (8) Curandum est ante omnia (docet ipse) ne praemature nimis hic cortex ingeratur, ante scilicet quam Morbus suo se marte aliquantisper protriverit (nisi collabescens, & jam fractae Aegri vires eundem temporis sumendum esse dictaverint): neque enim illud solum est metuendum, ne a praepropero ejus usu inefficax iste reddatur, & spem Aegri fallat, sed etiam, ne de Aegri vita agatur, si Sanguini omni fermentationis nisu se despumanti eam de repente injiciamus remoram. Hinc tunc solum egregio hoc uti remedio solitus fui, cum consuetis aliis adhibitis auxiliis morbi fomitem radicitus invadentibus, febris diutius, quam par esset, protracta omnem Medici operam deludere videretur: aut gravia urgerent *symptomata*, sollicitam Medici operam ad compescendam illico febrim statim expetentia. Alterutra hac tantum de causa in tertianis hisce febribus ad *Chinam* *Chinam* confugere consuevi, utpote qui laudare eos nunquam potui, tanquam congruo rationis & auctoritatis fundamento carentes, qui admirabili hujusce remedii vi nimium capti, atque obcaecati, ad illud indiscriminatim, non respicientes Aegrotorum peculiare status, in principio harum febrium statim confugiendum semper esse, absolute depraedicant. Quaecunque sint rationes illae omnes, quibus tuto inhaerere se posse putant inconsulti *Chinae* *Chinae* amatores (quas hic singillatim dirimere, nec instituti ratio,

(8) Sydenh. Cap. 5. de intermitt. feb.

ratio, nec tempus mihi permittit): fixum mihi semper ratumque fuit, eatenus ad hoc remedium absque mora confugiendum esse, quatenus minus efficacia, quam necessitas postulet, generalia alia praesidia medica satis noverim. Etenim cum eodem Sydenhamio semper existimabo, non semper tutum evadere posse remedium illud, quod, dum febrim citius sistit, ipsius causam eodem tempore non destruit, sed sopire tantum valet, seu figere; unde aut febris facile recrudescit, aut aliis inde progignendis morbis ansa perquam facile praebetur; ut *Cachexiae*, *Hydropi* &c.

XXXVI. Quoties autem ad *Chinam Chinam* confugiendum erat, non eadem methodo semper in omnibus ipsa uti consuevi. Primo enim, ut a magis simplicibus ordier, *Chinam Chinam* nullis aliis immixtam remediis exhibebam partitis vicibus usque ad unciam unam & semis: aut in vino infusam (quoties laxatas nimis enervatasque partes, & praecipue fractum Ventriculi tonum roborare atque firmare intendebam): aut in simplici aqua qualibet, si internarum partium nimium aestum noscerem; magnam nempe sitim cum oris siccitate, in adusto admodum biliosoque corpore, vehementem Capitis dolorem, & calorem, vigilas, atque huiusmodi quam facile notanda.

XXXVII. Si *China China* simplex intento nostro non satis valens videbatur, recrudescente maxime paulo postea febre, in *cacheeticis* praesertim corporibus, non antea ob biliosas consuetas dejectiones sufficienter

purgatis: *Peruviana* eidem Cortici semidrachmam *Rhabbarbari* adungebam, quam singulo mane, aut alternis diebus propinabam, pro ut pervicacia febris expeteret, dejectionesve Alvi copiosae magis minusve evaderent: quibus ductus rationibus plus minusve *Rhabbarbari* usum cum eadem *China China* protrahebam. Nec mirum mihi unquam videbatur, quod *China China* sic cum *Rhabbarbaro* exhibita contumaces fere semper evinceret febres illas, quae simplicis ejusdem *Chinae Chinae* usui aut nil penitus auscultaverant, aut post breve tempus iterum surrexerant. *Rhabbarbarum* enim in modica quantitate cum *febrifugo* adjunctum, tum mitiore solvente vi sua, tum *stiptica*, qua simul pollet, potentia omnem in hoc casu adimplere paginam videtur; cum simul febriles aestus sopire paulatim possit, atque febrilem biliosum humorem affectis partibus tenaciter adhaerentem dissolvere, simulque extra corpus omnimode propellere melius valeat, pro totali tutaque febris victoria, partes simul & roborando, & firmando. Non raro etiam in contumacioribus hisce febribus prospero eventu *Chinae Chinae Theriacam*, cum succo *Absynthii condensato*, aut ipsius sale adjuncti: quod feliciter evenit, quando *cardialgicae* aderant passionēs, una cum Stomachi languore & vomitu, aut crudis Alvi dejectionibus AEgrum quammaxime defatigantibus.

XXXVIII. Attamen praecipua omnis mihi aderat cura, dum tertianis hisce evincendis febribus praeceram,

eram, ut *symptomata* graviora quaeque ipsas comitantia dextere compescerem. Familiaris ideo mihi erat usus salis *Absynthii* ad scrupulum, unum, una cum grano uno, aut uno & semis *Laudani Opiati* in co-
 cleari succi Mali medici exhibendi; quod remedium saepe ad sedandos molestos vomitus, aliasque graviores stomachi passiones in initio praesertim accessionis occurrentes, utiliter propinavi. Quod si, urgente adhuc vomitu, pulverem hunc quoque evomebant, idem iterare remedium consuevi. Hisce iisdem *symptomatibus* proderat etiam maxime vinum Malvaticum meracum ad co-
 clearia identidem ante cibum semper exhibitum, cuius ope alimenta, quae alio modo statim assumpta rejiciebant, facilius retinere poterant: ad quod etiam conferre pluries visus est succus Mali medici tum in alimentis semper expressus, tum cum copiosis aquae haustibus assumptus, ob allatas supra rationes. Verum cum gravia haec aderant *symptomata* nil penitus parumve remediis hisce auscultantia, permanente simul febre: ad *Chinam Chinam* absque mora confugiebam, cui ideo vel *Theriacam*, ut supra dixi, vel *Electuarium Diascordeon* adungere tunc semper curavi. Aliquando tamen una cum vomitu frequentes etiam Alvi molestae dejectiones aderant, simul cum frequentibus Ventriculi passionibus, suspiriis, languoribus, jactationibus, & vigiliis. Tunc autem nullum unquam efficacius remedium expertus fui, quam sequentem mixturam ad co-
 clearia identidem exhibitam.

R^e. Aq. Tot. Citri
 Gland. Persic. añ. un. 3.
 Theriacal. River.
 Cinam. Mat. añ. un. sem.
 Confec. Alcherm.
 Diascord. fracast.
 Salis Absynth. añ. drachm. 1.
 Laud. Liq. Syd. drach. semis,
 aut scrup. 2.
 Sirup. ex Cort. Citr. unc. semis.

M^e

Hujusce mixturae, vigente Febri, dum *symptomata* praedicta magis saevirent, unciam unam identidem propinabam, una hora semper ante cibum: ita ut quatuor singulis, aut quinque saltem transactis horis, pro indigentia *symptomatum*, etiam extra cibi occasionem eandem semper iterarent dosim.

XXXIX. Quoties dejectiones istae liquidae admodum erant, serosae nempe, seu, ut vulgo dicitur, *crudae*; nil penitus, aut parum saltem solutioni febris conferre poterant. Hae enim *symptomatice* tantum fiebant, ob *spasmodicam* fere Intestinalium fibrarum contractionem a bilioso tenaci humore hinc inde ipsorum plis-
 cis inhaerente factam, propterquam eorundem glandulae valide compressae *lymphaticum* inde affluentius humorem eructabant, qui a stabulante ibidem bilioso glutine croceum mutuabatur colorem. Hinc dum biliosis hujusmodi excretionibus *amur-
 cosa*, ut vulgo dicitur, seu tenax magis bilis associari vicebatur, tunc major de proxima febris totali solutione spes aderat: quod fere semper obser-

observare potui. Quamobrem ex iteratis toties observationibus satis superque didici, tertianas hasce contumaciores febres a crassiore semper glutinosaque magis, & exuberante bile derivari, secus quam, in exquisitis aliis supra descriptis eveniat: quod & ratio ipsa testari satis poterat. Ideo enim levior, ideo diuturnior in hisce tertianis rigor occurrit, quia difficile admodum longioreque tempore bilis hujusmodi a *Cystifellea* aliisque *biliariis* ductibus expellitur, minusque continentes partes irritare valet; cum minus scindentia minusque penetrantia sint ejusdem spicula, quae quo magis crasso glutine devinciuntur, eo difficilius, eo tardius moventur. Atque hinc fit etiam, quod posteaquam biliosum hoc gluten ad Intestina magna ex parte translatum est, eorundem *parietibus* & plicis magis adhaereat, atque tardius ex-

cernatur. Hinc fit quod febres istae magis quam aliae protrahi soleant, ita ut aliquando in tertianis duplicibus remissio unius cum principio subsequenter accessionis conjuncta, continuam excitet febrim, quae diuturnior inde evadit & curatu difficilis. Statim ac autem animadvertere id ego poteram, ad *Chinam* *Chinam* absque ulla mora confugiebam. Etenim licet tunc de continua ageretur febre, satis mihi erat ipsam jam antea in suo principio intermittentem observasse, atque adhuc periodicam noscere, ut tuto de fausto *Chinae* *Chinae* exitu sperare possem. Nec tantum in tertianis hisce febribus continuis, ob dictam rationem, *febrifugum* prodesse pluries novi: sed & quandoque in continuis *continentibus*: dummodo tamen antea tertianae periodicae naturam aperte indicassent.



SECTIO PRIMA

CAPUT TERTIUM

Febris Tertiana Perniciosa, ubi & de Quartana.

XL.



Raeter haec, perniciosas etiam tertianas variae indolis febres tunc observavi, quae etsi ab intermittentibus mitioribus nil penitus primis diebus differre viderentur: ob occurrentium tamen postea graviorum *symptomatum* comitatuin metuendae quammaxime erant, utpote illae, quae in *Lypiriam*, seu *Algida* febrim perquam facile transibant; unde accedente Viscerum imi Ventris, atque Intestinorum praesertim inflammatione Aegrotantes misere jugulabant.

XLI. Febrium hujusmodi intermittentium mali moris genuinam indolem, motus, & permutationes, non inutile erit hic graphice exarare, ut Tyrones apposite moneamus, qui dolosa per saepe intermittentis hujusce tertianae febris specie alliciti inopinato Aegrotantes suos jam jam morti proximos videre coacti sunt, dum de ipsorum salute certo pronunciare paulo antea nil penitus dubitaverant. De *Lypiria* hac seu *Algida* febre, sicuti & de perniciosis quibuslibet intermittentibus aliis accuratissime egit praestantissimus

Franciscus Torti in eruditissima Speciali Therapeutica sua, aureo vere libro, quo non alter unquam hujusmodi febrium naturam, inagisque tutam curationem clarius proposuit. Febris autem haec biliosos plerumque facilius homines, saginatos, lautoque nimis indulgentes victu corripit: eosque praesertim, qui meracioribus utuntur vinis, firmioreque corporis robore gaudent, atque ad iram proclives maxime sunt. Hinc Pueris, atque Adolescentibus ex toto parcit, dum Juvenes passim, atque maturos Viros maxime infectatur. Foeminae ab hac febre magis immunes sunt, quam Viri.

XLII. Cum primum febris haec quempiam corripiebat levis in prima accessione, aut mediocris saltem anteibat rigor, qui diutius, quam in exquisitis supra descriptis, protrahatur. Non raro statim comes aderat vomitus, cum intensa siti, atque Ventriculi passionibus, quae tamen primis diebus paululum Aegrotantes deicebant. Succedente calore dolor capitis sequebatur aliquando, una cum levi anxietate, Dorsi dolore, pulsu concitato admodum & frequenti, siti, atque interna molestissima perturbatione, propter

propter quam irrequieti AEgrotantes redditi hinc inde per lectum sese frequenter jactabant. Ultra consuetum exquisitarum terminum, post decimam nempe ab invasione horam, citius tardiusve, pro varia Corporum dispositione, ad remissionem febris tendebat, praevio universali sudore, qui tamen non tam copiosus sicuti in aliis erat, sed magis protractus, atque paulatim evanescens. In remissione febris urinae coloratae & croceae erant maxime, aestuantis interius sulphureae, fere dixerim, bilis magis activae notas aperte referentes. Nec dissimilis conditionis erant Alvi excrementa flava, subvirentia, & graveolentia. Profligata jam febris, licet melius se haberent AEgrotantes, non omnimoda tamen quiete fruebantur. Leves enim identidem aderant molestae anxietates, cum interno calore, atque agitatione, propter quod sequenti nocte parum admodum interruptae per saepe quietis capere poterant, quam & terra passim laboriosa insomnia perturbare solebant. Caeterum tota sequente intermissionis die melius ultro se habebant. Non deerat tamen sitis, nausea, cum amaritie Oris, atque virium universali non modica dejectione: comite semper pulsus frequentia, imminutione, & vibratione, quae soluta etiam febris plerumque perdurabat.

XLIII. Nox autem subsequens peioris alterius accessionis funesta praeseferebat signa, cum infirmes fere semper pernoctarent AEgrotantes, quaque versus per lectum misere sese jactantes, cum interna

consueta laboriosa agitatione. Hinc febris denuo accedebat, consuetam tamen plus minusve plerumque horam praecedens. Quo levius autem, quo diutius in secunda accessione rigor AEgrotos torquebat, eo graviora ut plurimum *symptomata* caetera omnia sequebantur. Statim enim plerisque violenti occurrebant vomendi conatus fere semper inanes, quandoque cum biliosa crocea glutinosa materie amara admodum, & corrodente, quae fortuito in vase aeneo recepta illico virentem afferebat aeruginem, ad instar Aceti magis acerbi. Ab hisce tamen excretionibus nil penitus levabantur AEgroti; sed graves inde succedebant Ventriculi labores, atque *cardialgicae* passionis adeo vehementes, ut animo identidem deficere viderentur, non levibus *lipothymiis* misere detenti, quas itidem eo gravius patiebantur, si forte eodem tempore (quod saepissime evenit) *Cholericus* accedebat fluxus. Gravibus hisce saevientibus *symptomatibus* irrequieti prorsus AEgroti fiebant, huc illuc sese anxie & luctuose jactantes, atque ab intimo fere (ut ita dicam) *praecordiorum* suspiria laboriose trahentes. Hisce adjungebatur intensa sitis, capitis saepe *gravativus* dolor, linguae quandoque siccitas, oris amarities, intensus faciei rubor, qui identidem, aliis urgentibus *symptomatibus*, in lividum, ac fere croceo-subvirentem immutabatur, praesertim cum vehementissimae stomachi passionis crudelius saevirent, quas comitabantur profusi in fronte sudores, atque corporis universa lassitudo,

20 *Sect. I. Cap. 3. Febris tertiana perniciosa &c.*

una cum incipiente universali refrigeratione.

XLIV. Interim teterrimis hisce stipata *symptomatibus* febris successive adaucta ad statum, tardius tamen quam in prima accessione, properabat: tunc cum internus exurens calor ultro magis saeviebat, quem frequenti corporis iactatione attemperare AEgroti ipsi frustra quaerebant; Pulsus frequens maxime erat & magnus, non eodem tamen modo semper, cum juxta occurrentium *symptomatum* saevitiem, modo depressus, modo ex toto evanescens, modo contractus ac fere per *spasmodiam* coarctatus, ac tandem inaequalis modo, modo intermittens, semper tamen maxime frequens evaderet. Secunda haec accessio, quae, ut diximus, longior semper erat, aequae copiosis sudoribus, sicuti prior, solvebatur. Sudores isti diutius protrahebantur, atque inaequales erant. Quandoque etiam glutinosus subfrigidus emanabat sudor, in facie praesertim, stomacho, atque *extremitatibus*, maxime cum anxii magis, & *suspiriosi* AEgrotantes essent. Hujusmodi sudores in remissione febris occurrentes nil penitus levaminis afferebant, eadem perdurante interna agitatione, cum *suspiriosis* frequentibus anxietatibus, viriumque tali prostratione, ac si per longum maxime tempus aegrotassent. Perseverabat adhuc magna pulsus frequentia, & depressio, sitis, & nausea, aliaque hujusmodi, quae absente etiam febre AEgrotos excruciant.

XLV. Protracta sic admodum

secunda accessione, cum tertia subsequens horam ultro magis magisque anteiret, eo minus quieti tempore intermissionis AEgrotis tunc supererat. Quamobrem, cum nondum vires a praegressis febribus admodum fractas recolligere potuissent, pejorem jam in subsequente luctam subire coacti erant. Etenim, praevia irrequieta & laboriosa nocte, febris inopinato accedebat, cum levissimo rigore, quandoque etiam nullo. Quo autem levior initio alterius hujusce febris rigor aderat, eo vehementius postea in augmento & statu AEgroti vexabantur. Illico enim omnia supra recensita *symptomata* modo simul juncta, modo seorsim crudelius ipsos detinebant. Tanta autem erant mala, & gravia maxime, quae uno eodemque tempore AEgrotos, caeteroquin sanae mentis optime omnium conscios, crudeliter excruciant: ut nullum certe pejorem, nullum magis molestum, magisque luctuosum, etsi longe magis lethalem, haberi unquam posse morbum, absolute asserere non vereretur. Vides quippe miserrimos AEgrotantes iactatos admodum, summo calore percitos, qui intima sibi quaeque aduri *Praecordia* videntur, dum in extima corporis superficie vix vix paululum calescunt, siccatis faucibus, & siti-culosis. Modo inanibus vexantur vomendi conatibus, propter quos Venter, atque Intestina fere dilacerari sibi sentiunt. Modo virentes aut flavas ad instar glutinis tenaces educunt materies, tam amaras, tamque austeras, ut ab iis, ceu a bul-
liente

leinte liquore, internam OEsophagi totiusque Oris superficiem abradi sibi putant. Nunc & vomitu simul, & *choleric* copioso fluxu tentantur, una cum partium omnium Abdominis molesta sensatione. Etenim in regione Ventriculi quoddam gravamen se sentire asserunt, a quo frustra occasione vomitus se liberari posse autumant. Tunc & Hepar, & Lien non vacant dolore, atque Intestina simul cum Mesenterio pessime se habent.

XLVI. Febris interim successive augebatur cum pulsu maxime frequenti & vario, juxta occurrentium *symptomatum* saevitiem, pro ut & in secunda accessione evenisse, supra indicavimus. Paulo post universalis prodibat sudor, qui quo magis praemature, eo magis luctuose fiebat, utpote per *symptomaticam* expressionem excitatus, propter quod inter occurrentes identidem *cardialgicas* passiones animo persaepe deficiebant Aegrotantes. Merito autem *cardialgicae* passiones *symptomata* haec dici consueverunt, utpote ab inferiore ventriculi ore tunc pessime affecto pullulantes, quod, ob exquisitissimum, quo ditatum est, sensum, Cor ab antiquis Medicis vulgo dictum fuit. In miserrimo hoc degens statu, diutius protracta febre, frustra totalem remissionem attendebat Aeger. Consuetum namque remissionis febris tempus graviora magis, magisque lethalia *symptomata* funestabant, dum protracta ulterius febre, pulsu debiliore semper facto, inaequali maxime & depresso, morbo-

loque furente aestu ad intima quaeque corporis viscera ablegato, extrema Corporis superficies glutinoso quodam frigido sudore undecunque profundebatur: quod veridicam *Lypiriae* febris imaginem referebat, cui merito Hippocratica illa convenit sententia: (9) *In febribus non intermittibus si partes exteriores frigeant, interiores vero urantur, & sitim habeant, lethale.* Omnibus hinc in pejus paulatim ruentibus, *cadavericam* penitus, seu *Hippocraticam*, ut ajunt, faciem Aegroti isti proferbant. Inde enim facies, relaxatis musculorum fibris, gracilescebat maxime: livescebant oculi intro retracti, tum ob *spasmodicam* opticorum nervorum contractionem, tum imminuta eorum mole, ob praepeditum *lymphatici* consueti humoris congruum influxum. Eadem causa, ineunte ultro morbo, atque in pejus semper ruente, iisdemque perdurantibus *symptomatibus*, Nasus acutus fiebat, vividusque ex toto evanescebat faciei color. Semimortuos in lecto Aegrotantes tunc videre crederes, irrequietos tamen ex toto huc illuc sese anxie jactantes, demissa admodum voce vix vix de interno exurente incendio conquerentes, atque inde raucos, atque paulo postea *aphonos* ex toto factos. Hinc magis magisque perfrigescebant, affluentiis *symptomatico* sudore madefcentes, singultu plerumque socio, imminutoque ex toto pulsu circa septimam morbi diem, quandoque circa nonam misere occumbebant.

XLVII. Tetrissima haec tot *symptomatum*

(9) *Hippoc. Aphor. 48. Sec. 4.*

22 Sect. 1. Cap. 3. Febris tertiana pernicioſa &c.

~~tertium~~ series non eodem ſemper in omnibus modo apparebat. Varia ſiquidem temperamentorum conditio, variae praegreſſae extrinſecae cauſae, tum & febrilis fomes, aliaque quamplurima in hiſce caſibus peculiariter adnotanda, variomodo morbum perducebant ad exitum. Plerumque tamen ea, quae ſupra attigimus, eodem propemodum ordine eveniſſe obſervavi. Verum aliquando uſque ad quartam acceſſionem mitior morbus videbatur, indeque derepente immutata ex toto facie conſuetam proferebat tyrannidem. Quandoque primis proſtigatis ex toto febribus, cum jam omnimode convaluſſe videbantur AEgri, recrudefcente paulo poſtea morbo, talia videre *ſymptomata* contigit, quae primis tranſactis morbi diebus neſtquam viſa fuerant. Haec autem, quae variis modis evenire in tertiana ſimplici hac pernicioſa febre diximus, eodem modo & in duplici, ſive in tertia, ſive in quarta acceſſione occurrere non ſemel obſervatum eſt. Praeter inſtituti rationem **enarratio** haec fuſius procederet, ſi **peculiares** hic omnes pernicioſae hujuſce febris progreſſus varios in variis temporum, & AEgrotorum circumſtantiis occurrentes, enucleare hic vellem. Satis autem ſuperque haec eſſe puto, ad veridicam iſtius febris tam dolosae, atque noſtro ſub coelo maxime familiaris deſcriptionem perficiendam: ut adamiſſum, inde tum ſpecialem ipſius genium, mores, indolem, & exitus percipere quilibet poſſit.

XLVIII. Febris haec, etſi tam mali

moris, atque tam gravibus ſtipata *ſymptomatibus*, dummodo opportune cognita ſit, atque ſpeciali congrua ipſi methodo curata, ſemper fauſtum ſortitur exitum. Ex quamplurimis enim, quos tum hoc anno, tum aliis, ex quo Medicinam addiſcere, vel facere coepi, febre hac detentos vidi: nullos prorſus rite curatos ſolicitam medici operam unquam eluſiſſe, teſtari certo poſſum. Quod ſi aliquos ex hiſce AEgrotis tunc mortis victimas evaſiſſe quandoque novi: id me hercle aut eorundem maximae incuriae, aut firmatae nimis, ob repetitas *recrudescencias*, morbificae cauſae validiora quaeque remedia penitus eludenti adſcribendum merito ſemper fuit. Hinc in Ruſticis praefertim febres haec infauſtos ſortiuntur exitus. Nam cum iſti, pro peſſimo more ſuo, a ſanioris victus regimine abhorreant; tunc ſolum ad Noſocomium ſe conferunt, cum nulla fere de ſalute ſpes ipſis ſuper eſt; quare de extremis potius Sacramentis, quam de medicamentis agendi tunc ratio Medicis conceditur. Quia de re cum ipſi enarrata ſuperius hac febre detenti in Noſocomio majore noſtro mihi aderant curandi, *Lypiria* jam ad ſummum perducta, atque ad exitum manifeſte properante, ipſos ex toto frigefactos plerumque inveniri, *aphonos*, frigido glutinoſo ſudore affluenter perſuſos, atque proximae jam Mortis horrenda proferentes ſigna.

XLIX. Tunc ideo, cum nil penitus de vita ſperandum merito eſſet, atque fruſtranea ex toto evaderent remedia

remedia quaeque licet congrua experta toties methodo usurpata: omni utebar attentione, ut luctuosum huiusce febris progressum ad mortem observarem. Aliquoties in hisce AEgrotantibus jam jam in extrema morbi lucta constitutis tam magnam totius Corporis perfrigerationem, cum universali gelidi sudoris copioso affluxu adinveni, ut gelida undecunque perfusi aqua viderentur. Nec minus mirum erat AEgrotos hosce in miserrimo hoc vitae statu constitutos jam jam animam agentes, spiritum raro cum *suspiciosa* anxietate leviter ducendo, *singultuosos*, accedentibus copiosis Alvi *cholericis* dejectionibus, una cum pulsu celeri admodum, inaequali, atque vix paululum sensibili, aliquando per diem integrum, aliquando per duos, & tres etiam superstites videre.

L. Memini me septem circiter abhinc annis Mulierem quandam saginatam admodum, & robustam in aetate virili constitutam, atque hac febre correptam in Vicinia S. Sepulcri curasse. Haec, posteaquam per quatuor & ultra dies gelida ex toto facta, cum vomitu, & *cholericis* fluxu, aliisque detenta consuetis *symptomatibus*, vitam misere protraxisset, jamque è vivis discessura videretur, spiritum & vires reassumere paulatim coepit, atque ex toto convaleuit. Haec autem quatuor dierum spatio, quo semimortua vixerat, solo utebatur malvatico meraciore vino, & quidem non in tam modica quantitate, in quo etiam frustum torrefacti panis immergi jubebam, ut hoc pro alimento uteretur: atque

hoc primarium ipsi & salutare admodum remedium fuit, non omissis etiam *stomaticis* lenientibus identidem usurpatis.

LI. Cum suprarrecensita *symptomata* lethalia omnia (quae feбри huic paulatim in principio associari, atque ipsam usque ad mortem plerumque comitari diximus) eadem prorsus sint, ac illa, quae in *Iliaca* passione occurrere solent: eandem penitus utrinque Mortis causam, etsi a diversa origine subortam, statuere jure merito possumus. Etenim in istis, dum, aut strangulato ob *Herniam* in annulo *inguinali* Ileo Intestino: aut ob induratas faeces in Coli cellulis magna in copia coacervatas: aut quomodocunque Tulpii valvula faecum descensui obstante: aut complicatis inter se mutuo Intestinis superioribus: aut quavis alia possibili ratione, liber *peristalticus* Intestinarum naturalis motus praepeditur, atque pervertitur; nativa elastica vi sua contra nituntur Intestinarum nervea filamina illorum tunicas magna ex parte contexit, atque a residentibus ibidem faecibus, ob nimiam moram, acrimoniam nactis irritata ultro contrahuntur fortiter, & convelluntur: unde liber praepeditur sanguinis motus, atque successive magis magisque retardatur, donec ex toto sanguis ipse resideat & coaguletur: ex quo lethalis inflammationis principium, & exitus optime derivatur. Id satis testantur in dissectis cadaveribus livida, nigricantia, & *gangraenata* Intestina, quae in Mortuis ob *Lypiriam* febrim videre semper occurrit. Quamobrem

24 Sect. I. Cap. 3. Febris tertiana perniciosa &c.

in utrisque pro genuina Mortis causa Intestinorum inflammationem, tum & aliorum imi Ventris viscerum statuendam esse nemo inficiari unquam poterit. Quodsi ex *Iliaca* passione potius, quam *Lypiria* febris refrigeratos, immo gelidos ex toto AEgrotantes, atque in agone constitutos diutius superstites per plures dies videmus; id satis percipiet quilibet, si animadvertat, in illis inferiora intestina tantum, aut saltem non omnia: in his autem superiora plerumque, aut etiam omnia, simulque Hepar, aut Lienem, aut utrumque viscus cum adnexis aliis, atque praesertim Ventriculum ipsum lethalem inflammationis Tyrannidem subire. Quo autem inflammatio magis in partibus, ad quas majora tendunt sanguinea vasa sistitur & confirmatur: eo citius, eo pejus sanguis a nativo motu suo deflectit, coagulaturque: unde citior Mors.

LII. Quod si ex ante dictis verum sit, Tertianas febres hasce etiam, sicuti & alias benignae magis indolis, a bilis praetermodum furentis variis tumultibus magna ex parte derivari: praesto etiam erit genuina unica ratio, propter quam luctuosae hae Intestinorum, aliorumve imi Ventris viscerum inflammationes in *Lypiria* hac febre contingant. Dato enim quod in hisce morbis hujusce corrodentis bilis magna copia adsit (cui & pessimae indolis lympham tum *intestinales*, tum *pancreaticam* adjungi, non est negandum) quae plerumque tenax maxime sit & glutinosa; haec tardius fecernetur a biliariis ductibus, atque tanquam minus mobilis

non tam fortiter aestuabit: unde & levioris rigoris & prolixioris febris ratio emergit. Successive tamen in primis accessionibus, separatis atque avolatis tenuioribus bilis ejusdem particulis, quae remanet postea tenacior & segnior reddita, gravioribus producendis *symptomatibus* in subsequentibus accessionibus ansam praebet. Siquidem bilis haec tenax partim Hepatis *colatoriis* ductibus, partim *cystifelleae*, partim Intestinorum *parietibus* & rugis, atque ipsi Ventriculo, ejusdemque inferiori orificio maxime adhaerens: membranaceas earundem partium fibrillas variis modis corrugat, atque in fortes contractiones cogit, eas fortiter irritando; quare praesto inde est & contentorum canalium constrictio, & sanguinis praepeditus motus, ejusdemque concretio, affectarum partium inflammatio, & Mors.

LIII. Nec ab simili certe ratiocinio percipimus, quare quamplurimis, in quibus, post profligatas tertianas febres, *fluxus biliosus* aut *dysentericus* subsecutus est per plures dies, parvi aestimatus, utpote ab AEgrotantibus, tanquam salutis habitus: paulo postea *Lypiria* succerit febris, una cum peculiaribus gravioribus ipsius *symptomatibus*, propter quae Mortis subire ictum coacti fuerint. Id paucis abhinc annis evenit Domino Scazzolae in Vicinia Sancti Bartholomaei. Hic posteaquam ruri plus domesticis quam salutis propriae negotiis incumbens, Tertianam febrem diu tolerasset, quam subsecutus fuerat pertinax *dysentericus fluxus* ab ipso pro nihilo habitus;

habitus; validiſſima correptus febrī Cremonam ſe contulit. Huic comes aderat adhuc *dysenteria*, propter quam ſincerum fere magna in copia ſanguinem educebat. Hinc *ſuſpirioſa* laborabat anxietate, vigiliis, intenſa ſiti, mente tamen optime valens. Poſt triduum univerſalibus frigidis adjunctis ſudoribus circa frontem, maxime, cum depreſſo & frequenti admodum pulſu, cum interno aëſtu, atque moleſtiſſima agitatione inopinato occubuit. In hoc caſu irrita, penitus fuere præſidia quaeque medica tam brevi temporis intervallo uſurpata, ad huiusce acutiſſimi morbi furorem compescendum; maxime cum anteaquam Medicum aſciſceret, altas jam Morbus radices jeciſſet; quod ex gravedinis quodam ſenſu, de quo cum anxietate *praecordiorum* conqueſtus antea fuerat, deduci merito poterat. Eadem enim bilis abſterſiva forti & corrodente, qua pollebat, vi, ſuaque tenacitate Intestiſtorum plicis infixæ, non tantum mucosum eorundem velamen paulatim abraſerat, verum & ſucceſſive intimas eorundem membranas, minimaque vaſcula ipſas contextentia corroſerat, unde ulcerationes parvae ſubortae ſunt, a quibus *dysentericus* fluxus primordium ſumpſit. Hinc factum fuit, quod ab eodem *cauſtico*, fere dixerim, biliſo ſucco majores etiam ſanguinei tubuli exeſi fuerint: propter quod majore poſtea in copia Sanguis effluxit, hicque partim cum faecibus excretus fuit, partim in inteſtinarum cavitæ affatim coacervatus & concreſcens, ipſorum hinc ſubſe-

quente inflammatione, violentae huiusce mortis unica & potior cauſa fuit.

LIV. Citiffimus atque præceps *Lypiriae* huiusce febris curſus ſollicitam magis Medentium ſolertiam, omni jure expetit: ne, ut toties evenit, Mors clanculum inopinato occurrens ipſorum ſegnitiem ignominioſe nimis accuſet. Nec multiplici, aut pretioſo remediorum apparatu cum lethali hoc furibundo morbo pugnandum eſt, ut opportune evincatur. Satis eſt ab initio febris indolem, & futuras mutationes optime noſcere: ut, habita AEgrotorum congrua ratione, ipſis tuto occurramus. Quamobrem ad huiuscemodi AEgrotantes non ſero accerſitus, de futura victoria nil penitus diffido, ad ſimplicia tantum confugiens remedia, quae ſubſequens certa Methodus in hiſce caſibus a me toties obſervata diſtincte patefaciet.

LV. Statim ac initio morbi in prima febris acceſſione, tum exuberantem ſanguinis copiam ab AEgrotorum *plethorico* habitu indicatam, dignoſcebam: tum & aëſtuantis viſcidae bilis copiam a maxima Oris amaritie, atque citrino linguae glutinoſo colore, tum & aliunde ſatis cognitam; facta in remiſſione febris congrua ſanguinis emiſſione, ſequenti intermiſſionis die conſuetum illico leve *purgans*, aut *Emeticum* exhibebam, ſervata ſemper ratione ſpecialis AEgrotorum texturæ, atque occurrentium *ſymptomatum*, quae omnia ſupra in tertianae febris curatione ſuſius attigimus. Eodem

26 Sect. I. Cap. 3. Febris tertiana perniciosa &c.

tempore copiosas frigidae aquae portiones propinabam, quam acidulam semper reddere curavi addito Mali medici succo, aut granatorum pro AEgrotorum libito, ob supra allatas rationes.

LVI. Exinanitis sic satis vasis, atque excedentis bilis copia diminuta, secundae subsequenter accessionis cursum attendebam. In hoc autem primaria mihi erat cura, ut occurrentis praesertim vomitus molestiam sanioribus praesidiis refranarem. Ideo si inanes aderant vomendi conatus, copiosos aquae tepentis haustus AEgrotis hisce propinari iteratis vicibus jubebam: hoc maxime consilio ductus, ut tenaces, si quae adessent, in Ventriculi cavitate, aut non longe ab ipsa, materies biliosae dissolvi possent, sicque facilius, aut superius, aut inferius eliminari. Nunquam enim laudare eos potui, qui statim ad *Narcoticum* confugientes, dum AEgrotorum molestiam imminuere omnibus viribus satagunt, naturae quoque, biliosi ut plurimum humoris expulsionem per vomitum provide molientis, vires penitus enervant, atque salutares motus sistunt; quare aut peiora inde subsequuntur *Symptomata*, aut morbi causam eo magis firmamus, quo praemature magis morbi luctam compefcimus. Ast cum post tepentem aquam plenis cyathis frequenter ingurgitatam, molesti adhuc vomendi conatus una cum *cardialgicis* vehementibus passionibus denuo insurgebant, Salis Absynthii cum Laudano commendatum supra remedium in succo Mali medici dissolutum

illico praescriberebam, denuo etiam, si opus esset, paulo postea repetendum.

LVII. Interim febris progressum, atque remissionem maxime, solertiore omni attentione perscrutabar: quo tempore copiosos frigidae supra toties memoratae aquae acidulae portiones etiam atque etiam commendabam. Dum, sanioribus hisce simplicioribus medicis praesidiis morbifica jam magna ex parte devicta causa, febris ad remissionem nullis gravibus aliis comitantibus *Symptomatibus* feliciter tendebat, atque superveniente copioso sudore immunes ex toto AEgri evadebant; tunc ad alia transire supervacaneum putans, solis aquae potionibus jam dictis utens, naturae potius providis motibus, quam remediorum adminiculis fidens, paulo postea de totali morbi solutione gratulari mecum, ipse laetanter poteram. Ast contra dum, ad statum perducta febris anxius maxime & *suspiciosus* AEger reddebatur, huc illuc per lectum misere se jactando, modo *cardialgicis* iisdem passionibus obstinate adhuc perdurantibus acerrime divexatus: modo *lipothymia* correptus, nullumque prorsus ex iteratis Alvi biliosis dejectionibus levamen obtinens; tunc de imminente jam jam *Lypiria* timendum merito esse indicabam; maxime cum multo ante remissionem febris, quin immo in ipsius statu, leves accessissent universales sudores, mediis quibus, quo magis sedari exterius calor videretur, eo pejus admodum se habebat, atque interius magis magisque circa

prae-

Sect. I. Cap. 3. Febris tertiana pernicioſa &c. 27

Praecordia ſe aduri miſere dolebat. Ad haec autem omnia ſedulo maxime animum, quaefo, convertant *Tyrones Clinici* Medentes, atque ab hujusmodi calore in ſummo febris vigore doſe imminuto, eo magis terreantur, quo mitior fuerit, maxime ſi univerſalis intempeſtivus glutinoſus ſudor adſit: ſi anxietates, ſi maxima pulſus frequentia, vibratio, frequens mutatio, imminutio, inaequalitas, aliaque ſupra recensita, maximi facienda accedant, ſimulatamque febris remiſſionem lethalem oſtendant.

LVIII. De imminente ſic *Lypiria* ex ſupradictis ſatis monitus prope conſuetam remiſſionis febris horam ad *Chinae Chinae* uſum, veluti ad ſacram anchoram, confugiebam. Hanc autem majore, qua poteram, ſolicitudine propinabam, ſive in bolos, ſive in pulverem redactam, aut alio modo, prout *AEgrotis* iſſis magis commodum futurum eſſe, aut minus moleſtum, arbitrabar: dummodo tamen integram ſaltem ſumerent unciam ante futuram acceſſionem. Quade re totam hanc *febrifugi* doſim in quinque, aut ſex minores doſes dividi curabam, quarum unam ſtatim in ipſa praegreſſae febris remiſſione exhibebam, & ſucceſſive alias ſingillatim continuando poſt quatuor horas, uſque dum tota doſis, quo citius poſſibile eſſet, foret conſumpta. Interim medio hoc tempore, inter *febrifugi* iteratum uſum, ſufficiens, tenue tamen, & congruum alimentum iſſis concedebam; ex juſculis nempe, aut pane cocto, *Ova* diſtincte vitando, quorum peculia-

rem vim ad violentos magis bilis tumultus excitandos, atque ad ejuſdem ſimul tenacitatem augendam ſemper novi. Eodem tempore, quo *febrifugo* utebatur *AEgrotus*, non minor mihi erat cura, ut ſaevientia, ſi quae adhuc adeſſent *ſymptomata*, tutioribus auxiliis ſedarem. Unde ſi vomitus, aut diarrhoea *AEgrotos* detinebat, recensita ſupra *ſtomatica* mixtura, ad coclearia identidem propinata, tutiſſimum iſſis praefidium erat. Ob hanc eandem cauſam, ſi haec *ſymptomata* vehementius urgerent, illius loco hanc aliam maxime utilem expertus toties fui ad coclearia pari modo ſumptam juxta *ſymptomatum* praefentiam.

R.^e Aq. Mentae
 Florum Camomeli
 Totius Citri
 Gland. Perſic. añ. unc. 2.
 Cinamom. Mat.
 Aceti deſtil. añ. drach. 6.
 Confectionis Alcherm.
 Diaſcord. Fracaſt. añ. ſcrup. 4.
 Sal. Abſynthii
 Spet. Diarrhod. Abb. añ. ſcrup. 2
 Laud. liquid. Sydenh., aut ejus loco
 Cittoniat. Helmö. drach. 1
 Sirupi de Granat. drach. 6.
M.^e

LIX. Inter externa, ſi opus erat, ad violentiores ſtomachi paſſiones ſedandas, Emplaſtrum è cruſta Panis Montagnanae Ventriculo applicandum imperabam: aut ejus loco fruſtum ſimplex Panis vino malva-

28 *Sect. I. Cap. 3. Febris tertiana perniciosa &c.*

rico generoso imbutum, atque pulvere Cinamomi sufficienter inspersum, una cum modica quantitate Balsami Peruviani; aut folia Absynthii contusa in eodem malvatico vino paululum ebullita, quibus addi non raro curabam Oleum Nucis Moschatae. Hinc omnis mihi aderat cura, ut hisce adminiculis vomitus *symptoma* magis urgens sedarem, ne assumptum febrifugum, in quo omnis & tutior curationis ratio & spes adesse poterat, unquam rejicerent. Quapropter, nisi remedia haec ad id sufficere viderentur, cum eadem *China China* congruam Electuarii *Diascordion*, aut *Theriaca* portionem immiscebam. Quodsi perseverante vomitu, frequentibus animi deliquiis Aegroti vexabantur, anxii inde & suspiriosi facti, atque jam jam magna ex parte refrigerati; tunc *Chinam Chinam* in vino malvatico simplici, aut cum idonea quantitate aquae mixto juxta indigentiam infusam exhibebam iteratis vicibus: aut in bolis, malvaticum idem vinum superbibendo.

LX. Si molesti *premitus* in hisce febribus passim familiares diarrhoeam comitabantur: praesto erant Clysteres ex Lacte *chalybeato*, aut Sero Lactis una cum vitello ovi, atque mellis rosati simplicis unciiis duabus aut tribus: aut ex decoctione furfuris cum unciiis tribus Butyri recentis, atque duabus unciiis mellis rosati simplicis, seu sirupi de rosis siccis, simul cum vitello ovi optime dissoluto. Hujusmodi Clysterum iteratorum usum tunc utilem quammaxime expertus semper fui ad visco-

sam educendam bilem, quae Intestinorum crassorum *parietibus* tenaciter inhaerens, eosdemque fortiter irritans, molestissimos illos frequenter suscitatur *premitus*: tum & ad Intestinorum maximum aestum tunc facilius sedandum. Idcirco copiosos frigidae aquae acidulae, ut supra, redditae haustus identidem concede-
bam.

LXI. Verum dum hic denuo frigidae hujusce aquae affluentes potus, tanquam praecipuum bilis unicuique fraenum, commendo: mirabitur fortasse aliquis, quod generosi malvatici vini usum simul antea laudaverim, quod ex opposito omnino propositae aquae usum condemnare videtur. Mirari tamen desinet, si attendat duplicem in hisce distincte febribus, fortasse magis quam in aliis quibuslibet, indicationem Medico necessario objici; alteram nempe, quae bilem compescere docet, simulque dissolvere, eamque ad faciliorem excretionem disponere: cui satisfaciunt copiosae dictae aquae potationes cum Mali medici succo; alteram, quae comitantibus *symptomatibus* succurrat, vomitui nempe, & diarrhoeae, & stomachi passionibus, aliisque hujusce indolis morborum affectibus; quibus merito convenire certe potest tum Vini malvatici, tum & propositae *stomaticae* mixturae usus. Id enim toties observavi, quod, dum alimentum vix assumptum statim per vomitum Aegroti rejiciebant; nullum efficacius remedium aderat, quam Vinum hoc malvaticum non dulce ad coctlearia ante cibi assumptionem propinatum.

Hoc

Hoc namque *stiptica*, & *spirituosa* simul vi sua, qua specialiter ditatum est, Ventriculi atque Intestinorum fibrillas roborat satis & firmat, congruum iisdem tonum restituendo. Præterquamquod eo magis convenire videtur in hisce febribus malvaticum hoc Vinum, quo magis sanguinis retardatum motum in præcipuis maxime imi Ventris partibus, ejusdemque coagulationes, atque per consequens inflammationes pertimescimus: quod pessimus est, & extremus harum febrium terminus. Intestinales enim fibrillae *spirituosa stipticaque* vi hujusce Vini maxime roboratae, validius oscillant, eademque ratione magis contentum excutiunt sanguinem, atque ad motum magis magisque sollicitant; quo nihil validius haberi unquam potest, magisque idoneum ad futuram ibidem præcavendam inflammationem.

LXII. Qui effectum tantum incipientis, aut jam factae inflammationis, sicuti in hoc, ita & in omnibus aliis morbis attendunt, causam autem ipsius veridicam pessime negligunt: cum inde vehementem exsuscitari calorem animadvertant, ad refrigerantia tantum confugiendum esse certo asserunt, eos simul absolute damnantes, qui *spirituosa*, qui *volatilia*, qui *incisiva* præscribunt, utpote nimis actiuosa, atque ad majores suscitandos aestus perquam faventia. Verum si attendant, ideo calorem haberi, quia habetur inflammatio: ideo inflammationem produci quia, fit sanguinis coagulatio: ideo concretiones hasce plerumque fieri, quia crassior est, atque ad

motum maxime ineptus sanguis; reliquum erit, ut ad tollendum calorem, inflammationem arceant, sanguinis expeditum magis suscitando motum, ipsum nempe attenuando: quod actiuosa tantum perficiunt remedia, atque ideo omni jure convenire videntur; dum è contra incrassantia, & glutinosa, atque attemperantia inconsiderate sic adhibita damnanda sunt, utpote veridicam inflammationis causam foventia, firmantia, atque augentia. Non inficias tamen iverim, non indiscriminatim in quacunque inflammationis, sive proximae, sive incoeptae occasione dissolventia & volatilia convenire; maxime cum, aut fluidorum concretiones a nimia solidorum rigiditate vasa coarctante fiunt, aut a nimia sanguinis velocitate, propter quam & ipse extra aeram circulationis hinc inde dejectus, residet & concrevit. Sed nullum ex his in casu nostro verum comperiri poterat: tum quia solida laxata nimis erant, tum quia fluida undecunque in suo motu torpescabant: quod satis imminutus, & depressus indicabat pulsus.

LXIII. Assumpta nihilominus ex toto prædicta *Chinae Chinae* dosis succedentem utplurimum accessionem aliam præpedire neutiquam poterat. Febris tamen serius plerumque insurgebat, atque levi comite rigore mitiorem in initio faciem præsefererebat; licet postmodum in augmento & statu, iisdem quasi comitantibus *symptomatibus*, non minus quam in præcedente saeviret. Hinc tamen nil prorsus

deterrebar, utpote quotidiana experientia ſatis edoctus, quod, dummodo congrua ſelectioris *Chinae Chinae* doſi acceſſionem hanc anteire potuiſſem, nihil ultro timendum merito erat: cum plerumque in hac totaliter febris conſiſteret, nulla alia ſubſequenti acceſſione. Verum urgente febrī jam incoepta totus eram, ut occurrentibus *ſymptomatibus* obviam ire opportune poſſem; quae cum fere ſemper ad exaratas toties *cardialgicas* paſſiones, ad vomitum, atque immodicam ventris *ſolutionem*, *lipothymia* comite, reducerentur; ad ſupra recensita toties experta remedia iterum confugiebam.

LXIV. Solis hiſce ſimplicibus remediis, juxta febris motus, atque *ſymptomatum* tyrannidem uſurpatis, fauſto mihi ſemper ſydere ſors arriſit in hujusmodi curationibus. Interim Patientes etiam, atque etiam ad copioſos aquae potus cohortabar. Caeterum ex toto quieſcens, atque naturae admirator tantum factus, ſpontaneam ineuntis acceſſionis ſolutionem attendebam, quae ut plurimum tardius fiebat, levi accedente ſudore admodum protracto, una cum bilioſis dejectionibus; quae quidem tutior ſemper fuit iſtius febris ſolutio.

LXV. Proſtigata jam ex toto febrī, licet de nova futura acceſſione, nil penitus timerem; *Chinam Chinam* tamen adhuc ſumendam iterum monēbam, optime conſcius, quod, (licet aſſumpta jam prima doſis ad arcendam aliam acceſſionem, quae ſine dubio ſubſecuta fuiſſet, ſufficeret) non adeo tamen potens erat, ut fe-

brilem deſtruere ex toto cauſam potis eſſet; quod quidem neceſſe eſt, ne paulo poſtea (quod paſſim evenit) vires iterum aſſumens in febriles aeſtuationes humores iterum cogat. Hac de re in ipſa prioris jam tranſactae febris remiſſione, drachmā ſaltem unam *Chinae Chinae* AEgrotantibus exhibebam, eandem doſim iterando ſequenti die tum mane, tum vespere: ſicque continuando per tres dies eodem modo, pro ut magis minusve perfecte AEgrotantes convaleſcere noſcerem, atque ſic de *recidiva* timendum jure eſſe putarem. Hiſce tranſactis diebus mane tantum drachmam unam ejusdem *Chinae Chinae* ſumendam docebam per tres quatuorve alios dies, aut ſemidrachmam tantum, ſi minus potens cauſa morbi videretur: quibus elapſis totidem aliis vicibus alternis diebus eadem doſis iteranda erat, & ſic etiam de quarto in quartum: donec tandem omnibus ſimul aſſumptis *Chinae Chinae* doſibus duas uncias, atque etiam in contumacioribus febribus duas cum dimidia, partitis ſic vicibus AEgroti ſumpſiſſent.

LXVI. Attamen licet *Chinae Chinae* uſum hac methodo ſervatum utilem ſemper admiratus fuerim ad imminentem in pernicioſis hiſce tertianis febribus *Lypiriam* omnimode arcendam: non pari equidem eventu ita potens ſemper evadebat, ut ſuccedentem aliquando paulo poſtea *recrudescentiam* impedire ſatis poſſet. Etenim non raro poſt ſex, octo, plureſve dies iterum eadem febris, licet non gravibus iisdem ſtipata

pata *symptomatibus*, caput extollebat; ex quo licet nil amplius timendum prorsus esset, non modica tamen AEgrotantibus molestia inde promanabat, maximumque ad totalem Morbi obtinendam victoriam negotium Medicis inde prodibat. Porro, cum febres hae tam cito recrudescant, praesertim prope Autumnale AEquinoctium, etsi congrua *Chinae Chinae* dosi sopitae, iterum atque iterum vires suas exerunt, magnam AEgrotis molestiam afferendo. Quare post hebdomadam unam, duasve, citius tardiusve pro peculiari AEgrotorum dispositione, praegressisque in sex rebus non naturalibus erratis, atque maxime pro febrili vario fomite, castra iterum tertio, & quarto repetunt, quae paulo antea malitiose deseruerant; ita ut aliquando duo, aut tres menses elabantur, anteaquam AEgrotantes post iteratas toties *recidivas* de totali febris tuta solutione gloriari merito queant; quin immo & non raro in *Chronicos* inde pullulantes varios alios morbos postea desinant, qui, licet ab eadem fiant causa, aliam tamen praeseferunt faciem, aliosque characteres induunt: quod apposite admodum solertissimum Epidemicorum morborum observatorem Sydenhamium adnotasse constat, dum sic effatur: (10) *Hi omnes* (non tantum tertianas hasce autumnales, sed etiam quartanas, dysenteriam, aliosque huiusce indolis morbos intelligit, quorum omnium par ut plurimum est causa, atque aequa lex) *ut ut eorum aliquos, quos*

semel invaserint, longiori vel breviori tempore affligant, plerumque tamen intra duorum mensium spatium, & non, & Epidemicorum naturam prorsus amittunt.

LXVII. Ast pluries mecum ipse admiratus maxime fui peculiarem ordinem & rationem, qua ut plurimum febres istae, postea quamprimo recrudescere visae fuerint, successive frequentius, indeque rarius insurgere, & quidem variis modis consuescunt. Etenim, dum primo ope *febrifugi* profligatae sunt, continuato licet eodem remedio, modo post octo dies, modo post decem, modo citius, modo tardius, se produnt, bellumque iterum suscitant; quod mitius semper fit, habita fere admissim ratione distantiae a primis febris accessionibus. Quo autem magis ineunte tempore post iteratas *recidivas* febrilis enervatur & destruitur causa, eo magis deperditur *tertianarius rhythmus*: cum non raro stasis fere, ut diximus, temporibus febrim iterum ita invalescere videamus, ut licet iisdem tertianae *symptomatibus* mitioribus stipata sit, trium tamen quatuorve dierum spatio indefinenter perdurat, inordinatis praecedentibus rigoribus. Sic non raro febris, quae primo tertiana fuerat, & *febrifugo* sopita, mox *quartanario rhythmus* post aliquod tempus insurgit: mox quotidiano; mox *erratico* quolibet alio, donec devicta omnimode, tutoque sit. Verum id minus mirum cuique videri potest: nam, asserente eodem expertissimo Sydenhamio, tertianae & quartanae

profe-

(10) Sydenh. de Morbis Epid. Cap. 2.

(11) *profecto ea affinitate inter se connexae sunt, ut saepe numero vices permutare, saltem ad tempus, deprehendantur, mox fortassis ad pristinum genus rediturae: quod de quacunque erratica alia febris post tertianae recidivas varias insurgente verum comperiri optime potest.*

LXVIII. Inordinatas hasce tertianarum febrium varias quaslibet mutationes, peculiaribus Aegrotantium Corporum dispositionibus tribuendas distincte esse, praeter speciales aeris occurrentes constitutiones, nemo inficiabitur. Ab hisce specialiter causis febrilis fomes citius tardiusve reviviscit, diversasque nanciscitur vires ad congruam maturitatem perductus, ut iterum in praelium varia ratione confurgat. Quod autem citiores tardioresve tertianarum febrium *recrudescentiae* variae non aliunde, quam ab eadem bile intermedio longiore breviorve temporis spatio ad sufficientem quantitatem coacervata, atque peculiarem, a nemine satis unquam intellectam, conditionem suscitandae denuo febris idoneam adepta, derivari unice possint: ex eo magis patebat, quod, dum febris denuo insurgeret post longum etiam tempus, aut per vomitum biliosas virentes ut plurimum, alteriusve indolis materies magna in copia eructarent: aut inferius per Alvum excernerent, aut per utramque viam, juxta febrilis causae quantitatem, aliamve conditionem, aut motum. Hinc febris demum evanescebat iterum ex toto, nec ultro denuo saeviebat, donec praeparata,

iterum biliosa eadem sarcina, atque ad idoneam quantitatem adaucta, novum denuo incendium suscitare potis esset: ut successive destrueretur iterum. Quod autem tam facilis haec pravae hujusce bilis nova productio, malam in Hepate, atque Liene, aliisque forsitan imi Ventris Visceribus peculiarem dispositionem indicet: id aperte testantur *Chronici* varii morbi, qui post contumaciores febres hasce plerumque suscitantur, *Cachexia* nempe, *Hydrops*, atque dictorum Viscerum alia quaevis vitia, *Ictericitiae* &c. Ex iteratis enim observationibus cuilibet Medico satis constat, tum eos, qui hisce morbis aliunde detinentur, frequentius tertianis corripiri febribus; tum vice versa. Hoc unum tantum ingenue fateri quilibet debet Medicus, nondum satis patere, quatenam sit specialis istorum viscerum morbosa affectio, a qua necessario tertianae variae indolis febres proficiscantur. Etenim id ex Cadaverum dissectionibus satis assequi nemo potest: cum nulli unquam ex simplici Tertiana moriantur. Quod si aliquando hujusmodi *tertianarii* Aegroti occumbunt, id plerumque ob graviores alios superadditos morbos fit; unde difficile admodum est intellectu, an ea Viscerum vitia, quae in eorundem Cadaveribus inveniuntur, illa vere sint, quae habitam primo tertianam febrim produxerint; an potius superaddito lethali alteri morbo occasionem praebuerint. Quare liquido constat, quod, dum de tertianarum origine loquimur, conjectando solum

solum ratiocinari, & non aliter possumus. Attamen de hisce non plus aequo sollicitus sit Clinicus Medicus; cum ipsi & AEgroto magis expediat scire *quid Morbum tollat, quam quid faciat*, ut Celsus admonet in Praefatione: maxime cum per saepe, ut diximus, aut tam gravia in hisce febribus *symptomata* urgeant, quae ad exitium dolose tendunt; aut ad peiores Morbos aditus inde facile fiat; aut saltem contumacior febris evadere queat. Hisce omnibus de causis, cum ex dictis biliosus specialis humor, tum prava peculiari qualitate, tum magna copia peccans propotiore istarum febrium causa habendus omni jure sit: ipsum viriliter compescere, evincere, omnimode destruere, atque expellere solers debet Medicus. Quapropter neque plus aequo fidendum est adhibito *febrifugo*, cum post iteratum ipsius usum, etsi congrua servata in omnibus sedulo ratione, febris terque, quaterque, ut supra observavimus, aliquando recrudescat. Itaque si, posteaquam, *Chinae Chinae* usu satis protracto, febris cesserit, non perfecte inde convalescant AEgroti: si nempe fractae admodum Vires sint, si male appetant cibum, irrequietas per saepe transigant noctes, natus nondum faciei redeat color, lingua subcroceo cooperiatur glutine maxime statim post somnum, cum oris amaritiae, praesertim si inanis ad vomitum concitatio saepius adsit, multoque magis *lymphatico-bilioso* prodeunte liquore, atque Alvus congrua ratione non deiciat, caeterumque prope Ventriculum tensio, anxietas,

aut dolor adsit; si, inquam, haec, aut similia vigeant *phaenomena*: aut superius aut inferius, juxta morbi indigentiam, atque AEgrotorum varias conditiones purgare necesse est; quod utile admodum ego ipse expertus pluries fui. Nec quidpiam huic obstat vulgaris illa opinio, quod purgare quomodocunque post *Chinae Chinae* usum idem prorsus sit, ac novae hinc eventurae febris viam certe sternere. Hoc enim falsum absolute esse experientia teste millies, atque millies didici: quod & rationi ipsi consonum esse satis constat. Verum quidem est, quod adhibito congruo purgante, ut rectudescentem ultro averterem febrim, illico *febrifugum* identidem AEgrotis propinare tunc satius multoties existimaverim: licet, & absq; hoc, febrim inde radicitus evictam pluries noverim in aliis, qui iteratum *Chinae Chinae* usum post assumptum Pharmacum penitus respuerant. Sic vice versa alias, & saepe post *febrifugum* sic denuo usurpatum, iterum iterumque febris recrudescente visa est. Id autem tunc ut plurimum & citius evenire novi, atque certo praedicere potui; cum in primis accessionibus febris diuturnior foret, gravioribus stipata *symptomatibus* statim initio esset, atque prope tertiam accessionem, in tertianis duplicibus nempe, eo magis protraheretur in dies febris, ut coeuntibus sic accessionibus, continua inde fieret, vix, levi praevio rigore quotidie semper imminuto, accessionum initium patefaciens. Neque tunc in hisce *recrudescentiae* metum merito tollerant biliosae dejectiones affluenter occur-

34 Sect. I. Cap. 3. Febris tertiana perniciosa &c.

occurrentes, neque biliosi copiosique vomitus: quibus praeviis tutius saepe quam proxime futuram febrim praedixi, non raro veridicus.

LXIX. Illis omnibus, in quibus facilius recrudescebat, & saepius morbus, non tantum occasione febris, sed quolibet etiam tempore ab ipsa vacuo, plus minusve solito pulsus frequens semper aderat, cum molesto calore quodam in Carpo, & fronte praesertim sensibili, quo magis prope Renes AEgroti torquebantur. Hinc plerumque cibum aut averfabantur, aut avide nimis appetebant, ii praecipue, qui, cum mane a cibo diutius abstinerent, molestam quandam Ventriculi affectionem patiebantur, ac si animo inde se deficere sentirent, ceu indefinitibus Ventriculi morsibus divexati. Praeter haec facies in illis a nativo vivido colore manifeste deflectens pallidam admodum, aut subcroceam praeferebat effigiem. Vires parum admodum constantes erant: quare pluribus etiam a discessu febris diebus, nil penitus nativo robore potiebantur. Aliquibus nocturnos erraticos sudores familiares vidi: parum placidos somnos, plerumque tetrisonomniorum spectris perturbatos. Quod si aut diutius loquebantur, aut plus aequo ambulatione aliave Corporis exercitatione se detinebant: anxii fiebant laboriose spiritum ducentes, universa lassitudine indoppressi, eodem prorsus modo, quo in Cachecticis, & Virginibus maxime Chlorosi detentis evenit. Nonnullis tumescebant Pedes, praesertim cum

ambularent, aut paulo diutius starent: Hocque plerumque iis facilius evenire consuevit, qui ob eandem febrilem causam firmitus, aut in Hepate, aut in Liene, aut utrobique firmatam, ad chronicos tendebant morbos; ut Cachexiam, Hydropem: aut etiam ad acutos lethales alios, ob inflammationem, aut abscessus in alterutro, vel utroque ex dictis Visceribus occurrentes fieri solitos.

LXX. Ad acutissimos hosce subsequentes Morbos merito etiam reduci debet Tonsillarum dolor, & inflammatio non raro post contumacissimas tertianas hasce occurrens, quam lethalem admodum omni jure indicavit Sydenhamius: maxime (12) cum deglutiendi primum difficultate & molestia, supervenientibus deinceps rauedine, oculis cavis, & Hippocratica facie, quae mortem certo imminentem praemonstrant, intercisa plane omni reintegrandae sanitatis spe: pro ut ipse monet. Quomodo autem hujusmodi Tonsillarum inflammatio potius, quam aliarum partium quarumcunque, tertianas hasce specialiter febres subsequatur, difficile admodum est captu: maxime cum ab Anatomia, sive aliunde nondum pateat, quae nam sit peculiaris Tonsillarum relatio ad imi Ventris partes illas, in quibus praecipue istarum febrium causa statuenda merito est. Nihil tamen secius, si ullus unquam in re tam obscura conjectandi locus mihi conceditur, de hoc sic ratiocinari non incongruum existimarem. Quod aliqua, nec tam modica adsit communicatio, seu specialis consensus

(12) Sydenh. de febr. interm. Cap. 5.

sus partium praecipuarum imi Ventris cum superioribus dictis, & praecipue cum *Larynge*, & *Pharynge*, nemo certe negabit, si attendat, in inflammationibus tum Ventriculi, tum Intestinatorum, sive in *Iliaca passione*, sive in *Lypiria* etiam febris, sive alia quavis occasione factis, vocem non tantum raucam evadere, verum etiam ita demitti, ut *Aphoni* omnimode Aegroti fiant, cum ardore faucium, rubore, atque plerumque singultu, aliisque hujusce indolis symptomatibus, quae aut *Laryngis*, aut *Pharyngis*, aut utriusque partis laesionem vario modo factam aperte indicant: quae etiam omnia, aut pleraque saltem symptomata & in contumaciori *Diarrhoea*, & in graviore *Dysenteria* occurrere passim varie observantur. Omitto & specialem Uteri cum superioribus iisdem partibus consensum, qui in hysteriis plerisque affectibus ostenditur, dum *Aphonia*, *Praefocatio*, seu melius *Strangulatio* succedit. Tali posito consensu cuique satis noto, non abs re, meo iudicio, videtur esse, si dicamus: quod si, male affectis inferioribus dictis partibus, superiores distincte ita patiuntur; pari ratione infensus humor, qui in tertianis febribus illas obsidet, ad hasce etiam facilius, quam alias transferri queat. Quamobrem biliosus humor in tertianis maxime vigens, & furens: sive majoris lymphae simul portio (quae in Intestinis, aliisve ipsis proximis partibus secerni, atque excerni solebat, atque, ob earundem contractiones, occasione graviorum symptomatum in hisce febribus occurrentium factas,

maximum sui motui obicem invenit) superiores dictas partes distincte petere potest, ibidemque residere, concreescere, atque tumores varios, nec non inflammationem ipsam progignere. Quod autem posita bilis exuberanti copia peculiariter vigente (quoties congruum ad Intestina aditum non habeat, ut satis atque tempestive excernatur) ipsa cum sanguine & lymphâ iterum immisceatur, aliasque partes quaqua versus pervadat; satis indicat profusa Lymphâ illa per *diaphoresim* emanans, quae aliquando subflavo inficitur colore, atque plerumque sulphureum olet ichorem. Id ultro testatur flavescens cutis color, & urinarum, quasi ictericus, in oculis magis conspicuus, ne dicam in Lingua praesertim: qui quidem successive citius tardiusve evanescere videtur, habito respectu ad biliosas dejectiones libere magis minusve factas: qua eadem servata ratione superiores etiam dictae partes a lymphaticis quibusvis, aut lymphatico-biliosis concretionibus in enarrato casu liberantur. Propter hanc bilis aestuantis commixtionem cum sanguine, lymphâ etiam inficitur, atque corrodentem, fere dixerim, naturam induit, propterquam tenuiorum vasculorum tunicae lacerantur plurimis in locis: ut in Intestinis praesertim, propter quod *Dysenteria* hasce passim febres comitatur: tum & in ore, & labiis maxime, & Naribus, unde scissurae illae fiunt, quae non immerito pro Critico Naturae motu habentur, cum ab hisce pateat biliosi febrilis apparatus imminutio, atque plerumque

totalis

totalis solutio. Ex hisce autem omnibus satis constat, quod in hujusmodi *Tonsillarum* inflammationibus non tantum affectam partem, immediate respicere debet Medicus, sed & distincte inferioribus dictis attendere, in quibus secretiones humorum congruas, excretionesque solventibus idoneis promovere dextere expedit. Hinc frequens *Clysterum* usus, tum & Olei amygdalarum dulcium, tum & purgantium mitiorum etiam, satius tutiusque remedium est: quae omnia perquam utilia in hisce casibus expertus semper fui. Quo facilius enim, quo affluentius (congrua tamen semper servata ratione modi, & copiae) per Intestina *Lymphatico-biliosus* humor dictus educitur, minor ejusdem copia alias subit partes: sicque illae, quae ipso gravatae erant, a morbofo pondere citius liberantur. Hac de causa, cum *catarrhali* feбри quondam correptus, *lymphatico* simul prope *Tonsillas* tumore parum absimili laborarem, post consueta alia adhibita remedia, utile mihi admodum, & quidem citissimum praesidium fuit, Lymphae secretionem, excretionemque per *Peyerianas* glandulas sollicitare, atque augere congrui purgantis ope; cum, habita ratione promotae sic expulsionis, humor dictus cito evanesceret. Nec tantum *Tonsillarum*, sed & *Parotidum* persaepe tumores in tertianis autumnalibus praesertim febribus occurrere, experientia constat: quos eodem modo tunc fieri, & solvi posse, nemo forsan negabit. Verum *Tonsillarum* inflammationes dictae quandoque

tarde nimis occurrunt, tunc nempe cum pleraque imi Ventris Viscera, ob praegressas diuturniores tertianas febres, labefactata maxime sunt; quare nulla penitus salutis spes emergit, pro ut cum Sydenhamio monuimus.

LXXI. Id propemodum evenit Domino Maller Machinariarum, munitionum Architecto sub Vexillis Regis Sardiniae Cremonae operam navantis: cujus Morbi historiam non abs re erit hic distincte proponere. Iste prope finem Augusti mensis anno 1735. tertiana spuria feбри correptus Cremonam se contulit, meque accersiri jussit. Tunc valida admodum feбри detentum eum inveni, quam modicus praecesserat rigor cum nausea, & siti. Febris post meridiem invaluerat, atque ad noctem protracta, vix mane remiserat, universali comite sudore non aequè libere prodeunte. Cum mane ideo feбри ex toto careret, atque ex praegressis de tertianae intermittentis *rhythmo* certior factus essem: ad biliosam aliqua ex parte causam evincendam, atque expellendam, leve purgans ipsi praescripsi; quod optime cessit. Successive ad diluentes attemperantes potiones confugi. Febris iterum accessit altera die diutius protracta, comite maxima pulsus frequentia, & mordaci calore. Quare venam secari jussi; indeque Serum Lactis alteratum cum incisivis demulcentibus herbis una cum infusione *Rhabbari* ipsi exhibui per plures dies: cujus ope devicta paulatim febrili causa, paulo postea convaluit. Profligata licet feбри, non hinc tamen perfecte

perfecte convaluisse mihi videbatur. Etenim viribus destitutus admodum erat, cum maxima pulsus frequentia, & concitatione; pallidus ac fere fusco flavescente colore perfusus, parum appetens cibum, nec satis placide noctes transigens. Quapropter, tum ob errata quamplurima in regimine victus, tum ob nativam autumnalis hujusce febris indolem, paulo postea feбри correptus est *tertiana* adhuc ordinem servante, cum ardore quodam faucium molesto. Ad *Chinam Chinam* ideo confugiendum esse illico decrevi, cujus ope paulatim febris evanuit. Attamen eadem, ut antea, tum in facie, tum in pulsu infausta signa aderant, una cum maxima praecipue virium prostratione. Interim aperitivas demulcentes praesertim ex cichorio potiones copiose sumendas indicavi, cum analogo victus regimine. Itaque nonnullis elapsis hebdomadis denuo febris ipsum invasit, quae primo tertianae duplicis inordinatae, ac postea quartanae *rhythmus* servavit. Unde, praeter generalia dicta demulcentia & incisiva remedia, ad *febrifugum* iterum cum modica portione *Rhabarbari*, una cum rosarum conserva, confugiendum esse putavi, cujus adminiculo, devicta validius morbifica causa, melius convalescere visus est. Perdurabat tamen adhuc pallidus faciei color, viribusque admodum fractus inde evasit. Quamobrem subsequenti Septembri, & Octobri, ob iteratos hosce, & frequentes febris insultus, nunquam ex toto prospera valetudine frui potuit. Quare usum *Chinae Chinae* identidem usur-

pandae necessarium ipsi maxime indicavi. Verum cum hinc ipse melius admodum se habere putaret, ac fere ex toto se convaluisse: pro libito quibuslibet indiscriminatim cibis, & fructibus, & praecipue meracioribus Vinis uti coepit. Paulo postea *Tonsillarum* dolore cum deglutiendi difficultate, atque vocis raucedine, & demissione correptus fuit. Accersiri ideo Chirurgum jussit, qui cum de praegressis nil conscius esset, tanquam Angina spuria correptum ipsum curare coepit, nihil attenta universalis latente potiore causa. Inunctiones ideo laxantes, & Emplastra, parti affectae apposuit, quae cum nil penitus prodesse, Oleum amygdalarum dulcium in congrua quantitate ipsi propinavit: medio quo vehemens excitatus est vomitus materiae biliosae cum paucis sanguine. Tunc ad ipsum vocatus, illico ad sedandum vomitum consuetum ex Sale Absynthii, & Laudano pulverem, cum succo Mali medici exhibui, quem cum paulo postea rejecisset, iterandum monui, sed frustra. Vomitus namque ipsum adhuc vexabat, ita ut nihil penitus retineret. Ad haec omnia aliaque praegressa ego animum sedulo convertens, primariam in Hepate latitare causam certo pronunciaui, quae inflammationem minabatur, pro ut vehemens doloris sensus, & febris indicabat, pulsus durus, depressus, & frequens admodum, nec non tensio sub *mucronata* cartilagine versus dexteram partem magis conspicua. Sanguinem ideo statim emitti jussi: Mixture stomatica nostra usus fuit, cu-

jus ope vomitus omnimode cessit. Nihilo tamen secius caetera omnia, atque praesertim *Tonsillarum* dolorem adhuc perdurantem cum aphonia, aliaque omnia praegressa attendens, Mortem in proximo esse certo asserere non dubitavi. Etenim pulsus sensim & sine sensu imminutus fuit, noctes vigil, atque irrequietus transigebat, facies cadaverica reddebatur, atque vox magis magisque rauca & depressa, cum delirio. Paulo postea pulsus ex toto deperditus est, & dum melius de faucium dolore, aliisque se habere Patiens crederet, repente circa septimam morbi diem misere occubuit.

LXXII. Quotiescunque ideo post tertianas hujusmodi devictas febres Autumni tempore, praedictatum in facie, tum in pulsu, tum in aliis signa, sive omnia, sive pleraque etiam adnotabam: etsi Aegroti de totali perfecta valetudine jam tuto firmata sibi falso persuaderent: certo semper febris recrudescentis futuros insultus varios praedicebam. Nec tantum haec signa attendere potui in tertianis illis febribus, quae ad *Lypiriam* primo tendebant: sed & in aliis, quae licet violentae, non tamen ita gravibus stipatae erant *symptomaticis*, ut *Lypiriae* suspicionem proferrent.

LXXIII. In hisce autem, dum primo invaderent, ideo statim plures futuras *recrudescentias* tuto me praenoscere posse putabam: quia, sive simplices, sive duplices eae essent, longissimas habebant accessiones cum rigore, aut levissimo & brevi,

aut forti admodum sed diu protracto: quia sitis intensa aderat in principio cum Ventriculi passione, faucium ardore, cum tensionis sensu prope Ventriculum, & Hepar, comitante quandoque molesta sicca tussi. Nec copiosi in remissione febris sudores aderant, sed *sudatiuncula* tantum, ut ajunt, quae aut discedente febre statim evanescebat, siccata inopinato cuti, aut diu admodum absque ordine protrahebatur. Praeterquamquod etiam intermissionis tempore pulsus frequentia non modica cum calore mordaci adhuc perseverans id manifeste indicabat, maxime cum Autumnali tempore hae febres occurrerent. Non raro in hisce febribus copiosi fiebant vomitus virentis bilis, Alviq; non absimiles frequentes liquidae dejectiones, quae quo minus febris solutioni conducebant, eo contumaciorum indicabant causam ad *recrudescentias* perquam proclivem. Hisce occurrentibus, ac copiosis *symptomaticis* excretionibus, & Ventriculi fortes passiones, & animi defectus, & frigidae *sudatiunculae* Aegros plerumque vexabant. *Observandum est etiam* (13) (monet doctissimus Sydenhamius) quod in principio febrium intermittentium (*epidemicarum* praecipue, quae Autumno contingunt) haud ita in proclivi est *Typum* sub primis invasionis diebus rite distinguere, quandoquidem febre continua adscita primum adiuvantur, neque facile est aliquando, nisi diligenter adverteris animum, quicquam aliud, praeter aliqualem Morbi remissionem deprehendere, quae tamen paulatim

(13) Sydenh. de febrib. interm. Cap. 5.

rim in perfectam deſinit intermiſſionem,
& Typum anni tempeſtati apte reſpon-
dentem.

LXXIV. Quod ſpectat ad cura-
tionem intermittentium huiuscemo-
di febrium contumaciorum abſque
ordine progredientium, quae facile
recrudescunt: haudquaquam me pu-
det cum laudato toties Sydenhamio
confiteri, quod *nondum* (14) *eam fe-*
licitatem adeptus ſum, ut Autumni fe-
bres intermittentes certa aliqua praxi,
atque medicandi ratione tollere poſſim,
antequam ſtatas illas fermentationes,
(de quibus ſupra locuti ſumus) peregerint,
utcumque moleſtum hoc AEgrotantibus
videatur; qui eo uſque ſanitatem ſuam
expectare inviti coguntur. Si enim ali-
quando peculiari alicui inſiſtens me-
thodo eas citius ſolito ſedatas vidi:
non hinc certo arbitrabar metho-
dum illam pro genuina vere haben-
dam generaliter eſſe, caeteriſque
omnibus praeferendam; cum non
tam facile ſit cognitu, quin immo
difficillimum iudicatu, an vere febris
illa ideo proſtigata cito ſit, quia tali
methodo curata: an melius, quia
ſub ſpecialibus AEgrotorum illorum,
& temporis conditionibus talis eſſet
indolis, propter quam *deſpumationem,*
ut ajunt, neceſſariam citius, & fa-
cilis ſubire poſſet. De hoc autem
certior toties factus fui, quoties ea-
dem prorsus utens methodo, votis
ex toto fruſtratus, febres haſce
identidem recrudescere, & diutiſſime
protrahi obſervavi: quod an pecu-
liari ipſius febris characteri, ejuſdem-
que contumaciori cauſae, an incon-
gruae rationi ſervatae methodi ve-

roſimilius tribuendum eſſet, nemo
tam facile auderet ſtatuer. Nihilo
tamen minus nonnulla Diſcipulis
ſaltem meis documenta hic placet
offerre, quae etſi certam quandam
methodum febribus hiſce omnibus
generaliter congruentem firmare
neutiquam valeant: non hinc tamen
ea ſpernenda ex toto eſſe mihi vi-
dentur, utpote quae, ſi non ſemper
congrua ad evitandos recrudescen-
tium harum febrium inſultus, ſal-
tem ad occurrentia ſymptomata ſe-
danda citius, tutiusque, utilia
maxime expertus utplurimum
fui.

LXXV. Quotiescunque ideo ge-
nerali jam ſupra enarrata methodo,
vel etiam *Chinae Chinae* uſu proſtiga-
ta jam primo febris, poſt aliquod
tempus citius tardiusve iterum re-
vertebatur: praecipua mihi erat cura,
ut huiusce febris recrudescentis ge-
nium, & indolem cum praegreſſa
jam deviſta febris diligenter confer-
rem. Quamobrem, ſi hanc ejuſdem,
ac illam, characteris (quod plerum-
que evenit) eſſe iudicabam: per eaſ-
dem hanc quoque *criticas* evacua-
tiones ſolvendam eſſe, certe aſſere-
bam. Unde, ſi illam per inferiora
potius, quam per ſuperiora, aut vi-
ceverſa, aut per utramque ſimul
viam, ſolutam fuiſſe memineram;
in hoc quoque tutiora ſequens na-
turae ipſius veſtigia, hanc potius,
quam illam evacuationem promoven-
dam primo eſſe arbitrabar. Hinc ni-
ſi ſponte huiuscemiſmodi excretiones
moliretur natura, atque aliunde per-
ſpicua ſatis aſſent ſigna copiam

E bilioſi

(14) *Idem ibidem.*

40 *Sect. 1. Cap. 3. Febris tertiana perniciosa &c.*

biliosi latitantis humoris indicantia: statim aut *Emeticum* consuetum, aut leve mihi familiare purgans exhibebam, juxta *AEgrotantium* indigentiam. Hujusce ope ea aperta via, per quam alias natura febrim everterat, *Chinam Chinam* successive sumendam esse jubebam, quam ad ulteriorem avertendam *recrudescentiam* diutius continuandam esse monebam. Quod si neque *Emeticum*, neque purgans, etsi leve remedium, fractis re-nuientibus viribus, ferre *AEgroti* poterant: caeteroquin tamen bilio-sum copiosum fomitem consueta indicarent satis signa, ad quem solvendum natura ex se sola sufficere neutiquam posse videretur; tunc *Chinae Chinae* singulis dosibus congruam *Rhabarbari* portionem immiscebam: quo modo per *epicraticas*, ut ajunt, evacuationes tutius febris devincebatur.

LXXVI. Verum aliquando tam solícite, tamque intempestive, & vehementer evacuationes hasce maximo *AEgroti* damno natura promoveret, ut idoneo opus sit fraeno. Tunc ideo singulis *Chinae Chinae* dosibus congruam portionem *Electuarii Diascordion*, aut *Theriaca*, aut *Laudani* adjungens, aberrantis naturae inanes, noxiosque motus utiliter compescere, tutiusque feбри prospicere curabam. Plerumque tamen in hoc casu sequentem opiatam fausto eventu praescripsi.

R.^e *Conserv. Rosarum antiq. unc. 2*
Granorum Juniperi
Chinae Chinae elect. añ. unc. 1.

Theriaca optimae drachm. 2.

Succi Absynthii drachm. 3.

aut ejus loco *Salis Absynthii* drach. 1.
 & semis

Sirupi de Absynthio q. s. M. f. opiat, quam capiat octo vicibus semel in die, & alternis diebus; prout alias indicavimus.

LXXVII. Ast cum non eadem semper fuerit hujusce tam facile recrudescentis febris indoles, neque eadem in diversis *AEgrotis circumstantiae*, non aequae facile iisdem pene, quibus aliae praesidiis cesserant, morbus devinci poterat. Tunc igitur tutius mihi consilium fuit, eidem *Chinae Chinae* congruenti dosi idoneam florum *Chamaemeli* portionem adjungere. Isti enim, non solum tanquam *febrifugum* remedium ad devincendam febrim una cum *Peruviano Cortice* conferre maxime poterant; verum & tanquam leniens satis valens ad occurrentia quaelibet consueta *symptomata* edomanda. Attamen eodem tempore, quo ad hujusmodi *febrifuga* remedia quaevis confugiebam, alia non mittebam, quae uno eodemque tempore tum febrilem causam radicitus evellere paulatim possent, tum simul alios *chronicos* morbos inde merito metuendos avertere. Quamobrem, cum satis perspectum mihi esset, febres contumacissimas hasce omnes a glutinosa magis, crassaque bile difficile admodum solubili, atque per consuetos excretorios tubulos non nisi longo temporis spatio permeabili specialiter derivari; ad diluentia omnis generis, & dissolventia confugiendum jure esse monebam. Hinc
 aut

aut decoctiones radicum Graminis, Capillorum Veneris, & Cichorii, aliorumve hujusmodi herbarum, *Chalybeatas*, aut Aquas Minerales, ut Villenses, aliasve ejusdem indolis, largis haustibus sumendas indicabam; quo profecto praesidio nullum certe ad id utilius, nullum efficacius, aut Morbi causae magis accomodatum inveniri unquam posse semper existimavi. In hunc finem utiles quoque expertus sum *nitratas* copiosas potiones ex iisdem aquis, utpote caeteris efficaciores ad internos sedandos aestus, atque ad lentescentem maxime dissolvendam bilem. Nil etenim timendum tunc magis erat, quam quod glutinosa haec bilis partim vi sua tenacitatis in *colatoris* consuetis lethales produceret concretiones: partim acri vi sua solida ipsa in enormes contractiones cogeret, propter quas, coarctatis canalibus, variae suborirentur humorum coagulationes tum in Hepate, tum in Liene, tum in Mesenterio: quod plerumque post contumaciores hasce febres fieri, cuique notum est.

LXXVIII. Sanguinis emissio in hisce febribus ob quamplurimas causas inconveniens omnimode putatur, quod etiam multiplici ratione admonet laudatus toties expertissimus Sydenhamius. Etenim si, ut toties docuimus, febrium hujusmodi causa plerumque a bile variis modis peccante derivanda est: quid nam proderit sanguinis emissio, propter quam bilis jam a sanguine separata nil penitus educi potest? Praeterquamquod ipsius ope laxantur ad-

modum, atque enervantur solidorum fibrillae, ipsarumque ideo vis elastica pari ratione diminuitur: quare minus aptae redduntur, ut consuetis tam necessariis *oscillationibus* biliosum humorem, ob nativam tenacitatem suam maxime ad motum inerentem, ad optatas excretiones sollicitare satis queant. Quod si de *Plethoricis* agatur Corporibus, attentam praesertim febris vehementia, qua sub ipso morbi initio corripere solet, sanguinis emissio inconveniens minus erit, & quandoque necessaria; quod ego toties expertus fui. Verum recrudescente denuo saepe febre, dum vires fractae admodum essent, atque Aegroti ad *chronicos* morbos manifeste tenderent: tantum abest, quod sanguinem emittere opportunum & utile censendum ideo sit, ut maxime nocuum, aliisque facile accersendis morbis idoneum, quilibet primo intuitu arbitrari rationabiliter possit. Nihilominus tanta quandoque est comitantium *symptomatum* vehementia, tamque crudelis saevities, ut ad evitandam in *Praecordiis* inflammationem, (quam imminentem plerumque in hisce casibus satis indicant *suspiciosae anxietates*, universalis incipiens refrigeratio, ob retardatum sanguinis motum, pulsus durus, atque imminutus cum sudoribus *symptomaticis* &c.) ad sanguinis emissionem, ceu ad unicum, magisque expeditum remedium confugere necesse sit.

LXXIX. Ad hujusmodi praesidium, aliis non omissis remediis, utiliter confugi, dum anno 1735. Excellentissimum Dominum Mar-

42. Sect. 1. Cap. 3. Febris tertiana perniciosa &c.

chionem Divi Simonis inter primates Gallici exercitus tunc strenue militantem contumacissimo, atque gravi detentum morbo, jamque ad agonem redactum, curandum habui. Placet autem, arrepta occasione, ejusdem peculiaris Aegritudinis historiam casui nostro perquam faventem distincte hic proponere. Generosus Nobilissimus iste Vir *catarrhali* febris correptus fuit, a qua, sanguine ex brachio satis educto, indeque copioso succedente sudore, ex toto liber evasit. Non hinc tamen perfecte convaluit. Viribus enim maxime destitutus, cibum parum appetebat, nativa carens hilaritate, noctesque minus placide transigens. Paucis transactis diebus tertiana duplex febris spuria ipsum corripuit, modico vix praevio rigore, atque levi extenso admodum sudore in remissione subsequente. Tunc, praeviis consuetis attemperantibus, atque purgantibus tutioribus remediis, ad usum *Chinae* *Chinae* confugimus, cujus iteratis, juxta consuetam methodum, dosibus, febris omnimode evanuit. Attamen, dejectis hinc maxime viribus, etsi febris carens, a cibo prorsus abhorrebat, addita ultro Ventriculi molesta passione, cum frequenti ad vomitum stimulo, utplurimum inani, aliquando etiam cum biliosae flavovirentis materiei admodum amaricantis expulsionem. Insomnis ideo plerumque pernoctabat, tum interdiu maestus admodum, atque irrequietus erat, comite frequenti & concitato pulsu, subflavo, pallidoque perfusus colore. Protracto sic *Chinae*

Chinae usu per aliquod tempus, non omisso identidem *Rhabbarbo*, febris ex toto immunis, melius se habuit. Hinc *erratica* febris detineri coepit, quam biliosae excretionem modo per vomitum, modo per Alvum copiose promota, absque ullo levamine saepe comitabantur. Successive *cardialgicae* passiones additae sunt, tunc cum, levibus accedentibus rigoribus, *tertianarium* adhuc *typum*, etsi inordinatum, praesefere febris visa est. Hisce de causis accersito quoque doctissimo Costa Medico Gallo mihi amicissimo, unanimi consensu statuimus ad *Peruvianum Corticem* confugiendum iterum esse. Additae hisce sunt copiosae potiones diluentes, atque iterati *clysteres*, mediis quibus biliosus peccans humor copiose per Alvum educebatur, molesto quoque saepe accedente vomitu, quem, utpote *symptomaticum*, *emetico* remedio promovere ultro, incongruum arbitrati fuimus. Ineunte enim morbo, eo magis *symptoma* hoc adauctum fuit, ut nihil penitus retinere utplurimum posset. Nec quidpiam tunc proderant lenientia laudabiliora remedia. Quade re adaucta hinc magis magisque febris, omnibus in pejus semper ruentibus, viribus magna ex parte destitutus, irrequietus noctu, atque per lectum quaqua versus se indefinenter jactans, tenaci perfusus universo sudore, anxiusque factus, refrigerari maxime coepit. In manifesta hac inchoantis jam *Lypiriae* febris suspitione, accersito celeberrimo Medico Raina Protomedico Generali in Nosocomiis Militum Regis Sardiniae

dinae tunc Cremonae existentibus &c. vena Pedis illico secta fuit. Id autem eo magis sollicitè peragi iussimus, quo magis imminentis in imo ventre inflammationis suspicio aderat, addito simul malvatici generosi Vini usu toties in hisce casibus a me experto. Res autem pro votis cessit, eductoque in modica quantitate sanguine melius illico se habuit Nobilissimus Patiens, de cuius iactura metuendum antea omni jure erat. Hinc diluentes potiones plenogurgite frequenter sumendas iterum laudavimus. Iteratis postea *clysteribus*, glutinosam admodum per inferiora bilem eduxit per plures dies, propter quod sedato vomitu, gravioribusque aliis evanescentibus *symptomatibus*, omnimode convaluit. Nihilominus ad morbificam ultro evincendam causam, singulare quoddam *febrifugum* ex clarissimi ejusdem Rainae invento praeparatum iteratis vicibus exhibitum hinc utiliter fuit; unde eo magis patuit, adjunctae etiam postea violentioris febris fomitem ab eodem penitus transactae periodicae intermittentis febris principio pullulasse: quod antea statueram.

LXXX. Properante autumno anni 1733., tertianis hisce febribus fere ex toto profligatis, Quartanae subsecutae illico sunt, quarum pleraeque speciali, facilique methodo mihi familiari devictas illico vidi, atque ut plurimum absque ulla subsequente *recrudescencia*. Quod si Quartana febris haec jam primo devicta in nonnullis recrudescere postea videbatur: id specialiter evenisse illis novi, qui

aut incongruo nimis victu usi essent: aut Hepatis, Lienisve tumoribus laborarent; unde febrilis causa methodo nostra satis extincta, a male affectis sic Visceribus iterum pullularet, pristinam febrilem luctam de quarto in quartum suscitatura. Porro in his, qui nullis istorum Viscerum vitiis laborabant, atque idoneam victus normam neutiquam omiserant, nunquam Quartanas haec febres sequenti mea methodo curatas, iterum recrudescere vidi, aut raro saltem.

LXXXI. Cum eandem, paucis mutatis, causam Quartanae, ac Tertianae febres habeant, in primariis nempe ini Ventris visceribus: eandem prorsus utrisque curandi methodum convenire nemo negabit. Hinc cum primum ad *Quartanarium* accedebam; accessionum vehementiam, *symptomatumque* comitatus varios, nec non AEgrotantium peculiare temperies attendebam. Quare quoties de saginato Corpore liberali magis victui indulgente agebatur, maxime urgente vomitu, amaritie Oris, molestaque Ventriculi *gravativa* tensione: ad *Emeticum* intermissionis die confugiebam, *Ipecacuanham* seligens. Nisi enarrata haec signa directe *emeticum* postularent, per inferiora leviter purgare satius arbitrabar. Attamen purgare sic eate nus melius putavi, quatenus cuicunque indiscriminatim Corpori magis conveniens, minusque laboriosum evaderet. Pro purgante autem tunc hoc potius, quam aliud remedium, utpote satis efficax & tutum propinabam.

R^e. *Fol. Sennae Or. drachm. 2.*
& semis

Cremor. Tartar. drachm. 2.

Rhabarb. el. scrup. 2.

Cinamom. el. scrup. 4.

Aq. Gland. Persicorum destillat. q. s.

M. f. inf. per noctem, mane f. fortis expressio, atque levis ebullitio, & colat. adde Mann. el. unc. 2. & sem. Clarif., & f. P. Loco Manna quandoque utebar Sirupo ex floribus Persicorum, aut Sirupo de Cichorio cum Rhabarbaro juxta AEgrotorum Corporum varias dispositiones, ad quas, congruo habito respectu, plus minusve ejusdem Medicamenti dosim aut imminuebam, aut augebam. Semper tamen eadem aqua ex Glandibus Persicorum utebar, in qua & purgantia quaeque dissolvere plerumque soleo. Quaecunque ea sit hujusce aquae peculiaris vis ad purgantium potentiam mirabiliter attemperandam: certe asserere possum, nullam unquam ab hisce remediis noxam, neque in hisce, neque in aliis morbis evenisse; quod secus a purgantibus fieri, absque hujusce aquae adminiculo, fere semper observavi.

LXXXII. Praemissis hujuscemodi remediis, diebus sequentibus parari jubebam decoctionem ex Radicibus Cichorii, foliis Agrimoniae, Capillorum Veneris, floribus Chamaemeli, & Centaureae minoris, ut ex ea AEgrotantes fumerent per aliquot dies. Non omittebam identidem Rhabarbari infusionem in eadem decoctione faciendam, atque mane sumendam, quotiescunque de Cachecticis ageretur Corporibus, cras-

siorque dominaretur bilis, quae per consuetas vias neutiquam ejiceretur.

LXXXIII. Post haec praesto erat Chinae Chinae usus, quam sequenti methodo exhibere semper consuevi, nunquam spe frustratus.

R^e. *Chinae Chinae el. optime pul. drachm. 3.*

Succi Absynthii condensati scrup. 4.

Pulveris florum Chamaemeli

Salis Centaureae Minoris añ. drach. 1.

Sirupi de Absynthio q. s. M. f. boli n. xxxvi. capiat 6. pro vice. Hoc utilissimum, atque usitatissimum remedium est in Nosocomio majore nostro, quod ibidem ego primum parari jussi, atque in usum revocavi adversus Quartanas quaslibet febres. Ipso autem utor sequenti methodo. In remissione febris sex statim ex hisce bolis exhibeo, totidemque sequenti intermissionis die, tum summo mane, tum una hora ante prandium, tum una hora ante coenam eodem modo procedendo altera subsequenti die a febris vacua, dum eadem tota dosis iterum paratur. Die accessionis altera sex tantum bolos summo mane sumendos doceo, aut saltem sex alios una hora ante cibum, maxime si febris in vespere invadat. Plerumque haec accessio, praemisso remedio hoc sic usurpato, aut ex toto desideratur, aut leviter admodum supervenit: quare utrinque de nulla alia in posterum futura amplius febris pronunciare Medicus tutif-

Seçt. I. Cap. 3. Febris tertiana pernicioſa &c. 45

rutiffime poteſt. Caeterum non hinc tutus plus aequo Medicus factus a febrifugo totaliter abſtinere debet, ad avertendam ſaltem febris poſſibilem *recrudescentiam*, quae potiore jure magis eſt timenda, quo magis ad Vergiliarum occaſum properamus. Ideo ſequentibus diebus ſingulis ſex ſaltem bolos mane ſumendos indico, donec ſecunda doſis ex toto conſumpta ſit. Tertio demum tota doſis iteranda eſt, cujus primo alternis diebus ſex bolos mane ſumant, ac poſtea de quarto in quartum diebus feбри reſpondentibus, donec ex toto tertiam hanc aſſumpſerint doſim. Hiſce peractis, ſervataque inde congrua victus ratione, ad ulterio-
ra confugere Medicamenta ſupervacaneum ex toto eſt. Quare & ſanguinis emiſſio praefertim omittitur.

LXXXIV. Attamen in Quartanis illis febribus, quas contumaciores expertus fui, ideoque poſtea terque quaterque *recrudescentes*, utpote illas, quae in *Cachecticis* Corporibus, aut ſaltem peculiari Hepatis, aut Lienis obſtructione laborantibus occurrere ſolent, ad alia remedia con-

fugiendum erat. *Rhabarbarum* id circo ſupradictae praeparationi *Chinae* *Chinae* adjungebam, tum & *Theriaca*, cum *Tartaro Vitriolato* hoc modo

R.^e *Chinae* *Chinae* el. pulv. unc. ſemis

Rhabarb. el. drach. i. & ſem.

Theriac. el. drach. i.

Sal. Centaureae Minoris

Tartar. Vitriol. añ. ſcrup. 2.

Pulv. flor. Chamaemeli ſcr. 4.

Sirupi de Absynthio q. ſ. M. f. *Opiata*, quae in octo doſes dividatur, quas eodem prorsus modo & tempore ſumat, quo ſupra de bolis dictum fuit: ſic pariter & totam iterando doſim, pro ut opus fuerit ad febrilem omnimode cauſam funditus evertendam. Non equidem negaverim tum haec, tum & alia quaelibet remedia in Quartanarum febrium curatione fruſtranea penitus aliquando evadere; ſicuti & de tertianis diximus; maxime cum Viſcerum tumores aſſent, unde & *Hydrops*, & acuti lethales morbi non raro derivantur.



SECTIO PRIMA

CAPUT QUARTUM

*Febris tertianae generalis causa, & aliorum morborum
juxta anni temporum vicissitudines.*

LXXXV.



I quis autem
hujuscemo-
di Tertiana-
rum, aut
Quartanarū
febrīū quo-

modocumque variis modis progre-
dientium, atque in hac potius, quam
alia aeris constitutione dominan-
tium, adnexorumve ipsis quorumvis
symptomatum veridicas generales cau-
sas attingere tutius quaereret: non
aliter melius, quam diligentissimis
Veterum Medicorum observationi-
bus solidioris ratiocinii fundamen-
tum firmare unquam posset. Nec
tantum ad aestivos hosce, atque
autumnales morbos ab intrinseco
perscrutandos, verum etiam ad hye-
males, & vernaes, Antiquorum
sagaciores animadversiones profunt;
tum & ad *Epidemicos* quoslibet, quos,
ob speciales occurrentes aeris con-
stitutiones, enasci saepe vidimus.
Quid enim aliud sonat vulgarium
quatuor humorum dominium illud,
quod singulis anni temporibus di-
stincte destinavit Hippocrates: quam
veridicum magis morborum quo-
rumlibet juxta varias temporum
constitutiones grassantium princi-

pium, non aliunde melius unquam
derivandum? Revera si rem intime
spectemus, neglectis obsoletis jam
de hisce Veterum nomenclaturis,
earumque loco Recentiorum sanio-
ribus explicationibus substitutis: ne-
mo certe inficias iverit, loco *Pitui-
tae*, *Lymphatici* humoris majori in
copia coacervati dominium hyemis
potius tempore, quam alio, haberi:
loco Sanguinis veluti pro quarto
humore ab ipsis habiti, totius san-
guineae massae exuberantem co-
piam, quam *plethoram* veram dici-
mus, tempore verno facilius vigere
quolibet noscet: Sicuti & Aestate
biliosum humorem, atque Autumno
melancholicum, seu melius crassio-
rem bilem majori in copia è sanguineo
penu secerni, atque coacervari ma-
xime, nemo verebitur asserere.

LXXXVI. Id testantur satis mor-
bi plerique singulis anni temporibus
praecipue dominantes. Etenim ve-
rum est ex Hippocrate, quod licet
(15) *Morbi omnes quidem in omnibus
temporibus fiant: nonnulli vero in qui-
busdam ipsorum magis & fiunt, & exa-
cerbantur. Namque (16) Hyeme &
Pleuritides, & Peripneumonias, Le-
thargos, gravedines, rauedines, tuf-
ses,*

(15) Hippoc. Aphor. 19. Sec. 3. (16) Idem Aphor. 23. Sec. 3.

ses, dolores Pectoris, & Laterum, & Lumborum, & Capitis dolores, Vertigines, Apoplexias, aliosque huiusmodi morbos familiares passim videmus, quos sola Lympha aut qualitate, aut saltem copia quomodocunque peccans unice progignit: ut infra fufius patebit. Hisce succedunt peculiare morbi alii verno tempore ut plurimum faevientes, videlicet (17) Insaniae, Melancholiae, Epilepsiae, sanguinis fluxiones, Anginae, gravedines, & raucedines, Tusses, Leprae, & impetigines, & vitiliginis, & pustulae ulcerosae plurimae, & tubercula, & Articulorum dolores, & quaecunque aliae morborum innumerae species, ab exuberante quaque versus sanguine, indeq; plus aeque vasorum latera distendente, atque disrumpente quam proxime derivandae. Quod si Aestivos successive perscrutemur morbos, de quibus supra actum est, nil nisi furibundos aestuantis plus, minusve bilis, universamque humorum massam intime, maximeque dissolventis, atque attenuantis tumultus intueri poterimus; (18) Nonnullos scilicet ex vernalibus morbos, & Febres continuas & ardentes, & Tertianas plurimas, Quartanas, Vomitus, Alvi fluxus, Ophthalmias, Aurium dolores, Oris ulcerationes, & Pudendorum putredines, & sudamina. Verum cum accedente Autumno, biliosus iste humor crassior redditur, difficilius, atque absque ordine fluit, firmitus partibus inhaeret, atque Intestinis maxime, illorumque tunicas mordet, pungit, & lacerat, uni-

versamque Sanguinis massam glutinosa tenacitate sua ad coagulationes quam facile disponit. Quamobrem, vigente Autumno, morbi fiunt (19) Multi ex aestivis & Febres Quartanae, & erroneae, & Lienae, & Hydropes, tabes, urinae stillicidia, & Lienteriae, & Dysenteriae, & Coxae dolores, & Anginae, & Asthmata, & Volvuli, Epilepsiae, Insaniae, & Melancholiae. Eodem autem modo, quo, juxta varia Anni tempora, fluida nostra variis modis affici dicimus, idem pariter, & in solidis evenire concedendum est; propter quod utrinque dictorum supra morborum omnium veridicum habetur principium. Etenim sicuti non in fluidis tantum, sed magna ex parte in solidis sanitatis origo & conservatio habetur: morborum etiam origo utrinque est derivanda.

LXXXVII. Unde nam tamen fiat, quod, juxta varias Anni temporum vicissitudines, nunc Lymphae potius, quam Sanguinis; nunc potius Bilis tenuioris volatilisque, quam crassioris & tenacis major copia in Corporibus vigeat, plurimumque diversorum morborum immediatae inde causae emergant: facile quilibet percipere tuto poterit, si necessariae perspirationis negotium rite perpenderit. Etenim, ut de singulis hac occasione verba faciam, cum cordatioribus Medicinae Magistris tanquam indubitatum suppono, praecipuam perspirationis tum sensibilis, tum insensibilis materiem a Lympha praesertim derivari; unde

ne-

(17) Hippoc. Aphor. 20. Sec. 3. (18) Idem Aphor. 21. Sec. 3.

(19) Idem Aphor. 22. Sec. 3.

48 *Sect. 1. Cap. 4. Generalis tertianarum februm causa &c.*

necessario fit, quod, habita ratione copiosae magis minusve perspirationis, minor aut major, caeteris partibus, totius Lymphae moles in toto Corpore reperiatur. Scio tamen plerumque perspirationis defectum sensibilibus aliis evacuationibus, salivae nempe, urinae &c. persaepe compensari. Verum si haec admodum conferantur mutuo, atque cum doctissimo Sanctorio supponamus, solam insensibilem perspirationem, sensibiles alias omnes excretiones simul sumptas longe admodum superare, verum semper erit, universam Lymphae molem in eadem prorsus ratione augeri, in qua decrescit perspirationis universale negotium.

LXXXVIII. Hinc aperte patet, quare nam Hyemis tempore, dum perspiratio quammaxime praepeditur, tum ratione majoris aeris ponderis Corporum nostrorum superficies prementis, tum ratione fecerentium porulorum constrictionis, ob fibrillarum universalem corrugationem pariratione a rigido circumambiente aere factam, Lymphae materies undecunque augeatur; quae cum ideo majorem solito in extrema Corporis superficie obicem inveniat, per alia *emunctoria* utpote minus resistentia, quia aeris validae actioni minus obnoxia, aditum sibi successive parat; sive id per Renes, sive per Nares, sive per Os quomocunque fiat &c. juxta varias Corporum dispositiones. Inde fit, quod evacuationes hae aliae perquam proxime, caeteris partibus, in ea crescant ratione pariter, in qua perspirationis secretio tunc imminuitur:

propter quod fit, quod Hyemis tempore copiosae magis reddantur urinae. Unde mirari etiam hinc quilibet desinet, si occurrentes tunc maxime morbos è *Lymphaticorum* prolapia plerumque derivari variis modis attenderit: pro ut Lympha haec diversis in locis sistitur, & coagulatur, tumoresque peculiare progignit; in iis maxime partibus quae aeris brumalis injuriis obnoxiae magis sunt; propter quod facilius in iis, quam in aliis Lympha concrevit. Quo usque autem ob praepeditum, ex dictis causis, perspirationis opus, exuberans totius Lymphae moles, per consueta alia *emunctoria* dissipari commode potest: nulli in internis partibus morbi suboriuntur. Verum dum necessaria haec imminutae perspirationis compensatio, aut modica, aut nulla penitus habetur: coagmentata plus aequo Lympha quaqua versus per internas Corporis partes consueta universali *circulationis* lege disperditur, ibidemque majori in copia propagatur, ubi copiosiores sunt *lymphatici* ductus: in Pectore nempe, in *Articulis*, atque in *tendineis musculorum* fibrillis. Hinc residens in hisce partibus Lympha tractu temporis, saeviente exterius frigore, coagulatur, atque in interstitiis fibrarum sistitur; unde *Rheumaticos* in *Articulis*, & *Musculis* morbos varios suscitatur, diversasque in Pectore humorum concretiones hyemis tempore praecipue familiares: ut mox videbimus. Ideo autem ob eandem causam varios suboriri hinc Pectoris morbos facilius noscimus, omnesque Thoracis partes conten-

tas nempe, & continentes saepius hyemis tyrannidem & gravius, quam alias subire; quia aer gelida vi sua non tantum Pectus exterius verberat, verum etiam interius in inspiratione intrusus, *bronchiorum* minimos ramulos subiens, fluentem ibidem Lympham immediate afficit, inspissat, congelatq; variaeque indolis *pleuritides* &c. progignit, quas praecipue post Austrū, Borea crudelius saeviente, maiore in copia suscitari videmus.

LXXXIX. Haec autem hic pertransennam primo perpendenda erant, ut sumpto inde tutioris ratiocinationis recto tramite, ad investigandam successive *Vernalium* morborum genuinam causam, atque inde *Aestivorum*, de quibus supra egimus, nobis aditus concederetur.

XC. Hyeme jam prope senium citius tardiusve, pro occurrentibus temporum vicissitudinibus, confecto, dum paulatim universa aeris constitutio pervertitur, pari ratione etiam interna Corporis dispositio immutatur, quare novam morborum tragoediam adaperiri successive videmus. Quo enim magis externus aer Solis radiis calefit, atque rarefcit, attenuantur etiam humores, Lympha subtilior redditur, indeque facilius per patentés magis poros cutis avolat, demptoque lymphae supra fibrosam sanguinis partem dominio, quod hyemis tempore prius aderat, laudabilior redditur totius sanguineae massae compages, quae subinde rarefcens ob aeris teporem, modo in vehementes aestus cogitur, dum *acutas* pro-

ducit febres; modo continentium vasorum membranas disrumpit, atque haemorrhagias omnis generis, cutisque varios morbos procreat, aliasque excitat Aegritudines *verno* tempore peculiariter dominantes ab hac unice causa omni jure derivandas. Ast cum *brumalis* aeris constitutio hyemis tempore vicens non subito in *vernalem* commutari queat: pariter non subito *hyemales* morbi in *vernales* transmutantur. Quamobrem tunc medio inter hyemem, & Ver tempore, nempe cum Coeli constitutio ab *hyemali* declinans ad *vernalem* gradatim ascendit, speciales videre morbos contigit, qui utriusque generalis causae naturam subolere manifeste videntur.

XCI. Id pari modo evenit, dum, declinante Vere, Aestas succrescit. Etenim *aestivi* veri morbi non statim in initio Aestatis suboriuntur (quod & hoc anno evenisse distincte novimus); sed tunc solum imperium suum firmant, cum maturescnte Aestate calor ad summum properat augmentum. Tunc namque, adaucto quotidie perspirationis tum sensibilis, tum insensibilis opere, attenuatus vi caloris pari ratione sanguis, & ipse quoque in auras avolat, atque quammaxime dissipatur: quod & de lymphâ verum est. Quare, congruo inde subtracto uberiore nutrimento, Corpora omnia eadem proportionē gracilescunt, fibrae solidorum laxantur, atque proprio Corpus robore quammaxime fraudatur; unde Sanctorius merito dicit: (20) *Aestate lassitudo sentitur:*

non

30 Sect. I. Cap. 4. Generalis tertianarum februm causa &c.

non quia corpus sit majoris ponderis, sed quia sit minoris roboris. De hoc autem rationem inde subdit. In aere calido corpus est minoris roboris, tum quia cum perspiratione exhalat aliquid bonorum spirituum, tum quia calor non est concentratus. Hinc hoc tempore in eadem propemodum ratione, qua perspiratio augetur, urinae secretio decrevit, aliarumque excretionum quantitas imminuitur.

XCII. Deperditis sic glutinosis, lymphaticisque Sanguinis magna ex parte moleculis, atque oleosis tantum sulphureisque, ut ajunt, remanentibus particulis, iisdemque magis magisque, ex aliarum sanguinis particularum dissolutione in dies majore semper facta, pari ratione coagmentatis: Bilis inde dominium primario sortitur. Hoc videre est ex biliosis maxime dejectionibus, quae AEstatis tempore in sanis quoque Corporibus majore in copia fiunt. Hae autem dum moderate, atque juxta indigentiam eveniunt, molesta varia phaenomena a plerisque etiam bene valentibus Hominibus AEstivo tempore familiaria arcent; Nauseas nempe, Stomachi passiones, nocturnas agitationes, Capitis gravamina, lassitudines, cibi fastidium &c.

XCIII. Verum dum bilis inde Primatum sortitur, statim ac a compedibus totius sanguineae massae liberata est, vim suam quaqua versus exerit, iisque in partibus tyrannidem suam specialiter exercet, ubi majore in copia coacervatur, sui que juris omnimode fit; videlicet prope biliarios ductus, circa Ventriculum, atque Intestina. Hinc per

consensum contiguae etiam patiuntur partes, quae cum illis quamcunque habent communicationem: ut Mesenterium, Lien, universaque tum nervorum, tum sanguineorum omnium canalium propago: quae omnia tertianae febris motus, annexaeque ipsis graviora symptomata singula aperte demonstrant. Quamvis autem, pro naturae provido instituto, Bilis semper in propriis emunctoriis secernatur, non semper tam pravam induit conditionem, neque semper tam copiose accumulatur, ut morbofis suscitandis phaenomenis idonea sit. Et licet AEstivo tempore, ob allatas supra rationes, in quibuscunque Corporibus majore in copia inveniat, magisque activa sit: non in omnibus, neque semper aequae pravam obtinet indolem satis valentem ad AEstivas procreandas facilius AEgritudines juxta peculiare Corporum temperies varias, occurrentisque caloris aestivi specialem vim, nec non alias quaslibet extrinsecus advenientes causas, propter quas unice fit, ut in hisce potius quam in aliis corporibus, atque in hac facilius, quam in alia aestivi temporis constitutione, Bilis tum qualitate, tum copia magis peccans excernatur.

XCIV. Hinc si praegressum hac AEstate majorem calorem, solitoque diutius protractam siccitatem attendimus; facile hinc est deducere, cur tunc, attenuatis inde magis humoribus, avolatisque ob magis copiosam perspirationem lymphaticis succis, & copiosa, & volatiliior, & magis activa bilis secreta fuerit, enarratis supra morbis omnibus suscitandis

scitandis anſam praebens, in illis praecipue Corporibus, in quibus aliunde magis aestuantis ejusdem bilis copia praecesset. Praeter aestivos vehementiores fervores, tum immoderatum fructuum usum, tum violentas magis Corporis exercitationes, atque animi quaelibet furibunda *pathemata* ad id specialiter contulisse, censendum est, aliasque innumeras causas ab extrinſeco venientes, propter quas major ad aestivos hosce morbos proclivitas fit. Ideo autem bilis haec, etsi in Corpore delitescens, datis tantummodo temporibus morbosos suscitare aestus valet; quia congruo tantum temporis intervallo a sanguine separatur, atque satis in *biliariis cellulis* congeritur, ut inde febrilem suscitet pugnam. Quo usque enim cum toto sanguine immixta est, congruaque Lymphae mixtione attemperatur, nunquam aestuare valet, nullaque gravia producit morboſa *phaenomena*. Id satis testantur gravia quaeque, atque molestissima *symptomata Ictericam* passim praecedentia. Etenim posteaquam Bilis in consuetis *receptaculis* paulatim secreta fuit, neque per *Cholidocum* ductum ulterius progredi libere potest, continentium *capsularum* tunicas distendit valide, atque mordaci vi, qua pollet, maxima acriter vellicat, & pungit: unde & vomitus, & nauseas, & dolores, aliaque hujuscemodi *symptomata* in Ictericis suscitari videmus, parum abſimilia ab iis, quae in accessionum plerumque principio tertianas comitari febres ut plurimum videntur. Ast, cum tunc bilis in consue-

tis *capsulis* jam congesta, interpositum obicem superare neutquam possit, neque ad Intestina sese insinuare; undecunque in continentium *cellularum tunicas*, fortiter aestuando, impetum facit: donec praeepedito omnimode per *secretorios*, a quibus paulo antea fluxerat, canaliculos regressu, hinc inde hiantes subeat *lymphaticos* tubulos; propter quod una cum Lympha commixta iterum in aream *circulationis* reducatur, totumque permeet Corpus, croceum universae Lymphae colorem largiendo, unde *Ictericia* emergit. Quamobrem, vigente hoc morbo, molesta omnia, quae ipsum praecesserant, *symptomata* omnimode evanescunt: cum a molesto, quo antea vexabantur pondere, bilis *receptacula* exonerata satis remaneant. Praeterquam quod bilis cum universa Lympha sic provide commixta, pristinam deperdit pariter irritantem, atque mordacem vim, quae saltem inde magis reprimitur; unde etsi in Ictericis totum Corpus quaquaversus pervadat Bilis, vix levem exsuscitat febrilem aestuationem, molestum pruritum, nauseam, atque alia hujuscemodi morboſa *phaenomena* confirmatam jam Ictericam fere semper comitantia.

XCV. Quo usque noxia bilis congruam fluiditatis conditionem servare poterat; ad motum magis expedita inde reddita citius a *biliariis receptaculis*, occasione tertianarum febrium ad Intestina fluebat, citiusque excernebatur: unde & breviores fiebant febres, quae quidem magis violentae reddebantur a vehementioribus

tioribus bilis aestibus, ob ejusdem tenuitatem maximam facilius excitatis. Ast cum ex protractis ultro AEstivis fervoribus, vigente Cane, tenuiores etiam bilis molecule una cum aliis humoribus, ob adauctam magis magisque perspirationem, avolarent, Bilis quoque crassior, atque ad motum ineptior fiebat. Quare mirari quilibet desinet, si prope-
rante Autumno, & diuturniores tertianas febres, atque contumacissimis *symptomatibus* stipatas, nec non absque ordine progredientes attenderit. Bilis enim sic tenax magis red-
dita longiori temporis intervallo se-
cernitur, partibus adhaeret maxime, atque ab ipsis perquam difficile se-
paratur: quod unice contumacio-
rum Morborum ab AEstate ad Au-
tumnus properantium, atque ut-
plurimum lethaliū, sanio-
rem indicare causam valet. Nec aliunde,
meo iudicio, deducenda melius est
origo Quartanarum februm Au-

tumni tempore specialiter saevien-
tium. Bilis enim tenuior, utpote
magis mobilis alternis diebus febriles
aestuationes suscitare potest: quia
breviori temporis intervallo in suffi-
ciente quantitate accumulatur: se-
cus ac bilis magis tenax, minusque
ad motum idonea, quae ideo de-
quarto in quartum febrilem tantum-
modo promovet luctum, pro ut supra
ostendimus. Omni ideo jure cum
Celso adnotare hic possumus, quod
ex aestivis morbis (21) *Vix quicquam
in Autumnus non incidit: sed oriuntur
eo quoque tempore febres incertae; Lie-
nis dolor, Aqua inter cutem &c. Idem-
que tempus & diutinis malis fatigatos, &
ab AEstate tantum proxima pressos in-
terimit: & aliis novis morbis conficit,
& quosdam longissimis implicat, maxi-
meque Quartanis, quae per Hyemem
quoque exerceant. Quae omnia cum su-
pra expositis observationibus ada-
missim coincidunt.*



SECTIO PRIMA

CAPUT QUINTUM

Lymphatici varii morbi.

XCVI



Essantibus inopinato aestivis fervoribus non procul ab Autumnali Aequinoctio ope copiosissimae irruentis pluviae cum grandine etiam & fulminibus, frigus non mediocre una cum aquilonaribus ventis sero praesertim & mane invaluit. Tunc idcirco immutata, quammaxime aeris constitutione, novi insurgere derepente morbi visi sunt: Ob praepeditam enim inde subito perspirationem, aequa ratione praevaluit lymphae copia, quae in internis partibus hinc inde juxta peculiare earundem dispositiones residens atque stagnans, *Lymphaticos* varios progeniit morbos, simulque cutis *pustulosas*, atque *erysipelatosas efflorescentias*. Attamen cum adhuc vigeret biliosus fomes in illis praesertim corporibus, quae aestivis transactis mensibus superenarratos toleraverant morbos: non deerant tunc etiam tertianae febres, quae magis, quam antea contumaces evadebant, ob supra allatas rationes. Quae irrita ut plurimum erant remedia quaeque, ipseque *Peruvianus* cortex, qui vix febris inducias paululum ponere videbatur. Ob eandem causam

crassescunt humoribus, atque ad motum inertibus maxime redditis, deperditoque ultro congruo solidarum partium tono, atque adaucta lymphae copia, biliosam simul, atque *lymphaticam* indolem tertianae hae febres referebant: cum diverso admodum, ac antea, modo invaderent, diverso modo progredierentur, atque tandem diversa ex toto ratione ad remissionem tenderent. Pauci enim hisce febribus tunc laborabant, quibus aut Lienis, aut Hepatis, aut utriusque Visceris tumor non adesset. Cum modico, atque magis diuturno rigore invadebant, accessiones ut plurimum extra tertianarum limites plus aequo protrahendo: ita ut plerumque continuae fierent, aut parum admodum intermittere viderentur. Febres hasce nunquam, aut saltem perquam raro comitabantur *cardialgicæ* passionibus. Diversum hunc progrediendi modum in hisce febribus, non aliunde tunc derivandum esse putabam, quam a coacervata interius majori in copia crassiore lymphæ, quae cum bile commixta, ipsam & magis tenacem reddiderat, simulque ejusdem acrimoniam quammaxime cohibendo, ipsam minus activam, minusque pungentem effecerat. Id aperte satis testabantur

stabantur ultro *glandulares* tumores iisdem succedentes in *Parotidibus* praesertim, aut *Tonsillis*, cum dolore faucium molesto. Hoc eodem tempore quamplures ex illis febribus, quae AEstivis mensibus, aut *Chinae* *Chinae*, aut aliorum remediorum usu cesserant, secunda iterum, & tertia vice exurgere visae sunt; illae praesertim, quae primo cum modico diuturno rigore invaserant, maximo postea succedente molesto calore, cum vomitu virentium materierum admodum copioso, aliis nil penitus, aut levissimis saltem accedentibus *cardialgicis* passionibus: atque diutius accessiones protraxerant.

XCVII. Reliquis omnibus Septembris diebus ejusdem anni 1733. plus aequo rigidus aer fuit, Aquilonaribus plusquam antea dominantibus plerumque ventis. Quamobrem, crassescente magis ultro Lympha, circa finem ejusdem mensis nonnullas exurgere *lymphaticas pleuritides* vidimus, in illis praecipue Corporibus, quae alias eodem morbo detenta fuerant. Sanguis ab hisce eductus consuetum *Pleuriticorum* corticem referebat, quem nunquam antea aestivo tempore in AEgrotantibus mihi commissis attenderam.

XCVIII. Toto Octobri mense, optima aeris constitutione frui potuimus: etsi flantibus non raro Aquilonaribus ventis rigidus non parum Aer redderetur. Fere nunquam pluvis tellus madefacta fuit; Densa tamen quotidie, fere dixerim, circa vesperras, summoque mane, nebula prope terram gravitans aerem ob-

tenebrabat, quae ut plurimum accedente Sole rarefacta, leviorque redita sublimius petens, densiores efficiebat nubes, quae, accedente magis ad meridiem Sole, ut plurimum evanescebant. Hujuscemodi dominante aeris constitutione initio hujusce mensis Octobris, eadem fere, ac alio praecipue elapso, tertianae febres iterum iterumque saevierunt, eodem fere rhythmo procedentes. Istae, cum contumaces magis essent, plerumque *Chinae* *Chinae* usum, aliaque idonea *incidentia*, *amaricantia*, atque etiam *Rhabarbarata* remedia penitus vana reddebant: quamvis hisce iisdem praesidiis prima, secunda, atque etiam tertia vice cohibitaessent. Attamen contumacissimas haec febres ut plurimum supraenarrati Lienis, aut Hepatis tumores comitabantur, & fortasse plerumque earundem potissimae causae erant. Unde pallidus, atque subflavescens etiam plerisque aderat faciei color: atque hinc in *cachecticos* universales *habitus*, in *Hydopes* etiam, nec raro in *inflammatorios Praecordiorum* affectus migrabant.

XCIX. Pertinacissimam hanc tertianarum febrium variae indolis constitutionem fortes Aquilonarium ventorum flatus prope medietatem hujusce mensis saevius insurgentes, ex toto solverunt, novumque magis amplum *Rheumaticorum* omnis generis morborum aperiri theatrum visum est, tertianis febribus sic ex toto profligatis; non secus ac ab ejusdem Boreae impetu nubes evanescent, unde cum elegantissimo Poeta nostro canere sic licebat.

Qualis

(22) *Qualis ubi Arctois Boreas erupit
ab antris*

*Aereos rapido percurrentis turbine
campos,*

*It Coelo ferus, & piceas toto
aethere nubes*

*Insequitur: dant victa locum,
& cava nubila cedunt.*

Tunc ideo & *Pleuritides*, quas *Spurias* dicunt, seu melius *intercostales*, *Rheumaticos* diversarum partium morbos, atque maxime *Anginas* mitiores, *Rheumatismos* tum universales, tum particulares, *Ischiadicos* dolores, atque *Articulorum*, quandoque una cum partium contractionibus, atque omni-modi ad motum impotentia, aliasque hujusce indolis morbosas affectiones habuimus, quas ut plurimum copiosus accedens sudor omnino dissolvebat.

C. Nec quidpiam mihi mirum erat attendere, morbos hosce citius, tardiusve affluente sudore solvi. Notum quippe mihi satis erat, ipsos, etsi variae indolis, atque variis modis saevientes, ab eadem crassescente Lympha unice pendere, quae hinc inde concrevens, atque affluenter accumulata, habita proportionem affectae partis, sub diversorum accidentium forma Tyrannidem suam aperte ostentabat. Praeter haec lymphæ non raro ob tenacitatem suam tarde progrediens, atque stagnans, tanta in copia in interstitiis partium congeritur, ut ex congelatione postmodum magis amplum exigens spatium continentium vasculorum tunicas disrumpat, indeque transfusa, tumores majores, minoresve progi-

gnat, juxta affectae partis conditionem, atque praecipue copiam ejusdem lymphæ extra circulationis aream deviantis. Hinc cum hoc inter tendinea musculorum spatia, aut sub membranis, aut cartilaginibus ossium articulationes investientibus eveniebat; affectae inde partis motus eadem ratione laedebatur, contractisque musculorum tendineis fibrillis, partium distensiones jam dictae fiebant. Quare, dum aut usu calidarum dissolventium potionum, aut detracto juxta indigentiam sanguine, aut quocunque alio modo pro morbi indole, lymphæ haec attenuata erat & dissoluta; quae extra circulationis aream constiterat, proxima subibat contiguorum canalium ostiola, iterumque ad circulatorium cogebatur motum: atque eadem simul, quae crassior antea reddita in lymphaticorum canalium cavitatibus adhuc degebat, ad motum magis expedita fiebat; unde restituta sic animalis iterum oeconomiae meliore symmetria, pleno gurgite secretorios cutis ductus subibat, ad copiosos inde suscitandos sudores, priorem ideo omni jure solventes morbum.

CI. Quandoque tamen, disruptis, ob dictam supra causam, Lymphaticis tubulis, eorundemque secretoriis porulis plus aequo ampliatis, liber fiebat hinc aditus fibrosae quoque sanguinis portioni. Etenim, cum verum sit, quod lymphatici ductus ex lateralibus arteriarum exilissimis canaliculis conflentur, qui minima habent ostiola trajiciendae tantummodo lymphæ, non vero fibrosae

F

sanguinis

sanguinis portioni, proportionata; si aut ob excedens sanguinis, aut Lymphae irruentis momentum ex adaucta velocitate natum: aut ob maiorem lymphae copiam, ipsiusque concretionem, ductus isti minimi disrumpantur, *secretoriaque* ostiola maiorem admodum diametrum acquirant: tunc & Lympha, & rubra pariter sanguinis pars per hosce eosdem tubulos excurrit, ab iisdem erumpit, indeque residet. Haec, meo iudicio, unica & potior causa est morborum cutis fere omnium, *Erysipelarum*, tum & macularum in *malignantibus* febribus, de quibus suo loco fusius agemus.

CII. Fiunt vero huiusmodi morbosa cutis *phaenomena*, cum portio sanguinis rubra, aut modica in copia hinc inde modo supradicto transfunditur, aut sub minimis tantum cutis interstitiis huc illuc disperditur. Verum cum in eodem loco copiose magis congeritur, maiores, minoresve, servata ratione copiae, tumores efficit, seu *apostemata* per *suppurationem* tantum devincenda, sive id in internis, sive in externis Corporis partibus fiat. Id accidisse observavi eruditissimo Medico Sonis mihi amicissimo, qui die vigesima prima huiusce Mensis pure magna in copia è sinistra aure effluente, a molestissimo Capitis dolore *pulsativo* & *lancinante* liberatus est, quo, una cum acuta forti febris *catarrhalis* indolem ex toto subolente, praegressa antea tota hebdomada detentus graviter fuerat, nil prorsus proficientibus sudoribus identidem recurrentibus, atque sanguinis emissionem

copiose celebrata: cum jam *apostema* in aure delitesceret, cui sola *suppuratio*, atque puris opportuna eductio succurrere satis potuit.

CIII. Nec tantum Octobri, sed & Novembri subsequente toto mense parem malorum seriem habuimus, cum eadem adhuc vigeret aeris constitutio, etsi paulo rigidior, ob nebulas fere quotidie insurgentes ut plurimum vi Solis solutas, perquam raro accedentibus pluviis. *Rheumaticae* hae *affectiones* omnes plerumque sanguine bis, terque educto, vincebantur copiosis subsequentibus sudoribus, sicuti praecedente evenerat mense. Sudores hosce *diluentibus* *pectoralibus* potionibus largo haustu calide assumptis promovere ultro non mittebam. Sanguis eductus consuetam in hisce semper glutinosam *crustam* proferebat, crassam plus, minus, pro maiore, minoreve *peccantis* Lymphae copia, & tenacitate.

CIV. Ab eadem praesertim *Rheumatica* causa non incongruum tunc arbitrabar deducere *Apoplecticum* insultum, quo correpta hoc eodem mense fuit Perillustis Dña Elisabeth Boccola in Vicinia S. Vincentii, quae fere *syderata* liberum linguae motum omnino deperdidit, indeque balbutiens tota subsequente Hyeme lecto misere devincta fuit usque ad Ver; quando, praevia gingivarum *ulceratione*, febricula quadam indefinenter detenta, tandem occubuit. In hac enim Domina, quae obesum quammaxime totius Corporis habitum, summa vigente Lymphae copia, obtinebat, facile erat asserere, quod ob occurrentem aeris constitutionem

cras-

crassior facta undecunque lymphæ in interstitiis partium firmata fuisset, & maxime circa nervorum principia, in quibus dempta ideo congrua elasticitatis potentia, Apoplexia postmodum successit, quæ inde paulatim evanuit ob subsequentem ejusdem lymphæ dissolutionem, ab urinarum maxima accedente copia satis indicatam.

CV. Quod si hic ultro addamus peculiarem aliam *Apoplexiæ*, quam *syncopalem* appellant, causam a recentioribus Medicis detectam: *polyposas* nempe concretiones in Ventriculis Cordis progenitas, atque in grandiore molem adauctas; tutius inde genuina innotescet origo fortis lethalis *Apoplexiæ*, quæ Seni cuidam in Vicin. S. Appolinaris eodem mense evenit, neque sanguinis iteratis emissionibus, aliisve consuetis remediis solvi potuit. Attamen ideo *Apoplexiam* hanc ab hac præcipue *polyposa* causa derivandam esse existimabam, quia certiore de hoc ex prægressis conjecturam habebam. Ille namque per plures annos Asthmate sicco laboraverat, a quo Hyemis maxime tempore torquebatur, crassam quandoque per excreatum lympham, modica tamen in copia, educens. Ipsi tamen semper rubecebant admodum oculi, atque inæqualis semper erat pulsus, non raro etiam intermittens. Huic, statim ac Apoplexia correptus inopinato fuit, tumebat maxime universa facies, immo cum livore, tumebant oculi exterius prominentes, sanguine non parum perfusi, simulque pulsus pejorem, quam antea, inæqualitatem,

atque *intermittentiam* ostendebat, addito capitis maximo gravamine, atque respirationis *laboriosa* anxietate: Quibus addita simul Oris tortura, balbutiens factus, octo vix transactis diebus, e vivis misere discessit. Si itaque ex prægressis in hoc casu facile erat deducere *Polyposam* concretionem jam antea prope Cordis confinia habitam; quis non videt, quam facile in peculiari hac constitutione augeri hæc successive taliter potuerit, ut inopinatum hunc gravissimum produxerit morbum? Lymphæ enim, quæ circa Articulos, Glandulas, fauces, atque *intercostales* Musculos, nec non intra Pectoris cavitatem, & in ipsa detracti Sanguinis superficie congelari tunc visa fuerat, atque variis in locis stagnando, varios pro diversa affectæ partis ratione morbos produxerat; Illa, inquam, lymphæ extimæ hujusce *Polypi* superficiei adhaerens, ibidemque concrevens, ipsum augere paulatim ita potuit, ut, præepedito repente libero sanguinis circuitu, atque ad sinistrum maxime Cordis Ventriculum congruo transitu, ipse in superioribus partibus, atque præsertim in Pectore plus æquo resideret, majoreque in copia accumularetur, easdem partes insolito sic opprimens pondere. Ex hisce & Respirandi *anxietatem*, & *Apoplexiam* ipsam, aliaque *symptomata* omnia, & tandem mortem tuto derivari debere, nemo inficiabitur. Quod autem in hujusmodi constitutione non tantum habiti jam antea *Polypi*, succrescente mucosa lymphæ, augeri facile possint, verum etiam de

novo produci; satis superque indicant *Pseudo-polypi* in Cadaveribus mortuorum ex *Pleuritide* hac eadem occasione observati, in ventriculis nempe Cordis, & auriculis, atque in majoribus etiam adnexis canalibus: quod ultro magis denotat *crusta* illa fere coriacea, quae in *Pleuriticis* externam undecunque affectorum *Pulmonum* superficiem fortiter cingere multoties visa est, & *pleuram* ipsam: de quibus singillatim agemus postea.

CVI. Subsequens Decembris mensis pluviosus nunquam fuit: quamvis quotidie ut plurimum densa caligine mane, & vespere obtenebratus aer esset, totaque plerumque die obductae Coelo nubes Solis lucem magna ex parte nobis furriperent. Usque ad medietatem hujusce mensis, moderato admodum ingruente frigore, satis placide dies transegi-mus: non item circa finem, quando gelida per saepe bruma solum coopertum fuit. Satis prospera frui tamen valetudine potuimus: consuetis exceptis *catarrhalibus* mitioribus morbis, & Gutturis maxime, nec non cutis *erysipelatosi*, & aliis etiam *efflorescentiis* variae indolis, juxta varias dispositiones Corporum, in quibus apparebant.

CVII. Non defuerunt tunc etiam *Pleuritides* in Urbe, benignae tamen indolis, quae raro insurgentes *Epidemicam* vere sapere constitutionem neutiquam poterant. Plebejos saepius, graviusque, atque Rusticanos maxime corripiebant. Morbos hosce iis facilius evenire putabam, quia ob graves indefinentes labores, ipsi

maxime calescebant, subitoque ob brumalem circum ambientem aerem frigescere coacti erant. Neque alia de causa & facilius, & frequentius, & gravius Pectoris omnis generis morbis, atque *Pleuritide* exquisita magis laborare arbitrabar Gallos, & Pedemontanos Milites, qui in generosa tunc obsidione inexpugnabilis Castri Piceleonis contra Imperiales milites diu noctuque insudabant, ibidemque brumalis rigidioris aeris noxas, vicissitudinesque omnes ferebant. Quamplures ex hisce militibus in Nosocomio majore hujusce Urbis (cum nondum militaria AEgrotantium Hospitia parata essent) curandos habui, eosque magna ex parte pristinae restitutos valetudini cito vidi; ita ut ex ducen-tis, qui gravissimis hisce Pectoris variis morbis detenti tunc ibidem fuerunt, vix decem circiter tantum Mortis victimae remanserint.

CVIII. Hinc nil penitus mirum mihi tunc erat attendere, quod, dum pauci admodum ex Civibus gravioribus hisce Pectoris morbis detinebantur, Urbana magis, atque maxime Rusticana plebs laboribus indefinenter vexata, hujusce constitutionis inclementiam, & noxam tam graviter ferret. Etenim Bernardinus Ramazzinus in observationibus Medicis, sicuti in omnibus praeclarissimus, docet, anno 1691. post temperatum aerem, praegressa ante pluviosa constitutione, ac postmodum rigidioris frigida subsecuta, sanguinis coagulationes subortas esse, indeque *Pleuritides*, *Peripneumoniae*

nias &c., quod pariter & Thomas Sydenham se observasse asserit in constitutione epidemica anni 1675., quae quidem ex toto similis fuit alteri, quae anno 1730. quaqua versus crudeliter dominata fuit, dum per totam Italiam, & ultra Rheumatici omnis generis morbi, & lethales praesertim Pectoris AEgritudines grassari visae sunt. Id ultro magis quisque passim experitur, dum aut immoderato motu, aut igne, aut interna qualibet, externave causa, summopere excalesfactus, frigidiori illico aeri expositus, Rheumate statim detinetur, aut saltem Coryza, aut Branchos, nec raro etiam gravibus aliis Rheumaticis morbis, & catarrhalibus febribus, a quibus non nisi accedente copioso sudore universalis, aut affluente urinae copia, liberatur. Quod ultro magis confirmat Desiderius Jacotius, dum morborum Thoracis causam a destillatione a Capite frequenter derivari sentiens, sic distincte ait (23) *Causa est destillatio a Capite frequens, ut austrina constitutione repleto humoribus capite, quos aquilonia succedens constringendo exprimit, & frigore Thoraci nocens ipsum ad excipiendum praeparat.*

CIX. Si haec vera sint (quae quidem in dubium revocari haudquam possunt) quis non videt, cur tam facile & Rustici, & Plebeji, & pugnantes tunc Milites hujusce frigidioris aeris constitutionis Tyrannidem passi distincte fuerint? dum caeteroquin perfecta plerumque valetudine fruebantur alii quamvis sub eodem prorsus degentes Coelo.

Etenim id quod subita aeris mutatio ab Australi in Borealem praestat, id adamussim efficere tunc poterat rigidus aer, excalesfacta jam a laboribus Corpora, immediate afficiens. Namque eatenus Corpora nostra, Aquilonaribus dominantibus ventis post Australem constitutionem paulo antea habitam, Rheumaticis omnis generis affectionibus, atque Thoracis praecipue gravioribus morbis divexantur: quatenus copiosa antea suscitata, habitaque ob laxiorem, magisque amplam meatuum cutis dispositionem perspiratio repente postea praepeditur, atque ex toto, fere dixerim, tollitur, corrugatis nempe maxime cutis fibris, ejusdemque secretoriis porulis magna ex parte occlusis. Eadem autem in casu nostro militare posse ratio videtur. Siquidem, dum Rustici illi, & Plebeji, & praesertim Milites viriliter propriis muneribus insudabant, nullis prorsus laboribus parcentes: aucta inde in ipsis pariratione Sanguinis velocitate, pariterque humorum universa massa subdivisa, attenuataque, atque ad Lymphaticam indolem plus aequo redacta, augebatur eodem modo insensibilis, atque sensibilis perspirationis mensura. Hinc frigidioris aeris vis eodem tempore adjuncta Cutis fibrillas corrugans, secretorios illico porulos adstringendo, minorem paulatim perspirationi semitam reddebat: quae ideo ipsi minus proportionata erat; quia, ob antehabitam Sanguinis jam indicatam dissolutionem, secernendae lymphae copia ita ada-

Etā erat, ut praepeditam subito per ambitum Corporis ipsius excretionem aliarum partium, & Renum maxime secretiones supplere satis haudquaquam possent. *Reconcentrata* ideo, ut ajunt, & copiosa magis Lympha reddita in internis residens partibus, coagulataque, *Rheumaticis* hisce progignendis morbis ansam praebuit, qui in illis facilius partibus (habita tamen semper ratione variae defatigatorum Corporum temperiei) sistebantur, quae aut ob majorem *lymphaticorum* ductuum numerum, affluente magis Lymphae copia gaudebant, aut immediate occurrentis rigidioris aeris injuriis magis expositae erant: ut ex dictis supra satis constat. Praeter quam quod aliunde etiam explicari commode potest, cur tum Milites, tum Rustici dicti gravibus continuo laboribus tunc vexati, indeque maxime excalescenti, rigidioris aeris injurias extrinsecus simul ferendo, Pectoris hosce morbos, & gravius, & facilius subiverint: si animadvertamus, quod liquida quaeque, quo magis antea caluerint, eo firmiter concreverint, si glaciari postea quomodocunque cogantur; quod & Clarissimus Desault in dissertatione de Phthysi cum Galeno optime sic asserit. *L'experience confirme ce sentiment de Gallien, qu'un poulmon échauffé vient à respirer un air froid, les humeurs se condensent, par*

la même raison que nous voyons glacer en plein été les liqueurs quand on les répand chaudes dans des vases glaces.

CX. Nec tantum Rustici isti Homines, & Plebei facilius, quam alii, hisce morbis Pectoris detinebantur: verum etiam inde gravius aegrotabant, atque magis in ancipiti versabantur: quod & alias etiam observare mihi contigit. Verum hoc divini Senis oraculo optime confirmatur. (24) *Exercitata, ac densa Corpora* (ait ipse) *citius a Pleuriticis morbis, & pulmonariis intereunt, quam otiosa:* cujus rationem optime subdit Hollerius, quia (25) *quo minus per adstrictionem cutis exhalat, ita plus materiae relinquitur putredini, & incendio.* Contra in aliis multa exhalant, quia fere mollia sunt. Unde & Desiderius Jacotius ibidem merito deducit, quod (26) *qui bene perspirant, debiliores, & saniores, & a morbo facile convalescunt.* Qui male perspirant, priusquam aegrotant, fortiores sunt: ubi vero aegrotaverint, difficile a morbo convalescunt. Quamobrem si de robustioribus Hominibus Thoracis morbis detentis timendum magis est, quia ob nativam cutis densitatem minus perspirant; omni jure ex eodem Hippocratis effato pariter constat, quod & facilius iisdem Aegritudinibus tentari possint, quae non aliunde melius, quam a cohibita perspiratione derivantur: quod saniores Medici omnes fatentur.

SECTIO

(24) Hippoc. in Coac. lib. 5. Sec. 2. n. 45. (25) Holler. in Com. Hipp. ibid.

(26) Desid. Jacot. Com. in Coac. Hipp. ibidem.

SECTIO SECUNDA

Constitutio Hyemalis Anni 1734.

CAPUT PRIMUM

*Lymphaticorum morborum, & Pectoris maxime causa
perpenditur, simulque Pleuritidum generales
differentiae proponuntur.*

CXI.



Raegressam jam
hujusce Mensis
constitutionem
non absimilis,
& forte peior
aeris conditio

novo initiante anno 1734. excepit, praesertim usque ad medietatem mensis Januarii. Etenim tunc quotidie sub nubilo degebamus Coelo, nunquam tamen pluvioso, flantibus saepissime Australibus ventis. Tunc autem *Rheumaticas* affectiones plusquam antea grassantes vidimus: atque ego ipse catarrhali correptus inopinato febris cum rigore, *Tonsillarum* tumore, difficili deglutitione, Capitis *gravativo*, & quandoque *lancinante* dolore, Aurium sonitu, aliisque hujusmodi *symptomatibus* octo circiter diebus commune, fere dixerim, vectigal solvere coactus fui. Ab hisce omnibus ex toto libere evasi sudoris copiosi provido beneficio: quod ultro magis ostendebat praegressam Lymphae crassiolem indolem, ejusdemque subsecutam con-

cretionem in extimis Capitis partibus, atque glandulis, a quo unice genuinam hujusce morbi causam petendam esse putabam.

CXII. Haec eadem Lymphae crassa constitutio, atque ad stagnandum proclivitas eo magis invaluit, accidentibus saepius Australibus ventis, atque identidem Borealibus promiscue simul dominantibus. Quare aer eo magis nebulosus, humidus maxime, simulque frigidus plusquam antea, fiebat. Tunc ideo, laxatis quammaxime in extrema Corporis superficie fibris, minorem ibidem, aliisque simul in partibus immediate magis Aeri expositis obicem inveniens Sanguis, *laterales secretorios* Lymphae tubulos facilius subibat, indeque extra aream *circulationis*, fere dixerim, aberrans & stagnans, varios suscitabat morbos plus minusve graves, habita ratione affectae partis, simulque copiae sanguinis residentis, atque praesertim pro diversa Corporum affectorum dispositione. Hinc & *Anginas*, &

Pleuritides varias, & *Erysipelas*, nec non *peticulares lymphaticas* aliquas febres saevire plusquam antea observavimus. Attamen morbi isti mitem fortiebantur indolem, atque perquam facile solvebantur, aut sola Sanguinis sufficienti emissione, aut copiosis aquae potionibus calide sumptis ad sudorem promovendum. Sic omnibus tenax admodum, atque plusquam antea crassus in educti sanguinis superficiei *pleuriticus* apparens cortex, exuberantis crassioris lymphae dominium indicabat.

CXIII. Prope medietatem hujusce mensis, feriantibus magis Australibus ventis Aquilonarium successive vires fere quotidie experti fuimus. Unde perquam raro Coelum nubibus obtenebratum fuit, rigidumque frigus inopinato se protulit, plus, minusve identidem saeviens, pro ut occurrentium quandoque Australium ventorum vis Borealiū saevitiem compesceret. Non absimiles ideo prioribus Morbi tunc erant, graviores tamen, & praecipue *Pleuritides*, juxta Aquilonarium ventorum dominium; dum è contra deglandularum quibuslibet *Rheumaticis* affectionibus in Austrina potius constitutione plus solito dominantibus, observatu dignum fuit.

CXIV. Cum inter occurrentes tunc morbos omnes, *Pleuritides* praecipue, aliaeque Pectoris variae Aegritudines, utpote majoris momenti, magisque infensae, primariam Medici expeterent attentionem; ad eas singillatim perscrutandas, earundemque causas intime magis digno-

scendas, omnem operam diligentius contuli. Quare cum in Urbe tunc pauci admodum gravioribus hisce morbis detinerentur, totus eram, ut in Nosocomiis maxime Plebejis Rusticisque, atque Gallis Militibus acutis plerumque hisce morbis Pectoris detentis, accuratiore sollicitudine praesto essem. De eorundem enim difficillima cognitione, atque curatione ab expertissimo Baglivio monitus satis eram, dum sic effatur: (27) *O quantum difficile est curare morbos Pulmonum! O quantum difficilius eosdem cognoscere, & de iis certum dare praesagium! Fallunt vel peritissimos, & ipsos Medicinae Principes.*

CXV. Quamvis morbi hi Pectoris, sicuti & aliae quaelibet tunc occurrentes maxime lymphaticae affectiones vario modo invaderent, atque ob diversorum *symptomatum* comitatum, affectarumque simul partium rationem variam, plus, minusve lethales, atque contumaces fierent: eadem tamen meo judicio generalis in omnibus dominabatur causa. Omissis enim extrinsecis quibuslibet causis (quas in Militibus praecipue ab immoderatis Corporis violentis exercitationibus, tum & in Plebejis ab indefinentibus laboribus petendas esse supra indicavimus) una erat specialis tunc vicens aeris constitutio jure merito inculpanda. Constat quippe ex dictis, atque ex Hippocrate ipso, & Celso, quod in austrina constitutione tum solidorum fibrae omnes laxantur, atque enervantur maxime, tum fluida dissol-

vuntur

vuntur nimis, simulque hostilis lymphae supervacanea copia accumulatur: unde ob utramque causam languida admodum redduntur Corpora, ad motum inepta, atque humorum superfluitatibus perquam gravata. Hinc quo usque exuberans haec lymphae copia per apertos cutis porulos dissipari satis poterat, nihil inde patiebantur manifeste Corpora, quamvis consuetis obeundis muneribus non aequae idonea essent. Ast cum tunc persaepe, quin immo ut plurimum Australem constitutionem Borealiū ventorum dominium sequeretur: (28) spissato hinc maxime Corpore, atque repente seclusa tam necessariae perspirationi via; totum id, quod supervacaneum extra protrudendum erat, intima Corporis penetralia subire debebat, atque cum universa humorum massa Corpus quaqua versus pervadere. Factum ideo fuit, quod a *lymphatico* hoc exuberante pondere partes illae praecipue premerentur, ad quas ex consueto naturalis OEconomiae instituto uberior lymphae copia transferri consueverat, ut supra adnotavimus. Attamen non omnia Corpora pari modo ab hoc lymphae excessu laedebantur: cum in aliquibus aequa ratione Renum adaucta secretio idoneum subrogaret praesidium, quo nil melius in hoc casu erat unquam optandum. Neque partes omnes excedenti lymphae gurgite sic pressae parem fortiebantur noxam; sed illae praesertim, quae utpote aeri magis expositae, ipsius rigoris saevitiem in aquilonari

constitutione patiebantur. Porro in illis sic congesta lymphā paulatim concresebat, variasque suscitabat morbosas affectiones variis earundem dispositionibus admissim respondentes.

CXVI. Hinc *Rheumaticorum* quorumlibet, seu, ut ajunt, *Catarrhaliū* AEgritudinum tunc variis modis grassantium unica & genuina origo prodiit. Hinc earundem mutationum, cursuum, & *symptomatum* tutior, & melior ratio emergit. Qua de re, & cutis varias affectiones, seu *erysipelas*, *tubercula*, & *Tonsillarum* tumores, *inflammationes*, nec non *Articulorum*, & *musculorum* varios morbos &c. hinc derivari quilibet videt. Eandem cum istis fortiebantur originem *Pleuritides* variae tunc quoque dominantes, & Thoracis omnes morbi, qui ab eadem crascescente lymphā, atque undecunque stagnante fiebant; cum eundem, tum in his, tum in illis, *pleuriticum* tenacem *corticem* sanguis detractus proferret. Ex hoc fortasse factum fuit, quod antiqui Medici, peculiares nondum lymphae proprietates, & motus satis callentes, morborum hujuscemodi omnium, & Thoracis maxime causam a *catarrhali* a Cerebro ad Pectus fluxione deduxerint; sicque somniatis Capitis *destillationum*, ut ajunt, vicissitudinibus veram istarum AEgritudinum genesin, atque de iisdem ratiocinandi modum, & curandi rationem, tanquam firmo fulcro, minus haesitanter adaptaverint.

CXVII. Si qui unquam sint adhuc
in

in anatomicis Recentiorum cognitionibus misere caecutientes, qui obsoletae jam sententiae huic adstipulari non erubescant: consulant quaeso praeclariss. Malpighium, atque ab ipso discant, quod si unquam modica aliqua lymphae portio a Capite ad Pulmones defluere potest ad morbos ibidem varios aliquo modo suscitandos, illa non a Cerebro, sed a Glandulis in illis partibus jacentibus separatur. (29) Et ut verum dicam (inquit ille) satis dubito, quod adsint Pleuritides factae a materia, quae a Capite descendens per Tracheam, inflammet Pulmones; quoniam tota materia humectans Os, & Palatum provenit a Glandulis dictarum partium, uti evidenter ostendit Anatomia, non autem a Cerebro, estque in pauca quantitate; immo affluxus dictae materiae solito major provenit ab impetu, & perturbatione quae habetur in vasis sanguineis totius Corporis. Nec tantum Caput, veluti genuinum istorum morborum principium, habent, ibidemque ratiocinia sua quomodocunque firmant, sed malefano hoc ducti praejudicio, ad Caput praesertim, tanquam verum fontem, totam curationis operam, sollicitudinemque sedulo admodum dirigunt; de quo acriter dolet eruditissimus Bernardinus Ramazzinus, dum sic adversus ipsos jure merito invehit: (30) Non desunt tamen adhuc, qui

Obstipo Capite & figentes lumine terram,

Antiquorum placitum veluti mordicus tueri, nec desunt in morbis Pectoris Caput non solum Pharmacis, sed Ferro & igne

tanquam Reum plectere.

CXVIII. Attamen nil penitus mirum erat, quod Pectoris praesertim variis morbis illi facilius laborarent, qui alias iisdem, aut aliis hisce analogis affectibus vexati fuerant. In illis enim, qui hasce Pectoris Aegritudines passi fuerant, & praesertim cum suppuratione pulmonaris substantiae, ipsa ibidem, ubi constiterat alias morbus, corrugata pari ratione erat, seu callositatem quandam fere induerat: eodem prorsus modo, quo fit in abscissis quomodocunque, combustis, vulneratisque externis partibus, quae nunquam pristinam structuram acquirunt; sed ibidem contrahuntur, atque in callosos tumores assurgunt. Corrugationes istae, seu callositates, seu aliae quaevis sint hujuscemodi morbosae in partibus relictæ dispositiones humorum motibus obstant. Quamobrem, dum aliunde, (ob peculiarem praecipue aeris conditionem ad id specialiter conferentem) Sanguis, atque lymphæ crassior reddebatur, atque ad concretionem maxime proclivis: in hisce potius, quam aliis partibus facilius coagulari poterat, cum ibidem ex dictis major adesset renixus, qui lymphæ aliunde tardius se moverentis fluxum praepedire ultro valet. Hoc unico ratiocinio percipere satis possumus, cur ii omnes, qui alias venerea lue laborarunt: qui Arthritide detenti antea sunt: qui callos in digitis Pedum, aut in aliis Corporis partibus gestant &c. veridica se gestare Barometra conquerantur, mediis quibus quorumcunque

que temporis vicissitudinum praesentia tuto proferunt: cum juxta Aëris peculiare dispositiones vehementes in hisce partibus reviviscere dolores sentiant. Quod si partes istae alias male affectae, juxta varias aëris dispositiones tam facile patiuntur, cum facile in iisdem lymphae concretionem fiant; quanto facilius id evenire posse credendum est in Pulmonum substantia alias labefactata, quae, utpote laxior, irruentis intro aëris damna citius, faciliusque patitur, atque uberiore, quam caeterae partes, lymphae copia continuo irroratur?

CXIX. Verum, licet in omnibus, qui tunc Thoracis varios morbos patiebantur, eadem propemodum, ut diximus, generalis causa vigeret, non eadem tamen ratione, atque cum iisdem *symptomatibus* aegrotabant. Morbi enim isti, juxta diversitatem partis, quam primario obsidebant, diversa praeseferebant *symptomata* plus, minusve metuenda: si ve in externis, atque continentibus Pectoris partibus residerent, si ve intima Thoracis penetralia subeundo, in contentis etiam vario modo firmarentur. Hanc morborum Pectoris varietatem ab affecta parte merito petitam & ipsi Veteres omnes Medici adamussim indicarunt, atque praesertim expertissimus Hippocratis commentator Desiderius Jacotius, dum asserit, quod (31) *Partes affectae eaeque praecipue sunt Musculi, Pleura, capacitas Thoracis, Pulmo, Cor, Mediastinum, Diaphragma.* Nec tantum ratione affectae

partis, sed & ratione diversi humoris praecipue stagnantis, *Pleuritides* tunc occurrentes magis, minusve lethalem proferebant indolem, propter quam facilius, difficiliusve solvebantur, fausto, vel infausto exitu. Etenim, aut Lympha solum in Corpore exuberans, atque occurrentis rigidioris aëris occasione concrescens, in Thoracis partibus residebat, easdem tumefaciens, absque ulla ne minima quidem sanguineorum canalium disruptione; aut ob lymphae factam congestionem, & concretionem in Pectore laceratis simul, & *lymphaticis*, & sanguineis ductibus, sanguis ipse transfusus, atque extra *circulationis* aream dejectus, ibidem cum lymphâ simul residens varios progignebat tumores. Utrunque variae insurgebant *Pleuritidum* species, quae attenta diversitate affectae partis, variis stipatae erant *symptomatibus*, propter quae plus, minusve graves evadebant. *Pleuritides* autem primae speciei *lymphaticae simplices* dici merito possunt: Secundae vero *lymphatico-sanguineae* nomen sibi adsciunt. Praeter hasce adsunt & aliae, quae *sanguineae simplices* vere sunt, aliaeque, quas *lymphatico-biliosas* appellandas esse arbitror, ac demum aliae *compositae*, quae de istarum omnium natura vario modo participes sunt: de quibus omnibus peculiare a me habitas observationes distincte hic proponam.

Antequam tamen de *Pleuritidibus* hisce singillatim differere aggrediar, operae pretium me facturum censeo, si nonnulla hic ultro subdam, quae

Lym-

(31) *Desid. Jacot. Com. in Coac. Hipp. Sec. 2. l. 5. n. 18.*

66 Sect. 2. Cap. I. *Lymphaticorum morborum causa &c.*

Lymphaticorum morborum supra positam causam illustrare magis possint, adhibitaque ibidem ratiocinia confirmare, atque tueri. Etenim, dum reliqua omnia jam transacta typis mandaveram, atque subsequens caput Typographo imprimendum cum reliquis vix vix commiseram, forte fortuna optatum jamdiu aureum librum Jacobi Keilii accepi, *Tentamina Medico-physica* acerrimo ingenio, sublimique doctrina, nec non tutiore observationum lumine exarata complectentem, una cum *Medicina Statica Britannica &c.* Celeberrimum hoc praeclarissimi hujusce Auctoris opus maximis encomiis merito undique acceptum evolvens, in disquisitiones duas ad calcem positas fortuito incidere, quarum primam, utpote proposito nostro inhaerentem libenter statim perlegi. In hac, dum eruditissimus hic Auctor de frigoris suscepti causa agit, hanc ab impedita perspiratione neutiquam pendere arbitratur. Quamobrem communem de causa tussis opinionem penitus evertit, atque per consequens *catarrhalium* aliorum quorumlibet morborum hyemis tempore magis, & frequentius saevientium originem a nemine, ut ipse ait, ne in dubium quidem vocatam, a veritate alienam prorsus esse, solidissimis rationibus, experientia ipsa favente, demonstrat. Non enim in aere frigido, quam in calido valde imminui perspirationem putat; atque proinde humorem per insensibilem perspirationem eliminari solitum, ab aere frigido, cutis spiracula cōstringente, & occludente, intus detentum, & in Pulmonis,

faucium, nariumve glandulas depluentem, frigoris suscepti symptomata excitare, absolute negat. Qua de re habitis, iteratisque in statica sua praecedentibus observationibus, praeter rationes etiam, firmiter, omnique jure inhaerens, ex hisce satis & abunde patere, statuit, nec perspirationem a frigore suscepto diminutam esse, nec diminutam perspirationem tussim provocare, vel provocatae humorem suppeditare posse. Unde sic certe concludit. Cum igitur a quantitate sanguinis aucta non proveniat tussis, a qualitate mutata ut proveniat, necesse est; quae sane qualitas ab aere frigido inducitur, non cutis poros cōstringendo, sed sanguini se admiscendo, frigorificisque suis particulis (iisdem fortasse, aut similibus, quibus aquam congelat) quarundam particularum sanguinearum copulam adaugendo; adeo ut, qui ab hujusmodi copulis constituitur humor, Pulmonis, faucium, nariumve glandulas, copia, naturali longe maiore, perfluat. Id ipsum confirmat in sequente disquisitione secunda de vi attrahente, dum sic effatur. Quod ratio evincit, idem experimentis confirmatur; quibus certo certius constat, suscepti frigoris symptomata non ab impedita perspiratione, sed ab aeris per cutis poros ingressu provenire. Sagacissimi hujusce Auctoris Dogmata haec perpendens quilibet primo intuitu asserere non verebitur, ratiocinia quaelibet supra a nobis proposita, quibus non hyemalium tantum, verum & aliorum quorumcunque morborum, juxta consuetas anni temporum vicissitudines occurrentium, causas breviter enodare curavimus,

vinus, tam debili insistere fulcro, ut illico, juxta hujusce Auctoris opinionem, falsa comperiri merito possint. Non abs re itaque erit, si arrepta occasione pauca hic denuo subdam, quae dogmata-haec cum allatis supra ratiocinationibus conciliare satis valeant; sicque erroris notas, quas ex his ideo cavillatores fortasse aliqui mihi adscribere quaerent, a me tempestive avertam. Hinc tamen tantum abest, quod perspicacissimi hujusce Auctoris super propositis observationibus in accuratissima statica sua, fidem denegare unquam audeam, ut potius me ipsius asseclam praestare, gloriosum mihi esse ducam. Id unum innuam, quod & ipse in praefatione notat, quod nempe, quantum circa hujusmodi observationes inter Italos, ac Britannos discriminis sit, exaratae ab ipso tabulae satis superque indicent. Qua de re dum haec amplectimur, *Sanctorianam Staticam* penitus respuere, nefas esse arbitror. Utrunque propria, & veridica emanat lux, qua Rationalis Medicus, ad morborum causas enucleandas, dextere manuduci debet. Certo enim certius cuique patere censeo, praecipuum inter Italos, ac Britannos discrimen, tum a diversa corporum textura, ab Aeris circumambientis temperie varia, a peculiari ventorum dominio, a speciali victus regimine, atque ab aliis innumeris fortasse discrepantibus rationibus petitum, non incongruum esse, ut inde, aliqua saltem ex parte, utrinque idonea veritatis lux derivanda sit. Verum, ut ad rem

propius accedam, omissa interim *Sanctoriana Statica*, nonnullos ab eodem Keilio Aphorismos Staticos feligam, qui suprapositam ipsius opinionem non ex toto ratiocinationibus nostris adversari, aperte demonstrant. Dicit ipse, quod *aestiva perspiratio, hyemalem longe excedit. Insuper in die aestivo maxima perspiratio est trium fere librarum: in hyemali minima est sesquilibra: ut ipse docet.* Attamen licet ex allatis ab ipso observationibus liquido constet, quod ea, quam perspiratio naturalis patitur, latitudo, est inter sesquilibram, & tres libras: simulque pateat, quod hos limites nunquam transit salubris, & naturalis perspiratio; sed modo hic, modo illuc, pro varia corporis conditione inclinatur: pariter ultra, citroque latitudinem suam naturalem perspiratio fertur, vel calore, & exercitio, vel frigore, & quiete: pro ut ipse postea subdit. Itaque si ex hisclare deducitur, longe minorem hyemis tempore perspirationem haberi: in confesso quoque hinc erit, eo magis ultro, magisque perspirationem imminui posse, quo magis rigida fuerit hyemalis constitutio, simulque quo saepius, quo crudelius aquilonares dominantur venti, aliaeve quaevis vigeant causae, quae rigidiores reddant aerem. Stante itaque Clarissimi hujusce Auctoris asserto, quis unquam inde deducet merito, supra allata ratiocinia nostra corruere posse, aut tanquam minus veridica comperiri? Si occasione rigidioris constitutionis plus, minusve saevientis, pari ratione, perspiratio decrescit; in eadem certe ratione

68 *Sect. 2. Cap. 1. Lymphaticorum morborum causa &c.*

ratione *perspirabilis* retenti humoris moles totam humorum massam augere debet, atque praesertim Lymphae, cujus prorsus indolis *perspirabiles* minimas moleculas esse, nemo recte unquam inficiabitur: Hoc idem est, quod supra, Sanctorianis inhaerentes observationibus, innuimus; quod simul, & ab ejusdem Keilii Aphorismis necessario elicitur. Diximus quoque, quod *perspirabile* retentum tunc magis nocet, faciliusque variis *Lymphaticis* accersendis morbis ansam praebet, cum per alias vias id educi satis nequeat: ut per urinas maxime, quod diversa ratione evenire, juxta varias corporum, & temporum dispositiones, Sanctorius Sect. 2. Aphor. 19. sic docuit: *Debiles magis hyeme, robusti aestate, perspirabile retentum in urinam convertunt.* Si supervacuum *perspirabile* sic retentum per *urinarias* vias eliminari nequit, aliquando etiam per alvum educitur, quod ego ipse in enarrata constitutione evenisse animadverti, sed rarius. Si nullo autem modo id natura praestet, ex dictis eadem proportionem salivae copia hyemis tempore augeatur, quod distincte monet Pitcarnius in dissertatione *de motu, quo cibi in ventriculo rediguntur*, sic. *Hic autem moneo, majorem salivae proventum hyemi proprium ad perspirationem nimis imminutam pertinere, ab eaque pendere.* Attamen ego quoque, aliam, praeter haec, exquirendam esse causam puto Hyemis tempore specialiter vigentem, quae Hyemalium quorumcunque dictorum Morborum principium vere constituit. Quo

usque enim *perspirabile* retentum, lymphae molem undique auget, haec autem debitam obtinet fluiditatem, propter quam ad motum satis expedita quaqua versus corpus pervadit: nullae inde *stagnationes* fiunt, nullae *lymphaticae concretiones*, atque proinde nullae emergunt hyemales aegritudines: licet, servata ratione copiae *perspirabilis* retenti, corpus majoris ponderis evadat. Concedam itaque cum praecitato hoc Auctore, praeter haec, a frigido aere *frigorificas*, ut ipse ait, particulas emanare, corporis poros undique subire, easdemque universam humorum massam pervadendo, *quarundam particularum sanguinearum copulam adaugere*: puta lymphae praesertim ad concrendum magis idoneae, quae postea variis in partibus, ut diximus, coagulata, & stagnans varios procreat morbos plus, minusve metuendos. Mihi enim firmum, ratumque est cum Keilio in staticis aphorismis, quod, *per omnes Corporis poros continuus, facilisque aeri patet ingressus, & egressus.* Hac posita sententia, patet facile, praeter dicta, cur post *austriam* humidiores aeris constitutionem diutius dominantem, *Aquilonia* subsecuta plerumque, & majores numero, & graviores Pectoris varios morbos procreaverit, ut supra observavimus. Ab humidiores enim aere, ideo Lymphae moles praesertim quammaxime augetur; quia indefinenter aer iste cutis poros undique pervadens, novas semper sanguini addit aqueas particulas, quae successive in majorem copiam congestae, accedente *aquilonari* constitu-

Sect. 2. Cap. 1. Lymphaticorum morborum causa &c. 69

stitutione, difficilius egredi possunt. Aquilonaribus enim dominantibus ventis, dum cutis fibrillae undecunque corrugantur, minora redduntur perspirationis ostiola, simulque frigorificae, quae ingrediuntur, particulae exuberantem variis in locis lympham figunt, atque ad concretionem citius, validiusque cogunt. Secus evenit in aquilonari simplici constitutione, quae, non derepente post Austrum irruat, sed paulatim accedat. Nam tunc Aer purus, & tenuis, humidi parum habet, quod corporibus etiam inanitis suppeditet: ut Keilius disquisit. 2. de vi attrahente docuit. Unde tunc, & si frigorificae ingrediantur particulae, minorem inveniunt copiam humoris illius, quem facilius figere possint. Animadvertendum tamen est, quod si Aquilonia simplex constitutio diutius perduret, lymphatici quoque morbi pariter fiunt. Siquidem, cum diutius hinc corrugata remaneat cu-

tis, sicque diutius adstricti perspirationis meatus, quotidie perspirabile retinetur, quod in dies majorem semper in molem intus coacervatur, eodemque tempore accedentibus frigorificis supradictis particulis, stagnat, atque concrevit. Quae omnia allatae supra observationes, aliaeque, quae sequentur, satis superque confirmant. Hisce etiam positis, habitas supra aestivorum morborum explicationes veritati consonas esse comperiemus, si ultro dicamus aestatis tempore, loco figentium dictarum particularum, dissolventes alias aestivum aerem corporibus suppeditare, Bilis magis activae copiae in dies augendae perquam idoneas: unde non immerito Sanctorius ipse Sect. 2. Aphor. 35. monet, quod Corpora acriori perspirabili aestate referta sunt, quam hyeme. Ad alia itaque transeamus.



SECTIO SECUNDA

CAPUT SECUNDUM

Pleuritis lymphatica simplex, ubi & de Pleuritico cortice, & ratione emittendi sanguinem in hisce morbis.

CXX



Genere *lymphaticarum simplicium* speciales tunc vidimus *Pleuritides* quasdam, quae inopinato corri-

pientes gravia statim in initio *symptomata* ostentabant; ast paulo postea ad exitum feliciter pergere videbantur aut septima, aut nona die, semper ante decimam quartam. Haec plerumque levis praebat rigor, absque ordine procedens, atque extensus. Dolor ut plurimum non pungens, sed *gravativus* potius ex alterutra, vel utraque parte, quandoque usque ad jugulum, & brachium extensus fiebat: cum rubore faciei vel universali, vel ex ea parte magis vigente, quae affectae responderet parti, cum respirandi maxima difficultate, praecipue in actu inspirationis. Pulsus tamen magnus admodum erat, & mollis cum moderata frequentia. Hujusmodi *Pleuritides* copioso semper accedente sudore, quandoque etiam maxima urinae copia solvebantur; absque quod nil penitus vel biliosum, vel sanguine tinctum, multoque minus

purulentum per *excreatum* educeretur. Spumosa tamen semper tenax, & albicans lymphae copiose prodibat, ob repetitas *Pulmonum* fortes concussiones occasione tussis factas, a *lymphaticis bronchialibus* ductibus identidem separata. *Pleuritides* hujusce indolis, prae caeteris, sanos Homines, & bene nutritos invadebant, illosque maxime, qui nunquam alias hisce morbis detenti fuerant. Etenim ipsi post violentas Corporis exercitationes rigidioris aeris injuriis successive expositi, inopinato aegrotabant; inter quos Galli praesertim jam supra dicti Milites. Hinc certe arbitrabar, *Pleuritides* hasce, utpote *benignae* satis indolis, minus quam alias, Medico negotium facefcere debere, cum a crassescente tantum lymphae in Pectore originem ducerent. Existimabam enim, quod certe in hisce eodem prorsus modo, quo lymphae in articulorum cellulis, aut musculorum interstitiis firmata, tum *articulares* varios, tum *Rheumaticos* dolores alios producit: ita & pari modo, disruptis propriis ductibus, aut saltem plus aequo repletis, ipsa quoque

que transfusa, aut remorata circa *Thoracis* partes concreveret, ibidemque magna in copia coacervata *grativatum* efficeret dolorem, aliaque simul morbosa *phaenomena* nulla alia prorsus ratione tollenda, quam con- crescentis lymphæ congrua disso- lutione. Hinc enim apta reddi ipsa poterat, ut proprios iterum subeun- do tubulos, ad *pristinam circulationis* semitam reduceretur, indeque copio- so succedente sudore, aut affluentis urinae beneficio, extra corpus elimi- nari posset: quod natura ipsa satis superque indicabat. Nulla ideo in hisce tutior aderat curationis me- thodus, quam quod necessariam hanc lymphæ dissolutionem sanio- ribus omnibus, mitioribus tamen, praesidiis Medicus viriliter promo- veret.

CXXI. Id, praeter caetera, com- mode admodum praestabat Sanguinis emissio juxta indigentiam parce magis, minusve celebrata: sicuti & diluentes potiones magna in copia calidae sumptae, & iterata fomenta etiam, quorum ope tenuior dissol- vens humor per meatus cutis ob- repens, maxime intento satisfacere poterat. Praecipua autem mihi erat cura, ut Aegroti, pro ut fieri po- terat, tepidi ambientis aeris bene- ficio gauderent, atque stragulis op- time cooperti in lecto jacerent, ad sollicitandam magis, magisque per- spirationem, in qua unice tunc pri- marius curationis scopus aderat. Si Alvus inobediens erat, *Clysteres* emollientes praescribebam, aut Oleum amygdalarum dulcium, at-

que etiam *Seminum Lini* pro AE- grotorum tolerantia: solventibus aliis validioribus omnibus, & prae- cipue *catharticis* omissis, a quibus ca- ne pejus, & angue in hisce morbis abstinendum esse, certe arbitrabar: tum quia Morbi causa nihil penitus in Abdomine resideret, tum quia peccantis lymphæ expulsionem per Alvum non conveniret promovere, cum eam natura ipsa sudoris co- pia, aut urinae tuto semper perficeret.

CXXII. Quod si *Pleuritides* istae a concrecente in *Pulmonibus* sola lymphæ factae nil penitus metuen- dae erant: quanto magis faustum portendere praesagium poterant *spuriae* aliae, quae tunc quandoque occurrebant, utpote ab eadem tan- tum lymphæ derivatae, quae in in- terstitiis musculorum *intercostalium*, aliarumve externarum Pectoris par- tium moram traheret: Hasce ab illis facile distinguere quilibet poterat, manu affectae parti apposita. Si enim comprimendo, aut quomodo- cunque confricando dolor augeba- tur, statim de externa concretionem judicium aderat. (32) *Externorum phlegmone pressu, contractuque deprehen- ditur, ac notham Pleuritidem parit*: ad- monet Desiderius Jacotius. Hinc in externis hisce evincendis *lateralibus* doloribus, praeter sanguinis emissio- nem (quam tamen aliquando omit- tebam, nisi aut de bene nutrito age- retur Corpore, aut doloris vehe- mentia urgeret, aut supressae con- suetae evacuationes hanc specialiter expeterent) nullum melius, atque

G

effica-

efficacius remedium experiebat, quam repetitos fots ex simplici decoctione Malvae, florum Sambuci, Chamaemeli, & Seminum Ini. Ad inunctiones tum in hisce, tum in aliis *Pleuritidibus* raro admodum confugebam, optime noscens, quod oleosae particulae difficili admodum modo poros cutis subeunt, nisi cum volatilibus, atque incidentibus aliis remediis efficaces magis reddantur. Hinc si unguentis, aut oleis in hisce casibus quandoque uti satius existimabam, aut ad ipsam *politice*, ut ajunt, confugere necesse erat: semper illis congruam spiritus Vini simplicis, aut *Camphorati* portionem adungebam, ut illa magis permeare possent, quod & externis simul frictionibus promovere non omittebam. Sunt qui *Theriacam* tum in *nothis* hisce *Pleuritidibus*, tum in *legitimis* gravioribus ad sedandum dolorem, atque dissolvendos ibidem concrecentes humores etiam, atque etiam commendant. Ego tamen, utpote quorundam observationibus oculo praejudiciis obcaecato factis nil penitus fidens, semper existima- vi, quod si *Theriaca* in hisce casibus prodesse unquam possit, id eveniat, quia calide applicata lenientes simul, ac dissolventes particulas per Cutis poros protrudit, quod aequae & melius praestare possunt, tum dicti fots, tum inunctiones una cum spiritu Vini camphorato praesertim magis actuosae redditae, ut supra indicavi, atque ego ipse fausto toties eventu contigisse novi. Attamen in externa hac *Pleuritide*, sicuti

& in omnibus aliis praeter haec externa remedia supra recensita, internas dissolventes portiones simul sumendas necessario monebam, ut intrinsecus lympham melius dissolvere, atque attenuare possem.

CXXIII. Verum licet *internae lymphaticae Pleuritides* jam supra expositae plerumque feliciter ad exitum medio sudore properarent, non in omnibus semper aequae benignam fortiebantur indolem. Quandoque enim tanta in copia *lymphaticus* humor totam undique *Pulmonum* substantiam inundabat, atque in extrema praesertim eorundem superficie proprios ductus taliter adimplebat: ut ibi crassior factus, concretusque nullis unquam dissolvi praesidiis, atque inde removeri satis posset. Hinc gravi, quo tum interius, tum exterius detinebantur, pondere extra modum gravati *Pulmones*, vix consueto muneri paululum satisfacere poterant. Quare idonea sic deficiente sanguini ad motum concitatione, & ipse lente admodum successive movebatur, ita ut paulatim ad coagulationem vergens inevitabilem accerferet obitum. *Lymphaticas* graves hasce *Pleuritides* distincte novisse, atque adamussim explicasse expertissimum *Lucam Tozzium* constat, dum haec habet. (33) *Accidit preterea, ut ab impedito Lymphae cursu, vel etiam a copia, & crassitie ejusdem, quae in Pulmones irruit, contingat Peripneumonia; si videlicet illos expandere non permittat, atque sanguinis praeterfluentis motum quoquo modo retardet, unde haerens ipse*

ipse tumorem parit Phlegmonodem.

CXXIV. Crassioris, stagnantisque hujusce lymphae dominium in Pectore satis testabantur mortuorum ex hisce morbis cadavera: dum & crassam in *Pulmonum* cellulis latentem lympham, eorundemque *Parenchyma* intime ipsa imbutum, atque inde tumens maxime, induratumque conspicere datum erat, simulque extimam ipsorum superficiem, & quandoque etiam *Pleuram* ipsam mucosa hac lympham tam fortiter obvolutam, ac si nova coriacea, fere dixerim, fortis tunica exterius ipsis adjuncta esset. In hujusmodi *Pleuriticis* gravativus magis, quam in aliis, dolor aderat, praecedente rigore magis extenso, cum majore Pectoris angustia, ita ut non raro vix erecta cervice spiritum ducere misere possent, cum intenso admodum faciei rubore, atque tumore satis sensibili. *Lymphatica* tantum, & spumosa sputa aderant, ut supra dixi, magna in copia prodeuntia, quibus perquam raro sanguinea vix tenuissima filamenta immixta erant. Pulsus frequens semper erat, atque adstrictus, qui successive magis inde, magisque imminuebatur, quo magis affluente lympham universum *Pulmonum* tumescebat *Parenchyma*, majoreque inde facta vasorum compressione, minor remanebat aditus sanguini per *pulmonares* tubulos trahiendo.

CXXV. Quando *lymphatica* haec pejoris indolis *pleuritis* nosci hinc opportune poterat, largius sanguinem emittere omni jure expediens admodum, atque praecipuum reme-

dium erat. Quo enim magis tota sanguinis massa imminuebatur, magis proportionata fiebat arctatis, ob stagnantis lymphae compressionem, pulmonaribus vasculis liberius subeundis. Porro liberalis Sanguinis eductio tunc ideo magis conveniens erat, quia non solum *Pulmonares* capsulas crassa haec lympham prope modum adimplebat; verum & in ventriculorum Cordis, in cavitatibus, in auriculis, adnexisque ipsi majoribus vasis accumulata, & crescens, *pseudo-polyposa* ibidem corpora construere solebat, quae juxta molem, atque configurationem suam, liberum sanguinis circuitum magis, minusve praepediebant. *Pseudo-polyposas* concretiones hasce in confiniis Cordis factas, atque praecipue circa sinistrum ventriculum aperte indicabat pulsus tum inopinato depressus maxime, atque imminutus, simulque inaequaliter vibrans, cum difficultate respirandi, atque anhelitu. Nec aliunde melius vitiosas hasce pulsus conditiones deducere quis poterat, quas non raro, superveniente affatim copioso sudore, totaliter solutas vidimus. Non enim ab organica quavis fixa causa talem pulsus inaequalitatem, & depressionem praestabat deducere: cum & derepente illae fierent, & derepente ut plurimum solverentur. Melius ideo conjectari hinc posse certe putabam, *Pseudo-polyposa* haec corpora in universali lymphae circa *Pulmones* congelatione fieri, atque in ejusdem provida dissolutione paulatim imminui, indeque ex toto evanescere: quo modo liberiore reddito

sanguini circa Cordis confinia transire, & pristinus postea pulsui naturalis rhythmus restituebatur.

CXXVI. Tunc autem mirum mihi magis erat quandoque attendere maximam alterutrius pulsus ab altero discrepantiam: quando nempe aut dexter, aut sinister pulsus inaequalis erat admodum, nullamque alter saltem sensibilem inaequalitatis notam praeferebat. Scio enim tum morbosa corpora in Cordis confiniis latitantia, (sive veri sint *polypi*, sive *pseudo-polypi* in *Pleuriticorum* Cadaveribus plerumque observati) tum & vitiosas quaslibet alias ad id conferentes Cordis, adnectorumve ipsi majorum canalium configurationes, pulsus inaequalitates varias progignere posse; sicuti & *Pulmonum* vitia quamplurima pulsum omnimode a naturali symmetria dejicere. Verum tunc par semper motus sanguinis vitium in utroque pulsu aequaliter deprehenditur: nisi tamen specialis adsit alterutrius Arteriae Carpi mala dispositio: quod parum refert. Quod autem in alterutro magis *systematicae* pulsationes fiant, dum in altero totaliter a naturali deflectunt ordine: hoc perquam difficile mihi videtur explicatu. Namque dum Cor male quomodolibet se habet, indeque Sanguinis propulsio in Aortam Arteriam non successivo aequali semper impetu occurrit: incongrua haec sanguinis propulsio aequae fit per *Subclaviam* Arteriam dexteram, ac per sinistram, sicuti & per omnes alias Arterias tum ascendentes, tum descendentes, cum omnes ab eodem primario Aortae trunco deveniant;

Quare & eadem incongrua sanguinis commotio tam in dextero, quam in sinistro pulsu fiat necesse est: dummodo, ut supra diximus, in alterutra ex *subclaviis* dictis organica peculiaris mala constructio non adsit majorem in una, quam in altera parte inaequalitatem producens, quae tamen, caeteris paribus, etiam extra *Pleuritidis* occasionem evenire deberet. Ideo, quod tantum, vigente hoc morbo, talis discrepantia pulsus passim observetur, id peculiarem aliam superadditam tunc indicat causam, quam diligenter investigare tunc non omisi, atque repetitis Cadaverum dissectionibus intime magis pervadere in animo habui.

CXXVII. Hoc autem facilius assequi me posse arbitratus fui, quoties alterutrum ex *Pulmonibus* in superiore parte versus *axillares* ramos praeter modum tumefactum inveni, ibidemque fortiter adherentem, ut non tam facile illinc divelli posset, propter quod & *Subclaviae* ejusdem partis Arteriae compressiones fieri maxime poterant, indeque pulsus inaequalitates variae suboriri. Praeterquamquod aliquando in alterutra ex *subclaviis* Arteriis, & Venis maxime *pseudo polyposas* concretiones varias latitare, cadaverum dissectiones in hisce morbis persaepe ostendunt: quod ulterius hujusce *phaenomeni* patientem aliam indicat causam. Caeterum quod compressis Arteriis *Subclaviis* ex alterutra parte in eadem tantum inaequalitas pulsus suboriri possit, & ipse indicat clarissimus Vir Knips-Macoppe in Patavina celeberrima Universitate Medicinae Professor

fefflor famigeratiffimus. (34) Ita dextero pulsu inalterato (inquit ipse) *sinistrum tantum inordinatum a Comprefsis Arteriis subclaviis, ob apoftema sub axillae ejusdem lateris glandulis observavit Pannarolus &c.*

CXXVIII. Nec tantum subclaviae Arteriae, ob fortem adhaefionem, tumefacti Pulmonis, compressiones fiunt, unde inaequalis ibidem, ut diximus, pulsus evenit: verum & Nervi quoque iisdem canalibus uniti pari modo comprimuntur: quare & tremores, & dolores, & consentientis partis contractiones, tumores oedematofi, atque etiam impotentiae ad motum, suscitari possunt. Sic ob eandem causam Nobilis Dominus Christophorus de Mussis prope Divi Philippi Nerii Ecclesiam degens, quondam maximo derepente tremore in dextero brachio correptus fuit, cum ex eadem parte suppuratio in Pulmone facta esset, cum acuto, & gravativo simul dolore fere semper superius sub Clavicula, usque ad jugulum protenso. Tremor iste, & dolor paulatim evanuit dissolventibus variis, atque laxantibus simul extrinsecus adhibitis remediis, atque praesertim puris maxima copia per excreatum educta, cujus ope affectus Pulmo a gravi, quo prius tenebatur, infarctu liberatus, non amplius consentientes nervos comprimere poterat. Non hinc tamen ex toto illico convaluit, relictâ forsitan in affecta parte non modica laesione ab excretis purulentis, a vocis raucedine, Tussi, & spirandi difficultate identidem magis, magisque vigente &c. satis in-

dicata; quod plerumque post suppuratorios Pectoris morbos evenire, quilibet noscit. Hinc quoties major copia puris in affecto Pulmone crescebat, nova statim fiebat nervorum compressio, unde denuo aut tremor, aut languor in eodem brachio insurgebat, quod in ipso pluries observavi.

CXXIX. E Lymphaticarum genere eo magis Pleuritides istae dignosci, praeter dicta, poterant a mucosa tenaci admodum crusta, quae inducti sanguinis superficie semper existerat, quae modo magis, modo minus albicans erat, modo virenti, aut intense flavo colore intincta, juxta varias ipsius lymphae conditiones alias, quas postea proponemus. Interim non abs re hic erit peculiare meas subungere speculationes, atque observationes praesertim, quas ad hujusce pleuritici corticis intimum magis examen perficiendum necessarias quammaxime esse arbitratus fui. Non modici enim momenti in curatione Pleuritidum a sanioribus Practicis habetur hujusce modi contemplatio, a qua, veluti tutiore fundamento, sanguinem satius detrahendi, tum & de exitu morbi firmiter praedicendi rationem scrupulose admodum ipsi desumebant.

CXXX. Tanti fecit solertissimus Baglivius hujusce pleuritici corticis tempestivam apparitionem in emissio sanguine, ut aperte monuerit, quod (35) In Pleuritide, Peripneumonia, & hujusmodi inflammatoriis Pulmonum morbis, si in sanguine è vena

76 Sect. 2. Cap. 2. Pleuritis lymphatica simplex &c.

secta extracto non appareat in superficie crusta alba, quae necessario apparere debet, pessimum; materies namque illa crustam efficiens in Pulmone remanet.

Licet clarissimi hujusce Viri accuratissima observatio veritati affinis plerumque esse comperiatur, nonnulla tamen super hac non incongruum erit adjungere, quae novis ultro a me toties habitis observationibus inhaerentia, rem magis magisque illustrare poterunt, novaeque clinicis Medicis ratiocinationes, atque cautiones praebere, non ex toto fortasse spernendas.

CXXXI. In primis autem nunquam concedam, quod haec *crusta* in quocunque Pectoris inflammatorio morbo apparere debeat, ut ipse absolute asserit. Quotidiana enim experientia fatis docet, saepe gravissimas occurrere *Pleuritides*, in quibus sanguis eductus nullum penitus praefert *pleuriticum corticem*; & tamen non raro faustum sortiuntur exitum. Expedit itaque primo accurate distinguere, an *Pleuritis* vere, aut primario saltem, a stagnante in *Pulmonum* confiniis lympham dependeat (cujus indolis *Pleuritides* a me jam supra observatas fuisse breviter indicavimus) an vero Sanguinis veram concretionem in aliqua Pectoris parte, ut in *Pulmone* maxime, factam subsequatur, unde tumor *Phlegmonodes* suboritur, cujus peculiare observationes paulo postea subjiciam. Aliud enim est, meo iudicio, quod sanguis in *pulmonaribus* vasis resideat, atque concreseat, quia, facta a circumaffluente, &

coagulata lympham forti compressione, vasa constringantur, atque necessaria elastica vi sua inde fraudata, *circulantis* per ipsa sanguinis motum sollicitare neutiquam possint; maxime cum etiam, arctatis ob eandem causam *bronchialibus* tubulis, sufficiens aeris in *Pulmones* idonea trajectio non habetur, a qua, juxta communem sententiam, vi quasi *concussionis*, *circulatorii* sanguinis motus perennitas, atque justum moderamen habetur: Aliud est quod Sanguis absque *lymphatica* dicta causa a suo motu ferietur, indeque ad concretionem successive in *Pulmonibus* tendat.

CXXXII. Si lympham crassior, atque ad coagulationem tendens pro causa *Pleuritidis* habeatur, tunc verum est, quod *necessario apparere debet crusta alba*, quae *lymphaticam* specialem sanguinis dispositionem indicat. Id enim, & in aliis peculiaribus Morbis a lympham primario subortis evenire, cuique notum est. Sive sit *Pleuritis*, sive *Rheumatismus*, sive *glandulares* quilibet alii sint etiam morbi ab eadem lympham pendentes: qui inter se ratione tantum affectae partis differunt, atque plus, minusve sunt metuendi; dum aliunde omnium generalis eadem est causa. Hinc nil mirum est, quod doctissimus Sydenhamius distincte adnotaverit, quod in *Rheumatismo* detracti Sanguinis color (36) *Pleuriticorum sanguini tam est similis, quam Ovum Ovo &c.* Insuper in hoc casu verum est, quod subdit idem Baglivius loco supra citato, quod nempe tunc pessimum signum

signum sit, quod haec crusta non appareat eo, quia materies illa crustam efficiens in Pulmone remaneat. (37)

Bonum autem si altera missione incipiat apparere. Si enim lympham illa in Pulmonum confiniis residens concretata taliter sit, ut nil penitus dissolvi possit, atque ad circulatorium motum disponi, ut denuo sanguini adjuncta cum ipso educatur, atque in ejusdem superficie appareat: pessimum & perquam lethale signum est, inevitabilem certe in hujusmodi circumstantiis mortem praedicens.

CXXXIII. Ast, ut verum fatear, impossibile pene mihi videtur, quod crusta illa pleuritica non appareat, quoties lymphatica vera sit Pleuritis. Etenim certum mihi, ratumque est, non solum crassam lympham illam tunc in Pectoris partibus, sive contentis, sive continentibus, sive utrisque simul variis modis concreescere: sed ejusdem etiam portionem aliam cum sanguine quaqua versus per totum Corpus in circuitum agi: unde dum sanguis exit, necessario partem proportionatam ejusdem lymphae ad concretionem tendentis secum simul afferet, quae in refrigerati postea sanguinis superficie manifestabitur. Quod autem, dum lymphaticae istae concretiones in Pectore occasione Pleuritidum fiunt, in tota simul sanguinis massa ejusdem lymphae magna copia adsit, satis superque ex Pleuriticorum dissectis Cadaveribus didici. Porro nunquam Pulmones mucosa hac lympham intime saturatos, eorundemque extimam superficiem, sicuti & Pleuram ipsam

variis modis plus, minusve involutam eodem lymphatico glutine inveni: quod simul & Pseudo-polyposae concretiones in dextero praesertim Cordis sinu, & auricula, in Pulmonum vasis, in Vena Cava, atque ejusdem superioribus, & inferioribus truncis, usque ad Emulgentes quandoque protensae in conspectum non venerint; dum simul & ipse Pericardii liquor a nativa maxime fluiditate sua deflectens non raro praetermodum crassior factus, ac fere concretus, partim internae ejusdem superficiei adhaerens inventus est: ut omittam & Pseudo-polyposas minores concretiones in Durae Matris sinibus, atque in aliis Cerebri sanguineis vasis observatas.

CXXXIV. Quae nam autem tutior haberi unquam potest conjectura, ut clarius pateat, quod in lymphatica Pleuritide, dum Pectoris partes a lympham hac concrecente maxime vinciuntur, eadem in toto sanguine militet lymphatica morbosa dispositio, quae ideo in Pectore crudelius saevit, & copiosius residet, quia eo tendit reflua a toto sanguine lympham, atque per proprios ductus ibidem affluentius, quam alibi separatur, ibidemque ad coagulationem eo facilius disponitur, quo immediate magis extrinseci ambientis aeris rigidioris vim patitur, ob indefinentem ejusdem in Pulmones irruptionem? Verum, dum non a crassescente, & residente lympham, sed a vera sanguinis, ut ajunt, stasi in Pulmonibus Pleuritis suboritur (quod saepe evenire ex sequentibus patebit) frustra pleuriti-

cum corticem anxie expectamus: quin immo rutilantem conspiciamus sanguinem, in quo plerumque modica feri quantitas secernitur. Unde & hujusmodi *Pleuritides* ad exitum, aut *suppuratione* facta, aut per *resolutionem*, aut alio modo quandoque absolute perveniunt, quin ne minima quidem hujusce *crustae* nota in Sanguine antea apparuerit.

CXXXV. Attente ideo in *Pleuritidibus* quibuslibet discernere oportet semper ex congruis signis, an *Lymphatica* vere sit primaria earundem causa, an vero a sanguinis genuina concretionem proficiantur, anteaquam de conditione educti sanguinis ullum proferamus iudicium; quod maxime, & ad tutiorem prognosim confert. Quoties ideo absque cortice hujusmodi rutilantem sanguinem in *Pleuriticis* eductum quispiam attendat, atque aliunde ex sputis maxime, & urinis &c. de sanguinea concretionem suspicionem ultro habeat, timeat maxime Medicus, dum hinc in maximo vitae discrimine Aegerotus versatur; praesertim cum summa spirandi difficultas, pulsus concitatus admodum, parvus, & durus &c. universalem in *Pulmonibus stasim*, ut ajunt, aut magna ex parte in ipsis factam denotent, consuetis aliis accedentibus signis, de quibus infra agemus, speciales de hisce observationes afferendo.

CXXXVI. Hinc dilucide satis evincitur, ut supra diximus, quod eadem penitus sit mucosa materies in superficie detracti sanguinis apprens, ac illa, quae in Cadaveribus

Pleuram, & *Pulmones* obvolvere videtur, eorundemque *Parenchyma* undecunque pervadit, atque in tumores attollit varios: Sicuti & illa, quae in Canaliculis majorum, & Cordis cavitatibus accumulata *Pseudo-polypas* illas concretiones producit. Toties enim mucosa haec crassamenta attente conferens mutuo, de hoc certior factus fui; ita ut aliunde *phaenomenon* hoc explicari melius posse absolute diffidam. Id ipsum asserit praeclarissimus Malpighius, dum sic effatur: (38) *Est observatio certa in Pleuriticorum sanguine reperiri quantitatem cujusdam substantiae albae, ac solidae, uti lardum, quae in superficie sanguinis extracti, & etiam inter partes rubras illius intercepta observatur; quin immo in Cadaveribus visa fuit dictae materiae copia in vasis Pulmonis, & Cordis repraesentans Polypum, aut Cornu Cervi. Hoc corpus sane non est Pituita, quoniam non est aqueae naturae, nec est res consueta, sed quidem portio Seri, aut Succus nervi, qui ob dispositionem, quam habet, in hujusmodi morbo ad congelandum, seu ob defectum illius principii, quod mixtionem servat, seu ob vitium fermentationis, seu ob aliam causam, quam nescimus, congestus praecipue in aliquo Pulmonis lobulo, ejusque minimis vasis, prohibet motum sanguinis, qui pertransire deberet, producitque abscessum in una, aut pluribus partibus Pulmonis &c.*

CXXXVII. Licet, meo iudicio, impossibile captu evadat, prout & Auctor iste perspicacissimus innuit, quod nam vere sit principium illud coagulativum, quod in *Pleuriticorum* san-

sanguine, & lymphæ specialiter dominari, nemo inficias iverit; Non abs re erit peculiare a me super hac re factas observationes hic adducere. Dum in educto mox a *Pleuriticis* sanguine, atque in duobus vasibus recepto, in alterutro ex hisce nitrosi liquoris portionem immisi, mirabile visu fuit, quod, praecipitatis illico rubicundis sanguinis globulis, reliqua sanguinis portio in mucosam quandam satis crassam, fere albicantem substantiam abierit, quae plusquam medietatem totius sanguinis aequabat; dum interim residuus sanguis dicto carens liquore, juxta consuetudinem paulatim coagulari visus est, modica admodum secreta. Seri portione, superposita consueta *pleuritica crusta*, quae multo minus crassa, quam in primo vase remanebat. Id terque quaterque, cum aliis expertus fui; quod cum pari pacto alias non semper eveniret, non a nitrosi liquoris diversa actione tantum, sed a varia diversi sanguinis, in quo periculum faciebam, dispositione petendum id esse, arbitrabar. Alia etiam expertus fui, varios addense misso nuper sanguini liquores alios, unde variae emergere videbantur sanguinis mutationes, propter quas plus, minusve rubrorum globulorum praecipitatio fiebat. Quod nitrosum principium, aut aliud non ab simile, Aquilonaribus dominantibus tunc ventis, in aere vicens quid simile in sanguine praestare posset, atque hujuscemodi lymphæ copiosas magis secretiones, concretionesque progignere, non abs re fortasse erit suspicari,

quod fusius hic non vacat explicare. Id conforme ex toto est allatae supra sententiae clarissimi Jacobi Keilii, a quo didicimus, hyemis tempore (quod magis in aquilonari constitutione verum esse comperietur) *frigorificas* quasdam vigere particulas, quae una cum aere poros cutis pervadendo, sanguinemque simul, peculiare ipsius particulas ad coagulationem magis dispositas (lymphaticas fortasse melius, & facilius) maxime figurat, strictioremque earundem *copulam* efficiunt: a quo unice, potioreque ratione, tum *pleuritici* dicti *corticis*, tum *pseudo-polyporum* dictorum, tum & aliarum quarumcunque *lymphaticarum* concretionum in Pectore existentium magis verisimile principium derivatur. Quidquid sit de hoc, satis hic sit innuere, quod ab hac praecipitatione rubrorum globulorum in Sanguine, seu melius ablutione fibrosae ejusdem substantiae, hujusce *crustae* principium deducit celeberrimus Malpighius in dissertatione de Polypo, in qua cum Sydenhamii explicatione convenire videtur. Dicit etiam ibidem, quod *crusta* haec ab aliquibus habita fuerit pro chyli portione, mox pro succo nerveo, mox pro puriore sanguinis parte &c.

CXXXVIII. Quod autem concretiones istae omnes, quas ex eadem penitus profapia esse arbitramur, vere sint lymphæ glutinoso principio praeditae crassamenta, seu melius concretiones, ultro cuique satis patebit, si eductum statim a *Pleuriticis* sanguinem, anteaquam frigescat, simulque, dum frigescit, sedulo

dulo attendat. Mirabile enim tunc visu est, quod dum tota illa sanguinis fluida massa ad coagulationem disponitur, ex gravitatis lege, primo graviores sanguinis fibrosae partes fundum petunt, simulque uniuntur: eodemque tempore *lymphaticae* leviores in specie superius tendentes in extrema superficie paulatim concrescunt, & *crustam* firmant. Tamque tenax quandoque est *lymphaticum* hoc gluten *corticem* hunc constituens, ut, dum concrescens cum tota fibrosa sanguinis portione in minorem reducitur circulum, quam sit *peripheria* vasis circularis, in quo continetur, superficiei ejusdem vasis internae mediis tenacibus fibrillis ita adhaereat, ut ab ea, licet aliquantulum recedens, ex toto liberari non tam facile possit. Insuper *lymphaticae* hae molecule inter se tam stricte, tam intime uniuntur, atque ope dicti glutinis ita devinciuntur, ut emergens inde *circularis crusta elasticam* fere nanciscatur vim, propter quam, ad centrum exterius undecunque contrahendo, concavam efficere ut plurimum superficiem videatur, quae tunc magis plana evadit, quo minus crassa, minusque tenax *crusta* fit, parem & in concrescente intra corpus *lymphae* conditionem indicans.

CXXXIX. Supposito hoc glutinoso forti admodum principio, satis patet, quomodo haec eadem *lymphae* intra vasa sensim, & sine sensu *pseudo-polyposas* concretiones dictas producere facile possit, nil penitus obstante perenni *circulatorio* Sanguinis

motu. Placet autem mihi hic ultro accuratissimi Sydenhamii animadversiones de hac eadem *pleuritica crusta* breviter adjungere, atque ex habitis observationibus ad trutinam sedulo revocare. Dum praeclarissimus hic Auctor de hac loquitur, dicit illam esse puris aemulam, adinstar sevi liquefacti, cuticulae tenacis, & fibris refertae formam exhibentem. Statuit insuper, quod nihil aliud illa sit, (39) *quam fibrae sanguineae, quae rubicundo, ac naturali suo integumento per praecipitationem exutae, ambientis aeris frigore in membranam hujusmodi subalbidam concrevere*. Nisi praevia adesset mucosae exuberantis Lymphae ad fortem coagulationem dispositio, quam distincte in hisce morbis adnotasse Malpighium, jam supra indicavimus: nunquam intelligere satis ullus posset, unde nam talis *cortex*, qui quidem multo magis tenax est, quam tota fibrosa sanguinis concreta massa, solo ambientis aeris frigore, ex fibris tantum sanguineis construeretur. Nulla enim, meo judicio, potior adesset ratio, quare in uno potius, quam altero Corpore talis praecipitatio fieret, cum utriusque eductus sanguis ab eodem aequae rigidioris aere verberetur. Insuper si consimiles concretiones tum in Cordis cavitate, tum in majoribus vasis, atque circa *Pleuram*, & *Pulmones* fieri observavimus; etiamsi hae partes non aequae, ac eductus sanguis coagulantem aeris vim patiantur; Certe hinc statuendum necessario est, aliam in sanguine reperiri causam,

causam, praeter aeris frigus, propter quam concretiones hae fiant: quam quidem ex dictis patere satis constat, posita praesertim peculiari Lymphae ad concrescendum dispositione, quam in toto quoque sanguine hisce morbis praeviam, & ipse indicavit doctissimus Ramazzinus in constitutione anni 1691., factas simul de inventis Cordis polypis majorum vasorum incolis observationes in *Pleuriticorum* cadaveribus referens.

CXL. Non ibo tamen inficias, quod istarum concretionum causa, praeter dicta, ad ipsius etiam rigidioris aeris conditionem sit omni jure referenda, pro ut supra, cum doctissimo Jacobo Keilio adnotavimus. Namque id specialiter testari ultro possunt, *lymphaticae* tenaces concretiones, quae in extremitatibus pedum, & manuum (ubi major distantia a Corde, ac proinde alia etiam ultro de causa minor humorum velocitas) occurrunt, *Perniones* dictae, quae hyemali semper tempore frequentius in Puerulis accidunt, quorum fibrillae, utpote minus rigidae, minus per consequens sunt elasticae, minusque idoneae, ut stagnantes humores ad motum juxta necessitatem sollicitent, parique ratione *frigorificis* aeris permeantibus moleculis facilius aditum concedunt. Praeterquamquod, caeteris paribus, majorem in Pueris, quam in adultis *lymphatici* humoris copiam adesse putandum est, quare & facilius in ipsis, quam aliis concretiones hae in Pedibus exsurgunt, foveantur, atque magis magisque

firmantur. Addendum hic id ultro est, quod de *Pleuritici* hujusce sanguinis apparitione diligenter se observasse testatur accuratissimus idem Sydenhamius, dum sic admonet: (40) *At vero (ut id obiter attingam) animadvertendum est, quod si sanguis è secta vena non recto flumine versus horizontem profiliat, sed per cutim repens perpendiculariter dimanet, ut ut ceteri se proripiat gradu, saepe tamen ad dictum colorem non accedit, cujus ego me causam nescire fateor. Neque AEger ab istiusmodi sanguinis missione perinde levatur, ac si modo primum descripto fluat. Quin immo cum hoc ipso modo extrahitur, sive orificium angustius, sive quid aliud obstiterit, quo minus plenius exeat gurgite, neque hic sanguis *Pleuriticorum* sanguinem colore aemulatur, neque AEger par exinde commodum capit.*

CXLI. Quod, dum sanguis a puncta vena pleno, expedito, gurgite non fluit, sed per cutim repens lente admodum profilit, non aequae facile *pleuriticum* praeseferat corticem, seu colorem: de hoc certior nondum satis fieri ex sufficientibus observationibus potui; quare de hoc fides sit penes tantum Virum. Hoc unum innuam, quod, anteaquam supereducti sanguinis conditione hac firmum quispiam praestare judicium tentet, animadvertendum sedulo est, atque ex congruis signis recte primo statuendum, ut supra dixi, an vere *Pleuritis ex lymphaticarum* genuina progenie suborta sit, an vero potius sit ex aliis pejoribus, quae veram sanguinis concretionem in-

Pul-

82 Sect. 2. Cap. 2. Pleuritis lymphatica simplex &c.

Pulmonibus factam immediate subsequuntur. Si *Pleuritis* ex hisce vere sit, quas *sanguineas* merito appellandas esse statuimus; incassum expectabit Medicus *pleuriticum corticem*, qui nunquam apparebit, siue Sanguis è vena lento maxime profiliat motu, siue libere pleno gurgite prodeat, siue alio quovis modo *perpendiculariter*, prout hic Auctor ait, aut non, ipse procedat, ut supra observavimus. Verum si ad *lymphaticarum* censum tunc *pleuritis* sit referenda, in quibus aut minor, aut major, crassior, aut tenuior, aut alia quavis ratione varius *cortex*, juxta morbi diversas dispositiones, necessario apparere debet; non tam difficile est captu, cur in allatis a Sydenhamio circumstantiis sanguis consuetis *pleuriticis* notis carere possit. Fortasse enim dum per angustiores scissuram sanguis prodire coactus est, mucosa illa crassior substantia crustam constituens exire commode nequit. Quod insuper aeque facile intelligitur, si putemus, quod, dum per strictius foramen sanguis exit, ipsius componentes particulae plus aequo compressae, inter sese mutuo magis uniuntur, devinciuntur, atque ita adhaerent, ut *lymphaticae* illae moleculae magis tenaces ab aliis se expedire nil penitus possint, etiamsi sanguis jam eductus in consuetovase resideat. Id etiam evenire potest, si statim ac sanguis è vena defluxit, valide concutiat, atque intime misceatur, ut separatio recto ordine non succedat, quod idem hic Auctor se observasse notat, dicens:

(41) Observari etiam, quod si sanguis recens extractus, quocunque demum modo fluxerit, immisso digito agitur, superficie rubenti, ac florida, ut in aliis morbis quibuscumque, spectabitur.

CXLII. Rationem hanc confirmat urinarum diligens inspectio. Etenim istae in tumultuosa sanguinis validiore concussione, in summo praesertim vigore febris, separatae nullum contentum ostendunt, sed confusae, & perturbatae maxime vario modo apparent; eo quia a tali validiore concussione contentorum particulae intimè miscentur cum reliquo urinoso latice, ut neque vi specificae propriae gravitatis, dum urina in Matula conquiescit, aliae ab aliis separari commode possint, atque congruis suis locis aptari: quod quidem veteres Medici a vi *concoctrice* debili, occasione Morbi, reddita, minus haesitanter derivarunt. Quod vero Aegrotus par exinde commodum non capiat, quando minus pleno Sanguis gurgite in *pleuritidibus* educitur: manifeste ex se patet. Tunc enim residuus in venis sanguis non ita ad motum inde sollicitatur ultro, prout requiritur, ut ex adjuncta nova velocitate, ipsius portio, quae in affecta parte residere putatur, majore inde congruo addito momento, ad motum urgeatur, ut successive circumposita iubeans vascula, cum reliquo *circulatorium* iterum assumere motum possit. Cuique enim notum est sanguinis emissionem in hisce, sicuti & in aliis *inflammatoriis* morbis, ideo confer-

re;

(41) Sydenh. Cap. proprio de Pleuritide.

re ; tum quia copia sanguinis imminuitur, majoreque canalium facta capacitate, commodior inde rarefactioni residui sanguinis, ejusdemque necessariae dissolutioni locus conceditur; tum quia totus, qui superest sanguis, velocius pari ratione movetur, juxta citiorem, tardio remve motum, quo a puncta vena sanguis proflire valet.

CXLIII. Hinc non satis percipio, cur solertissimus Pitcarnius tam scrupulose in hisce morbis jubeat, sanguinem semper ab opposita parte mittendum esse, ne ab affecta eductus, ad eandem concitatio re motu residuum ferri cogat: quod quidem necessarium aliunde esse videtur, ut novo hoc adjuncto, ob velocitatem adauctam, momento sanguis affectam subiens partem, in stagnantia fluida majorem faciat impetum, eaque facilius ad motum sollicitetur, solida simul ad validiores *oscillationes* cogendo: in quo unice consistit magis tuta, magisque expedita morbi solutio. Fateri tamen hic possum, quod licet ut plurimum, ob allatam rationem, ab affectae partis latere sanguinem tunc educi jusserim, aequae feliciter res pro votis mihi etiam cesserat, dum oppositi brachii venam aperiri imperaveram, quod data opera toties fieri satius duxi, ut ex repetitis observationibus tutius obtinerem judicium, ad scrupulosas hasce quaestiones rationabilius dirimendas, in quibus cavillari nimis consueverunt veteres praecipue Medici, inter quos

varii varia sentire visi sunt.

CXLIV. Hollerius tamen aperte statuit, semper venam ex eodem latere affecto secandam esse. Id congruit cum divini ipsius Senis effato, asserente Vallesio, oppositum tuentibus Avicenna, aliisque Arabibus, unde Vallesius sic statuit: (42) *Verum jam omnibus fere ventum est in sententiam Graecorum, secaturque jam ubique in brachio lateris affecti.* Andreas Vesalius, pro ut idem refert Hollerius, *Jecorariam* semper venam brachii dexteri secandam esse certo arbitrabatur: quod ideo merito praestandum esse ipse putat, quia ex parte dextera venam *Azygos* venae *Cavae* trunco implantari animadvertit, atque per illam facile *pleuriticam* materiam retrahi posse opinatur. Hujusce opinionis examen idem Hollerius accuratissime profert (43) eamque solidissimis rationibus ab Anatomia petitis funditus evertit.

CXLV. Quidquid sit de hac controversia: ego iterum dicam, me alias persaepe, atque in hac potissimum constitutione observasse, sanguinis emissionem non solum absque ulla noxa, verum etiam cum aequali AEgrotorum levamine semper evasisse, sive vena è latere opposito, sive ex eadem parte secaretur; dummodo congrua fieret sanguinis emissio, juxta vim morbi, atque AEgrotorum tolerantiam; quod quidem in quacunque *Pleuritide* observavi, atque *circulationis* sanguinis doctrinae magis consonum videtur.

(42) Valles. *Com. de rat. victus in morb. acutis.* (43) Holler. *de Morbis internis lib. 1. Cap. 26.*

84 Sect. 2. Cap. 2. Pleuritis lymphatica simplex &c.

videtur. Id unum dicam, quod, post celebratam sanguinis emissionem ex alterutro brachio, atque etiam ex utroque, si opus esset, proficuum maxime expertus postea semper fui, venam Pedis aperire; quicumque ille vere sit modus, quo hujuscemodi sanguinis emissio prodesse a quam plurimis putetur: sive per revulsionem, sive non: de quo hic non vacat ultro verba facere. Addam etiam, quod, quandoque ad vehementiores pleuriticos dolores sedandos, praesertim externos, usus sum utiliter *cucurbitulis scarificatis* parti eidem affectae appositis, quarum suctionis magna vi concrecentes humores ad motum illico sollicitari posse, ex se patet; propter quod & veteres Medici eodem hoc praesidio feliciter usi fuerunt, tum in hisce casibus, tum in *Angina* maxime contumaci, aliisque *inflammatoriis* morbis non procul a Cute firmatis. In *Angina* autem magis periculosa, aliis praehabitis consuetis praesidiis, sub Mento, prope *Thyroideas* glandulas apponere *cucurbitulas* haec consuevi, & quidem cum manifesto levamine, atque subita Morbi cessatione: de quo iteratis toties observationibus certior fieri potui. Id ipse se quampluries observasse fatetur eruditissimus Antonius Franciscus Bertini (44) quondam Medicinae Professor praeclarissimus Florentiae, sub cuius disciplina solidioris Practicae medicae fundamenta ego ibidem jeci, conferentibus ad id mihi quamplurimum sanioribus documentis praestantissimi ejus Filii Josephi Bertini

mihi amicissimi, qui nunc inter clarissimos Florentinos Clinicos Medicos eximia virtute floret.

CXLVI. Attamen ex repetitis observationibus, atque allatis supra rationibus, statuere certo possum, primum, praecipuumque *Pleuritidum* auxilium, sicuti & in *inflammatoriis* quibuscunque morbis, a sanguinis emissionem sperandum merito esse; maxime si ex patente satis incisione fiat, ut liberiore, atque sollicito magis motu sanguinis eductio succedat. Non hinc tamen quis unquam putet, me supervacaneas, atque plus aequo copiosas, seu fere ad animi deliquium iteratas emissiones sanguinis laudare, uti cum veteribus Medicis nonnulli sentiunt, & faciunt. Scio enim, quod, quo magis viribus sic destituitur Aegrotus, eo minor pari ratione remanet vis renisus in solidis partibus ad concrecentes dissolvendos humores, eosque ad motum sollicitandos. Habita ideo ratione morbi, & roboris affectorum Corporum, sive quantitatis sanguinis specialiter attendendae, sanguinem plus, minusve expedit mittere, ne quis nos merito arguat cum doctissimo Ramazzino, dum sic exclamat: (45) *Quot vero modis per venae sectionem peccatur? Jam Phlebotomus, veluti gladius delphicus, passim tam in magnis, quam in levibus morbis stringitur, ad innocentes victimas saepius mactandas, quam graves affectus jugulandos.* Si tamen unquam in *Pleuriticis* copiosam magis sanguinis emissionem convenire merito putandum sit: id maxime evenire arbitrarer in

Pleuri-

(44) *La Medicina difesa* p. 240. (45) *Ramazzin. dissert. de constit. anni 1691.*

Sect. 2. Cap. 2. Pleuritis lymphatica simplex &c. 85

Pleuritide potius vera *sanguinea*, (de qua fusius infra differemus) quam in *lymphatica*; in illa nempe, quae primario a sanguinis, genuina concretionem, non vero a lymphae congelatione suboritur: tunc maxime cum eductus primis vicibus sanguis modicam admodum Seri portionem in vase secernit, nullamque recensiti toties *pleuritici corticis* notam exhibet. Caeterum, ut summatim loquar, certo asserere hic possum, *Pleuritides lymphaticas* hasce fere omnes tunc fausto plerumque omine

ad exitum perductas esse, earundemque curationem me paucis admodum remediis complevisse. Etenim posteaquam pro indigentia, sanguis detractus satis fuerat, solis externis fomentis, atque internis *pectoralibus*, vulgo dictis, potionibus copiose, & calide assumptis totam operam adimplebam, reliquum operis sagaciori naturae perficiendum relinquens, dum ipsius gressus attente admodum perpendebam.



SECTIO SECUNDA

CAPUT TERTIUM

Pleuritis Lymphatico-biliosa, ubi & de variis Pulmonum cum Pleura, aliisque Pectoris partibus adhaesionibus; de cortice pleuritico iterum; de Pseudo-polypis; de Pleuritidum diversa sede, atque exitu vario; de earundem symptomatibus, & curatione.

CXLVII



AD lymphaticarum classem reduci pariter poterant Pleuritides aliae,

in quibus eductus sanguis non albicantem, ut plerumque solet, & diximus, sed flavo, aut *flavo-virenti* colore infectam *crustam* proferebat: cujus pariter coloris sputa quoque ipsa videbantur. In hisce autem satis patebat exuberantis bilis dominium, quae cum lymphâ commixta, atque in Pectore crassescens, congelataque morbum constituebat. Ex repetitis namque toties Cadaverum dissectionibus satis didici, ejusdem pene indolis semper esse, & sputa, & *pleuriticum corticem*, & mucosas concretiones in Pectore factas, a quibus morbus provenit; ita ut ante sputi apparitionem, educti sanguinis attento colore, futurorum sputorum, & residentis in Pectore lymphae conditionem certe semper praedicere potuerim. *Pleuritides* haec, quas

ideo *lymphatico-biliosas* appellabam, frequentius, & gravius corripere visae sunt cachecticos maxime, aut obesos, aut biliosos praesertim Homines, liberaliori Vini usui indulgentes, aut cujuscunque generis eduliis large, atque inconsiderate utentes. Quamobrem hisce Milites fere omnes, quos in Nosocomio nostro curandos tunc habui, detentos plerumque graviter vidi. Caeterum hujusce indolis *Pleuritides* non aequae facile, ac aliae supra descriptae *lymphaticae simplices*, per sudorem solvebantur: cum non raro per biliosas dejectiones, aut per copiosas crocae urinae excretiones, non neglectis tamen biliosis sputis, solverentur. Unde non eandem penitus in hisce, sicuti & in aliis, semper curationis methodum servandam esse, satis superque novi. Neque istae aequae facile ad exitum perducebantur, cum minus salutare praesagium ut plurimum proferrent.

CXLVIII. Non hic diutius immorabor, ut distincte ostendam, quo

quo nam modo biliosus iste humor a consuetis *promptuariis* suis ad Pectus ascendere possit, ibidemque cum lymphâ concrefcere. Nondum enim ex diligentioribus observationibus, accuratisque Cadaverum dissectionibus constare satis potuisse arbitror, an bilis haec per peculiâres breviores vias a *biliariis* ductibus ad Pectus transferatur: an potius per consuetum *Circulationis* tramitem, cum universa humorum massa delata, ibidem cum lymphâ secernatur, atque resideat. Satis superque pro instituto meo esse censeo, si de *biliosis* hisce *Pleuritidibus*, seu melius *lymphatico-biliosis* speciales a me factas observationes, adhibitamque a me in ipsis Methodum, quam fere semper utilem attendi, in medium proferam.

CIL. Statim ac in hujuscemodi *Pleuritide* flavum sputum primis diebus attendebam, cum amaritiei Oris, ructibus, inanibus ad vomitum concitationibus, cum Intestinatorum murmure, aut similibus, in faginatâ praesertim Corporibus, largiori cibo omnis generis inconsulte indulgentibus, exuberantem simul in primis, ut ajunt, viis humorum copiam, atque bilis maxime dominium noscens; statim ad *Emeticum* confugere satius arbitrabar. Attamen cum satis noscerem, quod quandoque, ob effraenatam *Emetici* actionem, contractis pari modo Intestinatorum membraneis fibrâs, atque per consensum *meseraicis* simul omnibus in violentas crispationes adactis, coarctantur ibidem eadem ratione sanguinei tubi, totaque san-

guinis massa pleniore gurgite superiores, & Pectoris maxime partes subire cogitur, ubi minor ob eandem causam renixus adest (quod quidem sicuti in alio quocunque morbo, ut supra ostendimus, ita praesertim in Pectoris affectionibus timendum magis est); Ideo primo deplenda esse satis vasa, ope congruae sanguinis emissionis, antecedente die jubebam. Hinc levius, tutiusque seligens *Emeticum* remedium, summo mane sufficientem *Specacuanhae* dosim ipsis propinabam, Adstantibus simul indicans, ut, quoties Aegrotus, aut inanibus Vomendi conatibus detineretur, aut tenaces admodum, viscidâsque materies difficile rejiceret, demulcentis pectoralis potionis iteratis vicibus sumendae calide magnam copiam ipsi exhiberent, cujus ope, aut facilius vomere, aut per inferiora expurgari commodius poterat, vehementiorem sic *Emetici* actionem evitâdo.

CL. Hujuscemodi remedii beneficio res quandoque tam feliciter evadebat, ut immutata illico graviore morbi specie, liberiore reddita respiratione, Pectorisque imminuto gravamine, *symptomata* reliqua omnia leviora redderentur, atque faciliior, magisque copiosa *anacatharsis* subsequeretur. Hinc Aegroti jam de salute tuto sperare se posse videbantur, cum antea in graviore morbi insultu Mortis potius, quam vitae sibi ipsis omen luctuose praefinirent. Neque haec ad jactantiam data opera prolata esse, ullus unquam putabit, si ex Praxi didice-

rit, in gravioribus quibuslibet Morbis, sicuti & Pectoris maxime, naturam persaepe admirabiles moliri crises, & quidem in tam remotis, & variis partibus, ut nulla prorsus ex anatomicis ratiociniis congrua earum explicatio desumi possit. Si quis autem in re tam obscura, innumerisque difficultatibus undecunq; scatente ratiocinandi locus mihi concedatur, ob duplicem causam in *Pleuriticis* hisce *Emetici* usum feliciter evasisse existimarem. In actu enim vomitus, concussis fortiter Pectoris internis partibus, totaque ejusdem cavitate non modice quassata, concreta ibidem lympham commoveri, imminui, atque dissolvi poterat, sicque aptior reddi, ut partim circumpositos subiens *lymphaticos* ductus in aream circulationis provide redacta, nunc per Urinam, nunc per sudorem eiceretur; quod non raro tunc evenit: partim in *bronchiales* minores tubulos intrusa, indeque ad majores migrans, per *excreatum* educi posset: quod saepius evenisse novimus. Quod si biliosum simul spectemus humorem ibidem cum lympham commixtum, atque ab inferioribus *biliariis emunctoriis* illuc quomodocunque derivatum: non minoris momenti alia emerget ratio, faustum adhibiti *Emetici* exitum indicans. Quo magis enim congruis auxiliis in hisce morbis, tutis tamen praeceuntibus indicationibus, biliosus exuberans humor sic provide educitur, minor quoque ejusdem copia affectas Pectoris partes subire valet. Addam,

ultra, quod dum de saginatis praeter modum Corporibus agebatur, depletis sic *Intestinarum* cavitatibus, demptaque imi Ventris turgescencia, *Diaphragmatis* depressio facilius habebatur, ac proinde liberior respiratio. Id aperte testantur occurrentes passim in *Hypochondriacis* corporibus graves anxietates, quae sola ventris idonea evacuatione statim solvuntur.

CLI. Eo autem veritati magis affine habendum esse ratiocinium, hoc arbitrarer, quo magis cum ipsius Hippocratis observationibus congruit, dum asserit, quod (46) in doloribus *Pleuriticorum* utile est *Alvum mollem* esse: quod fusius in propositum nostrum explicat Desiderius Jacotius, innuens (47) utile esse per dolores pleuriticos, si molliter *Alvus* feratur, non propter corruptionem alimenti, aut naturae irritum motum, aut Ventriculi, vel Hepatis in consortium mali adducti offensionem, quibus omnibus modis mollior *Alvus Pleuriticorum* periculosa est, plerumque lethalis: sed initio Morbi, propter materiae derivationem: in statu cum signis concoctionis, propter ejusdem criticam expurgationem. Quid ergo mirum, quod si ex Oris amaritie, nausea, vomitu, ructibus &c. biliosi humoris turgescencia indicata satis esset, ob ejusdem derivationem tutis praesidiis promotam, melius admodum se habere Aegroti isti manifeste sentirent? Quod autem istiusmodi derivationem in allatis circumstantiis primis morbi diebus blando *Emetico* promo-

(46) Hippoc. in Coac. lib. 5. Sec. 2. n. 25. (47) Desider. Jacot. in Com. ibidem.

promovere congruum magis esset, quam per inferiora omnimode sollicitata expulsionem, ratio ipsa ex supra allatis animadversionibus satis indicat. Siquidem eodem tempore, quo per breviorē viam biliosi humoris expulsionem tentabam, ex succedente inde analoga concitatione, concrecentium in Pectore humorum necessariam commotionem, atque dissolutionem egregie, tutoque suscitabam.

CLII. Non eadem tamen semper in quocunque AEgroto, etsi *lymphatico-biliosa* hac *Pleuritide* detento, methodo curationem exordiebar; sed congruo habito respectu ad occurrentes peculiare circumstantias, saniores inde desumebam indicationes. Hinc si de gracili agebatur Corpore, tenui nimis humorum, universa constitutione ditato, in nativa Pectoris angustia, cruentis praevis sputis, ab *Emetico* totaliter abstinebam, optime conscius, quod, promotō hinc uberiore ad *pulmonaria* vasa sanguinis affluxu (maxime cum de laxa admodum canalium structura in corporibus haemorrhagiae assuetis ageretur) perquam facile vasorum lacerationes, & copiosae sanguinis eruptiones oriri poterant. Qua de re si aliunde tum ratione attentae Morbi conditionis, tum ex praegressis liberalioris nutritionis erratis, necessario ventris expurgatio indicata erat; Id praevio Oleo Amygdalarum dulcium, aut seminum Lini, adhibitisque successive laxantibus *anodinis* Clysteribus, perficere curabam. Porro sic, etsi remedio, quod ex to-

to par morbo esset, tunc non uter, paulatim tamen aeque feliciter, quo magis tuto, expetitam humorum *derivationem* promovebam, contraindicantibus omnibus simul satisfaciens.

CLIII. Invalescente successive morbo, adauctisque inde non raro *symptomatibus*, iterum sanguinem ex Pedē mittere satius existimabam, & quidem in congrua quantitate, quae simul, & vim morbi, & specialem AEgrotorum constitutionem adamussim respiceret. Non omittebam simul *pectoralium decoctionum* usum, in quibus unice, post sufficientem sanguinis emissionem, omnem conferebam spem: quippe cum & ratione, & experientia, & sanioribus simul Auctorum documentis ab omni praejudicio alienis satis noscerem, nil magis tutum, magisque efficax in hisce morbis remedium adhiberi posse, quam ferventium, fere dixerim, hujusmodi potionum copiosum usum: cum haec & facilius per canales intrusae affectas subire partes citius possint, suaeque attenuante, & scindente vi minima quaecunque partium interstitia pervadere, mucosamque lympham satis dissolvere, & permeabilem reddere. In hunc finem plerumque in usum revocavi decoctionem ex Rapa, Radice Althaeae, Passulis, Jujubis, foliis Farfaeae &c. cum seminibus Lini, quibus & flores Chamaemeli non inutiliter adjungebam, maxime cum dolor vehementius saeviret. Id autem peculiare fere semper in *lymphatico-biliosis* hisce *pleuritidibus* occurrebat, secus ac in *lymphaticis* simpli-

cibus: quod dolor acutus magis esset ut plurimum; pulsus adstrictus magis, durus, & concitatus; color faciei *flavo-rubescens*, cum majore universali agitatione, *symptomatumque* aliorum omnium vehementia, simulque cum aucta magis febris.

CLIV. Neque tunc mirum quidpiam erat attendere majorem hanc morbi vehementiam, cum peculiare adesset simul bilis dominium. Humor enim iste natura sua magis mobilis, magis activus, & penetrans, ubicunque consistat, partes magis distendit, fortiter aestuando, irritat, mordet, atque lacerat, magisque ardentem excitat febrim, atque magis acutos dolores, continentes solidorum fibrillas in violentiores *oscillationes* cogendo. Verum quidem est, quod non eodem modo in omnibus vigeat morbus iste, cum non semper eadem, aut aeque gravia *symptomata* dominarentur, plerumque ratione peculiaris sedis variae, quam in Pectore obtineret. Aliquando enim totus afficiebatur Pulmo, mox in superiore ipsius parte versus jugulum morbus firmabatur, mox in inferiore versus *Diaphragma*, mox in cava extrema Pulmonis parte ad *Mediastinum*, mox in gibba ad *Pleuram*, mox utrobique. Alias simul *Pleurae* interstitia *pleuriticus* humor subibat, sive quia humor ab ipsa ad Pulmones derivatus esset, sive vice versa. Non raro & ab ipsa *Pleura* ad *intercostales*, indeque ad externos alios musculos insinuatus, sub cute ipsa in externa Pectoris parte residebat. Internas quoque Canalicum,

ventriculorumque Cordis, aut auricularum, aut utrorumque cavitates pervadendo, varias plerumque efficiebat *pseudo-polyposas* concretiones, quae tum ratione molis, tum ratione configurationis, atque adhaesionum plus, minusve exitiales, & molestos reddebant morbos, variisque suscitandis *symptomatibus* ansam praebebant: pro ut ex quamplurimis *Pleuriticorum* cadaverum dissectionibus certior fieri satis potui.

CLV. Valde profecto, atque praeter instituti mei rationem, dissertatio protraheretur, si peculiaris quaeque hic signa in prospectum ponere quaererem, quae speciales hasce quaslibet *Pleuritidum* circumstantias in morbi decursu indicare valent. Quin immo quilibet crassioris audaciae notas mihi merito incuteret, cum eo usque minus haesitanter medicum judicium evehere tentarem, quo humana mens nil penitus pervenit. Jure namq; ac merito in propositum nostrum adduci hic potest, id, quod ingenue fassus est doctissimus Malpighius. (48) Fuit documentum sapientis Viri (inquit ipse) morbos, seu *symptomata*, quae multa, & varia quotidie observamus, non posse omnia reduci sub speciebus, aut ideis determinatis ob variam complicationem causarum, & effectuum inde productorum, qui restringi non possunt sub regulis, utpote ineffabiles; quare videtur Medicus attingere quasdam syndromas, & collectiones diversarum rerum convenientium, & ex iis, quantum potest, efformare diversas radices, ac Capita illa deter-

determinando ab evidentiori, & urgentiori laefione, quam perſpicit in laeſis operationibus Animatis. Nonnulla tamen ex repetitis cadaverum obſervationibus, cum praegreſſi morbi ſymptomatibus, ea, qua potui, ſolertia collatis, deprompta hic placet adducere; quae, licet omnimode Clinicum Medicum in hiſce edocere nequeant, clariorem tamen ipſi lucem afferent, ut minus a veritatis ſemita & ſpeculando, & curando aberret.

CLVI. Quotieſcunque ſola Pulmonum ſubſtantia *lymphatico-bilioſo* hoc humore quomodocunque turgeſcebat, nullaque penitus in *Pleura* concretio aderat, dolor non acutus punctorius, ſed obtuſus potius, & gravativus erat, magis tamen ſenſibilis, quam in ſimplici Pulmonum *lymphatico infarctu* abſque ulla bilis commixtione, pro ut ſupra de *lymphaticis ſimplicibus* differens diſtincte a me obſervatum indicavi. Deerrunt penitus, credo, feliciffimo hoc ſaeculo a praejudiciis omnibus ex toto repurgato, ſanioribusque cognitionibus undecunque imbuto, qui me falſitatis arguere tentent, dum affectum Pulmonem doloris proprii participem indico, quod a veteribus plerisque Medicis ex toto falſum exiſtimabatur. Solus namque pro omnibus laudatus toties immortalis Malpighius controverſiam hanc ſatis ſuperque diremit, dum ſic admonet: (49) *Mihi ſemper viſum fuit ſatis arduum, quod vulgo docetur, Pulmonem ſenſu carere; ſub-*

*ſtantia enim ejus componitur ex aggregato membranarum, quae ex communi ſententia dolori ſubjiciuntur: adſunt etiam vaſa ſanguinea, & trachaea, & quod magis eſt, multi nervi, qui ſolent eſſe radix ſenſus in partibus: quod ultro confirmat ex Hippocratis ſententia in libro de internis affectionibus. Praeter haec potio-rem aliam cum ipſo adungere rationem poſſumus, ex qua ultro evincitur, laefionem quamlibet, a ſola in Pulmonibus concretione humorum ſubortam, exquisitum aliquando ſuſcitare poſſe dolorem. Novit enim & ipſe oculatiſſimus Auctor, ut plurimum Pulmones maxime *Pleurae* alligatos eſſe, ope aliquarum, ut ipſe ait, *appendicum* membranae inveſtientis coſtas. Ideo, dum tumet Pulmo, atque ſtagnantis plus, minusve in caſu noſtro *lymphatico-bilioſi* humoris copia gravatur, maxime dum Aegrotus utrinque ad latera, & praefertim in parte ſana decumbit, contrahuntur ligamenta haec, adnexaque *Pleura* in conſenſum adducta, magis acuti doloris ſymptoma ſuſcit. Id & ipſe novit Deſiderius Jacotius: qui, quamvis cum veteribus Medicis putaret, Pulmonem omnimode ſenſu carere, teſtatum tamen Poſteris reliquit, quod (50) *Licet Pulmo ſenſus ſit expers, tumens tamen ſentientem membranam, qua obvolvitur, deprimit, & gravantem dolorem movet, potiffimum in extremis partibus, quibus Pectori, & Spinae alligatur.**

CLVII. Dum de hiſce Pulmo-

H 3

num

(49) Malpigh. oper. poſt. (50) Deſid. Jacotius Com. in Coac. Hipp. lib. 5. Sec. 2. n. 34.

92 Sect. 2. Cap. 3. Pleuritis lymphatico-biliosa &c.

num adhaesionibus cum Pleura agimus, non abs re erit, si pauca hic ultro subdam ex repetitis, tum aliorum, tum propriis observationibus deprompta, quae illarum genesim magis explicent. Primo autem oportet distinguere *adhaesiones* illas, quas in decursu Morbi factas esse putamus, ab aliis, quas ante morbum extitisse ratio suadet. Ad primam classem pertinere illas puto, quas concreta in extima Pulmonum superficie lymphæ, glutinosa admodum reddita, facit. Propter hoc *lymphaticum* gluten, in *Pleuriticorum* Cadaveribus non solum Pulmones variis modis sive superius, sive inferius *Pleurae* adhaerentes toties vidi: verum etiam ipsi *Pericardio*, & *Diaphragmati*. Quamobrem varia inde evenerant *symptomata*, plus, minusve gravia, juxta diversitatem partis alligatae. Tenax gluten hoc ejusdem penitus naturae semper compertum est, ac erant *pseudo-polyposa* Corpora in Cordis confiniis tunc observata; nec quidpiam differre videbantur a *Pleuritica crusta* in superficie educti sanguinis visa, ut supra monuimus. Unde si crusta haec in hisce praesertim *Pleuritidibus lymphatico-biliosis* flava erat, aut virescens; idem propemodum color, tum in glutine colligante Pulmones, tum in *pseudo-polyposis* Corporibus vasa, & Cor occupantibus videbatur. Quare facile hinc erat deducere, quod aut tum *crusta pleuritica*, tum *pseudo-polypi*, tum gluten Pulmones vinciens ab eadem viscosa lymphæ penderent, ut jam innuimus; aut ejusdem stagnantis

in Pectore lymphæ portio per laterales canales absorpta cum toto sanguine in circulum adducta esset; ut inde cum ipso a puncta vena exiens, in educti sanguinis superficie postea concreescens modo albicantem, modo virentem, modo flavo-virentem *corticem* illum constitueret: quod a veritate ex toto alienum probari nunquam poterit. In hisce enim *Pleuriticis*, in quibus eductus prima vice sanguis nullam profert *pleuritica crustam*, aut quasi nullam: ipsa tamen, dum iterum vena secatur, manifeste, & quidem crassa satis apparet: (quod non raro evenire solet) non aliunde certe *phaenomenum* hoc derivari unquam potest, quam si dicatur: prima vice initio Morbi nondum ab affecta parte *lymphaticum* illud gluten in sanguinem absorptum esse, quod postea, ineunte morbo, evenit, dum *corticem* illum sanguis refert. Etenim tunc nullus conjectandi locus adest, quod ab universali coagulante principio in tota lymphæ supposito *crusta* hujuscemodi eveniret; Nam tum in prima, tum in secunda sanguinis emissionem necessario semper, atque simili modo apparere debuisset, cum semper proportionata lymphæ copia cum sanguine prodeat: Nisi forte supraposita jam Sydenhamii opinio hic locum habeat; quod nempe non aequè libere, non aequè expedite sanguis tam prima, quam secunda, & tertia vice effluere potuerit; quod non tam facile verum comperiri posse arbitror, maxime cum ego ipse agenti Chirurgo pluries

ries assistens diligenter attenderim, eodem pene modo ab utraque incisione sanguinem fluxisse, atque nihileminus una potius, quam altera vice *pleuriticum corticem* observaverim. Tenax admodum quandoque adnotavi *lymphaticum* hoc gluten, Pulmones cum *Pleura*, aut *Mediastino*, aut *Pericardio*, aut *Diaphragmate* devinciens, ut inde nisi per vim, nec tam facile divelli possent. Caeterum istiusmodi *lymphaticam* adhaesionem, occasione tantum praegressi morbi, factam fuisse, nemo negabit.

CLVIII. Praeter hoc, aliud quoque ex toto dissimile vinculum Pulmones cum *Pleura* fortiter colligans pluries in *Pleuriticorum* cadaveribus observavi, quod membranacea quamplura ligamenta modo tenuia, modo crassiora referebat, quae, juxta variam eorundem texturam, divellenti digito plus, minusve resistere videbantur. Ligamenta haec membranacea occasione morbi tantum, tam brevi temporis intervallo constructa esse, quis nam unquam arbitrabitur? Quare concedendum merito est, illa nihil aliud esse, quam *appendices* membranae investientis costas a praeclaudato Malpighio indicatas, mediis quibus melius ipse indicat causam vehementiae doloris in *Pleuriticis* versus costas, etiamsi morbus in *Pulmonibus* vere, & primario resideat. Quod *appendices* istae ante morbum plerumque extiterint, neque tempore morbi factae sint, idem Auctor ex Tulpii asserto deducit, dum cum eodem docet, (51) *Paucis in Corporibus Pul-*

monem esse liberum, sed semper vinctum membranosis illis propaginibus, quas Hignorus putavit esse pituitam exsiccatam: arbitrorque hasce potius juvare, opitulando dilatationi *Pulmonum*, quam nocere respirationi, uti alii arbitrati sunt, videns ipse in *Avibus* omnes illas *Costis* haerere, propterea existimo nonnullas ex illis membranis *plenas abscessu facto in Pleuritide*, posse trahere adjacentes, & successive movere *appendices* illas, & ita excitare vehementiam doloris in illis partibus sanis, quae cum fortiter alligatae sint *costis*, & non liberae, uti sunt *multae, Pulmonis fortiori tractio- ni, simulque dolori obnoxiae fiunt*.

CLIX. Quamvis praeclarissimus Alexander Knips-Macoppe in supra enarrata epistola sua de *Aortae Polypo*, & ipse asserat, hujusmodi *adhaesiones Pulmonis cum Pleura* haberi posse, absque quod respirandi difficultas emergat: ex Riolano tamen deducit, *dyspnaeas* inde in sanis etiam corporibus suboriri: sed in tali casu *suspiriosi* fiunt Aegroti, atque exspiratio inspiratione difficilior evadit, ob inhibitam *Pulmonum* totalem *subsidentiam*, ad inspirati aeris expressionem maxime necessariam. Attamen testatur & ipse, *adhaesiones* hasce *Pulmonum cum Pleura*, tum ab ipso Hippocrate, tum a Claudino, Saxonia, & aliis indicatas esse, quas postea sagax tota novit Posteritas. Ad hujusce observationis firmandam ultro veritatem, dicam me data opera nonnulla cada- vera secuisse *Hominum* lethalibus *Capitis* vulneribus intra viginti qua-

tuor horas mortuorum, atque fere semper invenisse alterutrum, aut etiam utrumque ex *Pulmonibus* fortiter *Pleurae* alligatum, mediis membranaceis hisce filamentis, quae occasione morbi progenita fuisse, ne-tiquam existimabo; cum antea nunquam Pectoris ullo morbo detenti fuissent, quod ante mortem ab ipsis distincte sciscitatus data opera fueram. Quin immo id specialiter me tunc, & alias etiam adnotasse dicam; membranosas hasce *appendices* tanquam fistulosas a me habitas fuisse, & quidem ex quamplurimis minimis vasculis constructas, per quae specialem sanguinis haberi circuitum distincte novi, propter quem, fortasse tum *Pleurae* cum *Pulmonibus*, tum *Pulmonum* cum *Pleura* communicatio habetur, quae satis esse poterit ad varia explicanda *phaenomena* in *Pleuritide* passim occurrentia, atque ad dirimendam vulgarem illam veterum Medicorum quaestionem de genuina *Pleuritidis* sede, quam in *Pleura* tantum haberi ipsi putabant, dum contra a facta in *Pulmonibus* concretionem, *Peripneumoniam* veram derivari opinabantur; Quare aliter Recentiores omnes unanimi consensu statuerunt *Peripneumoniam* (52) *eiusdem* plane indolis cum *Pleuritide* esse, atque ab illa in eo tantum differre, quod *Peripneumonia* universalius *Pulmones* afficiat, ut Sydenhamius monet.

CLX. Posita hac lymphatico-biliosa concretionem in *Pulmonibus* facta, habitaque simul eorundem cum *Pleu-*

ra adhaesione sive ope glutinosae lymphae extrinsecus *Pulmones* vincientis, sive ob praecurrentes membranaceas *appendices*, sive utroque modo: varia oriebantur morbosae *phaenomena*, quae propriis inter se signis collata, genuinam Pectoris internam laesionem vero magis proxime indicabant. Dico tamen *vero magis proxime*: nam si ullus unquam soli conjecturae locus quomodolibet conceditur in Medicina: id de veridicis statuendis morborum Pectoris sedibus, & causis, atque *Pleuritide* maxime distincte cognoscenda, verum comperiri cum sanioribus confiteri semper non erubescam, quod & ipse celeberrimus Malpighius *Adversario* suo obtrudit sic: (53) *Ad-dere volo aliquid, quod oppositori, & mihi displicet, nimirum in hisce morbis signa esse adeo aequivoca, & naturam, aut morbum tot efficere mutationes inter se contrarias, ut non credam humanum ingenium huc usque potuisse evidenter assignare veras causas.*

CLXI. In tam obscura huiusmodi morborum, eorundemque causarum caligine, ob signorum aequivocationem, nonnulla hic proferam a me diligenter perspecta, & adnotata signa, quae veritatis investigationi non ex toto inutilia mihi evaserunt. Vidi autem semper, quod non tantum perpendendus rite est *Pulmonis* locus, quem lymphatico-biliosa concretio occupat, verum & adnexio ipsius *Pulmonis* cum *Pleura*, quae quocunque modo habeatur, peculiare excitat varios Pectoris morbos. Quo ad par-

tem

(52) Sydenham. cap. de *Pleuritide*.

(53) Malpigh. op. post.

tem Pulmonis affectam veriſimilius dignoſcendam, veritati conſonum ſemper arbitrabar, ſicuti in aliis, ita & in hiſce divini Senis documentum, dum & ipſe haec merito profert. (54) *Et quibus morbus eſt ad alteram claviculam, ſuperior ala Pulmonis una laborat: quibus vero utraeque claviculae laborant, ſuperiores utraeque Pulmonis alae aegrotant: quibus ſecundum mediam coſtam, media: quibus ſecundum ſeptum tranſverſum, inferior: quibus vero una tota pars laborat, omnia, quae ei reſpondent parti, aegrotant.* Saniora haec ſunt, magiſque tuta ſigna, quae in exercenda praxi veritati magis conſona expertus ſemper fui, ad dignoſcendas facilius affecti Pulmonis partes, a ſtagnante lymphæ gravatas: quod ultro indicabat peculiaris *ſymptomatum* conditio in quibuſcunque ex hiſce facile attendenda. Etenim dum ſuperior Pulmonis ala laborabat, non tantum dolor ad *claviculam* inſurgebat, verum & reſpiratio difficilis magis erat, magiſque pulſus depreſſus, atque imminutus: quod quidem ex compreſſione forti tum *bronchiorum*, tum vaſorum *pulmonarium* evenire, tutum erat aſſerere: quae, cum in ſuperiore Pulmonis parte, ubi nempe majores tum *bronchialium*, tum *ſanguineorum* vaſorum ductus adſunt, eveniret, majoris momenti, & pejoris ominis erat: quare & Hippocrates ipſe (55) formidabiles eas merito indicat.

CLXII. Pari hinc deſumpto ratiocinio, ſi vel media Pulmonis pars, vel infima, vel intima ejusdem ſub-

ſtantia, vel extima tantum tumore *lymphatico-bilioſo* hoc premebatur; vel pari ratione, aut in majoribus tantum, aut in minoribus *Pulmonum* tubis compreſſio fiebat, inde gravia magis, aut levia *ſymptomata* inſurgebant. Generatim loquendo, quotieſcunque *lymphatico-bilioſa* haec concretio ſive ſuperius, ſive inferius intimam *Pulmonum* ſubſtantiam occupabat, ita ut nulla adeſſet ſtagnatio, aut ſaltem levis admodum in extima eorundem ſuperficie, nulla-que in *Pleura*, aut *membranaceis* *propagininibus* dictis *Pulmones* cum *Pleura* devincientibus, aut prope *Diaphragma*, aut in *Mediaſtini* confiniis; febris quidem in principio acuta admodum erat, pulſus frequens, & tenſus, reſpiratio difficilis; ſed in caeteris nulla aderant pejora *ſymptomata*. Dolor non tam acutus erat, atque ut plurimum in utroque latere decumbere ſatis poterant Aegroti, etſi quandoque in latere ſano majorem reſpirationis anxietatem experirentur, urgente tunc affecto *Pulmone*, a concreta lymphæ ponderoſo magis reddito, atque oppoſitum ſanum lobum premente. Ad exitum tamen citius, & facilius plerumque feliciter properabat morbus. Etenim cum *lymphatico-bilioſus* humor hiantes undecunque, & proxime haberet tum *bronchiales*, tum *lymphaticos*, *ſanguineosque* ductus: aut illos ſubiens, facili, & ſolicita *anacatharſi* primis uſque diebus promotæ, per *exſecretum* morbi cauſa diſſipari commodius poterat: aut per *lymphaticos*, *ſanguineosque* iterum abſorptus, indeque

(54) *Hipp. in Coac. lib. 5. Sec. 2. n. 47.* (55) *Hipp. in Coac. lib. 5. Sec. 2.*

indeque ad circulationis viam redactus, sive per copiosas urinas, sive per affluentem sudorem, non raro etiam per laudabiles Alvi expulsion- nes excernebatur. Hinc *lymphatica* apparebant sputa bile plus, minusve inspersa, quae quo citius videbam, eo tutius de futura, & quidem per- quam proxima salute pronuntiabam. Unde ex Hippocrate ipso habemus, quod (56) *In morbo laterali, si circa initia statim sputum appareat, morbum breviat: si vero posterius appareat, pro- ducit.*

CLXIII. Plerumque a residente in *Pulmonibus* magna hujusce *lymphati- ci* humoris copia, distentae nimis laterales continentes fibrae disrum- pebantur, unde effuso successive sanguine, prodiens per excreatum lymphæ non tantum citrinum colo- rem, verum & sanguinea parva filamina secum ferebat. Neque id pejus unquam proferebat omen, dummodo & expedita, & facilis, & cum levamine *anacatharsis* haberetur. Quin immo & aequè facile solveban- tur, ut ex hisce nulli fere decimam quartam diem absque totali morbi solutione transcenderint: quod con- sonum maxime erat divini ipsius Se- nis asserto, dum absolute statuit, quod: (57) *Pleuritides biliosae simul, & sanguineae ut plurimum nona, aut undecima judicantur, & maxime con- valescunt.* Revera quoties primis us- que diebus *lymphatica* haec sputa bile simul, & sanguine moderate insper- sa, atque libere prodeuntia atten- debam, etiamsi acutissima adesset

febris, una cum tussi molesta, atque respirationis anxietate: (dummodo extra *Pulmones*, sive in *Pleura*, sive alibi, in cavitate tamen *Pectoris*, con- cretionem aliam simul haberi, non vereretur) de futura cito perfecta AE- groti salute certe praedicebam, a sollicito nimis remediorum usu ideo simul abhorrens. Quotidie enim ad- mirabar in hujusmodi *Pleuriticis* naturam ex se satis, & melius AE- grotorum saluti conferre, majorem successive *anacatharsim* promovendo, quam, dum aliquis operosum nimis in Medicina affectans munus, pes- sime praepediebat, naturae ipsi tu- tiori medicatrici se opponens, fra- ctis AEgrotorum inde viribus, res in pejus paulo postea ruebat, aut saltem diuturnior reddebatur mor- bus, qui aliunde naturali motu suo progrediens, ad exitum citissime pro- perasset.

CLXIV. Discant hinc Tyrones Medici ad hujusmodi *Pleuriticos* accersiti, se plus non agendo, quam agendo prodesse posse, cum in his ex se sola satis agat natura, quam admirari magis, quam perturbare expedit. Satis superque in illis esse observavi, naturam provide admo- dum, & tuto agentem imitari, ipsi- que in suis motibus, si opus fuerit, opportune, at non operose nimis, opitulari. (58) Itaque tale sputum, promoveri debet (loquor cum doctis- simo, expertissimoque Dureto) iis, quae expurgationem juvant, molliendo, leniendo, & sputum ciendo: non autem sanguinis detractio retraini, & impe- diri,

(56) Hipp. Aphor. 12. Sec. 1. (57) Hippoc. in Coac. lib. 5. Sec. 2. n. 26.

(58) Duretus Com. in Coac. Hipp. lib. 5. Sec. 2. n. 9.

diri, quod usurvenire videmus, non sine maerore, & nemesi, ab istis pragmaticis vulgo dictis, qui omnem Pleuritidis curationem exigunt in sanguinis detractioe saepius iterata, quamdiu Pleuriticus hujusmodi sputa expurgat, cum spe salutis praedivite. O Homines Reipublicae calamitosos, atque funestos. Ipsam Pleuritidem, quae sua sponte nullius operis indigens cum tali sputo quiesceret, ex eventu reddunt mortiferam. Juxta doctissimi Dureti monitum hoc, cum statim primis diebus in hujusmodi Pleuriticis sanguinem semel, aut bis ad summum in Plethoricis robustioribus detrahi jussissem, ad Emeticum inde juxta indigentiam, si opus esset, in saginatis maxime Corporibus, ut supra indicavi, confugiens, aut ad leve aliud purgans, statim ab opere totaliter quiescebam, id unum caute attendens, ut tum internis, tum externis lenientibus, atque emollientibus naturae tuto agentj praesto semper essem. Utilia hinc maxime erant fomenta externa, atque decoctiones pectorales vulgo dictae, tepide larga dosi exhibitae, quibus identidem, pro ut opus erat, Oleum Amygdalarum dulcium adjungebam.

CLXV. Unica, meo judicio, haec est ratio, & non alia penitus, qua in Pleuriticis faciliorem sputi exitum promovere unquam potest Medicus. Quandoquidem dum exterius tepentia adhibemus fomenta, musculorum pectoralium, atque intercostalium, simulque continentium quarumvis Pectoris partium fibras laxamus, atque ad Pectoris dilata-

tionem expeditas magis reddimus, quod praecipue liberiori anacatharsi confert. Tenuior etiam fotuum vapor cutis poros subiens ad cavitatem ipsam Pectoris insinuatur, ibidemque tum affecti Pulmonis fibras a morbo nimis contractas laxat, lenit, & molles reddit, concretumque dissolvendo humorem, aptiorem illum reddit, ut lateralia bronchiorum ostiola facilius, atque affluentiùs pervadens, citius per tracheam educatur. Quod si externa hujusmodi laxantia ad id maxime conducere, credendum est: quanto melius & interna ejusdem indolis prodesse certe poterunt? Decoctiones enim consuetae laxantes magna in copia usurpatae, tum & oleosa quaeque remedia commendari merito debent: quae etsi immediate ad affectam partem non transferantur, communi tamen circulationis lege, cum tota lymphâ, & sanguine aliquantulum saltem commiscuntur, humoresque omnes simul temperant, & fluxiles magis reddunt, indeque laxandis solidorum contractis, atque irritatis fibris, fluidisque concrecentibus, & crassioribus commode attenuandis, atque ad motum sollicitandis peregre regie conducunt.

CLXVI. Reliquis remediis, quae vulgaris Medicorum nimis facile credentium opinio ad expectorantium validiorum, tutiorumque seriem reduxit: Julapiis nempe saccharatis, aut mellitis quibuslibet, & saponis, ut ajunt, nil prorsus unquam fidere solitus fui: cum iis ad pompam potius, quam necessario quandoque

utens,

utens, ea ad id nil propemodum conferre plerumque observaverim. Dum enim Aegroti hujusmodi *saccharata* remedia assumunt, aut sugunt, aut paulatim, pro more, quomodocunque lambunt; ipsa non per *Trachaeam*, sed per *Oesophagum* illico descendunt, indeque ad Intestina delata, laxante, qua pollent, vi Alvum potius praemature solvunt, quam lacteas subeant venas, ut postea ad Pectus transeant. Utrum autem hujusmodi remedia largius usurpata, tum intempestive ventrem laxando, tum & Ventriculum inutiliter infarciendo in ipsis plicis facile remorantia, Aegrotis damno esse facile possint, quilibet judicet, qui tamen ab empiricae Medicinae praejudiciis ex toto liber sit. Quod ad me spectat, fixum mihi, ratumque fuit, eritque semper, tutius omnino esse iis nil penitus plerumque uti, quam inutiliter, quin immo ad Aegrotorum manifestam perniciem ea usurpare. Dicam tamen, quod haec aliquando prosunt, tunc cum aridae nimis sunt fauces, & lingua, & maxime cum *Laryngis* ostium glutinosum, & tenacibus materiis implicatum est, quae & *Epiglottidem*, & linguam ipsam adeo devinciunt, ut vix loqui rauca voce Aegroti queant. In hisce casibus hujusmodi *Julapia*, aut *Saponeas* non parum prodesse arbitror, iisque tunc uti non inutiliter soleo, cum ea & exsiccatas in ore partes, tum & a confluxu biliosae lymphae irritatas leniant, emolliant, atque *catarrhosas* hinc inde inhaerentes faucibus particulas

vinciant, simulque in unum redigant, ut facilius eliminari possint. Id tamen auxilii praestant *lambitiva* haec, dummodo diu in ore detineantur: nam si statim per *Pharyngem* decidant, frustratur votis ex toto Aegrotus, & Medicus. Quod autem remedia haec a Pectore materies haurire citius, aut melius possint, sicque inchoatae *anacatharsi* opitulari, aut deficientem promovere: hoc prorsus ex dictis nego.

CLXVII. Non inficiabor tamen, me tanquam remedio utili saepissime usum fuisse *spermate Ceti*, utpote congruo remedio tum ad faciliorem reddendam *anacatharsin*, tum ad sedandum respirationis anhelitum, tum ad tutiorem lymphae stagnantis dissolutionem: maxime cum *Camphora* ipsi adjungeretur in sufficienti dosi, quam & in hujusmodi morbis omnibus merito laudat Baglivius, alique Auctores quamplurimi. Quae de re quotiescunque in hisce casibus natura suo munere non fungebatur, praeter externa, & interna demulcentia dicta, in vespertis, atque etiam mane, pro ut oporteret, exhiberi utiliter curabam. *Spermatis Ceti* semidrachmam, cum duobus tribusve granis *Camphorae*, cui etiam scrupulum unum *Succini* albi optime praeparati adjungebam. Si *ferina*, ut ajunt, magis, & sicca urgeret tussis, sequentem bolum in vespertis utiliter propinabam: nempe scrupulum unum *Spermatis Ceti*, grana octo *Pillularum* de *Cynoglossa*, cum *salis volatilis Succini* granis tribus, facto bolo cum sirupo de *Papavere*.

Erratico, poſt coenam ſumendo, ſuperbibendo Cyathum aquae tepidae *peſtoralis*, aut emulſionem ex amygdalis dulcibus.

CLXVIII. Interim totus eram, ut occurrentia ſucceſſive ſputa diligenter perſpicerem, ut inde de futuro morbi eventu tutius ratiocinari poſſem. Ii, quibus ſtatim in initio ſputum apparebat modica bile, & ſanguine hinc inde inſperſum, Alvo ſimul modice fluente, cum idonea urinae excretionem, abſque ullo in Pectore ſtrepitu, perquam facile, & cito ſanitati reſtituti ſunt. Id quoque Hippocrates ipſe teſtatur. (59) *In doloribus Pleuriticorum utile eſt alvum mollem eſſe, ſputa colorari, urinam facile prodire, ſtrepitum in Pectore non fieri. At contraria iis difficilia, & ſputum dulce factum.* Sententiam hanc in propoſitum noſtrum clare explicat Deſiderius Jacotius in commentario, ut ſupra diximus. Quod alibi ultro confirmat Hippocrates dicens: (60) *Sputum non multo permixtum ſanguine, flavum in principio quidem ſalutare eſt.* Cum autem ſputum bile maxime ſaturatum, atque intime perfuſum erat, etſi libere prodiens, nihil inde imminuta reſpirationis anxietate, malum adferebat omen. Multo pejus erat, ſi aerugiſoſa admodum prodirent ſputa, Olei ſeminum Lini tincturam fere repraeſentantia. Ex hiſce enim nullos fere ſervatos vidi, quod quidem rationi ipſi conſonum videtur. Quando enim aerugiſoſa bilis haec obſcure ſic ad-

modum ſputa tingens una cum lymphâ, aut ſola etiam, (quod magis lethale ſignum eſt) *Pulmones* premit, ipſoſq; intime ſubit, erodente vi ſua continentes undecunque eorundem fibrillas vellicat, & ſcindit, indeque in tam fortes contractiones cogit, ut *ſtrangulatis*, ut ita dicam, ob id ſanguineis illuc tendentibus canalibus, concretiones poſtea ſanguinis neceſſario eveniant, aut proinde inflammatio, gangraena & Mors.

CLXIX. De hiſce ſputis bile nimium ſaturatis, atque aerugiſoſo forti colore infectis, nec non aliis merito ſic ſcripſit Hippocrates: (61) *Omniſino pravam, quod flavum ſincerum eſt, & viſcoſum, & album, & rotundum, & cum virore pallidum, valde, & ſpumofum, & lividum, & aerugiſoſum. Pejus autem aliquanto eſt, quod ita meracum, ut nigrum appareat.* Non raro in hiſce caſibus properante, & confirmata inflammatione, dolor inopinato minor fiebat, atque etiam omnimode evaneſcebat. Caveant tamen in huiusce modi *Pleuriticis* Tyrones Medici, ne ab improvifa doloris imminutione ignominioſe capti fauſtum ſalutis praefagium proferant, dum omnia caeteroquin plena timoris ſunt. Enim vero ex Hippocratis monito (62) *Lateris dolor in ſputo bilioſo citra rationem evaneſcens inſaniam movet: quod pluries obſervavi.* Unde & ipſe Deſiderius Jacotius ibidem cum Galeno merito monet, (63) *Ne Medicus repente ad Aegrum in-*
greſſus,

(59) Hippoc. in Coac. lib. 5. Sec. 2. n. 25. (60) Idem ibidem n. 32. (61) Idem in Coac. lib. 5. Sec. 2. n. 31. (62) Hipp. ibid. n. 72. (63) Deſid. Jacot. in com. ibid.

greſſus, & morbi, ac doloris levationem eſſe factam, laetosque, qui adſunt, comperiens, temere cum iſſis liberatum Aegrum pronuntiet: verum prius diligenter inquireat, facta ne ſit iudicatio aliqua, aut abſceſſus. Quorum nullum ſi eveniſſe audierit, neque ullum remedium convenienter adhibendum, interea autem oculos Aegri perturbatos, & quaedam delirii ſigna obſervet, tum magnum ſubeſſe malum praefagiat. Siquidem ex eodem Hippocrate habemus ultro, quod (64) Mortifera omnia, quae abs re miteſcunt, mortem in propinquo eſſe teſtantur. Idemque alibi ſic docet: (65) Quae immerito levantur, & levant; iis non eſt credendum, neque conqueſcendum. Quod ultro aliter idem confirmat. (66) Quae pravīs cum ſignis miteſcunt, mortifera ſunt.

CLXX. Huiusmodi ſigna, atque alia etiam, quae divinus Senex variis in locis ad *Pleuritidum* conditiones varias dignoſcendas, earundemque praedicendos exitus accuratiſſime nobis propoſuit, veridica tunc fere ſemper inveni. Aſt cum extra Pulmonis ſubſtantiam *lymphatico-bilioſa* concretio quomodolibet facta erat, aut ſimul intra, & extra, tunc nihil certi ex apparentibus ſputis deducere poteram. Quandoquidem non ſemel benignam admodum tum colore, tum ſubſtantia, indolem occurrentia affluenter ſputa oſtentabant; dum caeteroquin nihil inde imminuebatur dolor, reſpiratio aequae gravis erat, atque caetera omnia peſſimum ex toto ſtatum

praeferebant. Tunc autem iudicare me tuto poſſe arbitrabar, aut nullam in Pulmonum corpore concretionem factam fuiſſe, aut ſaltem modicam admodum, quae paulatim accedentibus bonae indolis ſputis ſolvebatur: ſimul autem pejorem aliam extra *Pulmones* aſſe, aut in *Pleura*, aut in *appendicibus membranaceis* ejuſdem ſupra indicatis, quam prodeuntia ſputa oſtendere neutiquam poterant; cum extra quomodocunque ſtagnans *pleuriticus* humor, nullo modo, aut ſaltem non tam facile extimam *Pulmonum* tunicam penetrare valeat, *bronchialesque* ſubire tubulos, ut per *Trachaeam* poſtea educatur. Quamobrem anteaquam quis ex ſputorum conditione quolibet de futuro morbi eventu iudicium audacter nimis proferat, ad haec, & reliqua ſedulo attendat, ſimulque omnia conferat.

CLXXI. Huius indolis concretiones extra *Pulmonum lobos* variis modis fieri, variaque inde prodire ſymptomata gravia magis, minusve, quamplurimum, quae tunc diſſecui, & maxime tranſactis annis, cada-verum accurata inſpectio, mihi aperte demonſtravit. Quandoquidem exterius undecunque affectum *Pulmonem lymphatico-bilioſo* hoc obductum glutine vidi, quod ibidem tanta in copia concreverat, uſque ad altitudinem pluſquam unius tranſverſi digiti: ita ut *Pulmo* nova, quaſi, craſſaque admodum, atque forti tunica involutus videretur. Morboſa hac tunica affectum *Pulmonem*

(64) Hippoc. Prorrh. n. 17. (65) Hippoc. Aphor. 26. Sec. 2.

(66) Idem in Coac. lib. 1. n. 51.

monem variis modis involutum nunquam vidi, quin simul, vel ope ejusdem glutinis *Pleurae* adhaereret, vel ope *membranarum appendicum*, de quibus supra: plerumque utroque modo. Attamen tunc semper, & *Pleura* ipsa glutinosa eodem humore simul taliter perfusa erat in interna maxime superficie sua, quae cavitatem Pectoris respicit; ac si eodem modo, quo de affecto *Pulmone* diximus, nova ipsi pariter densa tunica eodem glutine constans tunc superaddita esset. Haec autem in iis attendere potui praesertim, qui & parum per *excreatum* eduxerant, nullo postea subsequente levamine, & in parte sana decumbere nil penitus absque dolore potuerant; cum tunc, in oppositum latus retrocedente *Pulmone* affectae *Pleurae* adhaerente, & ipsa in contrarium traheretur: unde doloris exacerbatio. Insuper hujusmodi Aegroti difficiliorem inspirationem habebant, quam expirationem: dum eatenus difficilior evadebat *costarum*, & *Sterni* maxime elevatio, quatenus ob *adhaesionem* affecti simul Pulmonis cum *Pleura*, magnum aderat superandum obstaculum, quod eo majus prae consuetudine erat, quo affectus Pulmo, & interius, & exterius, simulque ex eadem parte *Pleura* ipsa majore glutinosae hujusce lymphae copia obruta erat.

CLXXII. Eodem penitus modo, quo supra nunc superiorem, nunc inferiorem, nunc mediam *Pulmonis* substantiam *lymphatico-biliosa* hac materie intime gravari diximus; ita & ab extra modo superius, modo in-

ferius, modo aliter *Pulmonem* eodem *pleuritico* humore perfundi, atque *Pleurae* ipsi diverso modo devinctum passim fuisse, experientia ipsa teste toties novimus; unde varia insurgebant *symptomata* plus, minusve molesta, plus, minusve gravia. In illis, quibus gravatus superius *Pulmo* versus *jugulum Pleurae* fortiter adhaerens erat, anxietates majores, magisque difficilis respiratio evaserat: nec raro, ob compressionem sanguineorum ductuum ab eadem parte ad *Brachium* properantium, peculiaris pulsus inaequalitas, aut diversus saltem, quam in altero *Carpo*, rhythmus fiebat, ut supra, etiam monuimus. *Phrenitidem* plerumque iis evenisse toties adnotavi, quibus affectus in inferiore parte *Pulmo Diaphragmati* fortiter adhaerebat. Quamquam & asserere certo possum, me non raro affectum *Pulmonem Diaphragmati* fortiter adnexum invenisse, absque quod ne minimum quidem delirio correpti Aegroti unquam antea fuissent. Hoc autem sic aliquando evenisse arbitror; quia non semper aequae fortis aderat adhaesio, neque semper usque ad *tendineam* ipsius partem extensa fuerat; nempe ubi *Phrenici* nervi majorem suorum filaminum numerum *Diaphragmati* impertiuntur. Insuper adnotavi in quamplurimis glutinosam concretionem dictam in parte cava affectum quandoque *Pulmonem* obsidere, versus *Pericardium*, propter quam & ipsi fortiter adnectabatur. In hisce autem casibus magis vehementes anxietates fiebant: pulsus magis concitatus, & depref-

depressus: ob compressionem *Pericardii* ab affecto adhaerente ipsi fortiter *Pulmone* factam, quae & liberam inde ventriculorum Cordis dilatationem non parum praepedire proinde poterat.

CLXXIII. Nec tantum internam *Pleurae* superficiem, quae *Pulmones* respicit, concretiones hujusmodi obsidebant: sed non raro glutinosus humor membranacea ejusdem interstitia subibat, ibidemque concretus, nervea ejus filamina distendens, magis acutum efficiebat dolorem, difficilemque magis respirationem reddebat. Nec semel vidi in dissectis cadaveribus concretionem internam hanc a *Pleura* ipsa exterius ad intercostales musculos, atque ad *Pectoralem* majorem usque, immediate etiam sub integumentis ipsis, permeasse, ita ut, hisce ablatis, mucosa ibidem *flavescent*, aut *flavo-virescent* lympham in conspectum illico veniret musculos undecumque strictissime obvolvens. Attamen tunc dolor etiam extrinsecus tactu, & pressione, & confricatione manus exacerbari videbatur: dum simul alia non deerant graviora *symptomata* internam majoris momenti concretionem satis indicantia.

CLXXIV. Admiratione non parum captus fui, cum in dissectis Cadaveribus, inter *appendices* etiam *membranaceas Pleurae* cum *Pulmone* colligantes, coagulationes hasce simul subortas esse inveni, modo superius versus *jugulum* factas, modo inferius versus *Diaphragma*, aut alio quovis modo juxta varias affectorum Corporum dispositiones: unde & variis

merito stipari *symptomatibus* morbus solebat: pro ut ex dictis etiam supra satis constat. Quotiescunque sola *lymphatica* concretio, aut alia ratione *lymphatico-biliosa* eveniebat, absque ulla sanguinis ne minima quidem stagnatione: tunc neque suppuratio, neque vera inflammatio, neque grave aliud quodvis *symptoma* sequebatur. Tunc autem (quomodocunque concretio suborta esset, sive in ipsa *Pulmonis* substantia, sive extra ipsam in *Pleura*, aut *appendicibus* dictis ipsam cum *Pulmonibus* devincientibus) morbus solvi poterat, ope dissolventium tum internorum, tum externorum, concretam lympham attenuare, atque ad necessariam expulsionem sollicitare valentium; de quibus supra satis superque egimus.

CLXXV. Tali lymphae attenuatione, atque dissolutione saniore, & methodo facta, ad exitum ipsa sibi aditum variis modis quaerebat, ut inde a morbo, quo antea premebantur, pondere affectae partes liberatae, ad pristinum reducerentur naturalem statum. Quod attinet ad *lymphatico-biliosam* concretionem in *Pulmonibus* ipsis variis modis factam, haec facilius, quam aliae, solvi poterat; cum undecumque *bronchiales* praesto essent tubuli, quos dissoluta lympham subire commode poterat, sicque breviori tramite per *tracheam* exitum sibi parare. Ast concretiones aliae extra *Pulmonem* (ut supra observavimus) quomodocunque factae non aequae facile solvebantur: cum nulla immediata adsit via, per quam humor in *Pleura* coacervatus subire

subire *Pulmones* illico possit, atque per consuetam *bronchiorum* semitam cito extra propelli. Satis enim de quacunque hujusmodi concretione verum id comperitur, quod in rem nostram sapienter protulit Malpighius, dum contra Spigelium sic docet: (67) *Fieri non posse transitum purulentiae (etiamsi dicta disrumperetur membrana) in Pulmones, qui non obtinent foramina illa, ac poros in extima membrana, quos imaginati fuere Antiqui, quoniam aerem retinent, sed quidem (concesso Pleurae hiatu) advertere illam facilius in Pectoris cavitate praecipitari.*

CLXXVI. Quomodo ergo lymphatica haec concretio congruis remediis, aut natura ipsa agente, dissoluta a *Pleura* ad *Tracheam* pervenire possit, ut per excreatum educatur, & per quasnam vias, nemo usque nunc explicare satis potuit. Non mediocris ad hoc momenti, quin immo ingeniosa admodum videtur ratiocinatio doctissimi Lancisii, qui in eruditissima epistola sua ad celeberrimum nostri hujusce aevi Anatomicum primum, totius Italiae lumen Morgagnium missa, merito dubitari posse arbitratur; quod per minimos ramusculos venae *Azygos*, *Trachaeae* annulos, interiorumque tunicam pervadentes, facilior, & brevior parata sit via, ut pleuriticus humor per excreatum educi queat, etiamsi in *Pleura* vere constiterit, quin ad longiorem viam confugiendum sit: quod tunc eveniret, cum pleuritica materies illa ad dexterum Cordis ventriculum, ope

venae Cavae, translata, ad *Pulmones* media arteria pulmonari, indeque ad *Bronchia*, & *Tracheam* ascendere coacta esset, ut postea expelleretur. Hujusmodi opinionem suam peculiaribus anatomicis observationibus roborare praesertim conatur eruditissimus hic Auctor, dum docet; quod primarius venae *Azygos* truncus in dextera Thoracis parte venae Cavae superiori tubo insertus, in plures subdividitur ramusculos, qui tam dexteram, quam sinistram Thoracis partem, ac *Pleuram* ipsam, musculosque intercostales partim pervadunt: partim in arcum quasi flexi supra tubum *Asperae arteriae* inter quartam, & quintam ut plurimum Dorsi Vertebrae assurgunt. Nec tantum hujusce venae ramusculi interiores Pectoris partes, ut cum ipso diximus, percurrunt: verum etiam externas munire, ut ipse subdit, solent; unde potiore rationem deducit, propter quam nonnullae *Pleuritides* ab intro extra, & e contrario deriventur, & quandoque externos sub cute ipsa tumores efficiant. Alias quoque sic inde deducit cognitiones, quas methodicam *Pleuritidis* curationem reddere, satius ducit.

CLXXVII. Quod venae hujusce *Azygos* ramusculi *Pleuritidis* causam aliquando praestare quoquo modo possint, & ipsi norunt veteres Medici: quare Ludovicus Duretus varias *Pleuritidum* species considerat, ob varium materiae affluxum (68) per venam jugularem, *Azygos*, mammariam, & Thoracicam. Hinc veniunt

I

Pleu-

(67) Malpigh. Oper. Post. (68) Duretus Com. in Coac. Hipp.

104 Sect. 2. Cap. 3. Pleuritis lymphatico-biliosa &c.

Pleuritis superior, inferior, antica, postica, sive dorsalis. Quod autem per ejusdem venae varios ramos materia *pleuritica*, quaecunque ea sit, sive *lymphatica simplex*, sive *lymphatico-biliosa*, sive *sanguinea* in Pectoris continentibus partibus quibusvis extra *Pulmones* residens, ad *Trachaeae* cavum transferri possit: atque, ob eandem rationem, quicunque concretus humor in *Pleura*, aut aliis internis Pectoris partibus, ab intro extra retrocedens, morbificam causam usque ad externos musculos transferre, queat; non tam facile unquam concedam. Quidquid enim sit de observationibus ab ipso diligenter peractis, per injectionem crocei liquoris in caudicem ejusdem venae *Azygos*, qui per nares, & per os emanare visus est: firmum, ratumque cum sanioribus Anatomicis habeo, Venam hanc, sicuti & alias omnes, sanguinem a partibus ad majorem Venae Cavae truncum, indeque ad Cor transferre. Quamobrem aperte hinc deducitur, *Pleuriticam* materiem antea in partibus concrecentem, ac postea dissolutam, minimosque venae *Azygos* ramos subeuntem, per ipsos ad *Trachaeam* transferri nullo modo posse; quin immo potius ad Venam Cavam pergere, indeque toti sanguini addi, ut in circulum postea acta, juxta peculiarem partium dispositionem, alibi consistat, atque etiam facilius in *Pulmonibus*, ut ab iis postea per *excreatum* effluat.

CLXXVIII. Praeter hanc nullam aliam certe ex Anatome haberi posse rationem arbitror, propter quam *morbifici* in *Pleura* concrecentis hu-

moris, aut in aliis contiguas partibus extra *Pulmones* firmati, translatio ad *Pulmones* ipsos fieri queat; cum extima eorundem tunica nullis unquam ditata sit meatibus, ut cum Malpighio supra ostendimus. Attamen quoties in Cadaveribus, nullis etiam Thoracis morbis unquam antea detentis, *membranaceas appendices* vidi sanguineis satis patentibus canaliculis ditatas, quorum ope *Pulmones Pleurae* hinc inde adnectebantur; suspicari coepi, quod per hasce melius, & facilius, quam per alias fortasse vias, *pleuriticus* humor tum a *Pleura*, tum ab *intercostalibus* etiam *musculis* ad *Pulmones* immediate transferri possit, atque inde mediis *bronchialibus* ductibus per *excreatum* citius eliminari.

CLXXIX. Utrum hoc veritati consonum magis evadere queat, Sapientibus magis dirimendum relinquo. Satis enim mihi est, hac posita sententia, pro certo asserere, quod tutior inde emergat etiam ratio, qui fiat, ut quandoque in externis continentibus Pectoris partibus, atque magis in *Pleura*, quaelibet factae concretiones per *metastasin*, ut ajunt, ad *Pulmones* propagentur: & vice versa a *Pulmonibus* ad externas alias partes: quod passim evenit. Quod si conjectura mea haec nil penitus veritati affinis credatur: nullus certe, meo judicio, alius restat modus, quo residens in iisdem partibus humor ad *Pulmones* migrare valeat. Qua de re, dum ille attenuatus, dissolutusque satis est, nulla prorsus alia ratione detrudi inde potest, quam aut *Azygos* venae ramus

ramusculos, ut supra diximus, subeundo; aut etiam *Mammariae*, aut *Thoracicae*, per quorum tramites de novo sanguini suppeditetur, ut inde extra corpus protrudatur; sive ad *Pulmones* perductus, per *excreatum*; sive ad *Renes*, per Urinam; sive ad cutis glandulas, per sudorem, & insensibilem perspirationem; sive ad alias quaslibet partes, alio quocunque modo. Verum cum hujuscemodi *pleuritici* humoris regressus in venas (sive ob vitium humoris ejusdem nimium crassi, atque concrecentis, sive ob quamlibet recipientium vasorum peculiarem dispositionem) non tam facile fieri semper possit, cum aliunde immediatus ad *Pulmones* transitus prorsus desit: Hinc fit, quod plerumque illi, in quibus concretiones hae *lymphaticae*, aut *lymphatico-biliosae* extra pulmonarem substantiam, sive in *Pleura*, sive in *Mediaſtino*, sive in *appendicibus* dictis *membranaceis* occurrunt; citius, & facilius moriantur, atque gravioribus detineantur contumacissimis *symptomatibus*, quam alii, quibus intra *Pulmones* concretiones eadem fiunt (dummodo non sint universales) quas & facilius dissolvi, & citius, atque commodius per *excreatum* dissipari saepissime observavi.

CLXXX. Neque tantum ob concretiones hasce *lymphaticas*, aut *lymphatico-biliosas* quomodolibet extra *Pulmones*, aut intra factas, primum vitae periculum Aegrotis hisce imminere attendi: sed multo magis, & citius ob concretiones *pseudo-polyposas*, quas plerumque, ob eandem causam, in majoribus vasis, quin im-

mo, & in ipsis Cordis cavitatibus simul fieri non semel novimus. Istiusmodi *pseudo-polypi*, pro ut citius, vel tardius, pro ut majores, minoresve mole fiunt, morbum plus, minusve breviant, atque ad exitum Aegrotos vel paulatim, vel repente perducunt. Item juxta varias, quas obtinent, configurationes, juxta propagines diversas suas, peculiareque illorum vasorum conditiones, in quibus continentur, sive iisdem quomodocunque adhaerentes, sive in eorundem cavitatibus liberi: varia etiam inde afferunt *symptomata* plus, minusve gravia, plus, minusve exitalia. Non vacat hic quamplurimas de hisce observationes peculiare a me factas singillatim retexere, atque innumeras pene *pseudo-polyposas* hujusce indolis concretiones, quas varias in variis cadaveribus semper vidi, diversoque modo figuratas, hic distincte numerare: cum de hisce omnibus quilibet Medici satis superque edocti sint, illi praesertim, qui non sola librorum lectura, sed iteratis Cadaverum inspectionibus naturae arcana tuto referare satagunt, peculiareque morborum quorumlibet causas oculis ipsis attingere. Neque prorsus hic refert genuinam adferre rationem, propter quam *concretiones* istae, & facilius in venis, quam Arteriis, in dextero Cordis sinu potius, quam in sinistro tunc producantur, ibidemque citius in enormes excrescant moles sanguinis tramitem ex toto occludentes; cum de hisce satis, distincteque egerit Malpighius, aliique omnes, qui accuratas de *Polypis*

differtationes lucubrarunt. Inde enim quilibet percipit, quod cum multo minor sit sanguinis velocitas in venis, quam arteriis, atque insuper venosus sanguis multo minus comminutus sit, quam arteriosus, qui paulo ante *Pulmonum* necessariam actionem, cum ad Cor tendit, passus est: in illis potius, quam istis *polypi* fiunt, atque in majores excrescunt moles. Id unum innuam, quod quotiescunque in *Pleuriticis concretiones* istae aderant, semper detractus sanguis consuetum, & magis crassum in superficie corticem antea obtulerat: cum una, & eadem sit materies, ex qua tum crusta haec, tum *pseudo-polypi* illi generantur: ut ex dictis supra etiam patet. Tunc ultro major aderat respirationis anxietas, major depressio pulsus, frequentia, inaequalitas, cum speciali sensu doloris prope Cor, quandoque etiam in alterutro, vel utroque ex

brachiis, torpore etiam plerumque comite, qui ad sternum, non raro ad Dorsum, atque inferiores quoque Corporis partes vario modo protendebatur: pro ut nempe concreta haec corpora superiora potius, quam inferiora, aut pleraque Corporis vasa occupabant, in quibus proinde inordinatus magis, minusve fiebat sanguinis motus. Talia autem morbosa *phaenomena* eo gravius evenire semper vidi, quoties non tantum in venis, sed in arteriis etiam ipsis, sinistroque Cordis ventriculo, atque in ejusdem auricula istae *concretiones* genitae erant; quod non semel in Cadaveribus animadvertere mihi datum fuit. In hisce iisdem, in quibus, & numero, & mole majores inveni *concretiones pseudo-polyposas* hasce, semper magna Serri copia cavitatem Pectoris inundabat.



SECTIO SECUNDA

CAPUT QUARTUM

Pleuritis lymphatico-sanguinea, ubi de variis puris excretionibus in quibuscunque Pectoris suppurationibus, & praesertim in Empyemate; item de diversis abscessibus in hisce morbis occurrentibus; de usu Vesicantium, atque Balsami de Copaiba &c.

CLXXXI.



Ethales ultro magis in Pleuriticis reddebantur lymphaticae hę,

aut lymphatico-biliosae concretiones sive intra, sive extra Pulmones, sive & utrobique factae, quoties simul in sanguineis vasis sanguis ipse concreceret, aut extra circulationis semitam dejectus in interstitiis partium variis modis consisteret; sive id *primario* fieret initio morbi, sive *secundario* ob compressionem vasorum, a crescente ibidem, atq; stagnante lymphā, invalescēt morbo, evenirent. Tunc enim suppurationes variae inde fiebant, quas ex propriis signis facile erat dignoscere. Si suppurationes hae in *Pulmone* ipso aderant, minus lethales plerumque evadabant, cum liberior inde adesset aditus, ut genitum pus dissolvi, atque breviori, longioreve temporis intervallo educi posset; quod plerumque quadraginta dierum spatio fieri,

Hippocrates ipse pluries docuit. Si autem diutius ibidem remoratum pus corrode vi sua *Pulmonis* substantiam exedit, ulcerationes variae, atque *Phthyses* subsequuntur.

CLXXXII. Non aequae facile res fausto cedebat omine, quoties pus *Pulmonem* obsidens in *folliculari*, ut ajunt, aliquo occludebatur tumore, qui cum nil penitus difrumperetur, nullus excretioni puris aditus remanebat: quare aut Mors inopinato sequebatur, aut *chronici* fiebant morbi ut plurimum insanabiles. Memini me Hominem quendam in Nosocomio majore nostro tunc curandum habuisse, qui plusquam per mensem spirandi difficultate maxima laboraverat, cum dolore continuo totum fere Pectus, dexteramque praesertim partem occupante. Hic post cruenta sputa identidem excreta ad Nosocomium accessit tumidus in facie, atque toto Corpore, mente quammaxime obtenebratus, accedente lenta febris in vespertinis magis adaucta, nihil penitus expuens,

nisi spumantem tantum lympham, quae ab indefinente *Pulmonum* concussione, compressioneque, ob continuam tussim, per vim expressa videbatur. Post paucos dies è vivis discessit. Secto Cadavere, sinister *Pulmo* naturalem fere statum servabat. Dexter autem tumidus admodum, erat undecunque tum *Diaphragmati*, tum *Pleurae* taliter adhaerens, ut dum ipsum magna vi a *Pleura* separare tentarem, *Pleura* ipsa praeter consuetum crassa admodum reddita a costis divelleretur potius, quam ab affecto *Pulmone* liberari unquam posset. In superiore extima *Pulmonis* parte versus *jugulum* insignis aderat tumor, qui (dum adhaerentem *Pleuram* inde removeere quaerem) inopinato disruptus magnam copiam subrui puris, maxime foetidi, eiecit, quod diuturno admodum tempore, tanquam in *folliculo*, ibidem occlusum remanserat, quin postea neque per *excreatum* educi potuisset, neque in cavitatem Pectoris unquam effundi.

CLXXXIII. In quacunque autem humorum concretionem in Pectore facta, sicuti & in suppuratione qualibet, eo citius, tardiusve, caeteris paribus, morbus solvitur; habito non tantum respectu ad copiam *Pleuritici* firmati humoris (quod non parum interest): verum etiam ad peculiarem Pectoris partem, in qua ipse specialiter consistit. Etenim, si verum est, quod sola *excreatio* tutior illa est, & brevior semita tanti ab omnibus habita, per quam huiusmodi morbi resolvi melius possunt: reliquum est, ut quo plus,

minusve facilis ad *Trachaeam* aditus *Pleuritico* dicto humori pateat, eadem servata ratione, vario modo prodeat. Hinc fit, quod quotiescunque transfusus humor iste, aut quacunque alia de causa concreescens, *Pulmonis Parenchyma* tantum obsidet, inde facilius educatur. Praesto namque ibidem undecunque sunt *bronchiales* ramuli, quos subire commode potest, & successive ad maiores tubos pertransire, ut per *excreatum* exeat. Attamen non hoc semper aequae facile evenit; etiamsi morbus in *Pulmonibus* unice resideat. Namque (sive *Pleuriticus* humor in centro, ut ita dicam, *Pulmonaris* substantiae concreverit, sive in superiore ejus parte versus *jugulum*, sive in inferiore versus *Diaphragma*, sive in extima non procul a tunica *Pulmones* extrinsecus cingente) variae inde emergunt rationes, propter quas plus, minusve sollicita excretio evadit; cum inde plus, minusve a majoribus *bronchialibus* dictis ramis Morbus distet. Ideo evenite tiam, quod persaepe *Pulmonum* isti Morbi, per solam, ut ajunt, *resolutionem*, solvantur, nullaq; facta suppuratione: quoties nempe prope majora *Bronchia pleuriticus* humor consistat, quae ideo citius subire valet. Secus hinc evenire necessario debet, dum extra *Pulmones* quomodocunq; Morbus magna ex parte vigeat: quod plerumque contingere quotidiana satis docet experientia. Quandoque enim variis modis *Pleuram* ipsam occupat: modo *mediastinum*: modo adhaesiones *Pleurae* cum *Pulmone* a concrecente glutinosa lympham, ut
supra

supra diximus, factas: modo in *membranaceis appendicibus* dictis *Pulmonem* cum *Pleura* necentibus subfidit. Tunc autem, suppuratione subsequente, Pus per *exscreatum* tere nunquam educitur; cum nullus penitus ad *Pulmonum bronchiales* tubulos immediatus inde aditus pateat. Quamobrem aliunde Morbi solutio mutuanda est. Hoc autem fit, dum attenuatum Pus quaquaversus in affecta parte impetum faciens, propinquiores, magisque patulos subit *lymphaticos, venososve* ductus; ut postea aut cum *lympa*, aut cum sanguine mixtum in circulationis aream reducatur, totumque corpus pervadat. Hoc modo tantum, & non aliter, posita peculiari partium *Pectoris* structura, percipere possumus, quod *pleuriticus* suppuratus humor *Thoracem* occupans, atque in illis distincte partibus firmatus, quae immediatum cum *Bronchiis* commercium neutiquam habent, per *exscreatum* educi queat: quod diuturno admodum tempore, neque tam facile evenire posse, quilibet noscet. Tunc ideo *Natura* sagax brevior, tutiorque morbi solutionem affectans, Pure jam ad communem circuitus semitam, ut supra diximus, redacto, plerumque ad alias partes *metastases* molitur; quod proficuum magis evadit; maxime cum id temporius fiat, antequam scilicet ex toto fractae *AEgroti* vires fuerint, aut Pus, ob diuturniorem moram, affectas partes nimium exederit. Haec omnia tunc distincte magis, clariusque patebunt,

cum peculiare a me habitas observationes plurimas paulo postea subijciam.

CLXXXIV. Hisce de causis omnino certe jure adnotavit oculatissimus, atque in observationibus praesertim diligentissimus *Desiderius Jacotius*: quod in illa *Pleuritide*, (69) quae vel exquisita non est a *Phlegmone musculorum intercostalium*, vel *Notha*, ubi reliqui *Pectoris* musculi patiuntur, febris multo diuturnior interdum perseverat, & sputa pauca excluduntur, non solum propter humoris frigidioris crassitiam, quae non facile expulsionem parit, sed etiam propter locum, a quo humor introrsum, aut nullo modo permeat, aut minus, ac difficilius. Quare paulo postea subdit, quod in eo dolore, siue sanguinis fluxio fiat a vena *Cava Cordi* affidente in eam, quae *Azygos* dicitur, & inde in *tenuis costarum venas*, ac *musculos Mesopleurios*: siue in *externos Thoracis* musculos irruat per *ramum*, qui a vena *Cava* in *alam* emergens propagatur in *partes Thoracis* externas: siue e *summo Capite* per *cervicem* in *scapulas*, & *omoplatas*, tandemque in *lateris* *externos* *musculos*, modo priores, modo posteriores descendat humor frigidior: quocunque, inquam, modo excitatus sit is dolor, siquidem febris diutius perseveret, nec tumor vel expectoretur, vel resolvatur propter cutis externae densitatem: tandem ad suppurationem vertitur, cujus materia intro effusa *Empyema* adfert: exterius propulsa (quod frequentius est) *Abscessum*.

CLXXXV. Quod de externa praesertim *Pleuritide* expertissimus hic Auctor docuit, idem & de interna

I 4

quali-

qualibet verum comperiri, nemo inficiabitur, siue extra, siue intra Pulmones extiterit: unde variae, ut supra adnotavimus, differentiae emergunt, quae, sicuti magis, minusve gravibus symptomatibus ansam praebent, ita magis, sunt minusve timendae. Quamobrem praeclarissimus Jo: Baptista Fantonus Regis Sardiniae Archiater meritissimus &c. amplissimus vere Vir, de Medicina multifariam optime meritus, omni profecto jure adnotandum, cuique sedulo ostendit, quod (*) *Inflammatio Pulmonis interdum in tota substantia fit, frequenter in aliqua parte ejus superiori, vel inferiori: laterali vel media: superficiali, vel intima.* Hinc, cum juxta peculiarem partis laborantis rationem, non semper eadem Pleuritici humoris copia in Pectore quomodocunque subsistere possit, neque eodem semper temporis spatio ibidem firmari; modo brevior, modo diuturnior evadit morbus: tum quia (si ad suppurationem vergat) nunc citius, nunc tardius id evenit, parique hinc ratione, vel facilius, vel difficilius suppuratio rumpatur, ut inde per excreatum pus educatur, si ad hoc patula ex dictis non desit via. Hinc non aequo cito, non aequo facile suppurationes fieri, aut rumpi, semper observavi; unde ex Hippocrate ipso discimus, quod (70) *Plurimae suppurationes rumpuntur die vigesimo: aliae quadragesimo: quaedam ad sexagesimum diem.* Atque expertissimus Hollerius ultro

admonet, quod (71) *multis pleuriticorum, ubi longior morbus est, suppuratio accidit, non omnibus tamen. Materia enim partim resolvi, partim concoqui potest, ut sine pure concoctum spiritum tandem prodeat.* Quod ego quoque non semel in hac praecipue constitutione animadverti. Quotiescunque tamen haec fiebant, congrua semper praebant, & sequebantur signa, quae varia in variis comperiebantur, juxta diversitatem partis, in qua humor suppuratus residebat, nec non juxta ejusdem copiam majorem, minoremve.

CLXXXVI. Dum haec sedulo in Aegrotantibus observabam, divini simul Senis maximam admirabar solertiam, atque indefessam ejusdem sollicitudinem, in minimis quibuslibet circumstantiis sedulo attendendis, atque transmutationibus omnibus graphice exponendis, sicuti in aliis, ita in hisce praesertim Pectoris morbis: quae omnia tutissimis indicavit signis, saniolemque de iisdem praedicendi modum adamussim exposuit; quare cum Galeno omni jure statuendum est (72) *ejus sententias, ut Dei voces habendas, atque Hippocratem ipsum ideo maxime existimari debere, quum in rebus medicis (73) Tam fallere, quam falli nesciat.* Dicit autem Hippocrates, quod (74) *qui suppurati sunt maxime ex Pleuritide, ac Peripneumonia, eos calores comitantur, interdum tennes, noctu vehementes, & nihil memoratu dignum expuunt, sudantque circa collum,*

(*) Fanton. observat. Anatomico-Medic. obs. 16. in scholio. (70) Hippoc. in Coac. lib. 5. Sec. 2. n. 51. (71) Holler. in Com. ibidem n. 75. (72) Galenus lib. 1. de usu partium. (73) Macrobius. (74) Hippoc. in Coac. lib. 5. Sec. 2. n. 49.

Sect. 2. Cap. 4. Pleuritis lymphatico-sanguinea &c. III

& clavículas. Et his oculi cavantur, maxillae vero rubent. Pejus autem calent digiti extremi, & refrigescunt, & circa Pedes tumores excitantur, & circa corpus pustulae. Abhorrent a Cibis &c. Id ipsum comprobatur ex hisce, quae Baglivius protulit sic: (75) *Sanata Pleuritide, si remaneat tussicula quaedam, & circa vespertas blandus calor per universum corpus excitetur; aut Pleuritidis recrudescentiam, aut suppurationem prognosticato.* Haec etsi tuta magis, & genuina sint signa, quae plerumque suppurationes in Pectore factas comitari videntur, non omnia tamen in omnibus evenisse, attendere potui. Praeterquamquod confirmatam potius suppurationem indicare ut plurimum haec solent, quam incipientem, aut proximam, quam aliunde etiam cognosci posse anno praesertim elapso animadverti, quando maximam copiam *Pleuriticorum* plerumque ad suppurationem tendentium in Nosocomio habui.

CLXXXVII. Tunc autem quoties *Pleuritici* initio morbi, aut parum per excreatum educebant, aut, etsi copiosa habita *anacatharsi*, dolor tamen fixus, & vehemens erat, nihilque febris inde remittebat; sed cum agitatione maxima Corporis Aegroti noctes irrequieti transigebant, comite pulsu frequenti admodum, & duro, inani simul tussi ipsos molestante, cum genarum rubore, sensu caloris in Pectore, non raro etiam gravaminis: Suppurationem tunc quam proxime futuram, tutum erat asserere. Haec omnia licet ut plurimum post decimam quartam diem,

in plerisque occurrere consueverent: non raro etiam ante septimam evenire visa sunt, in iis maxime, in quibus sanguineae veridicae concretionis signa adessent (de quibus infra) aut nihil prorsus per excreatum expurgati fuissent. Vidimus aliquando solutam ex toto *Pleuritidem* circa decimam quartam diem, praevia laudabili sputi eruptione morbi causae analogae, ac paulo postea, (dum de perfecta sanatione tum Aegroti, tum Medicus, communi Adstantium plausu gaudebant) exasperrari denuo inopinato febrim, difficilem magis reddi respirationem, cum pulsu concitato, frequenti admodum, cum intenso calore, & genarum rubore, sputo iterum cruento, & quandoque etiam minimis tantum sanguineis filamentis infecto, praevia fere semper horripilatione plus, minusve forti, aut recurrente, juxta concretionis factae variam conditionem.

CLXXXVIII. Dum concretiones hae ad suppurationem vergentes aderant, sive initio morbi, sive recrudescente ipso, dolor modo magis, modo minus *punctorius*, aut *gravativus* fiebat, pro ratione partis, in qua ipsa specialiter firmabatur. Namque, dum in *Pulmone* aderat, *gravativus* potius, quam *punctorius* dolor evadebat: nisi tamen ob *membranaceas appendices*, aut ob *lymphaticum* dictum gluten *Pulmo* affectus *Pleurae* adhaerens, ipsam in consensum traheret, ut supra novimus. *Pulmonis* locum, ubi fiebat suppuratio, doloris varia positio indicabat.

Insu-

Insuper, quibus *Pulmo* sic affectus erat, continentibus aliis omnibus *Pectoris* partibus illaesis evadentibus, ii minorem in inspiratione aeris tunc copiam exsugere posse videbantur: minusque in expiratione, dum affectus concidit *Pulmo*, quam in inspiratione, dum ipse dilatatur, patiebantur; nisi tamen, tam copiosa in ipso adesset stagnatio, quae utramque respirationis actionem aequè labefactare, atque difficilem reddere posset. Quotiescunque tamen extra *Pulmones*, sive in *appendicibus* dictis, sive in *Pleura*, sive in *intercostalibus* etiam musculis, sive prope *Mediastinum* ipsum, pejus circa *Diaphragma*, specialiter aderat concretio ad suppurationem vergens: illos sicca semper torquebat tussis. Adnotavi insuper, quod si in *Pulmonibus* id praecipue fiebat, rauca etiam reddebatur aliquando vox, non raro cum strepitu quodam tam in inspiratione, quam in expiratione aeris, ac si materiae fluctuationem intrinsecus repraesentaret: quod non aequè semper occurrebat.

CLXXXIX. Quo magis ad suppurationem appropinquabat morbus, eo omnia graviora reddebantur, atque vehementior reddita febris periodum fere alternativam servabat: quod & Baglivius ipse adnotavit. Etenim (76) quando inflammatio pleurae, aut tuberculorum *Pulmonis* (ait ipse) desinit in apostema, & pus, tunc febris vehemens, & continua excipitur a *Tertiana*, vel *Quotidiana* intermittente; idq; fit circa septimam diem, est-

que signum certissimum incipientis apostematis. Id ex Hippocrate ipso desumptum esse videtur, dum ait. (77) *Febres in suppuratione intermittentes, subinde exsudantes fere sunt. Periodicam hanc simulatam febrium accessionem plerumque anteibant horripilationes recurrentes, quales ut plurimum evenire ipsis, etiam absque ordine, passim noscimus: iis quoque, quibus perquam facile in Pectore Tuberculosi tumores fiunt, atque ad suppurationem tendunt: subsequente postea ardente febre, quae, prodeunte exinde pure, imminuitur; quod identidem, & in Phthysicis ipsis evenit. Sudatiuncula illa, intermittentibus hisce suppurationis febribus comes semper adjungitur, accedentibus quoque promiscue horripilationibus dictis: quod idem monet Hippocrates. (78) Qui identidem inhorrescunt, ad suppurationem deveniunt. Sed & febris iis suppurationis est comes. Inveteratam tamen suppurationem tanto facilius noscere quis potest, quanto clarius & ipsa Aegrotorum facies per se loquitur: unde & Desiderius Jacotius animadvertit, quod, (79) Purulentus ab exercitato Medico solo fere aspectu apprehendi queat, ut si inter totius faciei colorem subviridem, obscurum, cavos oculos, pupillam obscuram, Corporis extenuationem, collum gracile, vultum tristem, cum tussicula saepius irritante, veluti flos quidam ruboris tenuis genas suffundat. Hisce addam faciei tumorem, & manuum, frontis nitorem quendam, totiusque etiam faciei,*

(76) Baglivius Cap. proprio de Pleuritide (77) Hipp. in Coac. lib. 5. Sec. 2. n. 78.

(78) Hipp. in Coac. lib. 5. Sec. 2. n. 76. (79) Desid. Jacot. in Coac. Hipp. ibid. n. 78.

ciei, ac si albumine ovi facies undecunque oblinita esset.

CXC. Haec autem tutiora sunt signa: nec simul omnia, neque eodem semper modo, aut tempore observantur, cum juxta varias suppurantis materiae conditiones, affectaeque partis peculiarem indolem, varia in variis comperiantur: quare *aequivocationi* locus perquam facile superest. Attamen tutius signum purulenta ipsa prodiens materies patefacit, quae, si album colorem, nec foetidum odorem referat, laudabiliterque effluat, indeque pari modo *symptomata* omnia recedant, aut saltem mitescant, solvere morbum tuto consuecit. Talis puris eductio facilius, citiusve evenit, si in *Pulmonibus* ipsis suppuratio facta sit, ut supra monuimus, atque liber ad *Bronchiales* tubulos aditus remaneat: non autem aliis modis extra Pulmones consistat, pro ut & infra magis patebit. Ex dictis enim satis constat, quod eo magis difficilis puris excretio sit, si in *Pleura*, si in intercostalibus musculis, si in appendicibus colligantibus *Pulmonem* cum *Pleura* concretio, & suppuratio praecesserit. Attamen non negaverim, naturam ignotas quandoque in Aegrotorum bonum vias quaerentem, per cava illa filamina, appendices dictas contexentia, purulentum hunc humorem a *Pleura* ad *Pulmones* transferre posse: quae quidem brevior esset via intento satisfaciens melius. Per hujusmodi enim filamina immediata communicatio adest *Pulmonis* cum *Pleura*.

CXCI. Verum si nullo modo, aut non tam cito optata haec Puris eductio haberi possit: stagnans ibidem diutius pus, *Pulmonarem* corrodit substantiam, aut saltem maxime mordet; unde continentes fibrillae illae contrahuntur, atque, stagnante successive sanguine, lethalis subsequitur inflammatio. Ad hanc provide evitandam mille tentat molimina nunquam in experta natura, dum *folliculus* rumpitur, in quo pus continebatur. Si hoc fiat versus cavitatem Pectoris, in eam pus statim, & affluenter effundit: si versus externas partes, ad interstitia intercostalium, aut aliorum musculorum ipsum demandatur; quandoque usque ad extimam Corporis superficiem, ubi in unum collectum partem in tumorem elevat: sive adjacentium canalium hiatibus ita pus se se aptat, ut *venosos* inde, & *lymphaticos* fortasse melius tubulos subiens, ad communem reducatur *circulationis* semitam, indeque ad diversa deferatur *emunctoria*. Dum purulenta haec materies ad sanguinem transmittitur, exacerbatur illico febris; quia ab ipsa dissolvitur maxime sanguis, atque in aestuantes tumultus reducitur.

CXCII. In cavitatem Pectoris pus praesertim eructant suppurati tumores illi, qui immediate sub Pulmonum tunica extima consistunt, quae facilius, citiusque disrumpitur. Hinc, & prae laudatus supra Fantonus in libro supra citato accuratissime observavit, quod *si in parte aliqua* (*Pulmonis* nempe) *non procul a superficie cum magna sanguinis irruptione*

ne fiat inflammatio, facile in abscessum transit, & disrumpitur Pulmo, materiaeque effusio in cavitate Thoracis subsequitur. Huiusce quoque effusionis genuinam rationem ibidem sapienter subdit. Id etiam pari modo evenit, quoties inflammatio in ipsa Pleura residet: dummodo tamen ipsa non adeo tenax sit, ut, genito abscessu, purulentus humor undecunque impetum faciens, eandem disrumpere queat. Talem puris in cavitate Pectoris effusionem, rupta vomica, factam facile erat dignoscere ex gravitate praesertim circa Diaphragma, quae tunc innotescit in respirationis actu, difficiliore inde ideo reddito; quia difficilius movetur Diaphragma adjuncto novo hoc pondere pressum. Hinc dum movetur Corpus, ab uno in alterum latus, strepitus quidam, praeter gravitatem, plus, minusve efficitur, habita ratione copiae puris jam transfusi, atque illius etiam, quod illuc continuo tendit.

CXCIII. Inter quamplurimos, quos tunc habui, atque antecedente praesertim anno *empyematicos* curandos, investigare sedulo non omisi, per quas nam vias, & quomodo nam pus in cavitate Pectoris latitans *Pulmones* immediate subiret, sicque per excreatum educeretur. Sciebam enim, nonnullos transacti saeculi Auctores, & Helmontium praesertim, ut Lucas Tozzius refert, (80) existimasse, extimam *Pulmonum* tunicam innumeris satis patentibus porulis munitam esse, ita tamen, ut contentum in cavitate Pe-

ctoris pus educi posset, aeri autem inde nequaquam aditus concederetur ad cavitationem dictam, congruis ad id obstantibus valvulis propter hoc a natura ipsa industriose fabrefactis. Quidquid sit de hac sententia, quae eo minus veritati affinis credenda est, quo magis chimaerice supponit: ex repetitis observationibus certe didici, duplici tantum, & non alia quavis ratione *Empyematicorum* pus *Pulmones* subire: nempe, vel dum vomica in Pulmone ipso disrupta extimam ipsius tunicam laceraverit: vel dum illaeso ex toto Pulmone, ruptaque vomica in Pleura, aut appendicibus ejus, aut in Mediastino, effluens postea pus per adnexos hinc inde hiantes tubulos assumitur, atque ad circulationis semitam cum universa humorum massa pergit, ut tandem ad *Pulmones* perveniens firmari ibidem possit, atque inde educi. Si habitis a me pluries Cadaverum inspectionibus credendum unquam est, certe asserere non vererem, prima plerumque, quam secunda potius ratione *Empyematicorum* Pus per *Pulmonum* viam excerni; maxime cum (etsi pluries vomica in Pulmone disrupta non sit, atque aliunde quomodolibet Pus ab aliis Pectoris partibus devenerit) in cavitate tamen moram agens speciali, qua pollet, corrosiva vi extimam *Pulmonum* tunicam tractu temporis exedit, aditumque sibi congruum parat, ut inde commode *Pulmones* subire possit. Quoties enim *Empyematicorum* Cadavera dissecui, semper ulcus, modo majus, modo minus inveni

(80) Lucas Tozzius Cap. de Empyemate.

inveni extrinsecus in alterutro ex *Pulmonibus*, si in alterutra Thoracis parte Pus latitabat: aut in utroque, si utraque pars gravata ipso fuerat. In hac extrema *Pulmonis* corrosa parte facile erat conspicere minimas *bronchiorum appendices* exesas, atque eorundem hiantia ostiola, quae indefinenter in actu expirationis contentum in cavitate pus exfugere poterant, illudque successive ad majores *bronchiales* ramos, atque ad Trachaeam tandem transferre, ut per excreatum prodiret. Caeterum quando illaefam ex toto *Pulmonum* extimam superficiem in *Empyematicorum* cadaveribus inveni, majorem semper puris copiam in cavitate vidi, minusque Aegroti per excreatum expurgati fuerant; cum praedictus puris transitus ad *Pulmones* haberi sic neutiquam potuisset.

CXCIV. Quod autem hoc modo, quasi per suctionem factam a *bronchiorum* minimis corrosis *appendicibus*, ad *Pulmones* purulenta materies transferri plerumque soleat, eo veritati consonum magis videtur, quo magis tum ex cadaverum inspectionibus, tum ex ratione ipsa evincitur. Etenim occasione *Paracentesis* in *Empyematicis* factae, eductoque sic pure, dum *balsamicis*, aliisque congruis *injectionibus* Chirurgus uteretur, injecti liquoris saporem adamussim se gustare referebant Aegroti: maxime cum valida urgenre tussi, mucosam materiem ab intima *Pulmonum* parte haurirent. Hoc autem, meo iudicio, nullo alio certe modo explicari tunc poterat, quam per suctionem hu-

jusce liquoris a *Pulmonibus* factam per *appendices bronchiorum* lacertas: quo modo, & pus absorberi putamus.

CXCV. Verum licet difficilius evenire posse noscam, quod pus in *Empyematicis* a sanguineis ductibus absorbeatur, ut inde universalis circulationis beneficio, *Pulmones* quoque subire tandem queat: hoc tamen impossibile certe non esse, quotidiana docet experientia. Etenim ad *Renes* etiam non raro pus transferatur tum in *Empyematicis*, tum & in *Phthyficis*, nec non etiam ad *Alvum*, atque alia *emunctoria* quaelibet, ut inde postea extra *Corpus* educatur. Hoc autem per cōmixtionem purulentae materiae cum sanguine fieri, & ipse novit oculatissimus *Duretus*, dum asserit, quod materia pleuritica (81) Aliquando per arteriam venosam in sinistrum Cordis ventriculum influit, indeque in magnam arteriam, ut ex ea in *Renes*, a quibus cum urinis excluditur, & sic pleuritici defunguntur *Pleuritide* (nimirum superiorum costarum) ut ego in multis observavi. Idem quoque fieri potest cum dejectionibus: tot enim modis sanescit *Pleuritis*. *Aliae* vero sunt ejusdem *metastases* contra naturam, ut tunc *Pleuritis*, quae intra decimam quartam diem, nec liberam, nec liberalem habuit *anacatharsim*, mutatur in *Empyema*, seu *suppuratum*, quod fit rupta *vomica*, & effuso pure in *cavitatem Thoracis*, ut docet *Hippocrates* 2. prognostic. & in *Coac.* Atque hoc *suppuratum* exitum habet, vel per *anacatharsim* intra quadraginta dies, vel per *urinas*

(81) *Duretus Com. in Holler. Cap. 26. de Pleuritide.*

urinas purulentas, & abradentes, & stranguriosas &c.

CXCVI. Nec mirum unquam mihi erat attendere pus, sive *Empyematicorum*, sive *Pleuriticorum* a vasis sanguineis absorptum ad Renes, atque ad Alvum tendere: cum & passim videamus *Hydropicorum* serum in cavitate *Abdominis*, atque etiam *Pectoris* quandoque transfusum, *lymphaticos* postea subire tubulos, provideo, atque admirando naturae ministerio, atque inde per urinas affluenter secerni: quod quidem & ipse solertissimus *Holletius* indicavit. (82) *Quomodo vero* (inquit ipse) *in Hydropicis humor laxiore spatio Abdominis conclusus transfluit in venas, & hinc in Renes, atque per vesicam expurgatur, atque Pituita inter septum, & ventrem eodem spatio continetur, per venas ad vesicam viam sibi parat; ita pus effusum a natura tenuatum transmittitur in venas, & Arterias, atque hinc modo ad Renes, modo ad intestina demittitur mirabili naturae providentia, omnia moliente, ut salutem AEgro quaerat. Indutriosas hujuscemodi naturae translocationes, non solum a Pectore, sed etiam ab aliis quibuslibet Corporis partibus ad Renes, & Alvum fieri passim, quilibet noscit. Clinicus Medicus, atque ego ipse peculiare quamplurimas hic historias recensere possem, quas, ad nimiam effugendam prolixitatem, non vacat distincte proponere. Hinc fit quod in Phthysicis praecipue, maxime cum parum puris per excreatum educunt, remedia quaelibet ex *Theribinto* parata, tum & *Balsamum de**

Copaiba, atque alia hujuscemodi convenire maxime videantur: non solum quia *balsamica*, atque *abstersiva* vi sua ulceratas partes optime detergere, atque ab ulteriore corruptione defendere non parum valent: verum etiam quia tanquam *diuretica* Renales tubulos reserare magis possunt, simulq; purulentum humorem attenuando, ipsius exitum per urinas facilius promovere: quod ego ipse toties feliciter evenisse observavi. Hoc tutius semper praesidium esse arbitror, cuius ope tantum, & non aliter, in desperatis hisce morbis (cum ex toto causam aliter evincere non conceditur) AEgrotantium vitam diu protrahere possumus: quod & in quibuscunque aliis *suppurationibus* fausto eventu contingere non semel animadverti.

CXCVII. Specialis *Phthysis*, ob suppurationem, indeque ulcus non parvum in *Pulmonibus* paulatim genitum, omnimodam, admirabilemque solutionem per urinam anno 1735. observavi in Nobili Juvene Comite *Rebuffo* in *Pedemontanorum Agmine*, vulgo dicto *de Fucilieri*, *Signifero*, atq; decimum octavum annum tunc circiter agente. Expedit autem hic pro assumpti probatione totius morbi hujusce historiam hic graphice exarare. Egregius iste Juvenis mense circiter Decembri transacti anni 1734. acuta febre correptus fuit, propter quam, etsi congruis adhibitis remediis, prope decimam quartam morbi diem ad agonem fere pervenerat. Comes semper aderat tussis plerumque inanis, aliquando crassa

crassa prodeunte lymphæ fanguineis filamentis perſæpe inſperſa, una cum respirandi difficultate maxima, atque intenſo calore. Poſt decimam quartam diem, nil prorſus remittente morbo, iisdemque ſemper, magisque quam antea, vigentibus *ſymptomatibus*, inchoati jam in *Pulmone* ulceris manifeſta aderant ſigna. Addita hinc eſt diarrhoea, cum intenſa ſiti, linguæ ſiccitate continua, vigiliis, univerſaque corporis emaciatione in dies ſemper adaucta, una cum delirio continuo, quo a primis uſque morbi diebus per integros fere duos ſequentes meſes indefinenter laboravit. Tunc præter conſueta præſidia acutæ prægreſſæ febrî accomodata, ad *inraſſantia* omnis generis, *demulcentia*, ſeu *diluentia* quæque confugi, quæ properantem jam Phthymiſm reſpicerent: non neglectis quandoque *cardiacis*, ut ajunt, remediis, atque maxime *ſtomaticis glutinoſis*, quæ immoderatum Alvi fluxum cohiberent. Hinc, & ſi morbus aliquantulum compeſci videretur, nulla tamen ſalutis ſpes aderat. Nocturni enim copioſi acceſſere ſudores, vigiliæ eo magis protractæ, ſitis magis intenſa, aliis quoque non deficientibus *ſymptomatibus*. Corpus ſucceſſive magis, magisque conficiebatur macie, propterquam jam ad *marasmi* tendebat, difficili magis reddita reſpiratione. Haec autem omnia eo pejor præſerebant omen, cum parce admodum Pus per exſecretum prodiret, quamvis non interrupta vexaretur tuſſi. Tertio tandem fere tranſacto ab initio morbi meſe, adaucta derepente

magis febrî, Pus cum urinis apparuit, prævio ardore maximo: quare paulo poſtea melius ſe habuit. Quamobrem purulentam excretionem hanc veluti *criticam* attendens, ad *Therebentinata*, aliaque baſamica remedia ſtatim confugi, quorum ope Renum *ſecretorios* porulos aperire magis poſſem, ſicque incoeptam puris dejectionem magis promoverem. Res autem pro votis ceſſit. Horum enim remediorum ope, additis copioſis decoctionis Malvæ potibus, ſicuti & *Emulſionibus* Amygdalarum dulcium, pluſquam ſex libras puris iteratis vicibus cum urina ejecit, *critica* hac excretionem per tres & ultra hebdomadas protracta. Hinc quo affluentius prodibat Pus, eo magis *ſymptomata* quæque mitiora reddebantur, febris remittebat, quæ, abſoluta tandem *Criſi*, omnimode evanuit. Hinc nativum Corpori acceſſit paulatim robur, ipſeque pinguior in dies factus initio meſis Aprilis Auguſtam Taurinorum rediit; ubi nativo fruens puriore aere, atque Nobilium Parentum ſuorum ſuavi conſuetudine gaudens, tam incolumem iterum nactus eſt valetudinem, ut militari conſueto muneri ſe generoſe committere denuo potuerit.

CLCVIII. Nec minus admirabilem Puris excretionem cum urinis hoc eodem anno 1735., infauſto tamen exitu, obſervavi in Adoleſcente quodam, Parravicino nuncupato. Iſte *maligna*, ut vulgo dicitur, febrî tunc Cremonæ acriter graſſante correptus fuit, a qua conſuetis (juxta methodum noſtram, quæ infra ſuo loco

co proponetur) adhibitis remediis, tere ex toto convaluerat. Tunc cum sinistrum Brachium inopinato quam maxime obtumuit prope scissuram a Phlebotomo ibidem factam. Tumor jam ad suppurationem vergebat, jamque Pus aliquantulum per hians adhuc idem vulnusculum prodibat. Accersitus tunc fuit expertissimus, doctissimusq; Chirurgus noster Cardanus Chirurgica laurea jure, ac merito insignitus, Vir profecto omni laude dignus, qui, una cum diuturna admodum praxi, Theorica saniora omnia tum Veterum, tum Recentiorum ratiocinia in arte sua adamussum possidet. Iste ampliore statim facta scissura, patulam magis prodeunti Puri viam provide paravit. Ast, dum a Puris exitu tutior salutis spes reddebatur, inopinato tumor intempestive evanuit. Cum id ego animadverterem, non abs re mihi visum hinc fuit conjicere, quod residuum Puris paulo antea in Brachio consistens, indeque ad sanguineam massam extemplo repulsum, lethales in internis partibus *stases* progignere posset: nisi aut per urinarum vias, aut alio modo extra Corpus protruderetur. Nec prorsus fallax judicium fuit. Protinus enim febris iterum adaucta est, accedente Respirationis anxietate, universa Abdominis tensione, siti maxima, linguae siccitate, aliisque hujuscemodi *symptomatibus*, quae inordinatum sanguinis tumultum, ab intro pulso Pure factum, aperte indicabant. Hinc Febris *symptomatibus* hisce modo magis, modo minus vigentibus stipata ad quadragesi-

mun usque diem protracta fuit: irritis evadentibus copiosis Alvi defecationibus plerumque biliosis, sive *spontaneis*, sive Clysterum laxantium ope promotis, sicuti & diluentibus potionibus, quibus vehementem sanguinis aestum compescere saepe non omittebat. Paulo postea cum urinis Pus prodiit, molesto praevio ardore: dum secus antea limpidae semper apparuerant. Attamen, licet hujuscemodi purulenta excretio *criticum* Naturae motum simulare videretur per plures dies protracta: irrita prorsus evasit: Incassum itaque *Therebinto*, aliisque balsamicis usi fuimus, ut ipsam magis, magisque promoveremus. Quapropter addita hinc Respirationis anxietate, frigido undecunque sudore perfusus, spiritum miserrime efflavit.

CIC. Quamplures alias recensere hic possem observationes in Phthysicis habitas, in quibus, deficiente purulento excreatu, aut saltem magna ex parte imminuto, pus diutius per urinas cum manifesto levamine effluere visum fuit; quod specialiter trium & ultra mensium spatio plus, minusve identidem evenire animadverti hoc eodem anno Dominae Verzummae Pedemontanae inveterato *Pulmonum* ulcere laboranti, conferente ad id maxime iterato usu *Balsami de Copaiba*, cui praesertim sicuti in hisce, ita & in aliis quibuslibet internis *suppurationibus*, simulque in *lymphaticis* omnibus *stasibus*, fidendum jure merito esse semper existimavi, cum in utrisque morbis, hujuscemodi tam efficacis remedii ope, tum patula magis ad Renes

via reddatur, tum residens in internis partibus Pus, aut serum ita dissolvatur, ut per *urinarias* vias affluenter prodeat. Memini me paucis ab hinc annis AEgrotam e religioso Coetu Divae Barbarae hujusce Civitatis ab imminente jam morte vindicasse solo *Balsamo de Copaiba*. Ista contumaci Asthmate vehementi plusquam per mensem detenta fuerat, nil penitus exspuens, modica excepta saliva, quae occasione tussis, quasi per vim, educebatur. Imminuebatur hinc quotidie magis urinarum excretio. Quae de re toto successively intumescente corpore ad *Hydropem* pervenit, tam magna spirandi difficultate laborans, ut lecto nil penitus incumbere posset, animam jam jam misere agens. Confectis aliis adhibitis remediis, tunc ad Balsamum hoc confugimus, quo per plures dies quotidie usa fuit. Hinc paulatim adaucta ita fuit Renum jamdiu optata secretio, ut plusquam decem libras urinae quotidie excerneret, seroso simul eodem lactice per Alvum affluenter prodeunte. Habita ideo ratione *criticae* hujusce excretionis, universus corporis tumor paulatim evanuit. Hinc respiratio libera evasit, aliisque pari ratione devictis *symptomatibus*, omnimode convaluit. Alias omittam peculiare observationes, quae admirabilem hujusce *Balsami* vim, ad internas quaslibet *stases* tum *purulentas*, tum *lymphaticas* dissolvendas, atque radicitus evincendas, eo magis confirmare possent: quarum omnium, praeter AEgrotos ipsos, aliosque non modicae aestimationis Vi-

ros, Discipulos praesertim meos adducere testes possum: atque specialiter eruditissimum Juvenem Andream Busaccum tum solidioris Medicinae, cum selectioris omnigenae litteraturae maxime studiosum, atque nunc Praxim Medicam in Nosocomio Placentiae omni plausu profitentem: Franciscum Gabellum levirum meum, qui Medicinam fere per traducem, praeter habita per plures annos mecum studia, se possidere gloriari merito potest; utpote a celeberrimo quondam Medico Francisco Maria Gabello derivatus, tum & a Primitio Gabello praeceptore olim mei amantissimo: Josephum Telò, & Franciscum Marenchi filium expertissimi Viri Josephi Marenchi, qui inter Cremonenses primarios Medicos praxim egregie proficitur: maxime tamen perspicacissimum, studiosissimumque Juvenem Josephum Migliavaccam, a praecclarissimo quondam Medico Jo: Jacobo ortum, qui post habitas a me una cum aliis Institutiones Medicas, completamque mecum per sex circiter annos Praxim, nunc in Nosocomio majore nostro Medicus mihi substitutus omni jure electus fuit, ad majora semper abiturus.

CC. Verum dum admirabilem hujusce *Balsami de Copaiba* vim, utilitatemque maximam, sicuti in morbis omnibus a *lymphatica* concretione quomodocunque pendentibus, ita & specialiter in internis quibusvis *suppurationibus*, atque in *phthysi* maxime commendo (quod & quibuslibet aliis *balsamicis abstergentibus* remediis ad eandem classem reducen-

dis convenit) non deerunt plurimi, qui methodum hanc omnimode respuentes, nimiae fortasse audaciae notas mihi incutient, meque acriter condemnare contendent: praefertim si de *Phthysicis* agatur. Dicent enim, quod dum *Phthysicus* Aegrotus, indefinenter detentus febris, interno acriter exurente calore, adiposam undique substantiam dissolvante, & absorbente, nec non cutim ipsam exsiccante, vexatur: dum humores omnes dissolventem maxime, seu, ut ajunt, *salinam*, *sulphureamque* indolem aperte ostendunt: dum urinae *flammae* sunt, & tenues, falsa, aut amaricantia sputa: dum inanis plerumque, atque frequens admodum viget tussis, cum ardore faucium, simulque Alvus perquam facile solvitur tenuibus, biliosisque dejectionibus: dicent, inquam, quod dum haec omnia, aut pleraque saltem, aut alia etiam hujusmodi adsunt *symptomata*, ad *incrassantia* omnis generis tantum, ad *demulcentia*, *nutrientia*, aliaque ejusdem indolis Remedia confugiendum sit; utpote ad illa, quae dissolutos nimium humores figere satis possint, deperditamque solidorum substantiam restituere, simulque internos aestus commode compescere. Qua de re non solum tanquam inutilia, verum etiam tanquam maxime noxia condemnabunt *balsamica* quaeque dicta remedia, veluti illa, quae morbum augere eo magis possint, dum enarrata *symptomata* omnia fovere (ut ipsi ajunt) pejoraque etiam de novo accersere apta nata sint. Si quis e cortice tan-

tum (ut trito adagio fertur) rem hanc intueri vellet, justaque minus trutina rationes hasce perpendere; profecto istorum sententiae astipulari primo intuitu neutiquam recusaret. Re autem melius perspecta, protinus nosceret, quod aliud est *symptomata* morborum respicere, aliud morbos ipsos, qui illorum genuinae sunt causae. Quo usque Medicus *symptomata* tantum sedare quaerit, causae autem nil prorsus, parumve attendit: dum Aegrorum incommoda minuire satagit, morbum ipsum radicitus evellere turpiter negligit. Non ignoro tamen, tam gravia aliquando evenire *symptomata*, quae omnem, ut dicimus, ad se curationem trahere merito solent: dummodo tamen primaria simul non omittatur causa. Ast dum in *Phthysi glutinosis* tantum, *narcoticis*, *attemperantibus*, sive *demulcentibus*, ut ajunt, remediis, ob dictas causas, utimur: tantum abest, quod primariam morbi causam evincere possimus; ut ipsam magis magisque augeamus, Aegrotumque ad exitum praemature cogamus; maxime si *balsamica*, sanioraque alia *incidentia* congrua, seu *detersiva* omnimode omittamus. Verum ut rem ab intrinseco magis perscrutari possimus, aliis interea omissis Auctoribus qui de *Phthysi* accuratissime disseruerunt, atque sententiae meae satis superque favent: unum hic adducam praecclarissimum Desault (*) qui nuper eruditissimam edidit dissertationem de *Phthysi* omnibus certe laudibus jure, meritoque commendandam.

(*) Pier. Desault dissert. sur la Phthisie a Bordeaux 1733.

dam. Paucis afferam ea praecipua, quae accuratissimus hic Auctor super causa, & curatione *Phthysis* perpendenda esse proponit. Quum ipse saepius cum Hippocrate etiam animadvertisset, quandoque *Phthysim* adesse, absque quod nec sanguinis quidpiam, nec puris per excreatum prodiret: aliquando & sanguinem, & pus, modo majore, modo minore in copia apparere: pro peculiari hujusce morbi causa, cōgesta in *pulmonibus tubercula* majera, minorave statuēs; in primo casu haec *cruda* esse cum Hippocrate certe dicit, utpote, illa quae nunquam rumpuntur, neque ad *suppurationem* unquam perveniunt: in secundo autem ea talia esse opinatur, quae facile sanguinem eructent, indeque facile ad *suppurationem* tendant: unde *symptomatum* quorumcunque originem optime deducit. Hinc firmum, ratumque ipsi est, *Phthysim* plerumque, omnique jure ad *scrofulosos* morbos reducendam esse, cum eadem in utrisque, parique modo occurrere *symptomata* animadvertat, eademque prorsus sit ratio (servata tantum ratione discrepantiae affectae partis) tum *tuberculorum* in interstitiis *Pulmonaris Parenchymatis* latitantium, tum *scrofularum* in glandulis quibuscvis adnascentium; nam utrique tumores modo ad *suppurationem* vergunt, modo non. Si haec vera sint (quae quidem rationi, & experientiae consona multifarie probari possunt) genuina hinc prodit ratio, unde saniores emergunt indicationes, quas in *Phthysis* methodica curatione attendere prudens debet Medicus, tum ut

morbum, si fieri potest, radicitus evellat, tum ut saltem imminens quamproxime exitium longius avertat. Hinc id unum viriliter agendum merito indicat oculatissimus hic Auctor, nempe ut tubercula ista efficacibus ad id magis remediis destruantur; qua de re *incrassantia* quaeque, *narcotica*, & *demulcentia*, *symptomata* tantum, non causam respicere sic aperte ostendit. (*) *Chercher a calmer la toux, les insomnies par des syrops narcotiques, & autres; vouloir fixer avec du Kina une fièvre symptomatique, qui dépend d'obstructions, & dans la suite, du mélange du pus de l'ulcere avec le sang; quand bien même on pourroit y réussir: N'est-ce pas s'attacher au symptôme, & négliger la cause du mal?* Hinc teste Baglivio, & Mortonio deobstruentia congrua quaeque in hisce morbis laudat, *diuretica* nempe maxime, tum & *chalybeata*, *bal-samica*, atque etiam *mercurialia*: unde Mortonum sic loquentem adducit. *Nullus dubito quin prudenti delectu, & frequenti mutatione tenuis, & aprici aeris, & longo usu medicaminum balsamicorum, mercurialium, chalybeatorum, millepedum, praecipue vero aquarum mineralium, atque aliorum antiscorbuticorum remedium isti tumores in his aequae, ac in aliis partibus consumi possint, atque aeger inde liberari a Phthysico, & scrofuloso affectu, quod saepius experti sumus.* Saniora haec sunt, & probata toties remedia, quibus unice cum contumacissimo hoc morbo utilius pugnandum est. Hinc dum in hunc finem alii chalybem, veluti supremam morborum chronicorum panaceam, seli-

(*) Desault loc. cit.

gunt; alii *Balsamum Peruvianum*, alii *Balsamum Sulphuris Therebentinatum*, aliave tot remedia optima ex *Sulphure* parata: ego plerumque *Balsamo de Copaiba* tantum uti solitus fui, quod quidem utilissimum semper novi. Ex allatis enim supra observationibus, atque aliis quamplurimis etiam certo asserere non verer, nullum certe utilius ipso, nullum tutius haberi remedium, quod omnibus indicationibus in hoc morbo satisfacere valeat: dum eodem tempore congrua ipsius ope internas quaslibet concretiones sive *lymphaticas*, sive *lymphatico-sanguineas* in *Pulmonibus*, sicuti & alibi existentes efficaciter solvimus, eosdemque humores ad *urinarias* vias facile perducimus. Unde patet *Balsamum* hoc de *Copaiba* semper convenire, sive *Phthisis* a crudis *tuberculis* dictis oriatur, sive etiam ea ad *suppurationem* tendant; cum in utroque casu omnem adimpleat paginam. Dum autem haec in medium profero, praesto erunt *methodici* alii Medici, qui, effectus morborum potius, quam causas attendendo, huiusce *Balsami* usum prorsus respuent, atque veluti perniciosum condemnabunt. Putant enim, ipsum actuosius maxime, scindentibus, atque aestuantibus facile particulis scatere, quae in massam sanguinis intrusae, ipsum plus aequo dissolvunt, febrim augent, tussim exasperant, diarrhoeam promovent, atque tandem *symptomata* quaeque graviora reddunt. Dum pleno nimis haec ore asserunt, *Pectorales* tantum potiones, *Asininum Lac*,

aut aliud, *Saxoniae* vulgare ferculum, *Pilulas* de cynoglossa, *juscula* *Cancrorum*, *Ranarum*, *Testudinum*, aut similia tot alia nutrienda, & *incrassantia* commendant solum: praeter quae aliquando trepidanti admodum pede ad modicam dosim *Therebinti*, aut *Succini* confugiendum esse concedunt; omissis interim *vulnerariis* quibuscunque, atque *dissolventibus* remediis, quae directe morbi causam adoriuntur. Qui tali ducuntur methodo in curatione *Phthisis*, illi certe mihi videntur esse, (*) *qui certis, destinatisque sententiis addicti, ea sunt necessitate constricti, ut etiam, quae non probare soleant, ea cogantur constantiae causa defendere*. Summo enim jurejurando ita quorundam Antiquorum placitis emancipati sunt, ut

(**) *Turpe putent parere minoribus,
& quae
Imberbes didicere, Senes pendenda fateri.*

Si verum est ex *Physicis*, quod *ab lata causa removetur effectus*: qui secus effectum tantum destruere fatagent, morbi causam pessime negligent. Tutiore ideo hinc consilio, tum in hisce, tum in aliis huiusce indolis morbis, quoties de partium quarumvis laesione agatur, a *Chirurgicis* maxime documentis magis tutam sanioris methodi viam desumere soleo. Iisdem enim (mutatis mutandis) praesidiis penitus internam affectum partem curandam esse pro certo habeo, quibus & extrinsecus in alio simili morbo *Rationalis Chirurgus* uti debet. Quis autem tam

(*) *Cicer. Tuscul. 2.* (**) *Horat. lib. 2.*

tam amens erit, ut in externo ulcere, oleosa tantum, farinosa, & lactea adhibere remedia quaerat, simulque deterfiva, exsiccantia, & balsamica omittat? Quis in externo tuberculo, five lymphatico, five lymphatico-sanguineo incrassantia solum, & glutinosa, concretum jam humorem magis magisque coagulantia laudabit, attenuantibus omnibus, & resolventibus prorsus rejectis? Quare, congrua hinc habita analogia, satis patet, cur potiore jure, & ad Phthisis primariam evincendam causam incidentia quaeque, & balsamica dicta optime convenient, & necessaria sint; maxime cum in hisce morbis, praeter tubercula in Pulmonibus existentia, Hepatis etiam peculiare obstructions adsint, quas praelaudatus Desault observavit. Attamen fateri debeo, quod, dum balsamica haec in hoc morbo tanquam praecipua habenda esse cum sanioribus doceo: *nutrientia* & *incrassantia* supradicta neutiquam rejicio. Hisce namque Medicum uti debere ego quoque concedo (quod & ego semper facio) dummodo tamen caute adhibeantur, iisque primarius curationis cardo non inhaereat. Hoc tantum modo ad haec quoque confugere Rationalis debet Medicus, tum ut primariam morbi causam evellat (quod maxime interest) tum ut gravioribus simul evincendis symptomatibus attendat, atque praesertim universali Corporis emaciationi prospiciat, quae *nutrientia* selectiora expetit. Haec omnia per transennam proponenda hic autem erant,

ut quisque nosceret, me non chimaerico prorsus ratioe cinio usum fuisse, dum in Phthisicorum curatione ad balsamica me confugisse monui, simulque ea in quibuscunque internis suppurationibus, aut Partium obstructionibus, veluti praecipuas, magisque efficacia, usurpanda esse docui, Balsamum de Copaiba distincte laudans.

CCI. Caeterum in internis Pectoris suppurationibus, quotiescunque pus per excreatum satis haudquam educitur, non semper per urinarias vias aditum sibi modo supradicto parat; Ast, juxta AEgrotorum peculiare dispositiones varias, modo ad haec, modo ad illa potius emunctoria tendit, quod tamen non aequae commode, non aequae tuto semper perficitur. Ideo observatu maxime dignum est id, quod Hippocrates ipse in hoc sic statuit. (83) *Suppuratis a Pulmone pus per Ventrem secedere lethale*. Non aliunde tamen melius, meo judicio, fidem sibi ascribere potest absoluta haec divini Senis assertio, nisi attendamus ad id quod in Phthisicis occurrit. In hisce enim absorpta purulenta materies in sanguineos ductus, atque postea cum lymphâ simul commixta ipsam dissolvit admodum, atque attenuat, eidemque irritantem largitur vim, propter quam in intestinorum glandulis secreta, eorundem fibras ita vellicat, & mordet, ut frequentes excitet *crudas*, ut ajunt, *Alvi dejectiones* in hujuscemodi AEgrotis maxime formidabiles, pro ut Hippocrates toties docuit. Eandem ob

K 3

causam,

causam, dum purulentus humor a *Pulmonibus*, aut a quavis alia Thoracis parte devians cum sanguine miscetur, atque cum ipso in aream *circulationis* adductus, juxta peculiares corporis dispositiones, ad *Intestina* transfertur; ibidem irritante vi sua eorundem fibras ad violentas excitat *contractiones*, atque *peristalticum* ipsorum motum concitatiorem reddit; laxatque successive fibras, *mucositates* ipsorum superficiem internam munientes dissolvit; unde necessario diarrhoea supervenit: propter quam fortasse Hippocrates in allatis casibus lethalem merito statuit puris transitum ad *Intestina*. Id autem non tam facile⁸⁴ occurrit. Etenim (84) è *Pulmone* facilior est ad *Re-nes* transitus, quam ad *Alvum*: quod quidem rationabilius est, cum a *Pulmonibus* ad *Re-nes* brevior sit semita, minusque tortuosa; per Arteriam nempe *Aortam* ad *Emulgentes*, dum è contra ad *Alvum* tendens, ab *Aorta Celiacas* subire arterias debet, minimosque innumeros earundem ramulos variis modis implicatos, atque undecunque pressos; donec tandem in *Intestinorum* cavitatem effundatur. Unde multo majus ad hoc adest obstaculum non tam facile superandum, quod, caeteris paribus, eo minus invenitur, dum a trunco *Aortae* descendens immediate *Emulgentes* subit, atque *secretorios* *Renum* porulos una cum *lympa* penetrat, ut cum *urina* exeat. Quod autem purulenta materies ideo *Alvum* facile solvere possit, quia corrosiva hac polleat vi

Intestinorum tunicas stimulante: satis testatur *urinae* ardor illis fere semper eveniens, qui purulentas in hisce casibus *urinas* mingunt. Hae eadem occasione dirimenda hic etiam sedulo est ulterius quaestio, quae passim inter *Practicos Medicos* haberi consuevit: an scilicet specialis, & brevior haberi possit via, per quam pus *Empyematicorum* in cavitate *Pectoris* laens ad *Intestina* transferri queat, quin *venas Thoracicas* per vim, quasi dixerim, suctionis subeat, ut inde, pro ut supra diximus, in aream *circulationis* intrusum, *Peyerianas* adeat glandulas, aliosve *Intestinorum* sanguineos ductus, sicque in eorundem cavitatem effundatur. Hoc certe, meo iudicio, captu difficile admodum videtur, ad quod ideo confugere frustraneum prorsus arbitrarer, cum proposita de hoc a nobis ratio *phaenomenon* hoc satis superque explicare posse videatur, incognitas penitus sic deferendo vias. Attamen non omittenda hic est explicatio, quam in propositum nostrum a doctissimo Boerhaavio desumam. Putat celeberrimus hic Auctor, quod notissimum illud Problema, de solutione *Empyematis* per *Alvum* facile enodari possit, dicendo quod (*) Pus, *diaphragmati* incumbens, afficit loca vicina, exedit, & perforat *diaphragma*, dein *Hepar*, aut *Intestinum Colon* corrodit, & ingreditur. Porro sententia haec innumeris obnoxia difficultatibus esse potest; atque praesertim, cum nullus unquam pateat immediatus consensus *Diaphragmatis*

(84) Desider. Jacot. Com. in Coac. Hipp. lib. 6. Sec. 2. n. 4.

(*) Boerhaave de Vir. Med. part. 3. Clas. 1. cap. 3.

phragmatis cum *Hepate*, aut *Intestino Colon*, propter quem necessario Pus a cavitate Pectoris recedens illuc tendere debeat. Praeterquamquod Pus ad cavitatem imi ventris deductum pari ratione tum *Hepar*, tum *Lienem*, tum *Mesenterium*, tum *Re- nes* corrodere posset. Unde clarius hujusce phaenomeni explicatio ex dictis supra petenda esse videtur.

CCII. In quamplurimis, quos tunc variis modis *Pleuritide* detentos habui, adnotare plerumque potui, quantum veritati affinia sint signa, quae divinus Senex ad futuros dignoscendos *Abscessus* necessaria plurimis in locis protulit. Etenim vidi pluries, quod quotiescunque ultra decimam quartam diem febris contumax erat, persistente dolore, quem neque praegressa sufficiens *excreatio* solvebat, neque per alias vias *criticas* idoneas evacuationes natura moliebatur; iis *abscessus* varii fiebant, quos & ante decimam quartam diem, licet rarius, quandoque evenisse adnotavi, praesertim cum parce admodum per *excreatum pleuriticum* humor prodiisset. Quare Hippocrates jure, ac merito statuit, quod *Abscessus* isti iis accidunt (85) quibus neque febris, neque dolor conquiescit, & sputum prodit pro ratione, neque Alvi excrementa biliosa, soluta, meraca exeunt, nec urina crassam admodum, multamque habet subsidentiam, aliaque signa sese offerunt salutaria. Hujusmodi sententiam clarius explicat Duretus sic (86) *Attendere autem sic decet ad ista; si febris de-*

tinet; si dolor nondum quiescit; si convenienter sputum non editur; si alvut non fertur liberaliter biliosis dejectionibus; si urina nec admodum multa, & crassa est, nec multi particeps sedimenti. Caetera autem salutaria signa salutariter suffragantur. Abscessus ejusmodi certo sperare oportet. Hoc consonum videtur iis, quae Hippocrates ipse alibi protulit. (87) Quomodo autem istiusmodi Abscessus in morbis Pectoris eveniant, paucis idem indicat Duretus, dum illos deducit (88) a contentione forti naturae, cui cum in anacatharsi molienda irritus labor fuerit, aliam invenit viam, qua deducitur ad conservationem sui, crismque exhibet insuetum per iter, & multis ignotum.

CCIII. Revera, cum certum sit, quod quo usque *suppurata* materies in Pectoris partibus residet, nihil penitus remittat morbus, quin imo quotidie in pejus magis ruat: profecto nisi sufficiens per *excreatum* ejusdem expulsio habeatur, ut affecta pars ab hostili humore satis liberetur, necesse est, quod, natura ipsa duce, ad alias partes tendat, atque sic *anacatharsis* imminutae, aliarumque evacuationum defectum provide suppleat, ac ita Pectus a morbo liberetur. Hinc admirabili certe ministerio faniosus humor ad sanguineos ductus transfertur, ut diximus. Quod si neque per *Re- nes*, neque per *Intestina* secerni possit, una cum lymphâ extimam corporis superficiem petit, ibidemque accumulatur, atque modo majores, modo

K 4

(85) Hipp. Coac. lib. 5. Sec. 2. n. 39. (86) Duretus Com. ibid. sub n. 23.

(87) Hipp. in prognostico. (88) Duretus loco citato.

modo minores producit *abscessus*, plus minusve salutare. Verum si saniosa materies in unum congeri nequeat, atque majores mole *abscessus* progignere: quandoque hinc inde in interstitiis cutis, modica in copia sistitur, innumerasque efficit *pustulas*, quas optime novit Hippocrates, dum, praeter supra dicta, sic ait: (89) *Calent digiti extremi, & exasperantur. Curvantur ungues, & refrigerescunt, & circa pedes tumores excitantur, & circa Corpus pustulae*. Eas autem Desiderius Jacotius notat fieri (90) *a corrupto sanguine, fervore circa Cor, & sanie acri in Corpore coacervata, atque a Pulmonibus male affectis in cutem effusa, ex qua etiam aphtae in ore oriuntur*. Hasce *Aphtas*, ob eandem causam, & in intestinis progigni, passim ostendit Duretus (91) unde (ut ipse ait) *labefactatur facultas Alvi retentrix, ut cibos etiam suavissimos aliquantisper continere non possint*. Quare praepropera excretio, atque *lienterica* non raro subsequitur, ut ipse ibidem indicat, atque ego ipse observavi pluries. Nec tantum, ob *suppurationes* in Pectore factas, inde Pus absorbetur, atque in circulationis aream adductum, tum in internis aliis, tum in externis Corporis partibus residet, ut varii inde efficiantur *abscessus* sive *critici*, sive *symptomatici*, atque praecipue in ambitu Corporis, ubi parvae dictae *pustulae* adnascuntur: verum etiam id pari modo, licet non tam frequenter, contingit, ob aliorum

quorumlibet Viscerum suppuratos tumores. Hac specialiter de causa passim videmus *pustulas* variae indolis in facie praesertim suboriri, sicuti & non raro in toto Corpore, in illis maxime, qui Hepatis vitio laborant vario, cujus habita ut plurimum ratione, modo *pustulae* illae plus, minusve attolluntur, augenturve, modo in *furfuraceas*, fere dixerim, squamullas desinunt, modo suppurantur, parvos constituentes *abscessus*, unde varia sortiuntur nomina. Illae tamen, quae in facie copiose succrescunt, maximeque rubent, atque fere semper suppurantur, *Guttam rosaceam*, seu *morphaeam rubram* afferunt; quarum (*) *Materiales causae sunt* (juxta Valescum, ut notat diligentissimus Forestus) *Phlegma salsum, aut humores adusti, ut cholera adusta, aut melancholia adusta, quibus sanguis commiscetur*. Optime tamen notat Sennertus, quod (**) *Causam agnoscit hic affectus sanguinem fervidum, eumque crassum, vitio Hepatis: quod & Veteres plerique Medici docent*. Unde de ipsius curatione agens absolute sic ibidem asserit: *Non autem curatur, nisi Hepatis, & sanguinis vitio sublato*. Licet Auctor iste ideo ab Hepate morbum hunc derivare videatur, quia Viscus illud tunc ab omnibus pro praecipuo sanguificationis organo habebatur; nos tamen hinc satius, & melius statuendum esse arbitramur, quod ut plurimum, dum in Hepate *suppurationes*, aut quaevis sanguinis, aut lym-

(89) Hippoc. in Coac. lib. 5. Sec. 2. n. 49. (90) Desid. Jacot. in Com. ibidem.

(91) Duret. Com. ibid. sub n. 52. (*) Petr. Forest. Tom. 4. Obser. Med. lib. 5. observ. 7. (**) Sennert. Pract. lib. 5. cap. 31.

lymphae stases adfunt, tunc sanguis illuc tendens parem a residentibus humoribus indolem nanciscatur, minimas quoque eorundem moleculas absorbens: unde fit quod totum successive Corpus pervadendo, in interstitiis praesertim cutis consistere videantur, maximeque in facie, ubi vi ambientis aeris frigidioris facilius concreescunt, dictasque progignunt *pustulas*. Quare & Forestus ibidem fortasse asserit, quod *sunt plerumque ex crasso humore, cum tenui quadam sanie*, quam ab Hepate tunc derivari, non absolum mihi videtur ex dictis deducere: licet tamen & pari modo ab aliis male affectis Visceribus transferri alias queat. Non inficiabor tamen, non raro & ab extrinseca causa tale sanguinis vitium originem sortiri, ob pravam victus regimen, atque ob malum virus ab extra sanguini superadditum. Unde jure, ac merito ibidem sic admonet accuratissimus Forestus: *Hoc tamen interea addendum, quod in his nostris regionibus plerique crapula cerevisaria, utentes, aut vino continuo sese implentes, ejusmodi pustulis saepe afficiuntur, ut omnis generis lapides supra nasum, & faciem, ut Topazios, Sapphiros, Turcesios cernere te putes*. Tunc autem semper verum est, quod licet hujusmodi sanguinis vitium extrinsecam hanc foventem causam habeat: haec pari modo praecipua viscera male afficit, atque distincte Hepar; quo supposito eadem tunc etiam proposita explicatio viget. Eodem modo ob varia aliorum viscerum vitia, cutim extrinsecus fœdari passim observamus, sicuti &

urinae ipsae varias sortiuntur conditiones, ob quas modo *purulentae*, modo *turbidae*, modo *subcruentae*, modo *flammeae*, modo *croceae*, modo *albicantes* &c. in internis variis lacerationibus cernuntur.

CCIV. In quibus autem distincte *Pleuritidibus* majores dicti *abscessus* vere fiant; nemo absolute statuere valet. Nam ut plurimum natura in quibuscunque corporibus variis modis agit, juxta eorundem dispositiones, ratione utique varia motus suos dirigens, atque juxta occurrentia impedimenta quaeque sive interna, sive externa quandoque a tutiore semita luctuose aberrat. Varia haec quampluries tunc vidi naturae conamina in hujusmodi *Pleuriticis* hoc praesertim anno, atque altero proxime elapso. Tunc enim & ad Aures suppuratos *abscessus* magna in copia novi, tum & sub utrisque *Trachanteribus* majoribus: modo prope ultimas dorsi vertebrae: modo sub axilla parti affectae respondente: modo sub utrisque: non raro in articulationibus Cubiti, Genuum: modo in ipsa Pectoris regione sub integumentis, effluente ad extra materie inter fibras *intercostalium* musculorum: quandoque etiam ad *Parotides*.

CCV. Licet experientia ipsa teste satis constet hasce *translationes*, seu, ut ajunt, *metastases*, sicuti in aliis etiam morbis, ita facilius, & frequentius in affectionibus Thoracis evenire, tendente nempe purulento humore ad alias partes: non tam facile tamen explicatu videtur, quomodo nam, aut qua nam ratione id eveniat,

eveniat, nisi Pus a sanguineis ductibus absorberi, atque cum sanguine misceri concedamus, ut supra demonstravimus. Præter hæc multo magis difficile captu videtur: quomodo ichor ille jam jam in *circulationis* aream perductus (dum tota sanguinis massa per universum corpus juxta canalium numerum, atque diametros propagatur) in una potius, quam in altera parte tantum consistere queat. Dum per vesicam pus effluit, id ex dictis facile intelligimus: quod in aliis quibuslibet *translationibus* non tam facile percipere possumus. At tamen id unum innuam, quod in hisce AEgrotis (quibus hujuscemodi evenerant *metastases*, eorumque cadavera postmodum dissecai) distincte adnotavi, quod ut plurimum pus sub axillis depositum illuc paulatim pervenerat, musculorum adjacentium interstitia subiens; quod in iis passim fiebat, in quibus antea *pleuriticus* humor magna ex parte *pleuram*, atque *intercostales* musculos occupaverat, dum ab eo fere ex toto immunes *Pulmones* aderant. Hinc & facile erat intellectu, quæ nam ratione *abscessus* alii in inferiore extrema Thoracis parte sub integumentis progeniti essent: cum saniosus liquor super *Diaphragma* gravitans, *Pleuram* simul, atque *intercostales* musculos penetrando, ad extra sibi aditum commodè parasset. Eodem autem modo, quo Pus sic a cavitate Pectoris ad Corporis ambitum translatum, inter circumpositorum musculorum interstitia consistere poterat: ita & ad *lumbares* usque *vertebras* facilis ipsi erat accessus.

CCVI. De reliquis autem *abscessibus*, qui in majore distantia a centro Corporis fiebant, aliunde ratio petenda erat. Posito enim quod dicta puris commixtio cum sanguine, & lymphæ haberi possit: præsto est ratio propter quam, modo in *Parotidibus*, modo in *articulationibus* ossium aut superioribus, aut inferioribus, modo & in aliis partibus *Abscessus* ejusmodi constiterint: maxime cum partes illæ præsertim *Lymphaticis* arteriis majore in copia, quam aliæ, ditatæ sint. Quod si tanta sit puris copia, ut satis per *emunctoria* hæc expurgari nequeat, aut quævis alia ad hoc impedimenta occurrant: tunc ichor ille ad minimas quoque *capillares* arteriolas propagatus, undecunque per tenuissimos *lymphaticos excretorios* Cutis ductus prodit, ibidemque cutim corrodit, atque recensitas supra *pustulas* procreat. Futuram, & proximam puris commixtionem cum sanguine, cessante, aut imminuta maxime *derepente anacatharsi*, mihi ut plurimum indicabant dolores per totum corpus vagantes, atque in articulis præsertim ad instar *Arthriticorum*, qui ibi vehementius saeviebant, ubi copiosior aderat ejusdem puris confluxus. Eodem tempore, quo Corpus vagis hisce detinebatur doloribus, exonerato inde magis Pectore, liberior reddebatur respiratio, simulque febris aliquantulum augebatur, quæ postea, apparentibus *abscessibus*, remittebat. Hinc nil penitus mihi mirum evadebat, quod *abscessus* isti plerumque, & inopinato fierent, atque inopinato augerentur; Insuper, quod

fi

si statim, postquam apparuerint, secentur, statim concoctum, perfectumque pus ab illis effluat, secus ac in aliis *abscessibus* evenit, qui passim a sanguine extra *circulationis* aream dejecto, atque paulatim in aliqua parte accumulato fiunt: unde ab ipsis, non nisi post consuetum (ut Chirurgi vulgo ajunt) *maturationis* tempus, pus unquam fluit; cum tractu temporis in affecta parte fiat: in illis autem factum jam pus ab una ad aliam partem transferatur.

CCVII. Restat nunc ut pauca hic ultro addam, quae ad faustum, vel infaustum istorum *abscessuum* exitum spectant: varias simul a me de hisce factas observationes referens, easdemque cum Hippocratis sententiis distincte conferendo. Si *metastases* istae, quaecunque eae sint, tempestive fiant non procul a decima quarta Morbi die, multoque magis ante ipsam (quod rarius evenit) priusquam viribus magna ex parte destitutus Aeger sit, aut Pectus nimis labefactatum ob diturnam puris moram in ipso factam; tunc faustum semper praeseferunt omen: dummodo congruo tempore sat experta Chirurgi manu secentur *abscessus*, ut affatim pus effluat. Ex opposito nihil de AEgrotorum salute sperandum erat, quoties natura hujusmodi *metastases* modo in superioribus, modo in inferioribus partibus promovere videbatur, easque nullibi perficiebat: quod plerumque evenit, dum vagantes eveniunt hinc inde dolores, atque nul-

libi consistunt. Tunc enim purulenta materies nullibi in congrua copia congesta, cum toto sanguine quaquaversus vagatur, ipsiusque *diathesis* pessime immutat, atque solida omnia male afficit: unde mors necessario subsequitur.

CCVIII. Ut autem de *Abscessibus* hisce singillatim agam, experientia ipsa teste dicam, quod, illi qui ad aures suscitabantur, fausti plerumque ominis erant: quod & ipse observavit Hippocrates. (92) Quibus ex morbis Pulmonis ad aures Abscessus oboriuntur (inquit ipse) & ad inferiores partes suppurant, & fistulae factae aperiuntur, iis secunda valetudo contingere solet. Per quas nam specialiter vias, & quomodo nam ichor iste, qui antea Pectus occupabat ad aures transferatur, ibidemque Abscessus efficiat, satis explicasse videtur Duretus (93) per expressionem humoris morbifici a phlegmone in venas jugulares, & carotides, quae secundum asperam arteriam procedunt ad caput, prius largitae surculos laryngi, & faucibus, unde Parotides eructantur, opportunitate glandulae, quae jacet ad aures, faucibusque adjacet, cum numerosa rivulorum propagine, unde partes illae, fauces dico, & aures, affluxus, & refluxus incommoda vicissim & mutuo facile experiuntur. Abscessus isti ad aures iis plerumque fiebant, in quibus magna puris copia per excreatum effluxerat: maxime cum morbus jam ad declinationem tenderet, hostili causa magna ex parte devicta. Unde si gravato jam adhuc maxime Pectore, ob praegressam non

(92) Hippoc. in Coac. lib. 5: Sec. 2. (93) Duretus Com. ibidem.

non satis completam *anacatharsim*, apparebant: non tutus erat ad salutem exitus, nisi etiam per alias vias *criticos* motus suos natura melius compleret: ad quod & Renum & A. vi secretionem, aliaeque pariter optime conferebant.

CCIX. Abscessus hosce ad aures fausto praecipue cessisse omine vidi anno 1732. ineunte hyeme: quando peculiarem habuimus *Pleuriticam* constitutionem quasi *epidemicam*, atque nullus fere ab hoc morbo superstes erat, cui antea tales non evenissent *abscessus*: quod & se distincte observasse alias testatur Baglivius hisce verbis. (94) *Pleuritici, quibus in interiora auris dolor, & exinde abscessus, & pus superveniebant, omnes sanabantur: ut in variis Italiae Xenodochiis frequentissime observavimus, sed praesertim ineunte anno 1694. Romae.* Mirum profecto est, quod in *Pleuriticis* aliquibus annis abscessus isti ad aures, aut ad inferiores partes eveniant: aliquando vero non: cuius rationem quidem proponere neutiquam audeo. Id unum dicam, quod & in *lymphaticis* simplicibus *Pleuriticis* ab uberiore lymphae affluxu pendentibus, *lymphaticae* quoque concretionem prope aures excitari eodem modo soleant; nisi forte dicendum sit, quod eodem tempore, quo lymphae in Pectore affluenter congeritur, in superioribus simul hisce glandulis concreascit; quod per saepe evenire non est negandum. Animadvertendum ultro est, quod *abscessus* ad aures in hisce

calibus citius ut plurimum evenire solent, quam alii quilibet ad inferiores partes: quod & distincte adnotasse Desiderium Jacotium constat. (95) *In febribus enim multum diuturnis (ait ille) tum propter frigiditatem crassitatemque humoris, tum naturae imbecillitatem, longo jam spatio fatigatae in inferioribus partibus oriuntur: in acutioribus vero juxta aures: quod non semper evenit.*

CCX. Cur tamen five citius, five tardius ad inferiores potius, quam ad superiores, five vice versa, in hisce morbis *pleuriticus* humor hujusmodi *abscessus* producat in hisce potius, quam in aliis partibus, difficile admodum est explicata. Revera expertissimus Duretus statuit tunc *abscessus* fieri (96) *Inferos quidem, aut superos, pro humoris motu, naturae impulsu, meatuumque partis afflictae sursum, deorsumve spectantium conditione, & situ.* Hoc verum omnimode esset, si hujusmodi materiae *translatio* per peculiare vias fieri posset, absque quod in circulum acta cum tota sanguinis massa ad Cor permeare deberet. Ab eisdem enim ventriculo sinistro prodiens, aequae patentem haberet semitam, ut, aut *ascendentem* subiens arteriam ad superiores migraret partes; aut *descendentem* pervadens, ad inferiores motum suum dirigeret. Certe, si sancitis *circulationis* legibus standum est, res, meo iudicio, vix percipi aliquantulum potest; sicuti & inde difficili admodum negotio explicari posse videtur id quod Hippocrates

(94) Baglivius cap. proprio de Pleuritide. (95) Desid. Jacot. com. in Coac. Hipp. lib. 5. Sec. 2. n. 40. (96) Duretus Com. ibidem.

Hippocrates singillatim monet: (97) *Sed Abscessus quidem sunt hi, in partibus inferioribus, quibus circa Hypochondria calor vehemens movetur. In superioribus vero, quibus Hypochondrium molle, & indolens fuerit, difficilisque spiritus ad tempus citra causam evidentem acquiescit; quod & clarius in prognostico explicat.*

CCXI. Quidquid sit de hoc (de quo non vacat hic ultro differere) satis sit dicere, quod omnes *Pleuritici*, quibus facta suppuratione in Pectore, atque diu admodum protrahito morbo, in infernis partibus hoc anno abscessus variis modis subortii sunt, omnes Mortis victimae fuerunt. Quando enim ejusmodi metastases natura moliebatur, ob diuturnitatem praegressi morbi, viribus fere ex toto destituti erant Aegroti, atque corpore maxime consumpti, ita ut diu vitam magis protrahere neutiquam satis possent, usque dum omnimode per apertum abscessum pleuriticus ichor prodiisset. Quare eo magis magisque in dies corpore consumpti, levissima comitante febris, ad Marasimum misere properabant. Nec tantum ob fractas diuturnitate morbi vires frustranea mihi tunc videbatur talium abscessuum eruptio: sed etiam quia ob diuturnam puris moram in cavitate Pectoris, partes illae labefactatae adeo, & corrosae fuerant, ut necessariis obeundis consuetis muneribus nil penitus idoneae remanerent; simulque continue ab ulceratis partibus novum prodiret pus; unde perennis

fiebat scaturigo peioris morbi a priorere necessarie pullulantis. Hinc percipi satis potest, cur nam divinus Senex docuerit, quod sint (98) in vehementibus, & periculo proximis Pulmonum inflammationibus abscessus ad crura omnes sane salutare: optimi vero, qui fiunt sputo mutationem subeunte. Si namque tumor, & dolor suboriatur, sputo pro flavo in pus verso, & foras prodeunte, hoc modo tum securissime Aeger superstes futurus est, tum citissime citra dolorem abscessus conquiescet. Ideo enim apparentibus hisce abscessibus superstes Aeger esse merito potest, quia initio suppurationis fiunt; antequam non ex toto laesae sint partes, neque omnimode viribus destitutus sit Aegrotus.

CCXII. Desumpto ratiocinio ab hisce sagacissimae naturae criticis motibus ad infernas partes in gravioribus Pectoris morbis, iisque fausto omine factis, juxta Hippocratis monitum: ingeniosissimus Baglivius, atque cum ipso clarissimi alii quamplurimi Viri statuerunt Vesicantia perquam utiliter in inferioribus maxime partibus adhiberi posse, & debere, ad graviores Pectoris morbos citius, & tutius vincendos. (99) Quocunque die (sic ipse ait) secundo scilicet, aut quarto, quinto, septimo &c. ante, vel post factam sanguinis emissionem, spirandi difficultas, & difficultas pariter exscreandi sputi pleuritico superveniant: statim duo Vesicantia Tibiis admoveo, juxta illud Hippocratis in prognostico: In Pulmonibus quicunque tumores fiunt ad crura optimi sunt.

(97) Hippoc. in Coac. lib. 5. Sec. 2. n. 40. (98) Hippoc. in prognostico.

(99) Baglivius Cap. proprio de Pleuritide n. 37.

sunt. Post apposita vesicantia observari expectorationem statim promoveri, spirandi difficultatem imminui, & alvi fluxum, si adesset, feliciter sisti.

CCXIII. Quidquid sit de communi, quae circumfertur, opinione, ambabus ulnis a plerisque recepta, de utili admodum, & necessario *vesicantium* usu in quamplurimis Pectoris morbis, ne dicam & in aliis fere omnibus: sive ut morbosae causae fiat revulsio ad inferiores partes: sive ut, intrusis in sanguinem scindentibus, atque volatilibus *cantharidum* moleculis, congesta in Pectore lymphæ, aut sanguis concreescens dissolvatur, attenuetur, dimoveaturque, indeque reddatur aptior, ut circumpositorum vasorum ostiola, subiens, in aream *circulationis* iterum reducat, prout *vesicantium* Patroni pleno ore deprædicant; Ego certe frustraneas omnes de iisdem quaestiones omittens, absolute asserere possum, aequè mihi faustas *pleuritico*rum curationes evasisse, ac aliis Medicis omnibus, qui, non aliter melius, quam *vesicantium* usu, præcipuam curationis operam perficiendam semper esse, arbitrabantur. Quod si contra hoc alii mihi obtrudant, se *vesicantia* utplurimum perquam utilia, utpote maxime activa, semper observasse: caveant, quaeso, ne ad hæc obcaecato nimis antea præiudiciis oculo, atque pessime præoccupata mente perperam attenderint. Nemo enim inficiabitur, credo, facilius esse in rebus Medicis quamplurimum remedium, sicuti & *vesicantium* præsertim inu-

tilitatem tuto ostendere, dum absque eorundem adminiculo AEgroti convalescunt: quam ipsorum necessitatem probare; dum, iisdem adhibitis, morbus paulo postea sedari videtur. Etenim, si adhibitis *vesicantibus* morbus solvitur; nullo certe jure, nisi gratis nimis, inde deducitur AEgrotos vere ideo convalescere, quia *vesicantibus* usi fuerant: ita ut inde secus etiam pateat, quod illis omissis non aequè facile res fausto cessisset omine, cum oppositum evincant observationes meae, atque aliorum etiam quamplurimum.

CCXIV. Si unquam absolute statuendum est cum divino Sene, quod difficile admodum iudicium sit in Medicina, tunc id magis evenit, cum de quamplurimum remedium, (specificis exceptis) actione sicuti in quibuscunque morbis, ita in hisce præsertim iudicare velimus. Haec jure, meritoque adnotat doctissimus Vallesius, dum quorundam Medicorum audaciam admiratur, qui absolute veluti ex tripode, tum de genuina morborum origine, tum de variis remedium actionibus, & peculiari vi in morbis quibuscunque decernere, iudicare, ac quasi digito indicare sèsse posse præsumunt: dum cordatiores de hisce terque, quaterque rogati, caute admodum loquuntur, & nisi pauca proferunt. (100) Mirum est quam facile (haec sunt præclarissimi huiusce Auctoris verba) quam incunctanter vulgares Medici de causa valetudinis rogati, etiamsi annua, aut etiam longior sit, respondeant, hinc hoc,

hoc, illinc illud initium coepit. Certe, facilius affirmant, quae nesciunt, quam quae sciunt. Eruditi vero cunctanter, & multa rogantes ab Aegrotantibus, tandem respondent multo pauciora, quia sciunt iudicium esse difficile: quod & de remediorum effectibus indicandis verum comperiri ibidem ostendit, dum perquam difficile esse monet, si sanguis missus est Aegrotanti, & sublevatus est, paulo postea dicere, vere an sublevatus sit, quia sanguis missus est, an quia ita contigit: quod & de quibuslibet aliis remediis non specificis, ut dixi, pariter verum comperiri, nemo negaverit, sicuti & maxime de vesicantibus.

CCXV. Ast ne quis unquam me Empirico tantum more egisse dicat, dum Pleuritidum graviorum completas a me saepissime curationes, & quidem semper vesicantibus omissis, propono: pauca hic subdam, quae non incongrua ex toto fortasse evadent, ut me ab hac culpa vindicare satis possim. Ideo expertissimus Baglivius vesicantium usum in morbis Pectoris commendat, quia ex Hippocrate deducit, tumores, qui ad crura fiunt, optimos esse. Ast quis non novit Hippocratem tum in Coacis, tum in prognostico, dum ejusmodi tumores ad inferiores partes utiles indicat, non tumores quoslibet intelligendos esse velle, sed eos praecipue abscessus, qui non a quavis sanguinis stasi in illis partibus paulatim fiunt, sed distincte a vera metastasi purulentae materiei, seu ad purulentiam jam jam vergentis, quae quidem, cum per excreatum libere, & satis educi neutiquam

posset, in Pectoris quibusvis partibus antea morabatur. Verum namque est, quod si hujusmodi abscessus in quibusvis maxime distantibus etiam a Pectore partibus, non ob metastasim pleuritici humoris, sed ob congestionem sanguinis, aut lymphae fierent: tantum abest, quod quidpiam levaminis inde caperent Aegroti, ut pejus etiam se haberent, novo sic adjuncto morbo, qui cum priore duplici ratione conjunctus, ipsos contristaretur. Tunc enim, eadem adhuc, prodeunte abscessu (cujusvis etiam magnae molis esset) immota in Pectore maneret pleuritica materies, neque quidpiam ideo imminueretur morbus: quod quidem necesse esset, ut hoc critice fieret: cum non aliter melius critici quilibet naturae motus salutares a symptomaticis, & morbosus discerni possint. Si itaque ex dictis tumores isti ab Hippocrate merito laudati veram indicent congestionem pleuritici humoris in inferioribus partibus: ut inde deducere recte possemus, quod rationabiliter, occasione hujusmodi morborum Pectoris, vesicantia iisdem partibus applicari necessario deberent: oporteret etiam, ut ab ulcerata parte vi cantharidum, idem penitus emanaret humor, qui antea Pectus quomodolibet gravabat, neque per excreatum educi satis poterat; congrua nempe facta ejusdem dissolutione, atque regressu in vasa, indeque transitu ad ulceratam partem, aliter nihil prorsus Hippocratis documento satisfaceret vesicantium usus. Quis autem unquam in observationibus suis tam fausta sorte frui

frui potuit, ut ab ulceratis hoc modo partibus, post adhibita *vesicantia*, *purulentas* effluere materies viderit, & quidem easdem, quas antea in Pectore latuisse credendum erat? Porro si aliquando *purulentum* inde humorem prodire observamus, hic in tam modica copia excernitur, ut asserere certe possimus, illum non a Pectore translatum fuisse, sed ab exesa ipsa cute separatum: maxime cum ichor ille non statim dempto *vesicante emplastro*, sed ineunte tempore, citius, tardiusve, post genitum ibidem ulcus, prodire soleat.

CCXVI. Cur autem ultro aliquis fortasse instet dicendo, *vesicantia*, nihilominus *Pleuriticis* maxime prodesse, si non ad faustum hunc puris obtinendum regressum, quando jam facta est suppuratio; saltem antequam ipsa fiat, ad *lymphaticam* materiem satis dissolvendam, eamque sic facilius ad inferiores partes transferendam? Verum est, quod humor ille, qui ab exesa parte prodit, lymphapha est, & quidem ejusdem fere, aut saltem pene ejusdem indolis, ac alia lymphapha, quae Pectus obsidet; ast nemo certe audebit asserere, illam eandem prorsus esse, illuc vi remedii a Pectore translata, seu melius attractam. Verum si *pleuriticæ* verae lymphaphae similis tantum est, non autem ejusdem portio, quid nam conferet ad morbi solutionem? Quid nam conferet? respondent ipsi: ad totius *lymphaticæ* massae diminutionem, ad hoc ut ipsa pleno minus gurgite, juxta consuetum ipsius motum, Pectus subeat, minori ideo novo pondere illud gravatura. Ete-

nim, (ajunt ipsi) dum, exesa cuticula, lacerantur simul minimi ramuli lymphaticorum canalium cutim undique pervadentium, nova sic aperiuntur ostiola, per quae praeter interna alia *secretoria organa*, educi lymphapha affluentius possit: ideoque hinc pari modo augetur excretionis universale negotium in ea ratione, in qua crescit numerus, & diameter hiantium hujusmodi tubulorum. Ast dicant mihi, sodes, qui sic loquuntur; si excretio haec cum aliis consuetis conferatur mutuo, quanta nam quaeso erit? Satis est attendere lymphapham singulo die ab ulcerata parte stillantem, quae etiam si per plures dies effluat, tam modicam profert massam, ut nullius prorsus momenti videri possit, habito respectu ad copiosas *lymphaticas stases*, quas in *Pleuriticorum* Cadaveribus observamus.

CCXVII. Hinc minime video, quomodo nam hujusmodi excretiones a *vesicantibus* in infernis partibus factae, cum aliis a natura ipsa per *abscessum* ibidem promotis, atque ab Hippocrate observatis convenire unquam possint, pro ut ex Baglivio *vesicantium* amatores statuendum, esse plerumque fidenter nimis depraedicant: maxime cum dispar omnimode ratio ex dictis pateat; sive copiam prodeuntis humoris, sive peculiarem conditionem in utroque casu attendere velimus. Nihilominus si quis unquam vaticinandi certa scientia ita praeditus adesset Medicus, ut praenoscere tuto sciret, an vere in hoc potius, quam illo *Pleuritico abscessus* hosce promotura esset

esset natura, & in qua nam specialiter parte: certe *vesicantia* applicari jubens, motus naturae illuc *critice* tendentis dextere sic praeveniens, minorem in eadem parte obicem parando, hujusmodi excretionem, & faciliorem, & forsitan citiorem, magisque copiosam redderet. Ast, cum toties viderimus *abscessus* hosce modo in superioribus, modo in inferioribus partibus evenire, modo dextrorsum, modo sinistrorsum, ut plurimum nullos; hos quidem ex Hippocratis monito aliquando praenoscere Medicus potest: ubi autem ii specialiter consistere possint, nemo unquam satis prudens audebit decernere; nisi cum, facta jam magna ex parte *metastasi*, tumeat paulatim pars, comite dolore, aliisque *symptomatibus*, quae tunc peiora ideo redderet non solum *vesicantium* applicatio; verum etiam *criticum* hunc naturae motum pessime forsan cohereret.

CCXVIII. Non deerunt ultro alii, qui nobis objicient, copiosum magis urinae fluxum a *Cantharidum* peculiari vi excitatum, quem fortasse *Vesicantium* Patroni aliunde deducere renuentes, id ob universalem inde ortam lymphae dissolutionem fieri arbitrantur. Subdent etiam cum eodem Baglivio, tali adminiculo (101) *expectorationem statim promoveri, spirandi difficultatem imminui, & alvi fluxum, si adesset, feliciter sisti*, unde necessaria maxime, atque utilia *vesicantia* semper esse existimant. De hisce fides sit penes Observatores, qui forsitan, si minus praecoc-

cupati fuissent, nec tot, nec tam ampla de hisce miracula cecinissent, eo minus credenda, quo pleno magis ore ab ipsis proferuntur. Non vacat hic disquirere, an vere ob *cantharidum* vim talis fiat lymphae dissolutio; & si fiat, an vere sit utilis, an saepius ab ipsis damnum majus Aegroti contrahant potius, quam utilitatem: cum satis sit in praesens innuere more historico, me tutioribus aliis, minusque molestis praesidiis veridicos naturae motus promovisse, sicque *Pleuriticos* quamplurimos, neglectis *vesicantibus*, feliciter curasse. Alias addam suo loco potiores rationes, propter quas, *vesicantium* usum quandoque optimum, & necessarium maxime esse, ut plurimum autem nocuum, aut saltem inutilem, aperte demonstrabo; cum de peculiari *Malignantium* febrium constitutione Cremonae habita sermonem habebo.

CCXIX. Hoc unum super hisce mihi hic ultro placet innuere: quod difficile admodum mihi videtur captu, atque explicatu: quomodo nam, si, immixtis cum sanguine *cantharidum* volatilibus, & scindentibus particulis, universa lymphae massa mirabiliter dissolvitur, indeque tum *expectoratio* promovetur magis, tum spirandi difficultas imminuitur, ut docet distincte Baglivius; uno & eodem tempore Alvi fluxus, si ante adesset, feliciter sisti possit. Quo magis, enim dissolvitur, juxta eorundem sententiam, lympa, eo magis idonea redditur, ut *Intestinarum emuncteria* facilius subire, ma-

L joreque

joreque in copia possit; quod certe Alvi fluxum augere potius, quam imminuere necessario deberet. Adde hic ultro possum, quod praecipua *cantharidum* actio, sicuti efficax admodum creditur ad crassanimis dissolvenda, attenuandaque fluida; sic etiam ad corruganda solida maxime ab omnibus commendatur. Utrum vero in inflammatoriis hisce morbis optimum sit consilium crispata nimis caeteroquin solida ad violentas magis, atque enormes contractiones ultro cogere, ipsi *Vesicantium* Fautores sano judicio decernant, atque ab ipso Baglivio discant, qui aperte sic effatur. (102) *Tota ratio curandae Pleuritidis, aliarumque inflammationum consistit in procuranda debita laxitate partis inflammatae, per debita remedia; ideo forsan Oleum Seminum Lini ab omnibus laudatur pro maximo remedio contra Pleuritidem; quodque raro fallit, quia oleosa sua substantia Pulmonum fibras inflammatione contractas, crispatasque, & ob id fluidorum circulum impediennes laxat, lenit, & in pristinum restituit. Cur ergo solidorum male affectas sic fibrillas eo magis magisque tendere, atque corrugare quaerimus vesicantia applicando, dum aliunde magis tuta indicatio laxantia omnis generis remedia nobis suggerit, in quibus tota sanior methodus consistit? Hinc dum alii in hujuscemodi curationibus ad vesicantia, tanquam ad sacram anchoram, statim confugiebant, ut cohibitam, aut nondum incoeptam anacatharsim promoverent, sicque Pectus a morbooso pondere liberando,*

faciliorem respirationem redderent, in eo totus ego eram, ut magis efficacibus, tutioribusque aliis praesidiis uterer, quae non aliunde, quam a laxantibus, atque emollientibus, tum internis, tum externis mutuanda esse, pro certo habebam.

CCXX. Hoc autem ratiocinio (quod quidem tutissimum mihi videbatur) ad id ductus eram. Aut ideo *anacatharsis* tunc deerat, quia humor *pleuriticus* magna ex parte extra *Pulmones* consisteret, sive in *appendicibus membranis* supra descriptis, sive in *Pleura*, sive in *Mediastino*, sive in alia parte, sive etiam in ipso *Pulmone*, sed in *folliculari* aliquo tumore clausus (quod raro, sed aliquando accidit) ita ut nullus penitus ipsi adesset aditus, ut per *excreatum* educeretur: aut quia, ob contractionem contextentium fibrillarum suarum, *bronchiorum* tubuli coarctati admodum essent, minusque patula ideo evaderet via, ut *pleuriticus* dictus humor per *Tracheam* educi facile, & satis posset. Adde etiam fortasse aliud non minoris momenti impedimentum *anacatharsim* retardans: *pleuritici* nempe humoris (sive *lymphaticus* ille sit, sive *sanguineus*, sive utriusque indolis) maximam crassitiem. Quaecunque illa sit ex supra allatis causis, propter quam *anacatharsis* detinetur: fixum mihi, ratumque est, *vesicantia* nunquam convenire: quod singillatim hic paucis ostendam.

CCXXI. Si humor ille extra *Pulmones* residet, aut in ipsis intra follicularem capsulam detinetur, inutile

(102) Baglivius in appendice ad Pleuritidem.

inutile penitus est expectorationem quaerere, atque sollicitare, sive *vesicatoriis*, sive aliis remediis, quae ad id idonea vulgo creduntur. Totam tunc adimplent paginam laxantia externa quaeque ab emollientibus *fomentis* petita, sicuti & decoctiones ejusdem indolis largis haustibus, ut supra diximus, calide sumptae. Hujusmodi enim praesidiis tum solida continentia laxantur, & molliora redduntur: tum *pleuriticus* humor commode dissolvitur, atque fluidior redditur, indeque magis idoneus, ut contigua subeat vasa, atque in aream circulationis adactus per propria *emunctoria*, seu *separatoria* organa excernatur. Ob eandem causam jure, & quidem merito laxantia haec tum interna, tum externa conveniunt, dum humor magna ex parte in *Pulmonibus* existit, atque inde expelli nequit; quia obstant solida nimium tensa, quae necessario laxanda, leniendaque sunt; aut *pleuritici* ejusdem humoris crassities, quam citius, & melius tolles novis attenuantibus, simulque laxantibus intro additis liquoribus, qui, sicuti universalem humorum massam dissolvere magis possunt, ita & stagnantem quoque lympham peregre regie attenuant. Quamobrem expertissimus idem Baglivius inter caetera *antipleuritica* remedia maxime commendat copiosos haustus decoctionum emollientium, quae magis indigentiae morbi convenire videntur.

CCXXII. Hoc unum illud erat

praecipuum, tutissimumque praesidium ab emollientibus petitur, quo maximam curationis partem adimplere, & quidem fausto plerumque eventu solitus fui, tum ut morbi causam paulatim evincerem, atque ad consuetas morbo magis convenientes *crises* naturam excitarem, simulque gravioribus omnibus peculiaribus *symptomatibus* sedandis tuto prospicerem. Satius enim semper existimavi, ipsique naturae conforme magis esse, paucis admodum, & simplicioribus uti medicamentis, quam plurimis, magisque compositis, quibus & Aegroti fatigantur, atque non raro salutares ipsius naturae motus malefano admodum consilio praepediuntur, aut saltem quammaxime turbantur. Sciebam enim, quod (103) *natura sui conscia, crises moliendo magis proficit, quam Medici suis remediis*. Id eo caute magis a Medico tunc praestandum esse semper putavi, cum morbi in statu consisterent, maxima nempe vigente naturae cum morbo lucta. Id tamen eo tunc tutius agendum a me esse arbitrabar, quo magis cum Hippocratis sanioribus praeceptis convenire videbatur. Ipse enim sic absolute docet. (104) *Incipientibus morbis, si quid movendum videatur, move: vigentibus vero, quiescere melius est*. In principio ideo istorum morborum magis sollicitus, magis operosus eram, maximisque Artis nostrae auxiliis congruo tempore utebar, Sanguinis nempe missione, & congrua purgatione, ut supra exposui. Utrumque tamen hoc remedium

L 2

non

(103) Baglivius de Crisi, & dieb. crit. (104) Hippoc. Aphor. 29. Seet. 2.

non inconsulto in quibuscunque *Pleuriticis* usurpare consuevi, sed attenta Aegroti, & morbi conditione, simulque extrinsecis praegressis omnibus causis, modo alterutrum, modo utrumque, modo parcius, modo liberalius amplectebam, modo ab utroque, sed raro temperabam.

CCXXIII. Hisce peractis in progressu morbi vela quasi recolligens, solisque laxantibus dictis fidens, atque emollientibus, ab opere quasi ex toto feriabar, salutare tantummodo attendendo naturae motus, ut efficaces magis illos redderem, eosque, si opus esset, idoneis adminiculis promoverem. Quare iuxta indigentiam, vel Oleum Amygdalarum dulcium, cum Spermate Ceti, vel Clysteres in usum revocabam, mitiores tamen, atque emollientes, praesertim cum biliosas excretiones natura per Alvum exequi quaereret, neque satis perficeret. Si congrua *anacatharsi* (*critico* conferente ad id etiam quandoque sudore) a *pleuritico* stagnante humore, consueto quatuordecim dierum termino, *Thoracis* affectae quomodocunque partes liberari satis poterant, morbus feliciter solvebatur, ut plurimum absque *suppuratione*. Quoties autem quavis de causa, sive ante decimam quartam diem (quod raro evenit) sive post ipsam, citius, tardiusve *suppuratio* fiebat, ad balsamica illico confugiebam, ut ad *Therebinthum*, aut etiam ad Balsamum de *Copaiba* mihi admodum familiare, quod utilissimum expertus semper fui, non solum in *Thoracis* hisce *suppu-*

rationibus variis, verum & quarumlibet Corporis partium, sicuti & in ulceribus quibuscunque. Etenim, ratio ipsa satis ostendit, quo nam jure convenient hujusmodi balsamica in hisce casibus; tum quia, scindente, atque abstersiva vi sua, qua specialiter pollent, *suppuratas* partes ab infesto pure liberant citius, illud attenuando, idoneumque magis reddendo, ut per *excreatum* educi possit: simulque solidorum fibras magis elasticas reddendo, ut validioribus contractionibus optatas excretiones promovere tutius valeant: tum quia eodem tempore, *diuretica* vi sua copiosas magis urinas cient, faciliorem per Renes aditum reddendo *lymphaticis* hostilibus humoribus, ipsique purulentae substantiae, quam cum urina copiose admodum sic educi tunc praesertim vidi, cum facta in Pectore *suppuratione* nil penitus per excreatum pus flueret, aut minus liberaliter, quam morbi indigentia postularet; pro ut ex allatis supra observationibus aperte patet.

CCXXIV. Eatenus autem tunc rationi consonum esse arbitrabar remediis hisce *balsamicis* uti, ad purulentam materiem per urinas eliminandam: quatenus id & in omnibus aliis partium *apostematibus*, aut quibuslibet *suppurationibus* naturam ipsam sponte sua utilissime tentasse semper, aut plerumque saltem attenderam. Quare cum tam efficax toties expertus fuissem balsamum hoc de *Copaiba*, tamque tutum, facileque usurpandum, tum ad urinas pro indigentia commode promovendas,

das, tum ad dissolvendam lympham, concretosque humores quoslibet in Pectore stagnantes attenuandos: potiore ratione me a *vesicantibus*, hac ultro de causa, abstinere posse censebam. Attamen quotiescunque timebam, ne *balsamicorum* hujusmodi usu, plus quam par esset, humores attenuarem, atque in aestus concitatiores redigerem: (quod tamen fere nunquam evenit) ad *Julappium* de *Therebinto* rite praeparatum confugiebam, cujus ope, licet non tam cito, tutius tamen opus adimplebam. Verum cum de obesius magis corporibus ageretur, uberiore lymphae glutinosae copia scatentibus, praesertim si *Oedematosi extremitatum*, aut faciei tumores adessent, simulque lymphae futuram, aut jam factam effusionem in cavitate Pectoris, merito pertimescerem, quod ut plurimum fit; tunc ad *Balsamum* de *Copaiba* confugere necessarium esse arbitrabar, cujus quindecim, aut viginti guttas, atque etiam scrupulum unum summo singulo mane Aegrotis propinabam, copiosos statim haustus decoctionum emollientium pectoralium, atque *vulneraria* simul potentia praeditarum, sumendos indicans. Decoctione hac eadem identidem alias etiam, & saepe interdum utebantur Aegroti, quam plerumque parari jubebam ex radice Hellenii, Rapa, Jujubis, Hordeo, Foliis Hederae terrestres, floribus Papaveris erratici, Hyperici &c. Ad hunc finem Tincturam etiam Croci utilem persaepe expertus fui, seu Elixir proprietatis Paracelsi optime praeparatum.

CCXXV. Hac sola simpliciore methodo juxta varias Aegrotorum, & morborum conditiones specialiter usurpata, *Pleuritides lymphaticas*, aut *lymphatico-biliosas* me feliciter ut plurimum curasse, testari possum: dum alii ad *diaphoreticos*, vulgo sic dictos, pulveres, ad *Alkalicos*, aliaque hujusmodi remedia nimis fidenter confugientes, laboriosam admodum, atque Aegrotis ipsis molestantiorem curationem reddebant. Neque usque nunc efficacius unquam invenire remedium potui, quam *Therebinti* usum, atque praecipue *Balsami de Copaiba*, ad suppurationes Pectoris tutius solvendas, in iis praecipue, in quibus *vomicae* perfecta expurgatio etiam ultra quadragesimam diem protrahebatur, sicque pluries futuros *abscessus* ad alias partes praepedire potui, aut saltem eorundem augmentum inhibere, puris *excretionem* per urinas commode promovendo. Quare merito hoc *Balsamum*, & tutius, & efficax magis in hisce morbis evadere certo certius arbitror, quam simplices decoctiones quaslibet *vulnerarias* vulgo creditas, quas ex *Hedera terrestri*, *Consolida*, *Hyperico*, aut similibus aliis vulnerariis herbis, fausto exitu parari plerique putant. Hujusce instituti ratio non finit, ut fusius hic de hujusce *Balsami* efficacia, & usu in quamplurimis morbis agam. Id tamen alia occasione data opera praestabo, atque peculiare a me de hoc habitas observationes in lucem proferam; ut magis innotescat potentissimi hujusce remedii singularis vis, atque agendi modus,

etiam in quamplurimis aliis morbis, quibus omni jure convenire, atque efficaciter opitulari, fortasse non omnes norunt. Id autem necessarium maxime erit, ut vulgares quaedam destruantur opiniones, quae contra hoc remedium circumferri passim solent, quae quidem eo magis damnandae sunt, quo magis Aegrotis infensae evadunt. Pessimo enim nescio quo facto plerumque in rebus medicis, sicuti in aliis evenit, quod ea tantum quisque remedia laudare soleat, & congrua existimare, quae vel per traducem fere, ut ita dicam, habita, vel marte proprio inventa, in usum jam diu revocare consuevit. Hinc dum quidpiam

novi ab aliis profertur, quod ipsi familiare non sit, licet ab illis multiplici experientia comprobatum: id statim rejicitur, aut saltem frustraneum judicatur; ac si ea tantum optima censenda sint, quae ab ipsis proponuntur. Porro hujuscemodi judicia turpis non raro etiam Politicae execranda sunt germina, arti nostrae tam indecora, quam Aegrotis officiant. Quandoque enim ea negliguntur remedia ab aliis proposita, tum quia tanquam incongrua falso habentur, tum quia, si post tale praesidium citius, aut tutius morbus evanesceret, fortasse tota sanationis gloria illis adscriberetur, qui tale remedium postremo proposuerunt.



SECTIO SECUNDA

CAPUT QUINTUM.

*Pleuritis sanguinea simplex, ubi de Erysipelatode,
& Phlegmonode Pleuritide
agitur.*

CCXXVI.



Osteaquam
de *lymphaticis*, &
lymphaticobilio-
sis pleuritidibus ha-

bitas a me observationes distincte satis proposui, pro assumpti mei complemento aliquid, & de vere *sanguineis*, eodem tempore a me diligenter observatis, dicendum restat: maxime cum hae ab aliis quammaxime differant tum ratione accessionis, extensionis, & exitus, tum ratione *symptomatum* peculiarium, quae pedisequa plerumque habere solent. *Sanguineas* hasce omnes (sicuti & de *lymphaticis* satis supra dictum est) ad duplicem generalem classem reducendas esse, tunc observavi: ad eas nempe, quae *Pulmonem* tantummodo infestant: atque ad alias, quae in *Pleura*, *Mediastino*, *appendicibus membranaceis* *Pulmones* cum *Pleura* colligantibus, aut alibi quomodolibet extra *Pulmonem* intra *Thoracis* contentas, aut con-

tinentes partes, consistere plerumque solent. Quaelibet ex hisce *Pleuritidibus* rursus aliam sibi asciscit divisionem: dum nempe *erysipelatosus* tantum in hisce partibus tumor suboritur, aut etiam *Phlegmonodes*.

CCXXVII. Ut de singulis hisce differamus, supponendum primo est, generalem omnium immediatam causam a sanguinis vera *stasi* petendam esse, quae quidem statim in principio fit, non autem tractu temporis, invalescente morbo, ut de *lymphaticis* dictum est, in quibus, stagnante *lymphâ*, eademque ratione compressis inde *sanguineis* contiguis, aut subpositis vasculis, augetur in ipsis eodem modo obstaculum sanguini intro se moventi: propter quod (praehabitâ etiam in ipso speciali ad concrescendum dispositione) in iisdem tubis tardo primo se ferre motu incipit, atque successive magis magisque a nativa sua celeritate deflectere, donec tandem ibidem consistat, coaguletur, atque omnimode resideat. In *sanguineis* au-

tem veris hisce Pectoris morbis aliter res se habet; dum primo sanguis stagnat, atque ob ejusdem *stasim* successive, & lymphæ proinde pariter concrefcit. Generalis sanguinis *stasis* ratio ab iisdem penitus generalibus causis petenda esse videtur, propter quas & lymphæ coagulationem in supradictis evenire, jam antea demonstravimus.

CCXXVIII. Cum *Pleuritides* istae quoque Hyemis tempore plerumque, atque in aquilonari maxime constitutione australem praesertim subsequente grassarentur; a peculiari hac aeris conditione generalis magis vera earundem causa unice erat derivanda. Et ne crambem recoquere hic frustra videar, prolixior jam supra allatam explicationem denuo afferendo; satis sit attendere, quod sanguinea tota, massa, utpote *fuliginosis*, sive mavis, *excrementitiis* quibusvis glutinosis moleculis (quae ob strictiorem tunc totius cutis statum, per insensibilem *perspirationem* avolare satis non potuerant) praeter modum onusta, in majorem excresceret pari ratione molem: quod quilibet Sanctorianis doctrinis satis imbutus inficiari neutiquam poterit. Hinc adaucta summopere sanguinea tota massa, eadem ratione minus conveniens reddebatur canalium capacitatibus; unde per ipsos tardo magis motu fluebat: tum quia pressae admodum canalium tunicae, ob exuberantem contenti liquidi copiam, consuetas *oscillationes*, seu *vibrationes* peragere rite non poterant, seu, in contenta liquida debite contrahendo, eorun-

dem motus sollicitare: tum quia, & suapte natura sanguis ipse, ob tenaces admodum ejusmodi moleculas ipsi adjunctas, viscidior, crassiorque redditus, ad stagnationem eo magis proclivis evadebat. Lento sic progrediens quaquaversus motu sanguis in Pectore facilius, quam alibi, residebat, stagnabatque; quia specialis ibidem aderat superandus obex ipsius motui magis, quam in aliis partibus, obsistens: Aeris nempe pondus in aquilonari constitutione *Pulmones* gravius, atque immediate prementis: tum & non modica in eorundem fibris corrugatio, ab intruso indefinenter rigidior eodem aere facta. Non vacat hic fusius ostendere, quare Brumalis rigidior aer, *Pulmones* permeans, vasculorum ibidem fibrillas corrugare, eorundemque capacitates pari ratione coarctare queat: cum id in se ipso Hyemis tempore evenire in extrema Corporis superficie quilibet noscat: dum corrugatam plus solito cutim, labiorum, & narium scissuras ab eadem causa factas, aliaque hujusmodi quamplurima oculis ipsis attingit. Quod si quis ultro peteret, quare nam generali hac vigente extrinseca aquilonaris constitutionis causa, *lymphaticae* potius, quam *sanguineae*, aut vice versa, *Pleuritides* in hisce potius, quam illis contingerent: praesto est genuina ratio a peculiari quorumcunque corporum temperie petenda, quae etiam satis ostendit, quare aliqui nullis penitus ex hisce morbis laboraverint, dum plerique alii iisdem detenti fuerunt, omnes autem ejusdem extrinseci ambientis aeris vicissi-

cissitudines pari modo tunc passi fuerint.

CCXXIX. Inter tot alias differentias praecipuas, propter quas tot variae corporum temperies emergunt, quas & *temperamenta* dicimus, ad id merito refertur sanguis ipse majore, minoreve lymphae copia praeditus. Hinc quoties in specialibus corporibus universa sanguinis massa ad coagulum proclivis magis erat, majorque in ipsis, caeteris paribus, aderat lymphae copia; in illis *lymphaticae* potius fiebant *stases*, ob generales jam dictas causas, atque proinde *lymphaticae pleuritides* oriebantur, aut *lymphatico-bilioae*; si ob bilis refluxum in sanguinem, ejusdemque copiam, atque cum lymphamixtionem, & ipsa in Pectore ad *stasim* vergebat. Si vero non aderat in sanguine exuberantis hujusce crassioris lymphae dominium hoc, sed major, caeteris paribus, potius copia fibrosae substantiae, seu crassamenti; tunc pars ipsius sanguinis rubra ad *stasim* tendebat, atque in Pectore quomodocunque residens *sanguineas* variae indolis *Pleuritides* procreabat, habita ratione ad copiam stagnantis sanguinis, admodum, & locum; unde variae prodibant differentiae, prout infra patebit. Quod autem duplex haec sanguinis adesse possit conditio a majore, minoreve lymphae copia deprompta: quilibet oculis ipsis occasione cujuscunque morbi, & Pectoris maxime, in educto, refrigerato, concretoque sanguine attingere facile potest. Hoc praesertim anno id accuratissime observare non omi-

si, dum quandoque, occasione *Pleuritidum*, inveni sanguinem, cujus pars serosa, praeter ordinem copia adaucta, subdupla erat, aut saltem subtripla totius massae sanguineae: dum fere semper superior fibrosae partis, seu *crassamenti* superficies consueto coriaceo, fere dixerim, cortice coopiebatur. In hisce plerumque separatum a tota massa serum crassius, atque tenacius erat, atque *subvirenti* quasi colore suffusum ut plurimum apparebat, ut glutinosum fere jusculum, substantia, & colore aemulari videretur.

CCXXX. Peculiaris haec sanguinis diathesis *lymphaticas* veras *Pleuritides* potius, quam alias, sequebatur, aut *lymphatico-bilioas*, quas ex flavo, aut *subvirente* ejusdem corticis colore facile erat dignoscere. Animadvertendum tamen hic est; quod licet serosa haec sanguinis constitutio in *lymphaticis* plerumque *Pleuritidibus* vigeret; in iisdem quandoque non tanta aderat serosi laticis copia, habito congruo respectu ad alias; sed *crassamentum* fere ex toto vas adimplebat. Semper tamen consuetus superincumbebat *pleuriticus cortex albicans*, aut *flavesceus*, qui crassior erat, aliquando ad altitudinem plus quam unius transversi digiti, ab eodem glutinoso concreto sero progenitus. Alias autem, sed rarius, admodum rutilantem vidi sanguinem nullo penitus *pleuritico cortice* obductum, cujus *crassamentum* totum pene vas adimplebat, nulla fere, aut modica saltem facta feri separatione, fibrosumque hoc corpus maxime durum

durum erat. Genuina haec est sanguinis peculiaris diathesis, quae in sanguineis veris *Pleuritidibus* observatur, quas cum plerumque funestas noverim, nil penitus mirum est, quod & clariores Medici tanquam pessimum attenderint signum, nullam in superficie sanguinis *pleuriticam crustam* apparere; licet hoc ab alia prorsus causa derivasse ipsos constet, ut supra indicavimus. Addam tamen, quod in *sanguineis Pleuritidibus* hisce veris non prima tantum, sed secunda etiam, & tertia vice, & toties tandem ut plurimum, quoties educebatur sanguis, tali plerumque *crusta* carebat; quod omnem tollit ambiguitati locum. Etenim, ut supra diximus, aliquando prima vice nullam penitus sanguis, aut modicam saltem *crustam* proferebat, ob plures jam indicatas causas, quae postea aliis vicibus satis patens, aut magis crassa erat: quod veros *sanguinearum Pleuritidum* characteres nil penitus profert: nisi forte referendum hoc sit ad lymphae *stases* progrediente morbo factas, sanguinisque *stagnationibus* necessario succedentes (ut patet ex dictis) in qua hypothese, quamvis in primaria origine *Pleuritis* vere *sanguinea* tantum fuerit, successive fit & *lymphatica*, unde *sanguineo-lymphaticae* postea nomen acquirit. Quamobrem, licet primis vicibus *pleuritica crusta* caruerit sanguis, eam postea proferre potest: quod tamen perquam raro evenisse animadverti, cum raro hujusmodi *Pleuritidum transmigrationes* occurrant.

CCXXXI. Praeter speciales haec educti sanguinis conditiones in *sanguineis Pleuritidibus* attendendas, eas facile etiam erat dignoscere a prodeuntibus sputis. Siquidem ipsorum indoles in hisce diversa admodum erat, quam in *lymphaticis*. Sicuti enim in hisce statim salivalis exiens spumofus liquor, aut *viridem*, aut *flavum*, aut *flavo-virentem* praeferebat ut plurimum colorem, habita, ut supra diximus, ratione coloris *pleuriticum corticem* inficientis: in illis sputum sanguine plus, minusve tingebatur, omni alio fere semper colore carens. Attenta hac peculiari sanguinis, plus aequo sero carentis diathesi, ad *stasim* maxime prona, facile hinc erat percipere *sanguinearum* variae indolis *Pleuritidum* veridicam scaturiginem in hisce potius, quam in illis corporibus, speciali supposita Pectoris partium constructione, propter quam, illis positis, necessario fieri deberet, ut hic potius, quam illic sanguis stagnaret, atque concreceret; ut & alias omittam *procatarticas*, ut ajunt, praevias causas ab extrinseco venientes: Ictus nempe, contusiones, vulnera, clamores, atque tot alia quamplurima, quae nil refert in prospectum hic ponere. Quod juxta corporum constructionem variam in hujus potius, quam illius Hominis Pectore; imo in hac potius, quam illa *Pulmonum* parte superiore, aut inferiore, in *Pulmonibus* potius, quam in *Pleura* &c. aut utrobique, aut alibi, caeteris paribus, sanguinis stagnationes fiant; eo magis mihi perspicuum

spicuum evadit, quo magis constat, quemlibet Hominem ab ortu ipso, pro speciali corporis symmetria, primigenia futurorum ipsi quorumlibet morborum, ipsiusque mortis etiam femina sortiri: (fortuitis tamen exceptis AEgritudinibus, sicuti & Epidemicis, aut contagiosis, aliisque quibuslibet a violenta quavis extrinseca causa venientibus) quae in talibus circumstantiis aetatis, vitus, aeris, aliorumque non naturalium, ut ajunt, rerum, ad actum reducuntur; quod optime convenit cum iis, quae doctissimus Pitcarnius in suis operibus protulit, dum docuit, *Temperamentum* cujuscunque Animalis morbum esse, sive mavis, specialem ad peculiare AEgritudines dispositionem.

CCXXXII. Juxta generalen-
sanguinearum quarumcunque *Pleuritidum* divisionem supra propositam, observavi pluries, quod si sanguis, ob allatas supra causas, in minimis tantum *capillaribus*, ut ajunt, tubulis hinc inde residebat: sive, quod plerumque evenit, ab irridente rigidiore aere Arteriarum corrugatis fibrillis, pressus admodum, laterales *lymphaticos* subiens ductus, sive *lymphaticas*, sic proprie dictas, *arteriolas*, a consueta *circulationis* semita aberrans, in iisdem undique concresebat, teterrima illa oriebatur *Pleuritis* subito invadens, quam jure, meritoque *Erysipelatodem* Baglivius appellat, dum sic effatur (105) *Inter difficiles, perniciosas, & curatu non faciles Pleuritides, est Pleuritis sicca, sive Erysipelatodes acutissi-*

ma, quae fit a sero acri, tenui, urente, Pulmones velociter occupante, lacerante, cum paucō dolore, & AEgrum derepente jugulat, Medicis non cogitantibus. Licet hujuscemodi *Pleuritidis* originem a sero acri, tenui, atque urente petendam aliquando esse, inficiari nemo recte possit: concedendum tamen est, illam semper a sanguinis *stasi* in minimis canaliculis seu lymphaticis, seu sanguineis, seu utrisque immediate pendere; cum eadem sit ac aliarum *Erysipelarum*, in extrema quavis Corporis parte degentium ratio, quas omnes ab hac specialiter causa derivari plerumque arbitror. Id mihi ultro magis ex Cadaverum dissectionibus patuit, dum rubicundos admodum, ob stagnantem hinc inde sanguinem, *Pulmones*, atque maximo undique livore perfusos inveni, sive mavis, *inflammatos*: caeteroquin tamen molles, aut saltem a naturali molitudine sua parum deflectentes; secus ac in *lymphaticis* supra dictis, in quibus ob copiosas glutinosae lymphae concretiones, ut plurimum, tumidi admodum, & duri *Pulmones* evadebant.

CCXXXIII. *Erysipelatodes Pleuritides* haec ex propriis signis facile dignoscendas merito docet Baglivius juxta divini praesertim Senis observationes: ex fugaci nempe genarum rubore, tussi inani, paucō dolore, *stationibus*, ariditate magna linguae, viscerum ardore, quibus merito addendus est nullus penitus, aut minor saltem, quam in aliis *Pleuritidibus* jam descriptis, gravitatis sensus

in

in Pectore; quod maxime attendendum esse observavi, ad inflammatorias alias distinguendas *Pleuritides* a copiosa magis sanguinis stasi, seu vera congestione ortis; in quibus majus semper, minusve pondus in Pectore Aegroti sentiunt, habitum proportionem majoris, minorisve stasis; maxime cum ab uno ad alterum latus Corpus flectunt. Merito autem ad dignoscendas rite *Pleuritides* haec parvum indicat dolorem expertissimus iste Auctor, ad differentiam aliarum hujusmodi *Pleuritidum*, quae in aliis quibusvis Pectoris partibus, ob eandem causam, excitari solent; quae caeteroquin reliqua alia omnia obtinent signa, nempe inanem tussim, jactationem &c. licet tamen in hisce non semper rubor genarum eveniat. Verum id praecipue, quod haec ab aliis distinguit, est doloris vehementia, unde & ad exquisitas etiam communiter reduci solent. Haec, quae hic de hujusmodi *Pleuritide Erysipelatode* cum clarissimo Baglivio innuimus, omnimode conveniunt cum illis, quae accuratissimus Ballonius lib. primo Epidem. protulit sic. *Peripneumoniae siccae, & Pleuritides, idest, quae non tam in humore, & tumore Phlegmonode consistunt, quam in phlogosi, & vagabunda assatione, aut adustione, jugulant homines incautos, & minime cogitantibus Medicis. Harum Auctor est serum acre, subtile, malignum, effereum, eludens exclusionis ansam, & pepasmi occasionem, a quo siderantur Pulmones derepente. Signa sunt rubo-*

res genarum fugaces, tussis inanis, indolentia fere, jactationes, ariditas linguae, & extenuatio praeter rationem, dolores pungentes, & fugaces &c. Pleuritides haec distincte indicasse etiam videtur praestantissimus Hecquet summum in Gallia Medicinae decus, & fulcrum, dum & ipse distinguens Pleuritides, quae ad exscreatum vergunt (quando intra Pulmones pleuriticus humor residet) ab illis, quae vere Pleurae propriae sunt, haec merito subdit (106) Docet enim usus, exquisitas dari Pleuritides Pleurae unice proprias, ferinas omnino, & siccas, dolore immuni torquentes, sub quibus tussiendo jugiter Aegrotantes extundunt nihil. Spasticae sunt a fibrarum erethismo, aut crispatura magis, quam humorum affluxu natae. Immanis iste dolor harum Pleuritidum proprius, magis magisque exasperatur, quotiescunque occasione tussis Pectus maxime concutitur, affectaque Pleura pari pacto per consensum quassatur, quod eodem plane modo evenit etiam, si Erysipelatosus tumor membranaceas quoque Pulmonum appendices, aut Mediastinum occupet: quod statim patet.

CCXXXIV. Paucos admodum ex hisce *Pleuriticis* tunc sanatos vidi, five *Erysipelas* intra *Pulmones*, five extra quomodolibet in cavitate Thoracis consisteret. In hisce autem, quos convalescere observavi, nullum certe efficacius remedium experiri potui, (praevia primis diebus congrua sanguinis missione juxta varias Aegrotorum temperies opportune

opportune celebrata, atque iterata) quam laxantia omnis generis tum interna, tum externa; quod consonum maxime videtur iis, quae prae laudatus Hecquet loco supra citato sapienter protulit (107) *Sub illis* (inquit ille) *ut vitii purus Pulmo est, sputorum purgamina periculose movebis, aut expectabis frustra, quas diaeta diapnotica, diluentium imbre, anodynorum copia feliciter expedies.* Ideo enim & diluentia, & anodyna, & laxantia omnis generis in hisce casibus utilia admodum evadebant; quia laxando fibras, vasorumque crispaturas solvendo, minus sic fiebat *circulanti* sanguini impedimentum, unde & liberiore per consuetos tubos motu progredi poterat, nec tam facile a consueta semita aberrare coactus erat. Eodem tempore, laxatis affectae partis fibris, residens in ipsis sanguis motum suum ultro adimplebat, sicque ad sanguinea tandem majora vasa perveniens, in *circulationis* aream iterum reducebatur. Ad hunc finem praeter externa fomenta ex emollientibus decoctionibus, simulque *disensivis* mitioribus, identidem & saepe affectae parti applicata: perquam utilem semper expertus fui decoctionem radicis Althaeae, Rappae, foliorum Malvae, Violarum, florum Papaveris erratici, florum Chamaemeli, Passularum, & seminum Lini. Decoctionem hanc largis haustibus saepissime potandam esse calide etiam atque etiam monebam; cum huic uni potius fidentum esse maxime existimarem

in hisce casibus, quam quibuslibet aliis seu *resolventibus*, seu *incisivis*, seu *expectorantibus* vulgo dictis remediis, quae ad pompam potius, quam ad utilitatem, ne dicam ad Aegrotorum perniciem, Medici quidam nimis creduli, atque mille praejudiciis ignominiose obcaecati in usum revocare solent. Praeter haec non negaverim tamen & Oleum Amygdalarum dulcium, & seminum Lini, ut supra dixi maxime convenire: quod utilissimum ego quoque quampluries animadverti, nisi tamen inconsiderate nimis adhibitum esset. Ad hoc item Oleum tutum erat confugere, quoties Alvum solvere expediret: aliis nempe solventibus, multoque magis purgantibus validioribus omissis, quae jure, meritoque in hisce praesertim Pectoris *organicis* potius, quam *humoralibus* morbis damnanda esse nemo non novit.

CCXXXV. Verum cum sanguis non in minimis tantum tubulis seu *lymphaticis*, seu *sanguineis* residebat; sed eorundem tunicis disruptis, alicubi effusus, ibidemque extra *circulationis* consuetam semitam accumulatus, & concreescens majores mole tumores progignebat; alterius indolis *sanguinea Pleuritis* oriebatur. Tumores autem isti *Phlegmones* vere dici merentur: unde *Pleuritis* inde orta *Phlegmonodes* appellari consuevit. Fiunt quoque hoc eodem modo, & in *Pulmonibus tubercula*, quae quidem minimi sunt tumores ejusdem indolis a concreescente minore in copia sanguine, plurimisque

in

in locis congesto progeniti. Dictos majores tumores *Pulmonis* vere plerumque proprios observavi, neque unquam in *Pleura*, aliisve internis Thoracis partibus extra eos fieri, ex dissectionibus Cadaverum novilicet ipsos, & in hisce quoque partibus succrescere aliquando posse non negaverim; maxime cum & illae per consensum pati soleant, ut ex dictis supra satis patet. Quod in sanguineis aliis ejusdem indolis tumoribus, in externis Corporis partibus quomodolibet factis, evenire Medici omnes clinici, atque Chirurghi maxime quotidie animadvertunt: id etiam in internis hisce *Pulmonum Phlegmonibus* occurrere, nemo inficiabitur. Etenim aut effusus, ut supra diximus, in ipsis sanguis, primis diebus, rupto repagulo, per *excreatum* festinanter educitur (quod citiori *Phlegmonis* solutioni confert) aut diutius ibidem remorando ad *suppurationem* necessario vergit. Facta *suppuratione* (nisi continentes resistent nimium tunicae) pus ad *bronchia* aditum sibi paulatim parat, donec congruo tempore omnimode excernatur. Quod si non ab *bronchia*, sed ad extimam *Pulmonum* superficiem minorem habeat obicem, *vomica* ibidem dirumpitur, atque sic in cavitationem Pectoris effluit pus, a qua prodire nullo alio modo potest; nisi aut per modum suctionis, ut diximus, ad lacerata *bronchia* transeat, ut per *excreatum* educatur: aut in *circulationis* aream cum toto

sanguine iterum redigatur, ut per idonea *emunctoria* exitum satis obtineat.

CCXXXVI. *Phlegmonodem Pleuritidem* hanc eadem penitus mihi indicabant signa, quae in *Erysipelatode* occurrere supra observavimus: si specialem excipias ponderis majoris in Pectore varium sensum, majoremque respirationis anxietatem, atque magis difficilem super latera decubitus. Quandoque tanta fiebat in *Pulmonibus* effusi sanguinis congestio, *Pulmones* ipsos praeter modum distendens, atque aggravans, ut non nisi erecto plus, minusve Corpore, spiritum ducere melius Aegroti satis possent. Etenim dum supini quomodocunque ipsi jacebant, decumbentes sic male affecti *Pulmones*, pari ratione adinvicem premebantur, minorque sic aderat aditus aeri libere intrudendo: secus quam erectis jacentibus Aegrotis, quando *Pulmones* fere ad perpendiculum versus *diaphragma* vergunt, nulla ex parte pressi; atque hinc liberior, magisque capax ingredienti aeri semita relinquitur. Cruenta tunc aderant sputa plus, minusve sanguine saturata sub ipsum morbi initium, una cum albicante spumosa saliva, quae nunquam virente, aut flavo tingebatur colore. Quod si sanguinolentum valde apparebat sputum, quin immo intime saturatum sanguine, malum portendebat omen, quod & indicavit Hippocrates sic: (108) *Sputum valde sanguinolentum, vel lividum statim initio periculosum*. Id enim

aut

aut magis copiosam sanguinis *stasim* (maxime cum respirandi anxietas fortis adesset) aut longo antea tempore incoeptam, & confirmatam ejusdem concretionem indicabat: quod saepissime tunc, atque alias etiam evenisse sedulo animadverti.

CCXXXVII. Hujusmodi *Pleuritides* citius, quam aliae, plerumque ad exitum properabant, atque perquam raro decimam quartam diem transgrediebantur. Illi vero in quibus ultra decimam quartam diem morbus protrahebatur, purulenti evadebant, quod iis maxime contingere visum est, qui rite antea expurgari neutiquam potuerant: quod Hippocratis effato consonum est, dum haec habet (109) *Quicumque vero Pulmonarii non repurgantur criticis diebus, sed ubi deliraverint, decimam quartam effugerint diem, periculum est, ut ne purulenti fiant.* Hinc eo celerius solvebatur morbus, quo citius etiam matura prodibant sputa. Quare Hippocrates ipse indicat, quod (110) *Sputum in Pleuriticis, siquidem tertia die incipit maturari, expuque, celerius absolvetur morbus, si post tertium diem tardius.* Hinc saepissime observavi in *Pleuriticis* hisce vice versa spumosa, atque salivalia tantum excerni sputa sanguineis tantummodo filamentis foedata; dum caeteroquin, & respirandi difficultas, & Pectoris gravitas, atque in *inspiratione*, & *expiratione* aeris strepitus quidam veluti *fluctuationis*, magnam materiei copiam in Pectore latitantem demon-

strabant: quo nil unquam pejus contingere posse observavi, cum omnes fere nona, aut undecima die, semper autem ante decimam quartam mori visi fuerint: maxime cum simul, & tristis adesset facies, & oculus ad livorem undique vergens: propter quod omni jure docuit Hippocrates (111) *Quibus Pleuriticis strepitus in Pectore multus, & facies tristis, oculus aeruginosus, & turbulentus, moriuntur.* Hujusmodi strepitus in Pectore aequae funestum proferebat omen, etiamsi cocta satis aliquando prodirent sputa, praesertim si pauca, si rotunda, si purulenta, & subcruenta forent. Quamobrem Hippocrates sic monet (112) *Qui in morbo lateris expuunt purulenta leviter biliosa, rotunda, vel purulenta subcruenta perniciosae habent.* Atque alibi (113) *Timendum iis est, qui in Peripneumonia sicca pauca cocta expuunt.*

CCXXXVIII. Rotunda hujusce indolis sputa purulenta subcruenta, cum strepitu Pectoris magna in copia vidimus in Nob. D. Theresia Canigha, quorum copiosa excretionem circa decimam quartam melius admodum se habuit; dum aliunde circa nonam diem de imminente jam jam morte timendum omni jure erat. Hinc enim liberior evasit respiratio, somnus magis placidus, color faciei vividior, atque febris ipsa imminuta quammaxime est, sed non ex toto soluta. Etenim sic mitior reddita per plures dies, usque ad vigesimam protracta est; quando

(109) Hippoc. in Coac. lib. 5. Secl. 2. n. 43. (110) Hippoc. ibid. n. 24.

(111) Hippoc. ibid. n. 28. (112) Hippoc. ibid. n. 41. (113) Hippoc. ibid. n. 70.

quando drepente denuo invaluit, atque *purulenta* eadem sputa, *rotunda*, fuscoque infecta colore prodierunt, sed in modica copia: unde adaucto iterum respirationis labore, atque praeter ordinem copiosis accedentibus sudoribus praecipue in facie, inopinato ad Superos avolvit. Id autem forsitan evenit, quia nova inde in Pectore *suppuratio* paulatim facta, morbi *recrudescentiam* produxerat. Unde ex hac, atque aliis hujusmodi observationibus liquido constat, eo minus in morbis Pectoris fidendum esse, quomais ad remissionem vergere videntur: maxime cum in sanguineis hisce veris *Pleuritidibus* malae indolis supradicta sputa magis funesta signa proferant.

CCXXXIX. Attamen certo certius noscere quampluries potui, tum in hisce, tum in aliis *Pleuritidibus* quibuslibet gravioribus, sputa quaelibet, etsi pessimae indolis, seu quo ad colorem, seu quo ad consistentiam, seu quo ad *substantiam* timenda nunquam absolute esse: nisi prava simul, & alia accederent signa a consuetis *symptomatibus* petenda. Quae autem, quo ad caetera, boni ominis signa spectanda sint in hisce circumstantiis aperte satis ostendit Hippocrates (114) *Bonum autem* (sic admonet ipse) atque *salutare tur-* *his, tum aliis omnibus, qui circa Pulmonem laborant, facile ferre mor-* *bum, sine dolore esse, sputum educi,* *bene spirare, non sitire, corpus uni-*

versum aequaliter calere, & molle esse: & praeterea somnos, sudores, urinas, alvi excrementa probe fieri. Ad haec attendens sedulo Medicus, neque temere bonae indolis sputis nimis fidat, neque a prava qualibet eorundem conditione nimium terreatur: verum namque semper esse experientia mihi demonstravit: (115) *Omne sputum, quod dolorem non solvit, pravam, quod solvit, utile esse* (116) *Nam cum Aeger vacuatur, ex eoque se leviolem factum percipit, atque alacrius fert morbum, sive cruda, sive foetida, sive liquida, sive sincera, sive sicca excludantur, in bonis ducenda sunt: sin vires deici, aut dissolvi cum molestia graviore videantur, in malis.* Atque hoc signum commune est vomitionibus, dejectionibus, sudoribus, Haemorrhagiis, purgationibus, sputis, omnibus denique aliis, quae e Corpore excernuntur.

CCXL. Sic quoties *suppuratio* cito, perfecte, & commode fiebat, atque pus bonae indolis prodibat, remittente postea febris, aliisque faustis accedentibus signis; res in tuto fere versabatur. Hoc ipsum ianuit Hippocrates, dum simul *laudabiliora* puris signa exhibet sic: (117) *Quibus itaque & febris statim desinit post eruptionem, & cibi appetentia redditur, pusque rejicitur album, inodorum, leve, & concolor, sine igneo colore: Alvus autem pauca, & concocta excernit, ut plurimum servantur in brevi.* Apposite tamen hic statuit Hippocrates, quod *ut plurimum* servantur; eo quia quandoque, dum morbus

(114) Hippoc. in Coac. lib. 5. Sect. 2. n. 36. (115) Idem ibid. n. 34.

(116) Desid. Jacot. in com. ibid. (117) Hippoc. in Coac. ibid. n. 54.

morbus undecunque ad remissionem vergere merito creditur, adauctis extemplo *symptomatibus* omnibus, novoque insurgente hinc pejore morbo, AEgroti magis quam antea, in discrimine vitae degunt; cum per saepe, priore fere ex toto expurgato *abscessu*, nova exsurgat *suppuratio* priore pejor, quia labefactatum jam antea *Pulmonem* invadens. Ut plurimum aliam futuram postea *suppurationem* tuto praedicere potui ex sanguineis *filamentis*, una cum pure inopinato prodeuntibus; dum antea albicans omnimode effluerat pus sanguine totaliter carens. Nec mirum unquam erat videre post sanguinea haec apparentia *filamenta*, febrim praeter consuetum augeri, tussimque exasperari. Etenim ex cruentis hujuscemodi succedentibus postea signaculis facile erat deducere, novam alicujus sanguinei vasculi apertionem, seu erosionem, a remorato forsitan pure factam; propter quam effluens denuo sanguis, ibidemque stagnans, novae futurae *suppurationi* ansam praebebat: ad quod praecipue attendendum merito esse, semper existimabo, ut tutius de futuro morbi exitu in hisce casibus praedicere possimus. Etenim magis in hisce casibus expedit, quin immo necesse est, sputa diligenter inspicere, atque rimari, quam alia quaeque signa attendere. Hisce namque (pulsi nempe, urinae, respirationi, sudori &c.) fidere nunquam soleo, etiamsi optimum omnia simul omen proferant: nisi dum ad id distincte quoque aeque laudabilis sputorum

conditio conferre videatur. Per saepe occurret *catarrhalis* affectio simplex, quae primis diebus, gravibus nullis accedentibus *symptomatibus*, nil penitus metuenda tibi videbitur; maxime cum spumosa tantum, & albicans sola lympham prodeat. Huic tamen si aliquando sanguinea quaedam dicta *filamenta*, quae nunquam antea apparuerant, adjuncta videas, non parum timeas; licet pleraque alia ad salutem aperte tendant, aut tendere saltem dolose videantur. Nisi enim sanguineae illae fibrillae a superioribus *Laryngis*, aliisque ipsi adnexis partibus per vim tussis separatae sint; easque certe a *Pulmonibus* derivasse aliunde constet: procul dubio asserere minime dubites, aut diuturnum admodum futurum fore morbum, aut graviolem etiam. Hujusmodi enim sanguinea *filamenta*, sicuti sanguinei vasculi subsecutam diruptionem aperte demonstrant; ita jure timendum hinc semper est, aut de copiosa magis sanguinis interiore effusione, aut de latente *tuberculo* lacerato: unde utrinque *suppurationem* futuram non abs re est per timefcere. Id eo magis in hisce casibus metuere convenit, si febris, aut eodem tempore augeatur, aut paulo postea succrescat, simulque difficilius respiratio evadat. Ob eandem rationem, post habitam in Pectore *suppurationem*, atque jam jam omnimode quasi expurgatam, pessimum esse signum supra indicavimus, si sanguinea haec filamenta drepente una cum pure denuo prodeant. Quamplures adducere hic possem

observationes ad id faventes, tum in *Pleuriticis*, tum in *Empyematicis*, tum in *Phthysicis* habitas; in quibus dum omnia in melius vergere videbantur, mutata subito rerum facie, graviora evasere, apparentibus sanguineis hisce signaculis. In *Pleuriticis* praecipue testis esse possum, multoties, ope *suppurationis* congruo modo, & tempore peractae, atque idoneo puris *excreatu*, morbum jam ad declinationem tendere visum esse, ut de totali, tutaque ejusdem solutione optimum inde emergeret praesagium: dum paulo postea novam incipientem *suppurationem*, ob aliam subsecutam *metastasin*, ex hisce sanguineis fibrillis attendere coacti fuimus. In hisce autem circumstantiis plerique mortui sunt, priusquam nova haec concretio solveretur: aut saltem tamdiu protractus ultro fuit morbus, ut ad tabem fere perducerentur. Aegroti: cum diuturno admodum adhuc tempore opus esset, fractis jam Aegroti viribus, ut novum hunc evincerent hostem. Omnibus hisce de causis in quibuscunque Pectoris morbis minus a copioso sanguinis *excreatu* deterreri soleo, quam a minimis hisce sanguineis prodeuntibus *filamentis*.

CCXLI. Frustraneum hic prorsus arbitror, alia omnia hic *symptomata* retexere, variasque istorum morborum mutationes prolixè nimis indicare, quibus accurate perpendendis incumbere tunc non omisi, ut tum imminentem *suppurationem* cognoscerem, tum factam

indicarem, tum ejusdem vicissitudines in variis corporibus, pro diversis circumstantiis, atque genuina praecipue morbi sede variantes adamussim attingerem: cum haec eadem prorsus sint, paucis mutatis, ac ea, quae supra indicavimus, dum *lymphaticarum Pleuritidum* succedaneas *suppurationes* fusius explicavimus. Attamen specialiter in *sanguineis* hisce *Pleuritidibus* semper observavi, pulsus majorem admodum frequentiam, & duritiem, seu tensionem, quae semper eadem utplurimum a prima morbi invasionem, usque ad finem permanebat. In hisce critici copiosi plerumque deerant sudores, atque urinae affluentes excretiones; cum in ipsis non lymphae, sed sanguinis vera adesset concretio, quae non aliter solvi potest, quam cum aut sanguis ille iterum venas subeat (quod fit per *resolutionem*, ut vulgo dicitur) aut per *bronchiales* tubos extra *Pulmones* propellatur, vel ante, vel post *suppurationem*; dummodo tamen intra *Pulmones* ipsos *stagnatio* facta esset (quod plerumque evenit) non autem extra; quando nempe per ignotos prorsus nobis tramites aliter crises moliri natura debet; pro ut de aliis etiam satis innuimus. Insuper in *sanguineis* hisce *Pleuritidibus* *pleuriticus* consuetus cortex in educto sanguine plerumque nullus adest: sic & urina magis, quam in aliis crassa est, atque rubicundo fere colore inficitur; fortasse ob sanguineas moleculas in Pectore residentes, atque inde aliqua ex parte a *lymphaticis*

phaticis tubulis absorptas, sicque analogo sibi colore universam lympham tingentes.

CCXLII. Verum ex iteratis Cadaverum dissectionibus satis superque didici, in hisce quoque sanguineis Pleuritidibus lymphae etiam stases, si non primario, saltem secundario, ut ajunt, evenire; quod praecipue plus, minusve copiosae feri effusiones in cavitate Pectoris mihi satis demonstrabant. Nec difficile mihi videbatur explicatu, quomodo nam stagnationes haec sanguinis lymphae etiam successive stases comitarentur, atque ruptis tandem aggeribus, effusiones, & concretiones. Praesto enim mihi erat experimentum doctissimi Lovver de Corde ab eruditiss. Ramazzino relatum (118) ubi docet, quod ligatis arcte venis jugularibus in vivo Cane, partes omnes supra ligaturam tumescere videntur, simulque magna salivae copia ex ore, atque affluentes ab oculis lacrymae prodibant; dissectoque ipsius Cadavere nullae partes ex illis sanguine perfusae repertae sunt; sed solum muscoli omnes, & glandulae fero limbo distentae apparere. Quod magis lentum sanguinis motum, multoque magis ipsius stagnationes, lymphae a propriis vasis effusio plerumque subsequi soleat, tam notum cuique est, ut nemo unquam id inficiari sano consilio possit. Quis non novit, quod, lentescente sanguinis motu in primariis Abdominis visceribus, ob praevias obstructions, serum in ejus-

dem cavitate magna in copia cumulatur, atque Hydropes successive suboriuntur? Sic, dum undecunque ob quascunque causas, lentescit in suo motu sanguis, ubi major adest a Corde distantia, ibi magis, & specialiter a consuetis ductibus effunditur lymphae; unde OEdematosi pedum tumores in Asthmate &c. Sic compressis in collo sanguineis tubulis, sanguinisque per ipsos lento magis reddito motu ob glandularum adjacentium tumores, in suprema Capitis parte lymphaticae pustulae, aliaeque hujusmodi fiunt, secedente nempe lymphae, utpote tenuiore, a reliqua sanguinis lentescente massa. Hinc ideo satis deducitur, quare nam facta hujusmodi sanguinis stasi in Pulmonibus, aliisque Thoracis partibus, necessario lymphae affluentius in circumpositis propriis tubulis turgat, eoque plus aequo distendat, atque dirumpat, sicque effusa postea concreseat, vitalesque partes, aliunde a residente sanguine oppressas, magis magisque aggravet, prematque; unde & morbus in pejus semper ruat.

CCXLIII. Si initio morbi in sanguinea vera Pleuritide, hujusmodi lymphae effusiones, aut stagnationes fiebant, nil mirum mihi erat in educto sanguine quandoque pleuriticam attendere crustam, nunquam tamen adeo crassam, sicuti in lymphaticis supra descriptis. Stagnans enim lymphae haec in Pectore sanguineas aliquando subibat semitas, atque cum sanguine commixta, nec non in eodem, dum refrigerat, ratione

M 2 spe-

specificae suae gravitatis, separata, superficiem petens, *corticem* illum non antea prius visum constituebat. Tunc autem *Pleuritides* hae, quae caeteroquin in suo principio *sanguineae* dicendae erant, successive *lymphaticarum* etiam nomen mereri poterant; atque proinde copiosis urinae excretionibus aliquando solvebantur, aut mitiores evadebant: quod pluries attendi.

CCXLIV. Saltem ad curationem quod spectat, aperte semper novi, *sanguineas Pleuritides* hasce paucis admodum remediis curandas esse, cum ipsarum solutio naturae potius provido adminiculo, quam Medici sollicitudini adscribenda sit. Ideo non aliter melius suo munere fungi Medicus potest, quam si per tutiores ipsius naturae semitas caute progrediendo, ipsi semper praesto sit, non autem eam temere cogat. Quod si naturae veridicos hosce motus in hujusce nodi morbis perspectos nondum satis habeat; Chirurgicis saltem utens documentis, quid nam in externis *apostematibus* eveniat, quidve tutius agendum sit, ut supra diximus, accurate perpendat. Sic genuinus naturae imitator, & pedisequus factus, per eosdem se dirigat calles, nunquam a saniore sic tramite aberraturus. In hisce ideo *sanguineis Pleuritidibus*, sanguinis *stasis* jam in Pectore, aut ejusdem quibusvis partibus quomodolibet factam cognoscens, eam non alio unquam modo solvendam esse putet, quam illo, quo in externis quibuslibet *apostematibus* id evenire, *chirurgicae* observationes docent. In hisce

autem, sive modica, sive copiosa magis sit *sanguinea stasis*, duplici tantummodo tumore evanescit: nempe aut stagnante sanguine per contigua vasorum ostiola solcite absorpto, quo modo, ut supra diximus, iterum ad *circulationis* semitam reducitur, affectaque sic pars ab antehabito pondere liberatur: aut diutius permanente *stasi*, per corruptionem remorati sanguinis, qui postea, tumultuosa accedente ipsius concussione, tenuior factus, sive ad sanguinem iterum remeat per adjacentium ibidem canalium meatus, ut inde per idonea *emunctoria* secernatur: sive sponte continentes membranas lacerat, indeque sic exit: sive per apertum a Chirurgo foramen (quoties id perfici possit) qua data porta ruit; unde postea expurgata ex toto successive pars ad pristinum statum citius, tardiusve reducitur, juxta affectae partis nativam peculiarem constitutionem, diversamque praegressi tumoris indolem. Primo modo per *resolutionem*; aliis autem per *suppurationem* varia ratione morbum solvi communiter dici consuevit.

CCXLV. Non absimili certe modo *sanguineas* hujuscemodi in Pectore factas *stases* solvi posse, experientia ipsa duce, noscens, ad alterutrum ex hisce juxta morbi statum obtinendum, sive melius promovendum, omnem curationis operam dirigebam, saniora semper chirurgica praecepta, tutioresque ipsius naturae motus prae oculis habens. Hinc, attenta cujusunque Aegroti peculiari temperie, sanguinis

guinis primo missionem plus, minusve copiosam imperabam, & quidem primo ex Brachio (sive ex opposito, sive ex affecto latere id fieret: de quo, ob rationes supra allatas, nil penitus sollicitus eram.) celebrandam. Tali autem praesidio plerumque uti tunc fidenter solitus fui, ut, adaucta sic pari ratione totius sanguinis velocitate, simulque ejusdem copia imminuta, novum ipsi validius momentum adderem, propter quod contiguos affectae partis canales citius subiens, atque in eisdem majorem impetum faciens, stagnantem *pleuriticum* humorem, majore vi ad motum sollicitaret, ipsumque, si fieri posset, in arcam *circulationis* iterum reduceret. Eodem tempore ob imminutam totius sanguineae massae molem, minor ejusdem copia pari pacto ad affectam partem fluebat. Post haec a purgantibus omnis generis ex toto abstinebam, maxime cum nulla de feriantibus aliorum humorum *secretionibus*, aut *excretionibus* suspicio adesset: quod in *lymphatico-biliofis Pleuritidibus* ex dictis animadvertendum merito est. Caeterum si Alvus inobediens erat, aut ejusdem *excretiones* ob peculiare rationes expediret promovere, Clysteribus tantum, laxantibus utebar, aut Amygdalarum dulcium oleo, identidem, juxta indigentiam, exhibito, quod & ad crispaturas solidorum in hisce casibus familiares facilius tollendas conveniens admodum erat. Nec incongruum arbitrabar tutioribus hisce, mitioribusque praesidiis aliquando noxios, si qui adessent, humores

per alvum subducere, nisi natura ex se huic muneri satisfaceret. Sciebam enim, quod, quo melius, quo magis tempestive, pro ut opus sit, consuetae fiunt excretiones, *aethereogeneis*, ut ajunt, *recrementis* tota humorum massa minus gravatur, minus turgescit, atque gravioribus plurimis suscitandis *symptomatibus* ansa tollitur.

CCXLVI. Porro, cum simul noscerem, praecipuam, magisque copiosam excretionem ut plurimum, tunc per *insensibilem perspirationem* haberi; huic etiam promovendae totis viribus incumbere: quod universalibus praecipue frictionibus, atque calidis supradictis potionibus perficere tutius satagens, alia omittebam validiora *diaphoretica* remedia, quae, aut supposita hac vi carere magna ex parte putavi, aut humores plus aequo dissolvere, attenuare, atque furibundos in ipsi tumultus excitare, solida ipsa ad enormes oscillationes cogendo: quod nil penitus huic morbo convenit. Portiones eadem, quas ad *perspirationem* promovendam exhibebam, cingendis simul urinis congruae satis esse poterant, & necessariae; maxime cum hasce natura ipsa, ut diximus, non inutiliter quandoque moliri consuescat. Urgente morbo, atque adauctis *symptomatibus* venam iterum secari jubebam, plerumque ex Pedes, ut revulsionis simul indicationi vulgo creditae satisfacerem. Raro tamen tertia vice *phlebotomiam* imperabam, nisi cum de *Plethoricis* maxime Corporibus ageretur, aut de imminenti inflammationis suspicio-

I 56 Sect. 2. Cap. 5. Pleuritis sanguinea simplex &c.

ne; quo in casu, ultro etiam pluries sanguinem mitti jubebam. Attamen non eorum sententiae acquiescere unquam potui, qui in morbis quibuscumque acutis nullo alio modo curationem methodicam complere se posse putant, quam per iteratam pluries, & quampluries sanguinis missionem, ad quam eo fidenter magis confugere solent, quo magis invalescere *symptomata* vident; ac si verum esset, quod quo magis debilitatur Aegrotus, eo magis morbi vis solvatur, atque comitantium *symptomatum* saevitia cesset. Haec autem (cum non a copia circulantis adhuc sanguinis, sed ab ejusdem portione stagnante pendeant), nunquam citius, tutiusve solves, quam si fixa haec tollatur causa: quod non nisi supra allata duplici, aut alterutra ratione haberi posse, Medicus rationalis quilibet concedet. Hinc videre est, quam incongrua, quam temeraria sit illorum methodus, qui nunquam curationes hasce se perficere tuto posse arbitrantur, nisi prius septem, octo, aut plures etiam sanguinis libras detraxerint: unde aut propriis destituta viribus natura necessarias moliri crises haudquaquam potest, indeque Aegroti moriuntur: aut post morbum tam enervati, tam consumpti evadunt, ut non nisi post diuturnum admodum tempus pristino valetudinis statu potiri optime queant. Hinc tamen (119) nollem (loquor cum eruditissimo Ramazzino) quod quis me inter haemophobos recenset, sed nec inter haematochitas numerari velim.

Est ubi liberaliter sanguinem demamus, est ubi parce, est ubi nihil, licet sit eadem affectus species, dummodo ex opposito satis valentia militent *contraindiantia*, ad quae necessario attendere debet Medicus, ne a recto sanioris curationis tramite turpiter deflectat.

CCXLVII. Haec omnia ad sollicitandam morbi *resolutionem* primis diebus, si haberi unquam poterat, in usum revocabam, quibus simul addere solebam *fomenta* emollientia, & frictiones affectae parti identidem adhibitas: mediis quibus & crispatas vi doloris fibras congrue laxabam, simulque apertis cutis porulis, magis patulam *perspirationi* viam reddebam, stagnantemque sanguinem aliquo modo attenuando, illum idoneum magis reddebam, ut per laterales ductus traduci melius, atque citius posset. Ad hoc vergebant consuetae copiosae portiones supra toties laudatae, tum & *anodyna* maxime remedia, quorum specialem vim plurimum tunc conferre putavi, tum ad laxanda solida, tum ad fluidorum furibundos tumultus compescendos, a quibus unice tota occurrentium quorumlibet *symptomatum* series derivatur. Nec aliter melius sagacioris naturae tutissimos motus in principio istorum morborum sequi, & promovere posse Medicum arbitrabar: maxime cum *crudus* adhuc, ut vulgo dicitur, humor esset a natura ipsa digerendus, seu ut ajunt, *concoquendus*.

CCXLVIII. Verum cum raro admodum,

modum, ac fere nunquam *resolutio* haec haberi posset, progrediente morbo *suppurationem* necessarie attendere, atque sollicitare conveniens erat. Hinc dum hanc anxie attendebam, tanquam obediens naturae minister, externis, internisque laxantibus tantum contentus, a reliquis ex toto abstinebam, ipsius motus, derivationes, vicissitudinesque varias accuratiore, quo poteram, modo spectans, tum ex urinis, sputis, aliisque consuetis excretionibus: tum ex faciei colore, atque comitantium *symptomatum* vi, & respirationis maxime conditione. Hoc autem non iis omnibus aequae ardebat, qui remediorum copiam potius, quam selectum, laudantes, cunctationem hanc meam, seu a consuetis remediis temperantiam, aperte condemnabant. Attamen id me nil penitus a suscepto dimovebat consilio, cum satis noscerem, quod (120) *Mundus, qui vult decipi, intempestivam huiusmodi sollicitudinem commendat, quam prudentem cunctationem, magnisque numeribus, & encomiis eos cumulat, qui, ut ait Sidonius, parum docti, satis seduli, multos Aegros officiosissime occidunt.*

CCIL. Statim ac prima *suppurationis* signacula apparebant, puris sollicitam excretionem promovere sanioribus auxiliis curabam. Neque ad hoc *lambitivis*, ut ajunt, aut *saccaratis* huiusmodi remediis utebar, quae plurimis de causis nocua potius, quam utilia semper novi. Quod si ad haec quandoque confugere, aut molestus Aegrotorum,

aut Adstantium clamor, aut speciales quaecvis morbi conditiones me cogebant: sequens ut plurimum *lambitivum* tanquam omnibus utilius, & tutius praescribebam.

R. Ol. Amygd. dul. recent., & sine igne expr.

Jalap. de Capil. Veneris an. un. i. & sem.

Spermat. Ceti drach. 2. & sem.

Sirupi de pomis dulcibus q. l. M. F. lambit. Loco sirupi de Capillo Veneris aliquando ipsi adjungebam *sirupum de Papavere albo*, & quidem utiliter, praesertim cum inanis valida tussis erat sedanda, aut somnus conciliandus. Facta *suppuratione vulnerarias* etiam aliquando consuetas herbas praedictis decoctionibus addebam. Attamen tunc efficacius arbitrabar remedium ad Therebinti usum confugere, cui & flores Sulphuris, aut Benjovini, aut huiusmodi alia sulphurata remedia adjungi curabam, pro ut opus esset. Omnem tamen semper adimplebat paginam balsamum de Copaiba supra laudatum, ad quod juxta *suppurationis* progressum confugiebam, cujus quindecim, aut viginti guttas singulo mane sumebant, superbibendo cyathum praedictae decoctionis, aut Seri Lactis optime depurati, atque alterati cum iisdem vulnerariis herbis. *Suppurationis* exitum, atque vicissitudines varias eadem mihi aperte satis testabantur signa, quae supra in *suppurationibus Pleuritides* alias subsequenter attendenda esse, monuimus cum Hippocrate, quae pariter,

M 4

riter,

158 Sect. 2. Cap. 5. Pleuritis sanguinea simplex &c.

riter, & in sanguineis hisce tutioris prognosis fundamentum firmabant.

CCL. Haec ea sunt, quae sedulo peragere curabam, sive in *Pulmonibus stasis* facta esset, & successive *suppuratio*, quae per *excreatum* solvi posset, quod plerumque evenire novi: sive in adjacentibus Thoracis quibusvis partibus consisteret, quae variis modis per alias vias expurgari solet. Caeterum, si eodem modo, quo in externis tumoribus, ita in internis hisce Pectoris *stasibus* solers Chirurghi manus praesto quoq; semper esse posset, tum ut citius, tutiusque *suppurata* materies prodiret, tum ut affectae parti *detersiva*, & *balsamica* remedia congrua immediate applicarentur; opus certe melius perfici videretur. Ast cum hoc impossibile ut plurimum sit, satis est Medico si totum negotium ipsi naturae relinquat, ejusdemque tutiora vestigia optime sequi noscat, ad quod non multa, non pretiosa admodum requiruntur pharmaca: sed pauca, & simpliciora, dummodo congruo tempore, necessariisq; praeviis cautionibus usurpata sint. Quod si in hujusmodi curationibus, me paucis admodum remediis usum fuisse quisquam arguat, meq; ideo condemnare quaerat, utpote compositam magis methodum amans; sciat me sic paucioribus, & melius, & tutius, & utilius egisse; cum aequae fausto mihi omine curationes semper cesserint (nedicam quandoque felicius) quam

aliis, qui muneri suo turpiter se deficere putant, nisi quotidie, explorato pulsu, nova semper, atque speciosa remedia proferant. Mover me magis AEgrotantium salus, quam me eruditum maxime in copiosa remedium frustranea ostentatione praestare. Porro in Medicina plerumque ille melius agit Medicus, qui nihil agit; qui ideo in Pectoris praesertim morbis eo magis laudandus est.

CCLI. Toto Februario, & Martio mense 1734. vix, & raro quidem brumales persensimus rigores, cum australes saepe venti perflarent, atque raro pluviis madefieret tellus. Qua de re Medentes plerique a munere suo maxime feriabantur, cum pauci admodum tum in Urbe, tum Ruri aegrotarent: inter quos *Pleuriticos* praesertim, & *Rheumaticos* omnis generis, atque *glandularibus* praecipue variis affectionibus detentos ob supra allatas rationes, nil mirum fuit conspiciere. Circa Martii mensis finem aer paulatim magis ultro temperatus redditus est, australibus saepissime ventis, declinantis jam ex toto Hyemis rigores compescentibus. Tunc *Erysipelatosas Pleuritides*, aliasque etiam *sanguineae* indolis plus, quam antea, insurgere vidimus, supra recensita plerumque methodo feliciter curatas. Eodem tempore dominabantur simul variolae e genere confluentium, raro tamen lethales.

SECTIO TERTIA

Constitutio partis anni 1734. a Vere incipiens,
atque usque ad AEstatem sequentis anni
1735. protracta, ubi distincte de Febri
Petechiali tunc communiter
grassante.

CAPUT PRIMUM.

*Hujus Febris Petechialis historia; de peculiaribus ejus-
dem symptomatibus, de critica Alvi excretionem,
obiter de sudore, urina, ejusque inspectione,
Haemorrhagia, de verisimili Petechia-
rum origine, de earundem differen-
tia a Maculis Scorbuticorum, de
OEdematosis extremitatum
tumoribus hasce febres
comitantibus &c.*

CCLII.



UM transa-
ctis hisce
mēsis per-
quam raro
pluviis solū
irrigatum

fuiſſet, atque ſerenum ut plurimum
non obtenebratis ſyderibus micaret
Coelum: ineunte vix Vere, aefti-
vos fere calores paſſi fuimus, qui
ſucceſſive magis, magisque adaucti

sunt praeter ordinem ſequentibus
Aprile, & Majo menſibus, cum ſe-
renum fere ſemper ad eſſet Coelum,
atque libere Sol radianti lumine
tellurem fortiter verberaret, nulla-
quam, niſi excitatis perquam ra-
ro procellis, benigna pluviarum ir-
roratione fruermur. Protracta
haec obſtinata ſicca coeli conſtitu-
tio, uſque ad ſubſequentes menſes,
Junium nempe, & Julium, eo tam
adauctam

adauctam circumundique ariditatem contulit, ut omnes fere in Urbe de Puteorum siccitate totali conquererentur. Nec tantum in Urbe, sed Ruri etiam rivi omnes, & fontes nil amplius fluebant; unde omnes cum Statio luctuosi sic canere merito poterant.

(121) *haurit sitis arida campos;*

*Diffugere undae, squallent fontes-
que, lacusque,*

*Et cava ferventi durescunt flamma
na limo,*

*AEgra solo macies, tenerique ab
origine cubi,*

*Inclinata seges: deceptum margine
ripae*

*Stat pecus, atque omnes quaerunt
armenta natatus.*

Tunc ipsum quoque ditissimum aquarum promptuarium nostrum Padus, quo non alter, asserente Virgilio,

(122) *In mare purpureum violentior in-
fluit amnis,*

quique plerumque

(123) *suo se nec capit alveo*

*Turbidus, haud uno dum rumpat
in AEquora cornu,*

eo paupertatis devenerat, ut plus quam decies a consueto litore magis distaret, vix vix in medio Molendinorum rotationi sufficiens.

Quamobrem ad imminuentem jam opportune evitandam Panis caritatem, undique artificiosa in Urbe Molendina quamplurima manuarum parata erant, mediis quibus aliquo saltem modo frumenti triturationem haberemus, miserrimis Plebis clamoribus paululum sedandis idoneam.

(121) *Stat. lib. 4. Theb. (122) Virgil. lib. 4. Georg.*

(123) *Hier. Vida lib. 2. Christ.*

CCLIII. Vigente luctuosa hac universalis siccitate, progrediente Vere, ob excedentes praematuos admodum aestus, perverso sic, fere dixerim, anni temporum ordine, aestivos quamplurimos vidimus morbos praeter modum intempestive grassantes, eademque propemodum vi, ac aestivo vero tempore undique saevientes. Tunc etenim una cum tertianis omnis generis febribus, tum exquisitis, ut ajunt, tum nothis, & diarrhoeae, & dysenteriae communiter insurgere coeperunt. Addebantur hisce quandoque sed raro morbilli pueros praesertim, minusque adultos corripientes, qui perquam facile, praeter copiosos sudores, accedente Diarrhoea quoque solvebantur. Aliquando, sed perquam raro, tunc etiam occurrebant *Rheumaticae* affectiones glandulares variae, quae maxime evenire tunc visae sunt, cum flantes Aquilonares venti cum australibus promiscue non semel pugnarent, ingruentibus tamen rarissime pluviis vix per diem praematuos calores aliquantulum compescentibus.

CCLIV. Praeter morbosas minoris momenti affectiones hasce, una cum tertianis febribus, *Petechialis* quaedam *malignantis*, ut vulgo dicitur, naturae febris grassari tunc Veris tempore coepit, tum in Urbe, tum per circumposita totius Cremonensis Dioecesis loca, & ultra, etiam tam frequenter, tam generaliter, ut vere *Epidemicam* pessimae indolis constitutionem saperet. Febris haec

haec maximam Civium partem corripuit, paucos autem jugulavit, inter quos Juvenes, & robustiores maxime, atque bilioso-fanguinea temperie praeditos, quos facilius, & gravius divexare consuevit. Nec quidquam febris haec a sua saevitie destitit, usque dum, partim pleno magis gurgite procedentibus fluminibus, ob liquefactas in circumpositis montibus nives, partim ob frequentius accedentes pluvias, solum madafactum fuit, simulque temperato magis aere circa Septembrem ejusdem anni 1734. frui potuimus.

CCLV. Epidemicam hujusce petechialis febris constitutionem plerisque infensissimam, paucis tamen lethalem (cujus genium data opera perscrutandum tunc sedulo mihi proposui, accidentia ipsius omnia, differentias quaslibet, vicissitudines, transmutationesque, nec non symptomata praecipua omnia intime, atque accurate perpendendo) graphice hic delineare decrevi. Hoc autem, si non sapientibus Viris in Arte Medica optime expertis (utpote frustraneum) unquam non arrideat: Discipulis saltem meis, aliisque in primo adhuc Medicinac limine degentibus non inutile, non injucundum evadet. Proposita hujusce febris indole, omnibusque ipsius motibus more tantum historico exaratis: meum de ejusdem natura, & causis tam proximis, quam remotis judicium proferam. Horum omnium investigationem diligenter a me, pro tenuitate propria, habitam eo minus a veritate

deflectentem censendam fuisse, arbitratus fui, quo magis desumptas inde indicationes, elicitosque ab ipsis curationis canones, experientia ipsa teste, veritati affines semper deprehendi: cum paucos admodum, de prompta inde a me methodo curatos, Libitinae victimas evasisse noverim; licet, ob occurrentium symptomatum, atque peculiarium accidentium comitatum gravissime laborassent.

CCLVI. Febris haec circa vernale AEquinoctium caput primo derepente extulit, indeque magis, magisque invalescens, eo gravius, eo frequentius, eo crudelius grassata est, quo magis, accedente AEstate, calor vehementer saeviret; quare usque ad autumnale AEquinoctium dominium suum in dies protraxit: quando nempe, juxta occurrentes varias temporis constitutiones, variam praeseferre indolem posthac visa est: licet quo ad pleraque symptomata eadem, ac antea, penitus esset, quae successive sub diversis speciebus ultro magis motum suum per sequentem Hyemem totam, & ultra crudeliter produxit: quod ex dicendis magis innotescet.

CCLVII. Talis autem primo erat ipsius indoles, & progrediendi specialis modus. Duobus, tribusve, quandoque & pluribus etiam diebus ante febris accessionem, de universa Corporis gravativa tensione maxime in Cruribus, & Dorso, insolitoque virium lapsu conquerebantur Aegroti: quod optime consonum erat Hippocraticae sententiae (124) Spon-

tanea

taneae lassitudines morbos praenuntiant. Aliquibus somnus minus solito placidus, aut tristibus, turbulentisque spectris turbatus, cum molestissima inquietudine, praecedentibus nonnullis diebus evadebat. Aliis Capitis gravamen praesertim in oculis, cum molesto quodam ligaminis sensu circa frontem, una cum *pulsativo temporum* dolore, veluti infausta signa praeibant. Quamplures molestae diarrhoea per multos dies antea detinuit, quae paulo ante accessionem febris ex toto, aut magna saltem ex parte evanuit. In aliquibus, ne dicam in plerisque, inanes vomitus, non raro cum materiae biliosae expulsionem, aut nauseam saltem, atque cibi maximo fastidio, praevia quandoque etiam tertiana febris, quae vix paulo antea evanuerat, gravis hujusce futuri morbi haudquaquam fallaces nuncii fuerunt. Croceus hisce, aut plus consueto pallidus primo reddebatur faciei color, cum non gravi quadam prope ventriculum *tensione*, atque Dorsi *lassitudine dolorifica*: quae omnia, aut ipsorum plurima saltem, tragicum hujusce Febris Theatrum luctuose adaperiebant. Verum licet varia in variis, juxta diversas Corporum temperies, atque morbi vim, tum & peculiare dispositiones, praegressaeque extrinsecas quaslibet causas, vario modo se habentia, tanquam praevia signa adnotare potuerimus: praecipue tamen haec ultro enarrata vix cuiquam defuerunt: Nausea nempe, vomitus, Ventriculi molesta passio, sive *tensiva*, sive *gravativa*, Dorsi *lassitudo*, totiusque

Corporis maxima praeter ordinem ad motum inertia, aut Diarrhoea suppressa, quibus omnibus saepissime adjungebatur insolita animi tristitia, atque ad iram, ex quacunque levi occasione, maxima proclivitas.

CCLVIII. Praemissis hisce malis ominis signaculis, leve quoddam inaequale frigus, admodum extensum circa Dorsum praesertim, ineunte febre, miseros Patientes corripiebat. Nec tantum immediate, sub primo febris insultu, levis hic frigoris sensus semper eveniebat: sed etiam non raro paucis ante febrim diebus *solitarius* occurrere solebat circa vespere, comite simul molestissima Corporis *lassitudine*, de futuro gravi morbo Aegrotos a longe aperte monente: ita tamen ut liberum, aut parum saltem laesum actionum omnium exercitium ipsis concederet. Nec mirum erat siccam aliquando molestissimam tussim in prima usque febris accessione, atque sequentibus etiam nonnullis diebus, absque vitiata manifeste respiratione attendere: quod quidem non omnibus familiare erat; quare tanquam instabile varium *symptoma* merito habebatur. Transacta vix levi illa frigoris sensatione febre plerumque viam sternente, calor fortis, ac fere pungens subibat, una cum nocturnis, non tamen continuis vigiliis, atque pulsu magno, & molli, non admodum celeri. Id licet tanquam certum imminentis sudoris praesagium haberi posset; ipsum tamen, remittente febre, primis morbi

morbi diebus attendere fere nunquam potui. Etenim, dum simulatae huic febris imminutioni fidentum esse quispiam sibi persuadere poterat; eo gravius inde insurgere morbus videbatur. Sequenti die, atque tertia etiam, quandoque quarta, eadem fere hora, eodemque prorsus modo occurrens fallax hoc frigoris signum, tertianam spuriam febrim simulans, in plerisque adnotavimus; aliis caeteroquin per gradus adauctis successive *symptomatibus*: cutis videlicet calore mordaci magis reddito, additaque pulsus majore frequentia, suspiriosa anxietate, Capitis gravamine, cum ruboris notis circa oculos in summo febris aestu, atque vigiliis; quae omnia pari modo in dies augebantur, usque ad quartam, & ultra etiam diem. Caeterum Aegroti primis hisce diebus consuetam servabant hilaritatem, occurrentes Amicos jucunde satis alloquentes, nil fere a morbi hujusce clanculum excrecentis primis hisce ictibus depressi, aut quidquam perterriti; exceptis iis, qui, utpote sagaciores, aut *hypochondriaci* rem ab alto perscrutabantur, atque a levibus hisce febris motibus merito non spernendis, sub herba latitare anguem, ut trito fertur adagio, non ignorabant, futuramque pejorem calamitatem praesentire inde satis videbantur.

CCLIX. A prima usque ad quartam diem urinae raro turbidae, plerumque clarae, a naturali parum limpidine deflectentes, in omnibus tamen croceae admodum excernebatur,

nihil penitus separantes, nisi rarissime aliquid prorsus divulsum, atque absque ordine apparens, quod modo lateri vasis, modo superfici ei urinae, modo fundo vasis, modo in medio consistebat. Ut plurimum paulo postquam excretae erant, corrumpebantur absque causa manifesta: propter quod *semilateritia* livescens passim materies in fundo vasis separari cernebatur. Hasce tamen urinae varias apparentias, hujusce febris initio observatas, more tantum historico propono, utpote qui ejusmodi signum in Medicina tanquam minus fidum, non ex toto tamen aliquando spernendum esse, semper putaverim. Scio enim, absque ulla penitus intrinseca causa, ob occurrentes dumtaxat extrinsecus discrepantes causas, urinas variis modis affici perquam facile posse; ab aere nempe, ab alimentorum assumptorum varia conditione, tum & a tempore secretionis urinae post cibum, atque ob alias innumeras possibiles rationes, propter quas ab extrinseco inaequale hoc in urinis principium derivari commode potest; quae quum Medici minus experti perscrutari sedulo nequeant, ad internas non raro causas temere confugere statim consuescunt.

CCLX. Non deerant persaepe etiam sub ipsum morbi initium vomitus aliquando inanes, aliquando cum flava biliosa materie tenaci, amaricante, & virente, cum intensa siti, appetitu totaliter inde dejecto. Hasce vomitus futuras excretionem non raro indicabat praevia linguae crocea tinctura, atque Oris

ama-

amarities. Sic Alvi dejectiones primis quoque diebus biliosam eandem redolebant naturam, cum flaventes, foetidaeque admodum essent, aliquando etiam totaliter crudae, ut vulgo dicitur, atque dilutae: quod pessimi semper ominis evasit, secus ac dum maxime glutinosae, tenaces, & spumosae viderentur. Praeter caeteris tamen hoc adnotatu dignum praesertim fuit semper ineunte morbo, quod plerisque Aegrotis, occasione hujusmodi dejectionis Alvi, *lipothymiae* non leves supervenirent, cum totali faciei coloris mutatione, sudoribus circa frontem maxime, Corporis refrigeratione, & madore, cum virium inopinata dejectione, simulque vomitu, aut inani, aut cum biliosa materie. Hoc unum praecipue *phaenomenon*, non omissis aliis supra enarratis, illud erat, quod malam illico hujusce febris perniciosam indolem manifeste ostentabat; licet ipsa, doloso quodam more primo incedens, minus cautos fefellerit non raro Medicos: maxime cum ut plurimum febris prima die cum rigore quodam, sed levi apparens, eademque praevia frigoris sensatione, usque ad quartam, & etiam ultro invalescens, tertiarum febrium alternationem quandam aemulari videretur. Malum tamen febris morem, etsi specioso hoc simulato velo obtectum, facile ex dictis intelligere solers Medicus poterat: praesertim cum praeter continuitatem (quae quidem tertianis etiam duplicibus non malitiosis convenit) praeter levem inaequalem rigorem, eandem cum transacto

horam non servantem (qui & tertianas spurias praecire non raro solet) non omnimode se in primis accessionibus proferret; leviter invalescendo prima die, & successive magis, magisque absque ordine sequentibus aliis adaucta, comite semper mordaci quodam calore totum Corpus infestante, ab iteratis eadem die inaequalibus circa dorsum refrigerationis sensationibus non raro interrupto. Attamen febris hujusce ordinarium principium, atque manifestam cum sudore fidam remissionem expectare frustraneum prorsus erat; cum nunquam vere intermitteret, quamvis paululum aperte remitteret, sine ullo quidem perfectae solutionis inditio, saltem sensibili.

CCLXI. Post quartam febris paulatim augebatur: noctes pervigiles fiebant, sitis plus, quam antea, urgebat, cum majore Capitis gravamine, magisque mordaci totius cutis calore. Hisce postea adjungebantur Aurium tinnitus, *bombi*, ac strepitus varii, faciei intensus rubor, cum oculorum maximo nitore quodam, illi non absimili, qui evenire solet iis, qui ex copioso vini usu ebrii evadunt. Comites hisce aderant *pungentes* molestissimae arteriarum temporum *pulsationes*, leves *intendinibus*, praesertim *Carpi*, manifesti satis subsultus, manuum tremores, *spasmodicae* corporis repentinae concussionis, occasione plerumque somni occurrentes; quae quidem omnia una cum tot aliis minoris momenti *phaenomenis* non pari semper modo, & tempore, non eadem videlicet morbi die, neque pari cum intensione,

sione, aut ordine in omnibus apparebant, sed varia ratione insurgere videbantur, pro diversa affectorum Corporum conditione, atque juxta praegressas extrinsecas, intrinsecasve causas; propter quod modo citius, modo tardius, in hisce magis, in illis minus saeviebat morbus.

CCLXII. Plerisque sub septimam morbi diem (omnibus jam dictis perseverantibus adhuc *symptomatibus*, atque etiam denuo magis adauctis) praevio ut plurimum molesto quodam *punctionis* universalis sensu, supra *dorsum* primo, atque inde supra Pectus rubicantes maculae, inaequales, non multae cutim defoedabant. Juxta variam hujusce Febris indolem pauciores, vel copiosae magis petechiae cuti adnascebantur, varios colores in diversis Corporibus referentes; rubicundae nempe, aut magis obscurae, livescences, adstrictae magis, aut latae; quod fusius paulo postea indicabimus. Eodem tempore fere omnes *stillicidio* sanguinis e naribus detinebantur: arida fiebat lingua, in aliquibus tumida, atque ad motum inepta: urinae turbatae magis erant, paucae, & crassae: dejectiones Alvi flaventes, magisque, quam antea, foetidae.

CCLXIII. Interea viribus eo magis magisque destituebantur AEgroti; Crura, & Brachia plerumque tumescebant, atque facies praesertim cum intenso rubore, simulque levi quadam mentis stupiditate superaddita. Haec omnia ut plurimum mentis alienationem totalem praebant, quae in aliquibus septima die derepente magis fiebat, in aliquibus

minus, gravius passim noctu insurgens, atque interdiu imminuta. Delirii tamen conditio varia erat, pro varia affectorum Corporum ratione, nec non ipsius morbi diversa indole; unde alii furibundi, alii melancholici, & tristes, alii ridentes, alii taciturni, loquaces alii &c. Eodem hoc tempore, aut paulo postea manifesta in *Hypochondrio* dextero tensio, aliquando & in tota *Epigastrica* Ventris regione sub *mucronata cartilagine* surgebat, ubi, ob levem quamvis compressionem AEgroti omnes plus, minusve dolebant. Octava morbi dies fere semper magis fausta videbatur, ob magnam *symptomatum* omnium remissionem. Circa Deliriū praesertim id adnotare saepius mihi contigit, quod ii, qui septima antecedente die ex toto desipuerant, sequente octava ita sui compotes evaderent, ut de rebus suis agere optime possent, sane loqui, atque optime ratiocinari. Quandoque copiosae tunc ventris excretiones sequebantur, atque fere in omnibus. Nonnulli vero molestissimis deijciendi conatibus, non raro inanibus tentabantur, atque ii praecipue, qui primis usque morbi diebus, aut paulo antea, diarrhoeam passi fuerant, liquidis magis, atque flaventibus prodeuntibus materiis, quae *crudae* appellari solent.

CCLXIV. Octavae diei minus infaustum transactum omen in pejus ex toto vertebat subsequens nona ut plurimum dies, adaucta quamaxime *symptomata* quaeque praeseferebant AEgroti; sed non aequae semper, neque om-

omnes pari modo, cum & tunc etiam juxta affectorum Corporum varias conditiones, ipsamque morbi vim, *symptoma* hoc varia semper ratione saeviret. Omnes tamen hac die plus, minusve sopore detinebantur, cum maximo gravedinis sensu in Capite, atque universi Corporis tam magno torpore, ut vix vix per lectum lente admodum dimovere se possent. Lingua ex toto exsiccata, & tumida maxime erat, atque ad motum prorsus inepta; quare AEgroti male loquebantur, nec linguam extra dentes, nisi paululum, & perquam raro educabant; parique passu *symptomata* omnia progrediebantur. Raro in hujuscemodi AEgrotis tunc Alvus inobediens fuit, quin immo plerisque copiosa Diarrhoea detinuit, cum ejusdem supra recensitae materiae excretionem.

CCLXV. Decima die fere in omnibus eandem prorsus, ac die praegressa normam morbus servabat. Quandoque etiam melius, habito ad omnia respectu, se habere videbantur; dum caeteroquin undecima, postea accedente die, omnia in pejus ferebantur, omnesque pari fere modo pessime tunc se habebant usque ad decimam quartam diem, quae passim morbo finem, fausto⁶ vel infau-
sto exitu ponebat. Surditatem tamen veluti *symptoma* inseparabile ab hac febre in omnibus magis, minusve animadvertere semper potui. Illa autem, post *Aurium sibilum*, aut tinnitum primis usque diebus, ut supra diximus, omnibus fere familiarem, circa septimam, aut

paulo postea accedebat, atque sequentibus diebus una cum aliis *symptomatibus* augebatur; donec discedente morbo, circa decimam quartam diem iterum auditu AEgroti paulatim potirentur. Plerumque vero surditas, profligata quoque febre, adeo tunc protrahebatur, ut quamplurimos viderim, qui tribus etiam, quatuorve a discessu morbi hebdomadis pristinum nondum ex toto auditus sensum acquisierant. Non paucis post decimam quartam diem, evanescente febre, surditati comes aderat per longum, breviusve tempus mentis stupor, & Corporis torpor, molesta nausea, Pedum oedematosus tumor, atque etiam Diarrhoea. Hisce congruit observatio a doctissimo Ramazzino in ejusmodi febribus facta, dum sic effatur (125) *Non pauci post exantlatum morbum veterino fi-
bant, ac stupidi, rerumque peractarum prorsus immemores, nec nisi post multos dies sibi reddebantur. Idem infortunium iis obtigit, qui in his febribus gravem surditatem perpeffi fuerant.*

CCLXVI. Non defuit per saepe, vigente morbo, singultus modo magis, modo minus frequens, qui praesertim copiosis Alvi dejectionibus solvebatur, tunc cum minus infustum proferebat omen; licet ut plurimum simul non modicus in regione Ventriculi versus Hepar tumor, ut supra diximus, persisteret. Illi vero omnes, quibus hujuscemodi tumor circa nonam diem major occurrebat, atque inde magis, magisque in dies augebatur, cum universo etiam Abdominis fere *tympanico*

(125) *Ramazzinus dissert. 3. in Constit. anni 1692. 93. 94.*

nico tumore, comite singultu, atque subsequente universali quasi refrigeratione in dies adaucta, cum intensa siti, siccitate maxima linguae, una cum genarum intenso rubore ad lividum vergente, vigiliis non interruptis: ii, inquam, omnes circa decimam quartam diem mortui sunt, praesertim cum consuetis biliosis dejectionibus Alvus parum solveretur.

CCLXVII. Mala haec recensita signa eo magis futurae, atque imminuentis proxime etiam mortis tutam prognosim proferebant, quo magis debilis in dies fiebat pulsus, & magis frequens. Etenim plerumque, licet haec omnia adessent pessima *symptomata*, aut plurima saltem, minus timebam, quotiescunque pulsus nihil, aut parum immi-
nueretur, neque admodum frequens, & concitatus fieret. Nam subsequens Diarrhoea saepissime *symptomatum* hujusmodi saevitiam inopinato compescebat, & salvabantur Aegroti. Hinc quo usque *symptomata* haec vigerent, nec quidquam Alvi excretionibus magis copiosis solvebantur, imminuto inde pulsus, non satis profecto erat decimam quartam morbi diem effugere, sed ultra etiam vitae evidens periculum protrahebatur. Hanc potissimum ob causam Reverendissimum Patrem Abbatem Schizium Canonicum Lateranensem hujusmodi febris sic divexatum circa decimam septimam morbi diem misere occubuisse novi, una cum expertissimo Medico Pedratto, qui omni jure inter Cremonenses clinicos Medicos primum obtinet locum.

CCLXVIII. Nec tantum hujusce-

modi vigentibus *symptomatibus* tunc nihil penitus aliquando profuit diarrhoea: sed multo minus dum liquidae nimis, dum virentes materiae, usque initio morbi saepe prodierant, nullo adstringente congruo remedio earundem fluxum satis cohibente. Metuendus magis erat biliosus iste fluxus, praeter dicta, si foetidae admodum effluerent materiae, maxima comitante siti, debili admodum pulsu, vigiliis, ac praesertim forti Corporis indefinente *agitacione*, refrigeratione, & suspiriis. Delirium quoque lethale protulit nuntium; dum cum tremoribus, Dentium stridoribus, aliisque convulsivis motibus, aut saltem tendinum subsultibus, comite simul pulsu frequenti, maxime debili, & contracto, cum siccitate universali cutis, aut accedente glutinoso quodam madore in Fronte praesertim, & Pectore supervenit, atque per plures dies continuum fuit. Nullum enim ex hisce Aegrotis hujusmodi *symptomate* sic detentum in allatis circumstantiis Silicernium frustra observavi; licet Alvi dejectiones biliosae non deficerent, quae tunc eo magis timendae erant, quo copiosae magis fierent; facta nempe tunc simul in superioribus partibus *metastasi*, totiusque *nervosi generis* forti contractione, quam augere ultro poterat copiosa diarrhoea, *lymphaticum* necessarium humorem e Corpore emungens; unde solidorum fibrae omnes pari ratione rigidae magis, consuetisq; obeundis motibus ineptae penitus evadebant. E contrario tamen excretiones hae

N

utiles

utiles semper compertae sunt, quoties in morbi statu, paulo post septimam transgressam diem, contigerunt; *spumosae* equidem, *glutinosae*, *crassae*, non aquaeae, ut ajunt, nec tam dilutae, ut illae, quae a solidorum valida nimis contractione per *expressionem*, ut vulgo dicitur, fiunt. Post laudabiles haec Alvi excretionibus aliqua saltem graviorum *symptomatum* remissio sequebatur, aut saltem morbus nihil inde gravior evaderebat.

CCLXIX. Delirium pariter nunquam, pro ut adnotare potui, funestum mortis indicium mihi protulit, quotiescunque non furibundum erat, sed cum moderata quiete, cum sopore quodam continuo, non difficile solvendo, comite pulsu magno, molli, atque non tam frequenti, cum oculorum modico recessu a naturali statu, non deficientibus in statu morbi biliosis laudabilioribus excretionibus, una cum universali copioso madore, non glutinoso, non frigido. Hinc asserere certo certius haudquaquam dubito, me nullum ex hisce Aegrotis ita delirio affectis, cum aliis adjunctis hisce notis in Libitinae censum misere cessisse. Quamobrem pro certo semper habui, perfectam istius febris solutionem solis Alvi excretionibus moderate, & rite habitis tribuendam unice fuisse. Porro hoc compertum magis habui, cum toties animadverterim Aegrotos hosce (transgressa etiam decima quarta morbi die, licet ex toto fere soluta febre) eo usque maxima adhuc nausea, vigiliis, dolore Capitis, linguae siccitate, aliisque

hujusce indolis levioribus *symptomatibus* laborasse, atque, ut uno dicam verbo, nunquam perfecta valetudine potitos fuisse: donec Alvi biliosus fluxus, aut derepente imminutus, aut forte cohibitus, iterum non appareret. Tamque sollicita visa fuit natura ad biliosas haec promovendas expulsionem, ad hanc febrem omnimode evincendam, ut id quod per Alvum satis educi non potuerat, per vomitum provide expelleret, aut initio ipso morbi (quod fere omnibus evenit) aut etiam in fine, cum perfecte nondum convalescentibus Aegrotis. Id specialiter contigit egregio Medico Marostico. Hic *malignante* febre hac graviter laborans, post decimam quartam morbi diem (licet immunis febre omnimode quasi esset, tamen adhuc noctu vigilans, nihil propemodum cibum appetens, cum amaritiae maxima, Oris, atque stomachi gravedine, molesta) bilem sinceram, amaram admodum, glutinosam ad libras tres, & ultra iteratis vicibus vomuit, atque inde tutius paulo postea convaleuit: quod mecum maxime admiratus fuit eruditissimus Medicus Sonis curationi illius primario praesidens.

CCLXX. Vidimus etiam per saepe una cum biliosis hisce humoribus tum per vomitum, tum per Alvum ejectos vermes in Pueris praesertim, Rusticis, & Militibus, atque in omnibus tandem maxime, qui incongruo victus regimine usi antea fuerant, gulae nimium, atque inconsulto indulgentes, nulla habita ratione alimentorum, quae indiscriminatim, quae copiose nimis, quae absque ulla

cau-

cautione, ante invasionem morbi assumptis. Unde mihi difficile admodum captu videbatur, an vere vermes illi pro genuina tunc morbi causa habendi vere essent, an potius pro ipsius effectu. Sciebam enim tum in hisce Corporibus, uberiore crudorum humorum copia onustis, potius quam in aliis, occasione hujusce febris, aut ante ipsam, vermium ova foecundari melius posse, citiusque excrescere; tum & praeexistentes vermes, specialis indolis, in hac febre peculiariter suscitare posse *symptomata*, quin immo, & ipsius febris potioris esse causam, pro ut sententiae vermium hodierni Fautores quamplurimi absolute sentiunt. Quid autem in hoc casu veritati magis consonum fuisse censendum sit: profecto absolute statuere non auderem in alterutram ex hisce sententiis pronus, optime noscens quot, quantaeque hinc inde emergant difficultates, quas nemo fortasse ex sagacioribus Medicis in tanta caligine solvere unquam audebit.

CCLXXI. Ex hisce omnibus supra enarratis aperte patet, biliosas hasce excretiones sive superius, sive inferius factas, caeteris aliis omnibus palmam omnimode praeripuisse; unde illis tantum, & non aliis tutior hujusce morbi solutio omni jure tribuenda esse videtur. Sudores enim, aut nulli penitus toto febris cursu aderant, aut si quandoque apparebant, tantummodo initio morbi ante quartam diem, aut paulo post ipsam evenere. Tantum autem abest, quod sudores isti quidquam levaminis afferrent Aegrotis,

ut plerumque pejorem morbi conditionem aperte praenuntiarent; cum absque ordine prorsus, modo in ipso febris augmento, modo paulo ante ipsius *exacerbationem*, primis maxime morbi diebus contingerent; nihil autem remittente morbo: quapropter ipsos non tanquam *criticos*, sed veluti *symptomaticos* merito existimare fas erat. Non inficiabor tamen, quandoque & copiosos sudores prope decimam quartam Morbi diem occurrentes, hujusce febris tutiori, atque faciliiori sanationi non parum contulisse: quod in *succiplenis* Corporibus, ideoque uberiore praesertim lymphae copia gaudentibus, evenisse distincte observavimus. Verum cum hoc perquam raro contingerit, atque in ipsis consuetae Alvi dejectiones biliosae nunquam defuerint; hisce profecto melius, quam illis excretionibus tutioris sanationis potioris causam adscribendam fuisse quilibet noscet.

CCLXXII. Quod de occurrentibus tunc sudoribus adnotatu dignum fuisse hic obiter proposui, idem & de habitis urinarum *excretionibus* dicendum merito est. Etenim urinae nunquam, quod ego noverim, veridica perfectae *crisis* signa protulerunt; cum neque copia plerumque portiones Aegrotis familiares superarent (habito maxime congruo respectu ad *insensibilis perspirationis* indefinenter motus) neque ex earundem affluxu quidquam levaminis Aegroti caperent; quod Alvi biliosum fluxum passim sequebatur. Ipsa quoque urinarum qualitas nulla profecto veridicae *crisis* signacula exhibebat.

bat. Nam passim limpidae initio morbi, turbidae in progressu, atque prope remissionem clarae iterum, aut aliter praeter ordinem quomodocunque excernebantur; plerumque consueta apparente separatione, seu *hypostasi*, fundo vasis inhaerente. Non inficias tamen iverim, hujusmodi occurrentes urinae mutationes, quasi per gradus (habito respectu ad morbi cursum) quandoque factas, etsi nullam per se *crisis* motionem indicantes, non parvi caeteroquin faciendas tunc fuisse; cum tutioribus praedictionibus maxime conferrent, atque praecipue consuetis Morbi motibus successive indicandis: dummodo tamen alia, simul non deessent signa, quae aliunde petenda tutius erant.

CCLXXIII. Attamen hic obiter hac super re monitos Lectores volo, me quidem non ex illis esse, qui nullo rationis, atque experientiae maxime, innixi fulcro, Antiquorum quibuscunque placitis mancipati, eorum sententias, veluti ex Tripode prolatas amplexantur; licet ipsorum documenta nunquam contemnenda esse, semper existimaverim. (126)

Etenim veneror inventa sapientiae, Inventoresque: adire tamen multorum haereditatem juvat..... Multum egerunt, qui ante nos fuerunt, sed non peregerunt: suspiciendi tamen sunt, & ritu Deorum colendi. Hinc non video, quomodo nam Veterum sententiis caeca mente, sicuti in aliis, ita & in hisce nonnulli adhaerentes, tantum sibi ex urinarum sola inspectione fidant, ut cum in hujusmodi

febris, tum in aliis plerisque gravibus morbis, tutas inde, firmasque prognoses obtinere se posse temere nimis arbitrentur, atque ubique depraedificent. Hoc autem eo audacter magis, atque tam apposite coram Adstantibus ex sola *Uroscopia*, praestare satagunt, quo majorem famam apud credulos, qui magis decipi amant, inde sibi asciscere affectant. Matulae inspectioni nil penitus detraho, quod ipsi jure debetur, eidemque merito a primis usque Medicinae Patribus attributum olim semper fuit. Ast ipsi omnimode praeter rationem credere stultum esse arbitror: quippe quod *Empirico* magis, quam *rationali* Medico hoc competat. Credo equidem, quod cum urina immediate e sanguineo penu secernatur (urinam illam intelligo, quae vere sanguinis communiter appellari consuevit, non vero aliam, quae potius dicitur: quidquid sit de peculiari ejusdem separationis diverso modo, de quo hic quaestionem non vacat proponere) Sanguinis ipsius constitutionem variam, & motus, solidarumque simul partium peculiare dispositiones designare aliquando, nec falso semper possit: dummodo *secernentis* ipsius organi specialis conditio quaevis varias ejusdem urinae mutationes non producat, aliaeve non adsint innumerae pene variae circumstantiae, tum a tempore, & modo mictionis, tum a recipiente vase, atque a tot aliis hujusmodi rationibus petendae: ad quae omnia Medici accurata speculatio dirigenda

da primo est, antequam Uroman-tem agat. Secus agunt ii, qui *empirico* more, inspecta statim urina, de morbi statu, atque exitu judicant, nihil ultro cogitantes, reliquis omnibus omissis signis. Sic & vafri, & dolosi censendi illi merito sunt Scioli, qui vulgarem tantum affectantes plausum, ut de morbis judicent, frontem perfricando, sese ad seriam gravitatem disponunt, atque mille speciosa in urinae inspectione praemittunt, & agunt: dum caeteroquin ad id facilis admodum, & simplex requiritur diligentia, quam tamen aliorum signorum investigatio sedula praeiverit.

CCLXXIV. Etenim, nisi ad peculiare Renum, aut Vesicae dignoscendos morbos, sed distincte ad humorum peculiare conditiones perscrutandas in hisce praesertim, aut aliis plerisque febribus, urinae mihi proponantur inspiciendae: satis superque esse reor, si animadvertim sedulo, an urina turbida, & crassa sit, aut limpida, & tenuis in fundo vasis deponens, magis, minusve colorata, flava, rubescens, aut *percolata*. Hisce namque solis positis conditionibus attento oculo perpensis, atque recto ratiocinio ad trutinam revocatis, noscere, atque indicare facile potest Medicus, quae nam sit aestuantium intrinsecus humorum turbulenta magis, minusve mixtio: quae nam sit dominantis praesertim bilis, exuberantisve lymphae, aut stillantis ab interno *abscessu* quovis, vel *tuberculo suppurato*, puris cum sanguine copulatio: (quod in Pectoris *apostematibus*

plerisque passim evenire supra adnotavimus) quae nam sit tubulorum secernentium in Renibus constrictio, sive a compressione quavis, sive a spasmodica fibrarum contractione (ut in *convulsivis* omnibus, atque *hystericis* maxime morbis evenire quotidie noscimus) sive alio quovis modo facta, tum & eorundem laxitas peculiaris, crassioribus ideo sanguinis etiam moleculis aditum, indiscriminatim concedens: quod praecipue prope agonem occurrere consuevit, tunc cum universus solidorum tonus pervertitur, minoremque, eadem ratione properantibus fluidis tunc minima cum velocitate motis, obicem parat.

CCLXXV. Hujuscemodi urinae signacula tantum, absque ulteriore accurata nimis indagine, ad morbosas quaslibet sanguinis constitutiones, atque solidorum malas peculiare conditiones indicandas, Medico cuilibet sufficere posse, ideo semper certo certius putavi, quia aperte hoc ab experientia ipsa, ratione, duce evincitur. Quo majore enim cum velocitate sanguis in Corpore circumagitur, eo intime magis *serosae* quaelibet, atque *aethero-geneae* particulae cum ipso miscentur, atque difficilius inde disjungi possunt, quod in ipso febris augmento evenit; quando urinae, aut limpidae ex toto sunt, aut turbatae maxime, nihilque in fundo vasis deponunt. Contra evenit remittente febre, humoribus ad nativum minus concitatum motum fere reductis, atque solidis ipsis undecunque laxatis; propter quod intima validior illa mixtio tol-

litur, atque secernendae quaelibet *moleculae* minus reliquae sanguinis toti *massae* adhaerent, unde & facilius in consuetis *colatoriis* ab aliis secedunt, atque melius in fundo vasis separantur: ex qua potissimum causa variis modis *sedimentum* evenire, caeteris paribus, solet. Hinc factum fuit, quod in hac praesertim febris primis diebus clarae, ac quasi percolatae visae fuerint urinae, indeque progrediente morbo citrino fortiter colore saturatae, ob uberiorem dominantis bilis mixtionem: atque postea, ad remissionem vergente febris, prope decimam quartam diem, consuetas in fundo *Matulae separationes* ostenderint.

CCLXXVI. Rem clarius patere arbitrabor, si vulgari utar *analogismo*, casui tamen nostro perquam favente. Dum aquae in Fluminibus concitato minus motu feruntur, clarae, & limpidae ideo sunt; quia omne id quod coenosum, aut arenosum in ipsis continetur, aut successive cum iisdem commiscetur, majore propria urgente gravitate specifica, hinc inde fundo demittitur. Secus fit, dum pleniore gurgite ipsae fluunt, majoreque cum velocitate; unde turbidae evadunt, crassaeque admodum, nec quidquam, aut parum saltem in fundo secernunt: eo quia rapidis, tumidisque fluctibus irruentes tunc majus, inde habita proportionem, obtinent momentum ab adaucta velocitate natum, propter quod *gravitantum* aliarum particularum diversae speciei motum ad fundum eo magis superant, istaeque ideo ma-

gis intime cum aqueis *moleculis* commiscuntur, & magis strictis mutuo nexibus devinciuntur. Unde apposite admodum Virgilius sic cecinit.

(127) *Rapidus montano flumine*

torrens

*Sternit agros, sternit sata laeta,
bounque labores.*

*Praecipitesque trahit silvas, stupet
inscius alto*

*Accipiens sonitum saxi de vertice
Pastor.*

Quare & Claudianus quoque notat, quod

(128) *Hybernotumidus cum vor-*

tice torrens

Saxa rotat, volvitque nemus, pon-
tesque revellit,

Frangitur objectu scopuli, quae-
rensque meatum

Spumat, & illisa montem circum-
tonat unda.

CCLXXVII. Quod si quis Uromantiae nimis amator, me minus cautum, minusque sedulum in Uroscopia tunc fuisse arguat, legat quae-so eruditos clarissimi Foresti libros tres de incerto, ac fallaci *urinarum* iudicio in calce quarti tomi suarum observationum positos. Hinc enim satis discet, quanto minus accurata esse debeat Uroscopia ad morborum causas, progressus, atque eventus media laudabiliore Uromantia, dignoscendos. Discet hinc, quam audacter Empirici quidam Uromantes, Circulatoresque, & Medicastrum tot ex urinae inspectione mendacia potius proferant, quam vere ex urinis iudicent. Necessariam laudabilem Uroscopiam, atque ab ipsa emanantem

(127) Virgilius lib. 2. Aeneid. (128) Claudianus lib. 1. in Rust.

tem tutiorem Uromantiam fufius nobis indicavit praeclariffimus Michael Alberti: quod nemo ante ipsum melius unquam praestitit. Attamen hujusmodi ratiocinii ex urinis deprompti fallaciam perquam facile noscens sic merito admonet (129) *Neque etiam necesse est tam operose Uromantiam affectare, & ultra praescriptos limites extendere, quin potius longe certiore normam ille inveniet, qui cognita vera, & simplici morborum historia, & causa ex successibus occurrentibus ad eventum provide concludit, quippe quae consideratio ingenuum animum praeservabit, ne in foetidis, atque sordidis plurima Artis arcana, atque adminicula quaerat.*

CCLXXVIII. Quod si tot de causis nil penitus, aut parum saltem, sive urinis, sive sudoribus perfecta hujusce febris solutio adscribenda fuit: quid nam de sanguinis stillicidio in aliquibus ex hisce Aegrotis quampluries observato, dicendum potiore jure erit? Profecto hujusce modi excretio cum raro, & praeter ordinem, neque in omnibus fieret, nullum profecto perfectae crisis indicium proferebat. *Stillicidium* enim hoc modo primis diebus, modo invalescente morbo, rarissime prope finem, plerumque cum modica sanguinis effusione apparebat; unde pessimum saepe saepius indicabat omen, *symptomaticam* potius ex conditione morbi, quam *criticam* expulsionem aemulando. Plerumque enim verum Sanguinis *stillicidium*, non au-

tem haemorrhagia completa occurrere solebat, quae cum incompleta dumtaxat excretio esset, non a *Plethora*, sed a tumultuaria sanguinis febrili concitatione proficiscens, eo magis funesta evadebat, quo magis in principio morbi tale aderat *symptoma*. Satis enim testantur communes clariorum Medicorum sententiae, propter quas tantum abest, ut *stillicidium* hoc tanquam fausti ominis commendari soleat, quin immo pessimum signum communiter habeatur. Unde Petrus a Castro sic effatur (130) *Stilla sanguinis semper funesta in principio, vel augmento, praesertim si quarta erumpat*. Quod & confirmat Joannes Fortis, statuens (131) *non nisi malignissimum symptoma superveniens hoc nuncupari posse*. Quamobrem & Galenus ipse aperte declarat (132) *Sanguinis stillationes e naribus malum semper quidpiam esse: propterea quod natura quidem concupiat, quod superfluum est, excernere, sed ob propriam imbecillitatem nequeat, vel ab sanguinis crassitiem: quod & quotidianae observationes satis superque testantur*. Quod si aliquos post narium iteratas copiosas magis haemorrhagias in febribus hisce, a Capitis dolore, aut gravedine, mentis stupiditate, aliisque hujusce indolis *symptomatibus* liberatos, aut saltem magna ex parte immunes factos vidimus; non hinc universalis fida morbi solutio, sed peculiaris tantum hujusce *symptomatis* moderatio petenda ideo esse visa fuit: quod certe ad genuinam

N 4 in-

(129) Mich. Albert. *Semiologia* Secl. 2. Cap. I. n. 40.

(130) Petrus a Castro Secl. 4. Aphor. 36. (131) Jo: Fortis de Febr. Malign.

(132) Galenus com. in Hippoc. 4. Acut. 67.

indicandam tutiorem *Crisim* sufficere neutiquam poterat. Non inficiabor tamen, aliquando evacuationes haece *Criseos* perfectae signacula clarius protulisse, maxime cum copiosae in *Plethoricis* magis Corporibus evenirent, in quibus sanguis pleno gurgite e naribus fluens, supervacaneae sanguinis copiae imminuendae peregre favebat; quod alioquin iteratae sanguinis missiones debuissent praestare; quare generaliter loquendo Michael Albertus sapientissime sic innuit (133) *In quacunque febre Plethora valde turget, & urget, subiecta etiam juniora, & activiora sunt, & antehac haemorrhagias salutare, tanto magis statarias subierunt, in illa tempestive, & sine impetu decurrens, magis bona, quam anceps existit. In oppositis autem circumstantiis (134) Pessimum plane conamen est, si natura sanguinis evacuationi inducendae vires suas applicat, quando neque necesse, neque opportunum est sanguinem dimittere, sed ubi per errorem, aut sub confusa angustia, & tergiversatione ad hoc auxilium confugit: Testimonio haemorrhagarum in malignis contagiosis affectibus. Quod in enarrata hac potissimum febre evenisse animadvertere potui.*

CCLXXIX. Nec minus, ac praedictae sudorum, urinae, & sanguinis excretiones per nares infortunium hoc passae sunt *petechiarum* eruptiones (sive melius *stagnationes*) cujusvis illae fuissent indolis, seu quo ad colorem, seu quo ad copiam, seu quo ad tempus, & mo-

dum apparitionis huic febre semper familiaris. Quo enim copiosae magis illae videbantur, quo citius extimam Corporis superficiem foedabant, *oedematoso* quodam quasi tumore membra inficiebantur omnia, rigeant magis partes, stupida fiebat mens, vires dejiciebantur ex toto propemodum languentes, reliquisque omnibus pari modo inde aductis *symptomatibus*, omnia in pejus derepente ruere videbantur; maxime cum non tantum copia, sed etiam mala qualitate peccarent, utpote *puliculares*, inaequales, atque livescences, & diu permanentes: unde properantis Mortis certissimum ab ipsis habebatur iudicium, reliquis etiam omnibus in id conspirantibus signis. Sic vice versa magis de *AEgrotorum* salute sperandum, ut plurimum erat, dum paucae admodum, multoque magis nullae insurgerent *petechiae*: dummodo tamen nullum aliud pessimum adfuisset indicium a *symptomate* lethali alio derivandum; ut a *convulsionibus*, vigiliis non interruptis, diuturno furibundo delirio &c. Neque ullum unquam ex hisce *AEgrotis* ab *Orci* faucibus ereptum tuto vidi, cui saltem postremis morbi diebus, antequam *symptomata* pleraque graviora remitterent, omnimode *petechiae* non evanuiscent. Hinc omni jure statuendum esse pro certo habui, *petechias* hasce nullum unquam perfectae *Criseos* indicium protulisse, sed tanquam fatale invalescentis Morbi, & properantis clanculum

(133) Mich. Albert. *Semiolog.* Sect. 5. Cap. 2. n. 20.

(134) Idem ibidem Cap. 1. n. 13.

lum Mortis nuncium fuisse existi-
manda.

CCLXXX. Dum ad haec sedulo
attenderem, febris hujusce simul
indolem, motus, progressus, atque
exitum in omnibus accurata magis
indagine mecum ipse perpendens,
non parum mirabar, cum maximam
perspicerem discrepantiam, non
parvi, meo judicio, faciendam,
inter grassantem epidemicam Mali-
gnantium, seu Petechialium istarum
februm constitutionem, ac aliam
parum ab similem, quam refert prae-
stantissimus Ramazzinus in constitu-
tione annorum 1692., 1693., 1694.
Plurimi enim faciendam tunc tem-
poris putaverat petechiarum appari-
tionem, seu excretionem, ut ajunt,
cum ab ipsa specialiter, tanquam a
saluberrimo naturae critico motu AE-
grotorum salutem plerumque deri-
vari arbitraretur, quod aperte Po-
steris ibidem indicavit (135) *Quicum-*
que ex hac febrili incurfione (inquit
ille) *fati ope, vel Medici evasere,*
nulli excretioni, vel per sudorem, vel
per urinam, vel alias vias, per quas
natura Crises suas moliri solet, salutem
acceptam referre poterant, sed solum
peticularum suo loco, & tempore appa-
ritioni, & earundem per totum Cor-
pus expansioni, lentaeque evanescen-
tiae, salutis beneficium debebant: quin
iis, quibus Alvi fluxus supervenere, fu-
nestum fuit &c. Quamobrem solertio-
re omni studio, diligentique exa-
mine usus tunc fuit oculatissimus hic
Auctor, ut hujusce peculiaris excre-
tionis (a qua unice salutem AEgris
derivari quotidie animadverterat)

modum, rationem, atque praeci-
puas quaslibet conditiones intine
magis, accurateque perpenderet, at-
que de hoc Posteris edoctos satis fa-
ceret: quod quidem omni opera
praestitit, dum in eadem disserta-
tione haec habuit (136) *Peticulae*
vero, ut plurimum quarta die, & sep-
tima erumpebant, & ii, quibus primis
diebus apparere, omnes fere sublati
sunt: primum autem in Collo, Dorso,
& Pectore visendas se praebebant; ob-
servatumque est neminem evasisse, nisi
tandem ad extremos Pedum ungues ma-
culae illae se expandissent, in superiori-
bus partibus paulatim evanescendo:
Quibus autem Pectoris, & Dorsi fines
non transilierunt peticulae, mortem ob-
tigisse. Varias autem, ac diversi co-
loris erant &c. Aliae in profundo,
& quas non nisi oculis transversa intuen-
tibus liceret inspicere: quod genus peti-
cularum fuit valde ominosum.

CCLXXXI. Quidquid sit de hac
observatione a solertissimo illo Au-
ctore facta, de totali nempe, &
perfecta illius febris solutione, me-
dia sola petechiarum apparitione, nec
quidquam ab ullo alterius excretio-
nis beneficio unquam pendente
(quod in dubium revocare nefas esse
arbitrarer, cum hujusce Auctoris
celeberrimi fidem denegare idem
prorsus esset, ac Solis lucem meri-
die nitidius emicantis stulte respue-
re) Ego certe asserere absolute pos-
sum petechialem hanc cutis efflore-
scentiam in hac febre veluti sympto-
maticam semper, nec unquam ve-
luti criticam a me tunc habitam fuis-
se. Et ut meam hac super re sen-
tentiam,

tentiam, arrepta occasione, ingenue proferam; tantum abest, ut *maculas* hasce in proposita hac constitutione visas, velut boni ominis signum, seu tanquam congruum naturae conamen ad *malignantia* vulgo credita, miasmata e Corpore commodius, citiusque eliminanda putaverim: ut ipsas magis, minusve lethales semper cognoverim, quo magis, minusve copiosae essent, obscurave magis, minusve colore perfusae; Unde tanquam veridica pejoris morbi conditionis, minusque fausti futuri exitus signacula, intueri ipsas solitus fui. Nec tantum in proposito a me casu, sed & in quacunque alia non absimilis indolis febris, fixum mihi, ratumque semper fuit, atque erit in posterum (donec non auctoritatibus tantum, sed observationum sufficienti lumine illustratus, oppositam sententiam rationabiliter amplecti cogar) *petechias* omnes, cujuscunque illae sint indolis, eo magis Aegrotis insensae evadere, quo magis ab ipsis meatus cutis occluduntur, minorque consuetis *insensibilis perspirationis* promovendis *excretionibus* aditus remanet; cum illae solummodo sint simplices *stagnationes* innumerae, & minimae sanguinis, aut lymphae, aut utriusque ab exilibus extremis *canaliculis* extra aream *circulationis* male deviantis; in quibus humor ille concretus partim comprimendo, partim alio modo quolibet occludendo *secretoriorum* illuctendentium *porulorum* hiatus, cutis consuetam necessariam *excretionem* ex toto tollit, aut saltem magna ex parte cohibet.

CCLXXXII. Verum dum haec in medium profero, innumerabilem pene *clinicorum* clariorum Medentium turbam erectis superciliis, crispataque fronte mihi adversantem jam satis nosco, ipsosque omnis generis telis ab auctoritate partim, partim ab observationibus a primordiis Medicinae usque in hunc diem diligenter peractis, partim & a ratione ipsa quomodocunque mutuatis, contra me strenue pugnatueros esse, nec ignoro, nec recuso. Perspectum enim satis habeo, tanti semper habitam fuisse, tantique nunc etiam a quamplurimis haberi hanc *petechialem excretionem*, seu melius *apparitionem*, ut in ipsa, tanquam in sacra anchora, omnem faustae curationis spem, firmiusque fundamentum semper cognoverint, atque nunc etiam certo certius statuunt. Quippe primarius sanioris methodi cardo ad *malignantes* hasce, seu *petechiales*, ut melius dicam, febres evincendas, atque funditus eradicandas, in eo unanimiter vertitur tantum, quod *Alexipharmacis* validioribus *deleteria* non tantum supposita humorum qualitas evincatur, sed & *diaphoreticis*, aut *dissolventibus* quibuslibet, & *incisivis*, natura ad *petechialem excretionem*, ut ipsi dicunt, promovendam omnibus viribus excitetur. Quod si optatis jam tamdiu *maculis* cutis quaqua versus inspergatur, eo accurata magis Medico indicatur solertia, propter quam novis iterum validioribus praesidiis tum internis, tum externis utens, illarum *apparitionem* magis ultro promoveat: rigorose simul, atque scrup-

scrupulose admodum cavendo, ne, aut repetitis nimis *Clysteribus*, aut *purgantibus* cujusvis generis remediis, multoque minus sanguinis emissione, aliove quovis adminiculo, humorum *regulares*, ut ipsi ajunt, motus ad *circumferentiam* laudabiliter tendentes, ab ipsa ad centrum pessime convertant, sicque *petechiarum* somniam *retrocessionem* temere promoveant; unde ex VValdschmidt habemus, quod (137) *Apparentibus petechiis nihil amplius in primis viis moveri debet; ut hinc vel ipsa enemata eo tempore sint suspecta.*

CCLXXXIII. Summa haec sunt, atque inviolabilia pene, tanquam sacrosancta in hisce curandis febribus dogmata, ab antiquis omnibus Medicinae Proceribus proposita, & successive a Recentioribus etiam, plerisque caeca mente, fere per traducem, nobis communicata: quae quidem, & ego ipse, dum primis annis sub aliorum disciplina Medicinam facerem, venerabundo obsequio ambabus excipere ulnis, non recusabam. Postquam autem ponderoso nimis auctoritatum jugo aliquantulum excusso, per amplissima Medicinae spatia libere divagari coepi, abdita quaeque Morborum *phaenomena*, & causas quotidiana praxi rimando, aliorum rationes quaslibet, atque sententias aequa iteratarum observationum lance perpendens, oppositam prorsus de hac re opinionem amplecti coactus fui: maxime cum postea, & repetitis toties observationibus rationem ipsam op-

time congruere aperte cognovissem. Tunc autem magis hujusmodi sententiae rationabiliter me adstrictum sensi, cum primo doctissimi Hecqueti eruditissima opera perlegi, atque praesertim elegantissimum novae Medicinae conspectum, in quo ipse abditiora naturae arcana quaeque ad Morborum causas, tutioremque eorundem curationem spectantia, acri judicio detegit. Ibidem satis solidis rationibus propositam hac super re controversiam peregre dirimit. Placet autem hic pro hujusce disputationis complemento saniore ejusdem Auctoris explicationem admissam transcribere, (138) *Stases sunt (dicit ipse) adhuc, quas sub oculos ponunt exanthemata, petechiae, morbilli, variolae, & quotquot sunt purpurata notacula, quae terrore Medicis, Aegrotantibus vero exitio sunt, aut periculo. Periculi ratio venit a repentina illa sanguinis ecclampsia, qua subito correptus sanguis a se exit, suisque confestim exilit carceribus. Sagillationes enim, livores, & ecchymoses facile dices, in quibus cernere liceret sanguinis suo a circuitu dejecti horrenda deliramenta, in eo formidabilia, quod nativis locis exiliendo sanguis, propriisque exeundo colliquis, in alienis sedibus, aut peregrinis tubulis transfuga degere cogatur, quos hostiles revera experietur, in quantum illi alienis moribus vivendum erit intra tramites indebitos incedendo, peregrinos subeundo ritus, factusque consuetudinibus subjectus novis. Eandem confirmat opinionem praecitatus hic Auctor, dum Petechias*

(137) VValdschmidt Tom. 1. de febr. malign. n. 16.

(138) Hecquet Nov. Med. Conspec. p. 2. cap. X.

chias vocat (139) Stagnatae, utraque circulationis orbitam, & ordinem dejectionis partis sanguinis rubrae notaculum. Id ipsum confirmat praeclarissimus Nicolaus Cirillus sic (140) Imo ex sanguine eodem ad coagulationem saltem in vasis capillaribus tendente, oriuntur cutis stigmata, quandoque exanthematum, frequentius petechiarum forma conspicua. Quod etiam statuit Villisius, dum de Petechiis haec protulit (141) Cruoris coagulati portiones exiliores in cute defixae phaenomena haec minora constituunt.

CCLXXXIV. Hanc eandem controversiam sapientissime diremit praeclarissimus Homobonus Piso concivis noster, atque in celeberrima Patavina Universitate Medicinae practicae Professor eruditissimus in elegantissimis Dissertationibus suis de regimine magnorum auxiliorum. In aureo hoc opere ad praxim medicam utilissimo, dum Medicinam a praeconceptis Veterum nonnullis opinionibus fere per traducem ad nos delatis liberare, solidioresque Praxeos doctrinas indicare utiliter satagit, inde aperte statuit, exanthemata haec (142) nihil aliud esse, quam quiddam consequens ad fervorem malefici humoris; quemadmodum est color flavus, viridisque inficiens corpora passa morsum viperinum; ideoque quocunque tempore efferantur, esse symptomata, & inutilia. Excretiones notabilis quantitatis in corruptione late fusa per sanguinem salutare esse possunt, non exiguae quan-

titatis, cuiusmodi sunt puncta rubra, vel aliter colorata interstinguentia cuter; quorum occasione nunquam observatum est, uti notat Petrus Forestus, secutam esse crism. Hac animadversione constat supervacuos esse, & potius noxios plurimum Medentium conatus ad promovendam expulsionem peticularum cucurbitulis scarificatis, aut ficcis, quasi earum copiosiore expulsionem fomes malignus cum levamine Aegroti non parum minuatur. Nunquam, cum mihi licuit libere mederi, consuetis remediis, cuti adhibitis earum exitum provocavi &c. cavi tamen, quae possent impedire, utpote quoque insensibilem perspiratum impediencia; semperque in bonis habui, maculas paucas, rubrasque apparere.

CCLXXXV. Pergant nunc oppositae sententiae scrupulosi Fautores, atque in summo naturae laborioso conflictu, dum lethalibus magis stipata symptomatibus febris ejusmodi viget, majoreque in vitae discrimine Aegrotantes miserrime versantur, horrenda haec sanguinis deliramenta, ceu veridica proximae pacis nuncia ab ipsis temere habita, anxie attendant, laetabundi spectent, atque solícite admodum quibuscunque adminiculis magis magisque ultro promoveant. Falso hoc simulatae, & fallacissimae spei nitore, perterritos aliunde merito Adstantes, tunc levare curent, faustumque magis morbi exitum polliceantur, dum in ancipiti magis res inde vertitur. Et ut rem ab intrinseco magis prospectam faciam, non incongrua utens analogia,

(139) Hecquet in append. de Peste. (140) Nicol. Cirill. in not. Ettmul. tom. 13.

(141) Villis. de febr. malign. cap. 13. (142) Homobonus Piso de reg. magn. Dissert. I.

analogia, maculas hasce *ecchymosibus* illis comparare soleo, quae cutim aliquando plus, minusve foedare videntur prope vulnus a *Phlebotomo* inflictum, ad sanguinem detrahendū: maxime cum aut vena non in prominente sua parte, sed ad latera, potius, aut in qualibet incongrua directione secta fuerit; aut post sanguinis sufficientem emissionem, non bene occlusa; ita ut utraque vulnerati vasis latera non omnimode, & per directum sibi mutuo bene coeant. In primo namque casu, cum sanguis pleno gurgite libere effluere non possit per lineam summitati prominenti incisae venae quasi *perpendicularem*, ex ea parte, ubi magis a *perpendiculari* illa sanguinis profluentis directio recedit, atque inclinatur; tum per apertum foramen quomodocunque male exit, tum ex eadem parte in latus *integumenti* secti impingit, ibidemque incisos adhuc hiantes *lymphaticos* tubulos raptim, atque per vim subit, sicque in iisdem postea residens, & concreescens, tumores statim varios progignit, habito respectu ad copiam, modumque sanguinis illuc deviantis: quare & insueto ibidem rubicundo colore, & postea livido cutis tingitur. Idem, paucis mutatis, intelligendum venit, dum incongruo modo vena occluditur post detractum sanguinem. Tunc enim, coeuntibus partim *integumentorum* sectorum labiis, cum extra profilire sanguis ex toto, & commode nequeat, modica ejus aliqua adhuc portio a venae vulnuscule non rite occluso secedit, quae majorem ad

extra obicem a compressione fortis factum inveniens, ad latera per hiantes in *integumentorum* labiis *lymphaticos* tubulos sese insinuat, atque ibidem sistitur, & congelatur, rubicundum, aut subobscurum sic cuti impertiens colorem, aliave multiplici ratione varium.

CCLXXXVI. Idem, mutatis mutandis, pari modo evenit, dum quis cutim aliqua in parte fortiter contundat, constringatve, seu quomodocunque percutiat. Tunc enim eadem ratione comprimuntur sanguinei minimi suppositi *canaliculi*: cumque, ob contentum sanguineum cylindrum plus, minusve ipsos opplentem, eorundem tunicae sibi tunc mutuo adhaerere omnimode nequeant, ob dictam extrinsecus factam compressionem, ab extrarumpuntur, & sanguis ipse exprimitur, qui per interstitia cutis sese insinuat, atque ibidem stagnat, coagulaturque, rubro tingens colore lympham cutis indigenam; unde rubicundae, ac postea obscurae maculae in extima Corporis percussa superficie majores, minoresve succedunt. Verum cum uno, eodemque tempore ut plurimum *lymphatici* ipsi ductus rumpantur (eodem fere modo, quo fit, dum cutis comburitur) effunditur lympham simul cum sanguine, eademque de causa, dempta communicatione canalium lacertorum, liberum subtrahitur affectae cuti idonei nutrimenti subsidium: unde cuticula ipsa paulo postea exsiccatur, ac quasi, deficiente nutrimento, ad instar vegetabilium moritur, & *squamullatim* inde

tractu temporis secedit.

CCLXXXVII. Haec omnia non absimilem macularum productionis modum, juxta allatum supra doctissimi Hecqueti assertum magis ultro confirmant; cum ut plurimum, postquam ipsae evanuerunt, profligato morbo, tota cuticula, aut magna saltem ejus pars hinc inde a tota Corporis superficie, partitis vicibus, citius, tardiusve secedat; pro ut brevior, aut longior temporis intervallo cutis exsiccat. Eadem prorsus, meo judicio, est ratio macularum livescentium, quae undique in *Scorbuticorum* cute exsurgunt, cum tam istae, quam *petechiales* ab effuso quomodocunque, coagulatoque in interstitiis cutis sanguine fiant; hoc tantum habito discrimine, quod *scorbuticae* maculae tenuem quandam facile fluxilem, seu, ut cum plerisque loquar, *corrosivam* humorum conditionem supponant in quocunque *Scorbutico* satis perspectam, propter quam sanguis quaque versus corpus pervadens, absque ulteriore momento ab aucta ipsius velocitate derivando (quod ad id etiam in hisce morbis non parum aliquando conferre arbitror) activa speciali tantum, & scindente visua canalium tunicas pungit, discindit, atque minimos praesertim eorundem ramulos lacerat, ubi minor maxime obex occurrit, aditum sibi sic parans, ut a consueto *circulationis* tramite deflectens, extra canales fluat, atque coaguletur. Quod si sanguineos tubulos nullo, aut debili admodum *integumentorum* fulcramento munitos inveniat, eorundem dirup-

tis tunicis, extra Corpus secedit; atque ob id *Haemorrhagiae Narium, Gingivarum, Uteri, Haemorrhoidum*, atque aliae hujusmodi *scorbuticis* plerumque familiares eveniunt. Quod si in hisce casibus canalium *corrosiones*, aut lacerationes ex dictis causis factas nolimus supponere; ipsos tamen hinc praeter ordinem referatos fuisse, inficiari nemo poterit. Nec tantum in externis, verum etiam in internis partibus minimi canales corroduntur, seu referantur, ob eandem dictam causam. Quamobrem sanguis ab ipsis effluens, modo per vomitum, modo per *excreatum*, modo per *Alvum*, cum faecibus excernitur. Dum autem a discissis, aut quomodocunque referatis canalibus profiliens extrinsecus sanguis superpositorum *integumentorum* obicem superare nequeat, ut ultro extra progrediatur, in eorundem interstitiis, & fortasse etiam intra contiguorum *lymphaticorum* ductuum capacitates sistitur, congelatur, maculasque livescentes varii coloris, diversaeque configurationis, & magnitudinis producit; habita proportionem tum copiae sanguinis a *circulationis* tramite aberrantis, tum & modi, quo ipse ab apertis canaliculis effluere antea potuit: Quod quidem in toto Corporis ambitu, juxta partium peculiares dispositiones, citius, aut tardius, plus, aut minus occurrit.

CCLXXXVIII. In *petechialibus* vero maculis, occasione febrium hujusmodi, apparentibus (licet non absimilem sanguinis extra proprios

prios canales *stasim*, tanquam immediatam genuinam causam supponam) ob aliam tamen potiore rationem ipsum e vasis prodire arbitror. Etenim cum *corrosiva* illa humorum supra posita *diathesis* non semper in *Petechialibus* hisce febribus supponenda veniat: ad auctam sanguinis velocitatem confugiendum omni jure est, propter quam majus ipse, pari ratione, momentum nanciscitur, tunicarum canalium superando obici aptissimum; unde & variae conditionis maculae, non tantum in hisce febribus, sed etiam in tertianis ipsis, in *purpuratis*, seu *scarlatinis*, atque in aliis etiam, in summa sanguinis aestuatione, vigente magis febre, suboriuntur. Huic si addamus, & humorum tenuitatem, fluxilitatemq; maximam (quam & in hujusmodi febribus specialiter attendendam fuisse, ex dicendis infra satis patebit) non minoris momenti causa huic producendo *phaenomeno* idonea emerget. Duplicem ob hanc rationem quilibet satis primo etiam intuitu percipit, quomodo sanguis canalium exiliores tunicas hinc inde dirumpat, aut saltem ipsarum meatus minimos ampliores reddat, ut sibi aditum ad extra paret. Hujusmodi *petechiarum* explanationi, atque eorundem potissimae causae a me propositae, praeter allatas supra rationes a doctissimo Hecquet depromptas optime favere videntur observationes a prae-
laudato Homobono Pisone nostro in supra citata Dissertatione desumptae, ex quibus satis constat maculas

hasce a *malignante* somniata humorum qualitate nequaquam pendere; cum & in aliis febribus perquam facile occurrant, quod nemo ex Practicis inficiari unquam audebit. (143) Vidi has maculas (inquit ille) in Viro quinquaginta circiter annorum, temperamenti sanguinei, biliosique post equitationem frequentem, correpto simplici tertiana. Vidi in Puella decem, & octo annorum temperamenti sanguinei, quae postquam choreis incaluit, incidit in tertianam duplicem continuam restinctam tamen intra quatuor, aut quinque dies, & absque ullo maligni humoris indicio. Ex utraque autem observatione hac facile est deducere praegressam sanguinis nimiam commotionem, atque dissolutionem, indeque sanguinis fervorem subsecutum fuisse, quem pro potiore macularum causa ipse agnoscit, eundemq; congruis remediis temperandum esse, ibidem monet: dum caeteroquin alii falsis hac super re praejudiciis innixi, *dissolventia* omnis generis, atque *volatilia* tum interna, tum externa saepissime usurpata laudant; ut somniatam ab ipsis *petechialem* excretionem, tanquam *criticam* magis magisque promoveant.

CCLXXXIX. Quicumque ad haec sedulo attenderit, percipiet facile, quantum a veritate aberrant ejusmodi Medentes, atque quam manifeste pejorem Aegrotis perniciem struant, dum eorundem saluti officiose nimis, atque operose incumbere videntur. Etenim *volatilia* haec *attenuantia*, atque *incisiva* remedia, quibus ad id utuntur, eo magis suppositum

positum sanguinis fervorem excitant, promovent, & augent; quare idem propemodum hoc est, ac calcaria effraenato currenti Equo adjungere, ut ipse a motu cesset. Primariam ideo sic morbi causam foveant, vividioresque atque magis activam reddunt; quare & tumultuarii sanguinis motus denuo suscitantur, pejoribus aliis efficiendis *symptomatibus* apti, atque maculis ipsis multiplicandis ultro, aliisque sanguinis gravioribus producendis *stasibus*. Etenim minimae hae sanguinis *stagnationes* totum extrinsecus corpus foedantes, eo majorem mihi incutere metum solebant in hujuscemodi febribus, quo tutius inde habere judicium poteram de internis non ab similibus, & magis funestis *stagnationibus* aliis in praecipuis visceribus omni jure pertimescendis. Tales enim *stases*, occasione istarum febrium, modo in Pectore, modo in imo Ventre, modo in Hepate fiunt, aut etiam in Cerebro, ejusdemque membranis: unde & *Abscessus* varii, alteriusve indolis tumores, *inflammationes*, aliaeque hujusce indolis mala occurrunt, quae lethalem ut plurimum morbo finem constituunt, aut alterius chronicae succrescentis Aegritudinis prima stamina firmant: quae omnia ab eadem proficiscuntur causa, propterquam & *petechiales* extrinsecus minimas *stagnationes* fieri, supra ostendimus: Quod quidem cum iis adamusim convenit, quae & Diemberbroeckium observasse, atque Vallesium, & Ballonium indicasse, ibidem testatur Ramazzinus ipse.

CCXC. Hisce de causis mirari nunquam desinam, quod Auctor iste caeteroquin perspicacissimus, atque in observationibus accuratissimus, a praeconcepta jam Antiquorum Medentium opinione de *petechiarum* origine, progressu, utilitateque adeo obcaecatus fuerit, ut absolute statuere non recusaverit, eas in allata ab ipso constitutione, tanquam *Criticas* habendas fuisse, dum ibidem ait: (144) *Hinc mihi visum est, considerandas non esse peteculas, ut simplex malignae febris signum, veluti communis fert opinio, nec a criticarum excretionum censu excludendas*. Id autem, praeter alias non contemnendas tamen rationes, eo fidentius asserere non dubitavit, quo magis a speciosa ejusdem Diemberbroeckii observatione captus fuerat, quam sic ibidem refert: (145) *Curiosum autem est id, quod Diemberbroeckius refert, sibi in Cadavere ex hac febre extincto observatum; nimirum maculas hasce ab ipso periostio initium ducere, & lata basi instar fumi lampadis recenter extinctae*. De quo fides sit penes Auctorem. Quod si AEgroti illi a praecclarissimo Ramazzino curati per nullam, ut ipse asserit, sensibilem humorum *excretionem* convaluerunt, non hinc merito *petechiarum* apparitioni victoria forsitan tribuenda erat; sed potiore certe jure *insensibili perspirationi* affluenti factae in interstitiis cutis, ubi meatus excernentium porulorum a super incumbentibus *petechialibus stasibus* nil penitus occlusi erant, neque ullo modo compressi. Etenim, sicuti pro

(144) Ramazzinus Dissert. 3. supra notata. (145) Idem ibidem.

pro certo semper habui cum doctissimo Sanctorio, universum Corporis ambitum innumeris pene minimis meatibus a natura ditatum esse, ut per ipsos quaecunque, copia praesertim, aut qualitate noxia forent, datis temporibus, juxta *mechanicas* leges, sanitatis tempore magna ex parte excernerentur; sic & inficiari neminem posse arbitratus fui, pari semper ac in sanis, ita & in AEgris Corporibus cutis eosdem meatus tuto, praecipuoque adminiculo esse, ut per eosdem (caeteris maxime feriantibus ex toto *colatorius*) necessarias *excretiones* moliri natura possit, sicque AEgroti, etsi lethalibus antea detenti morbis, quasi redivivi e tumulo, pristina iterum valetudine potiri valeant.

CCXCI. Praeter praecipua, atque consueta *symptomata* hujuscemodi macularum apparitionem ut plurimum comitantia, optime in sententia nostra explicari posse videntur colores diversi, quibus *petechiae* hae in diversis istarum febrium circumstantiis infectae cernuntur, propter quos plus, minusve infaustum praeseferre omen communiter creduntur. Data enim speciali sanguinis constitutione, juxta AEgrotorum peculiare temperies, facile est intellectu, cur sanguis ille a consueta *circulationis* semita aberrans, atque in interstitiis cutis residens, aut etiam in *lateralibus lymphaticis* arteriarum tubulis, aut utrobique, ibidemque concretus, eadem ratione vario colore cutim inficiat. Quod autem non abs re sit supponere, varios nosce sanguinis characteres,

diversos in *petechialibus* cutis maculis colores producere, quilibet concedet, si satis noverit, pro diversa AEgrotorum individuali constitutione, detractum sanguinem modo plus, modo minus vividum, atque rutilantem esse, modo subobscurum, atque ad violaceum fere vergentem, aliquando etiam crocei coloris participem: quod in hac praesertim constitutione evenit. Praeterquam quod si quispiam animadvertat, quod maculae illae (quas vel a verberibus, vel a compressionibus, vel a contusionibus, vel ab alia quavis consimili extrinseca causa fieri, effuso inde, & stagnante sanguine supra ostendimus) in principio vividiores exhibent colorem, atque successive fuscum, & nigricantem fere, diuturna facta ibidem mora, primo vix intuitu noscet, cur id etiam in *malignantibus* hisce signaculis pari modo eveniat; absque quod opinione potius, quam ratione ducti, eo venenatam magis febris indolem nobis ipsis, Adstantibusque objiciamus, quo magis lividum, obscurumque praeseferunt colorem. Eatenus, progrediente morbo, maculae illae, quae in principio rubicundae admodum erant, postea obscurae evadunt: quatenus, ob diuturniorem moram, sanguis extra consuetam semitam stagnans, ibidem, quasi vita carens, quia consueto privatus motu, successive magis, magisque concrevit, coagulaturque, atque in intima constitutione sua commutatus, ob eandem causam, novum pari ratione, atque magis obscurum colorem induit.

duit. Quod si cito subeat iterum, consuetos canales sanguis iste, non tam fortis illico fieri potest concretio, obscuriori efficiendo colori idonea. Hinc videre est cur maculae, quo magis copiosae sunt, quo magis lividae, eo magis infaustum morbi praesagium afferant: quia major, atque magis copiosa fit sanguinis coagulatio, parem in internis quoque partibus factam, aut saltem *futurem stasim* omni jure indicans.

CCXCII. Propositam hanc de *petechiarum* genuina origine opinionem mihi ultro confirmabant ea omnia, quae non tantum morbum hunc comitari solebant, verum etiam tanquam pedisequa post febrim ipsam spectanda erant. Unde enim aliter, quam a sanguinis, & fortasse lymphae, aut utriusque internis *stasibus* quispiam melius deducat Aurium, *bombos*, *tinnitus*, *obtusitatem* auditus, atque *surditatem* ipsam; sicuti & varios *abscessus* aurium in fine morbi plerumque progenitos, atque alia hujuscemodi omnia, quae fere in omnibus hac febre correptis, longo etiam post febrim tempore animadvertere contigit? Non me latet sanguinem ipsum, concitato admodum in hisce febribus motu fluentem, quamvis intra consuetos canalium cancellos, majus inde nancisci pari ratione momentum, quo majorem in canalium latera impetum faciat, eadem distendendo, concutiendo, validiusque premendo: unde, absque ulla, ne minima quidem *stasi* (si par in sanguineis minimis tubulis Aures quaquaversus, atque Timpani praecipue membranam

pervadentibus, sanguinis impulsus fortis concedatur) congrua *tinnitus*, aut cujuslibet Aurium morborum strepitus ratio emanat. Attamen non ex hoc tantum aliquis unquam rationabiliter percipiet genuinam obtusi auditus, atque tam obstinatae surditatis rationem: nisi ultro procedens intelligat etiam, quod sanguis ipse citius, validiusque commotus in summo febris vigore, canales quoque minimos quammaxime distendit, congrua habita ratione ad varias eorundem *resistentias*; ita ut hoc etiam in confiniis aurium pari modo eveniat, facta inde ab exilissimis istorum tubulorum scissuris sanguinis *effusione*, *stasi*, & *concretione*, eodem prorsus modo quo, & *petechias* in ambitu Corporis fieri, supra docuimus. Hinc membrana Timpani (quae tenuis antea, & moderate tensa erat, atque aeris subeundis, propagandisque ultro *undulationibus* idonea) repletis interstitiis densior fit, quare nonnisi validis *concussionibus* reniti valet; unde hujuscemodi Aegroti nonnisi vehementibus clamoribus excussi audiunt, & male etiam. Verum si major fuerit sanguinis copia extra *circulationis* viam ibidem aberrantis, & concrefcentis, quam quae pro replendis tantummodo minimis interstitiis dictis sufficiat: majorem in molem sanguis ibidem congestus, & residens, *abscessus* efficit, quos modo intra, modo extra aures evenisse occasione harum febrium saepissime observavimus.

CCXCIII. Non inficias tamen iverim, varias hasce Aurium affectiones, *bombos* nempe, & *tinnitus*, &

& *surditates* quandoque a *lymphaticis* solum *stasibus* fieri; quod & occasione istarum febrium non raro mihi contigit videre, in illis maxime, quae & *lymphaticam* subolebant naturam, de quibus arrepta occasione hic etiam suo loco agemus. Tunc autem hoc aderat discrimen, quod in iis *suppuratio* neutiquam eveniret, quam a solius lymphae *stagnatione* fieri nunquam posse, quilibet novit. Etenim lympham dum stagnat in aliqua parte, aut in mucosum, ac fere *trophaceum* gluten, ut in *Arthriticis*, commutatur: aut denuo attenuata per poros cutis (si ad ipsos praepeditus non fuerit aditus) sensim & sine sensu avolat: aut contiguos *lymphaticos* ductus iterum subiens, in circulum denuo agitur: quo utroque modo per *resolutionem* id evenire vulgo dicitur, nulla unquam facta *suppuratione* vera.

CCXCIV. Hinc ex dictis non abs re erit pauca hic obiter adjungere, quae verisimilem magis rationem in propatulo ponant: qui fiat nempe, ut passim in hisce febribus *surditates*, aut etiam obtusus tantum auditus, tum & *bombi*, *tinnitus* in decursu morbi occurrentes, fausti praesagii loco habeantur. Certe hoc aenigma, quod in ore Clinicorum Medentium omnium tam frequenter sonat, a paucis satis intelligitur, atque adamussim explicatur. Hoc tamen minus arduum cuique videbitur, si rite antea intellexerit, *Timpani* membranam eo magis exquisito sensu ditatam esse, quo magis tensa congruo modo fuerit (quod & de nervis quibuslibet sentientibus fibrillis pari modo verum est) propter

quod, ob occurrentes extrinsecus aeris concussiones, variis modis percussa, citius, validiusve renititur, indeque magis facilis, atque acutus sensus redditur. Verum dum plus aequo laxa est (ob suppositam in ejusdem interstitiis lymphae, aut sanguinis, aut utriusque *stasim*) sicuti quibuslibet aeris pressionibus facile cedit, ita difficilius, tardiusque, congrua validiore elateris deficiente potentia, sui juris fit, ut pristinam amissam denuo acquirat positionem: Ex quo debili renisu idonea per nervos successiva *undulatio* tam cito, tam valide, pro ut opus est, derivari nequit. Hoc ex sola projectorum Corporum lege facile intelligitur. Illa enim, pro ut aut in tensa magis, magisque elastica, aut facile cedentia alia Corpora impingunt, eo citius, aut tardius, eo validius, aut debilius resiliunt, habita ratione tum impetus, quo primo projecta fuerunt, tum & *resistentiae*, & *elasticitatis* Corporum, in quae irruunt. Hinc si a molli, aut moderate laxa hujusce membranae constitutione, non incongruum est universalem solidorum omnium laxitatem (properante maxime ad exitum morbo) derivare, indeque laudabiliorem solidorum ad fluida respectum; illico patet, cur surditas in hisce febribus optimum ut plurimum sanitatis omne portenderit; nisi tamen in principio occurreret; quando intempesta solidorum laxitas haec minus apta sic ipsa reddit, congruis peragendis *oscillationibus*, ad morbi causam satis, & valide evincendam, maxime necessariis.

CCXCV. De hoc tamen certior fieri potui, cum iteratis tunc observationibus attenderim, nullos penitus ex hisce AEgrotis (quibus mentis stupiditas, Corporis torpor, cum *surditate*, pulsuque molli, atque amplo, non tam frequenti, aut concitato; aliaque hujusmodi a speciali solidorum laxitate petenda evenerant) Mortis victimas evasisse. E contrario omnes fere (qui protractis nimium vigiliis, Corporis maxima agilitate praediti, una cum mentis alacritate nimia, parva, aut vix nulla *surditate*, vehementibus, diuque protractis deliriis, cum jactatione Corporis, clamoribus, & pulsu duro, contracto, atque vibrante admodum, detenti fuerant) Mortis ictum plerumque, & perquam cito subiere. Quamobrem rationalis hinc quilibet Medicus discere potest, quanti nam facienda sit solidorum doctrina, tam erudite, & specialiter a praestantissimo Hecquet in operibus suis explicata, tum ad institutas tutius curationes, tum ad abditas magis morborum causas rimandas, simulque prognoses quaslibet certo certius proferendas. Qui sola humorum speculatione contenti, intima quaeque animalis OEconomiae penetralia absque ulla, aut vix modica solidorum consideratione audacter tentant, eo magis allucinantur, quo magis solidorum potentia fluidorum vim superat in Animalis Corpore. Illam enim potius, quam istam primum tum sanitatis, tum morborum fundamentum constituere, nemo unquam inficia-

bitur, praesertim si clarissimo eidem Hecquet fides adhibenda sit, dum statuit (146) solidorum vim, ad fluidorum potentiam esse ut 1000. ad 1.

CCXCVI. Humorum factas successive in hisce febribus *stases*, atque eorundem a communi circuitus femita *aberrationes* (a quibus unice veridicam occurrentium tunc *petechiarum* causam petendam merito esse supra satis ostendimus) indicabant ultro (praeter jam recensitos Faciei, & Manuum, Brachiorumque oedematosos tumores in summo morbi conflictu saepissime observatos) non absimiles alii Pedum tumores, atque universales etiam *cachectici* habitus, quibus profligata jam febris, AEgroti fere omnes detinebantur. Hasce tamen *morbosas* affectiones post hasce febres succedentes, non a fluidorum tantum vitiosa *diathesi*, verum etiam a solidorum mala praecipue constitutione, seu laxitate nimia occasione praegressi morbi facta, tunc subortas fuisse, quilibet noscet. Etenim nemo ignorat, quod, dum, vigente febre, in tumultuarios aestus cietur maxime sanguis (qui ideo eadem ratione canalium latera quaqua versus validius premit, & urget) fibrillae omnes vasa contexentes summopere distrahuntur undique, ut simul rarefacto plus aequo sanguini magis amplum necessarium spatium concedant. Hinc factum fuit, quod post febrilem luctam fibrillae illae pari ratione laxae admodum evaserint, ideoque minus aptae ad sollicitandos rite fluidorum

dorum motus: congrua nempe inde deperdita *elasticitatis* nativa potentia. Deficiente hac solidorum primaria vi, aut inertii saltem ipsa hinc maxime reddita; quis non videt, qua plerumque ratione sanguis lento ideo magis motu postea fluere coeperit, atque maxime in extremitatibus canalium a Corde magis diffitis, ubi, caeteris paribus, ipsius velocitas decrescit in ratione reciproca distantiarum a Corde? Hinc feriente non parum sanguine a concitatore nativo suo motu in extremitatibus praecipue Corporis, atque fere dixerim, in iisdem residente; serosa ibidem ipsius portio, utpote tenuior, magisque permeabilis, per canalium laterales poros a tota massa successive hinc inde secessit, ibidemque extra *aream circulationis* stagnans, atque concreescens, *oedematosos* paulatim tumores dictos progeniit. Quod autem post habitas solidorum fortes contractiones diu nimis, validiusque protractas, eorundem nimia plerumque laxitas, seu ad oscillandum debilis potentia, eadem ratione contingat; ex eo facile deduci etiam potest, quod quilibet in se ipso passim experitur; dum, post violentas, atque diuturniores Corporis exercitationes, virium universalem dejectionem, simulque musculorum omnium enervatam potentiam persequitur. Neque aliter tunc pristino potitur robore, nisi, congrua accedente quiete, solidorum universa compages satis refici queat. Id postea fit, congruo idonei nutrimenti adminiculo, cujus nutritivae minimae moleculae melius per quie-

tem apponuntur, iisdemque magis adhaerent; quae ideo, minimis sic repletis interstitiis, pristinam acquirunt *elasticitatem*, iterum contrahuntur, sicque deperditum adipiscuntur paulatim tonum, ut denuo validius, sicut antea, oscillare possint. Praeterea, quod in summo febris tumultu (maxime cum vehementius aestuando sanguis, in concitatiores, magisque tumultuarios cogitur motus occasione graviorum *symptomatum*) eadem ratione magis, magisque solidorum minimae fibrillae, nerveae praesertim, contrahantur, & rigescant, indeque, soluta morboosa lucta, laxiores, quam antea, plerumque evadant: id satis superque testatur maximum robur, quo praediti videntur praeter ordinem Aegroti omnes, dum, vigente acuta febre, delirio saevius detinentur, aut vehementibus laborant *convulsionibus*, aliisque hujusce indolis *symptomatibus*; quae omnia postmodum, remittente morbo, maximus virium lapsus, cum universali lassitudine Corporis subsequitur, nec raro etiam defatigatarum magis partium *Paralysis* non facile superanda. Haec etiam, mutatis mutandis, evenire passim observantur in *hystericis* Mulierum convulsivis affectionibus, validius, & diutius protractis.

CCXCVII. Attamen, licet ex dictis satis constet, hujusmodi solidorum laxitatem, seu ad oscillandum debiliorem potentiam, variis tunc hisce lymphae *stasibus*, atque concretionibus perficiendis contulisse: Non negaverim quoque, & specialem sanguineae totius massae pra-

vam *diathesi*, a praegressa febrili valida lucta derivatam, hisce simul ansam praebuisse. Etenim occasione acutarum febrium non parum totius sanguinis compages pervertitur, & quidem vario modo, servata nempe ratione diuturnitatis morbi, ejusdemque vehementiae. Namque, dum concitato magis motu tunc sanguis canales omnes pervadit, a solidis ipsis validius, & frequentius oscillantibus praeter modum undique pressus, atque verberatus, ejusdem primo componentes molecule ex mutuo forti attritu maxime dividuntur; sicque mutatis, eadem ratione, tum primis molibus, tum figuris, tota massa, praesertim quo ad consistentiam, tenuior evadit; utpote majore numero minimarum particularum, [laevigatam magis superficiem obtinentium, quam antea constans. Verum hinc eodem modo secernendorum humorum materies crescit; cum plurimae ex illis particulis, quae antea tum ob molem, tum ob configurationem per *secretoria* quaedam Cribra trajici nequaquam poterant, taliter mutatae eadem facilius subeant. Quare hinc aperte patet, quod & in eadem propemodum ratione universale secretionis negotium excrecere necessario debeat: ad quod ultro specialiter confert, & ipsius sanguinis celerior motus, atque ab ipso pendens majus momentum, quo ideo ejusdem jam divisae particulae in *secretorios* porulos impetum faciunt. Ad aucto sic undecunque multiplici ratione secretionis officio, deperditisq; ideo majore in copia tenuioribus, magisque

laevigatis sanguinis particulis, quae remanent crassiores, magisque asperae, crassam magis, magisque glutinosam, eadem ratione, massam sanguinis efficiunt, unde peculiaris illa prava ejusdem *diathesis* emergit, quae remittentibus gravioribus morbis contingere solet. Ab hac eadem mala constitutione non abs re est, & *oedematosos* tumores dictos deducere. Cuique enim satis notum est, fluida quaeque, caeteris paribus, ab eadem motrice data potentia valido magis, minusve impetu moveri posse, prout crassa, glutinosa ve minus, aut magis sunt; utpote quae sic recepto impetui varia ratione resistunt. Hinc aperte patet, quam tardo, lentoque motu sanguis fluere, recedente febris, necessario debuerit, cum ex praegressis tenax admodum, & crassus evasisset: quare serum utpote tenuius ab ipso variis in locis secedens, & stagnans *oedematosos* tumores dictos progignere potuit: quorum ideo ratio *primario* a solidorum laxitate, *secundario* a fluidorum vitio ex dictis, simulque ab utrisque petenda jure, ac merito tunc fuit.

CCXCVIII. Praeter haec, quae maximi certe momenti esse mihi videntur ad *oedematosos* hosce tumores melius explicandos: duas hic ultro mihi placet observationes adjungere eidem proposito perquam faventes, quae in *epidemica* speciali hac constitutione tunc obviae semper fuerunt. Siquidem, eliminata hac febris, facilius, citiusque *stases* haec in extremitatibus novimus evenire Plebeis omnibus, tum & Militibus maxime, jam ante febrim assiduis Belli labo-

laboribus diu, noctuque defatigatis, atque copiosis tunc aquae potibus, simulque Oleribus, aliisque pessimae nutritionis esculentis ad satietatem usque saturatis: quod saepe saepius in Castrensi Regali Nosocomio Pedemontano Cremonae tunc existente diligenter observavi. Praeter haec iis frequentius Pedes, declinante morbo, intumescebant, quibus magis copiose, vigente febre, sanguis eductus fuerat, aut copiosae, diuque protractae diarrhoeae, aut narium haemorrhagiae evenerant, aut dysenteria ipsa, praesertim ob praeposterum purgantium validiorum usum: quam eandem ob causam gangraenosae etiam lethales *Arses* in extremitatibus, atque apice praecipue nasi quampluries evenere, de quibus infra sermo habebitur.

CCIC. Si quis autem hic peteret, qui fieret, quod post eductum majore in copia sanguinem *oedematosi* ejusmodi tumores facilius, & majores fierent; non arduum hoc erit explicatu. Tota enim sanguinis moles plus aequo hoc modo imminuta, minus eadem ratione spatium in canalibus occupans, eorundem tunicas minus inde, minoreque cum impetu distendit. Hinc cum ratio vis renis solidorum in fluida proportionalis plerumque sit impellentium fluidorum potentiae, quae & sanguinis necessario molis universae canales adimplentis, caeteris paribus, rationem sequitur: inde fit, quod imminutas sic (ob praegressas ipsius immoderatas evacuationes, aut alias quaslibet) fluentis

sanguinis vires, minor pari ratione solidorum renis vis subsequuta fuerit, minorque proinde fluidorum ad motum sollicitatio, facilior stagnatio, ac demum serosae substantiae & reliqua sanguinis fibrosa portione citior, atque copiosa magis separatio. Idem, mutatis mutandis, dicendum venit de *oedematosis* tumoribus post diarrhoeas diutius protractas genitis. Siquidem biliosa, serosaque maxime portione sic spoliatus sanguis, crassior fit, & glutinosus valde, magisque proinde ad *stagnationem* proclivis. Bilis enim praesertim, ex nativa constitutione sua, ad id specialiter comparata esse videtur; ut (praeter solventem vim suam, maxime necessariam, ad sollicitandas *Intestinorum excretiones*) activa, atque scindente peculiari sua potentia sanguinem dissolvat, ejusdemque congruam semper fluiditatem conservet; propter quod non incongruam arbitror quorundam opinionem, neque a ratione prorsus alienam, qui putant Bilem ab Hepate separatam, proprium postea *circulatorium* motum adimplere: dum per *cholidochon* ductum ad *Intestinum Duodenum* delata, partim cum faecibus extra Corpus eliminatur; partim *meseraicas* subiens venas, denuo ad sanguinem devehitur, ut cum ipso juncta iterum in Hepate secernatur: pro ut refert doctissimus Joseph del Papa in eruditissimo opusculo suo de humoribus (147) Certe si talis bilis jam a tota sanguinea massa separatae in sanguinem iterum sic habetur refluxus, eodem modo ob ipsius mixtio-

nem cum sanguine, ipsum sic dissolvi, atque attenuari, magisque actuosum fieri putarem, quo & a *Testiculis* separatum semen in sanguinem postea refluens, volatiliorem illum reddit, magisque activum, solidaque ipsa elastica magis facit: ad differentiam *Eunuchorum*, qui deficiente hoc tam volatilis humoris subsidio, laxi semper sunt, obesi, & debiles, ac fere cachectici, atque in actionibus omnibus suis *effoeminatum*, quasi dixerim, animum, minusque robustum Corpus semper habent.

CCC. Hinc sedulo semper cavere Medici discant, tum a copiosis nimis sanguinis emissionibus, tum a vehementibus, & saepius repetitis *purgantibus*, non tantum in hisce febribus, verum etiam in aliis praecipue morbis, qui facilius ad *cachexiam* perducunt: cujusmodi sunt primariae Pectoris Aegritudines, atque *naturalium viscerum obstructions* quaelibet Hyppocondriacis familiares. Discant hinc ultro Tyrones Medici hujusce utriusque evacuationis mensuram, non eandem semper servandam esse, sed in omnibus quidem variam; habito nempe congruo respectu ad peccantis peculiaris humoris naturam, ad morbi ipsius indolem, atque ferociam, tum & ad arteriae exploratae diametrum, quamproxime sanguinis specialem copiam in quocunque Aegroto indicantem, tum ad praegressum victus regimen, nec non ad antehabitas evacuationes quaslibet, ex quibus facile *stagnantium* in primis, ut ajunt, viis *cruditatum* suspicio habetur. Frustranea tamen penitus esse

videntur hujusmodi monita, praesertim de *purgantium* validiorum temperantia; cum nostro hoc aevo maxime ab hisce sordibus expurgata, magna ex parte Medicina fuerit, atque saniores quilibet Medentes noscant, idem penitus esse in *inflammatoriis* quibuscunque morbis a solidorum specialibus vitiis prodeuntibus, *Catharticis* praecipue uti remediis, eorundemque ope *morbifcae* causae solutionem exquirere; ac e pumice aquam stulte elicere. Solidissima haec, atque maxime commendabilis doctrina jam in toto Medico Orbe principatum obtinet, ejusdemque saniora fundamenta, praeter caeteros, perspicacissimus Hecquet, summum totius Medicinae lumen nuperrime promulgavit in Gallia. Tamque solliciti in Italia praesertim videntur Medentes plurimi, de speciali hoc Medicinae canone scrupulose servando; ut nil aliud tum differendo, tum consultando magis inculcatum quotidie sit, quam rigorosa a *purgantibus* temperantia, quam eo magis semper commendandam esse arbitror, quo minus severa, minusque ampla fuerint ejusdem praecepta, utpote peculiaribus quamplurimis documentis, atque cautionibus temperanda: pro ut infra ultro etiam in hujusce febris curatione notum fiet.

Ea autem omnia, quae supra in enarratae Febris *Petechialis* historia, eo quo potuimus modo, clare, breviterque a nobis proposita sunt, omnimode fere cum illis consentiunt, quae hac eadem occasione accuratissime observavit, literisque humanissimis mihi communicavit eruditiss. Vir

Sect. 3. Cap. I. Hujus Febris Petechialis historia &c. 191

August. Florentius Gallaratus mei amicissimus, in Regia Ticinensi Universitate Medicinae primarius Professor. Observavit enim clarissimus iste Vir, quod in plerisque Aegrotis, qui hac febre detinebantur, eaque gravius laborarent, manifeste semper *stases* fiebant variae vel in supremo, ut ajunt, ventre, vel in medio, ut plurimum in infimo. Quae in Pectore consistebant (quarum ego quoque suo loco peculiare addam observationes a me factas) per *anacatharsim* solvebantur, *semiputridis* prodeuntibus aliquando sputis. Hasce ego a biliosis aliis maxime semper differre existimavi, utpote *lymphaticae* indolis participes; easque rarius evenisse novi, atque praesertim Hyemis tempore. Tunc autem, & frequens, & molesta admodum tussis aderat, cum respiratione magis difficili, aliaque hujusmodi *symptomata* vigeant, quae vere Pectoris varios morbos comitari passim solent. Pari ratione, si specialiter supremum obsidebant Ventrem, habito respectu ad diversas occurrentes *stases*, aut veterinosi per plures dies reddebantur Aegroti, aut phrenitici, aut convulsi: quae distincte *symptomata* lethalia magis ipse quoque novit, maxime cum diutius permanerent, aut crudelius saevirent. Saepius tamen contumaces *timpanicos* totius Abdominis tumores, nec raro cum *Ictericia* evenire observavit; Quando nempe in imo ventre quomodocunque distincte febris causa vigeat: quod ego plerumque contigisse animadverti, tot aliis specialiter comitantibus *sympto-*

matibus; de quibus supra satis egimus. Hac de re tunc semper biliosis variae indolis Alvi dejectionibus febres hasce tutius, & citius solvi, ipse quoque adnotavit, prodeuntibus per saepe vermibus. Vidit ultro, quod ut plurimum, absque ulla apparente Renum, aut Vesicae laesione urinae ita parcae redderentur, ut quamplurimi ex hisce Aegrotis tota die vix octo tantum urinae uncias excernerent, etiamsi copiose semper biberent; idque modo ineunte febre, ac praesertim in augmento morbi per plures dies evenisse novit, pessimum semper praesagium proferendo; utpote quod internas semper, gravesque *metastases*, aut proxime futuras, aut inchoatas, aut jam factas indicaret. Quod ad hanc observationem spectat a praecclarissimo hoc Viro tunc habitam, certo asserere possum, quod ex innumeris pene, quos tunc temporis Cremonae curandos Aegrotos habui *petechiali* hac febre detentos, paucos admodum tam parcae urinas excrevisse noverim. Quod si aliquando urina in aliquibus ita supprimebatur, id tunc solummodo evenire consuevit, cum *cardialgicae* Ventriculi graviores saevirent passiones, cum *Abdomen* undecunque, & maxime intumesceret, cum doloribus, & torminibus, singultu, atque praecipue cum manifesta imminentis ibidem inflammationis suspitione. Neque tunc quicquam proderant copiosae potiones ad suppressas magna ex parte urinas ciendas, aut validiora quaevis diuretica remedia. Utilia tamen ad id admodum expertus semper

per sui *emollientia* fomenta saepissime, ac fere continuo *Abdomini*, versus Pubem maxime, applicata. Ipsorum enim ope (nisi tamen confirmata jam inflammatio esset) paulo postea copiose fluebant urinae: quod rationi ipsi tunc consonum erat. Siquidem fomenta haec *Abdomen* undique extrinsecus laxando, internas quoque lenire partes summo opere poterant, atque fibrarum omnium crispaturas tollere, propter quas tum *Renum excretorii* poruli strictiores, quam par erat, ob praedictas causas, evaserant; tum & ipsa *Vesica* fere per *spasmodiam*, coarctata maxime fuerat. Praeterquamquod, si verum est, quod *Abdominis* musculorum vis non parum confert tum ad *Alvi*, tum ad *Vesicae* excretiones obtinendas; dum ipsorum fibrae ex dictis contractae ita erant, tale tunc deerat adminiculum ad expellendas urinas necessarium, quod ideo fomenta *emollientia* restituere facile poterant. Nec tantum parcas ita urinas in hujusmodi *AEgrotis* aliquando observavimus, verum etiam perfectam quandoque *Ischuriam*, *Stranguriam*, & *Dysuriam*. Attamen gravia haec *Vesicae symptomata* nunquam profecto febricitantibus hisce a me curatis evenisse novi, quamvis innumeros penetunc habuerim, cum praeter Cives nostros, praeter *Nosocomium* majus nostrum *AEgrotis* hisce omnimode repletum, maximum quotidie numerum Militum in *Nosocomio* generali *Pedemontanorum*, *Cremonae* tunc existente, inviserem, eademque ubicunque *petechia-*

lis febris grassaretur. Quod si *AEgroti* isti a me curati ab hisce *symptomatibus* immunes penitus, & semper fuerunt, dum alii quamplurimi alia methodo tractati, iisdem graviter vexabantur; id nulli alii rationitribuendum melius esse putabam, quam servatae a me semper temperantiae a *Vesicantium* usu. Satis enim cuique constat, quam facile, quam crudeliter fere semper vesicam afficiant *cantharidum arsenicales* particulae: quod eo magis ex dicendis infra patebit. Idcirco alii Medici in hac constitutione *petechialis* dictae febris *vesicantibus* indulgentes, diuturno magis certe tempore, majoreque sollicitudine uti debebant, ut inde ortae *Ischuriae* prospicerent, quam ut febrim ipsam omnimode evincerent. Neque fausto hinc semper res ipsis omine aequae cessit. Nonnullos enim tunc vidimus, devicto jam ex toto primario morbo, *petechiali* nempe feбри perfecte soluta, aut ob superadditam *Ischuriam*, indeque subsecutam inflammationem, miserrime occubuisse: aut ob genitum ulcus in parte, ubi *vesicantia* constiterant, diutissime, graviterque laborasse: quae omnia praesertim in *Nosocomiis*, & saepius, & facilius evenisse observavimus. Quo ad exitum enarratae febris spectat, praelaudatus quoque Gallaratus semper cognovit, occurrentes *Petechias* eo magis infaustum protulisse omen, quo magis livido, cinereoque inficerentur colore. Id quoque adnotatu maxime dignum fuisse in hujusce febris curatione ipse existimavit, quod, quum in habitis

Sect. 3. Cap. I. Hujus Febris Petechialis historia &c. 193

habitis alias similibus constitutionibus sanguinis emissio non tantum inutilis, verum etiam nocua comperta fuisset; tunc omnem, praecipuamque curationis paginam adimpleret, maxime si pluries etiam, juxta AEgrotorum peculiare constitutiones, congruo tempore celebrata foret. Siquidem natura ipsa id plerumque provide Medicis indicabat; dum copiosa Narium Haemorrhagia, quandoque etiam usque ad uncias centum prodeunte sanguine, morbum tuto, citoque solvere saepe consueverat. Attamen sanguinis iste Narium fluxus facilius, & copiosius AEgrotis illis evenit, quibus aut nunquam secta tunc fuerat vena, aut parce nimis sanguis prodierat. Ego quoque maximam emissionis sanguinis necessitatem, utilitatemque in hisce febribus semper cognovi; quod servata a me subsequens methodus fusius ostendet. Hoc unum hic dicam, quod, quamvis praesidium hoc opportunum maxime tunc existimaverim, semper tamen & modum, & tempus, & rationem secandi venam attente servaverim. Irra-

tionales enim Medicos illos arbitrabar, qui eo plerumque frequentius *Phlebotomum* tunc accersiri jubebant, quo certius putabant, in vehementibus hisce febribus, eadem prorsus ratione morbi ferociam sedari, qua AEgrotorum vires, iteratae, copiosaeque sanguinis emissionis op^e, enervantur, ac pene destruuntur. Inconsultam autem hanc curandi methodum quilibet certe respuet, si rationem potius, quam aliorum exempla sequi amet. Unus enim pro cunctis cuique sufficiat doctissimus Freind (*) sic loquens. *Acrid* saepius iudicio opus esse fateor, quando in febribus acutis sanguinem educere oportet, quando secus: habet enim ea res multas cautiones. Hoc unum videtur perpetuum venae sectionis indicium, si ad caeteras, quae modo descriptae sunt, notas accesserit pulsuum robur. Et venam quidem in Acutis circa initia maxime secari praestat, cum vires adhuc integrae sint: nam alias saepe, aut inclinante jam morbo nihil proficit, aut inveterascente mortem maturat.



(*) Freind. in Com. 2. de Febris.

SECTIO TERTIA

CAPUT SECUNDUM.

Hujusce Febris causa, & curatio, praesertim de sanguinis missionis, & purgationis ratione, atque usu Vesicantium in hujusmodi febribus &c.

CCCI.



Generalis ejusmodi fuit talis febris propria indoles, quā plerumque primis mensibus, quibus illa grassari primo coepit, observare specialiter potuimus. Tot aliae tamen adjungendae erunt differentiae peculiare, quae juxta affectorum corporum constitutiones varias, diversasque aeris occurrentes vicissitudines, in posterum rimandae fuerunt, quae quidem, etsi ab eadem primaria generali emanantes causa, specialem tamen Medici animadversionem exposcere jure, ac merito videbantur, maxime cum persaepe gravissima, atque singularia afferrent *symptomata*, quae totum, atque praecipuum curationis momentum sibi asciscere consueverunt. Antequam autem peculiare hosce istius febris characteres, iisdemque magis congrua adhibita remedia in medium proferam: pro majore assumpti mei dilucidatione satius arbitratus sum,

generalem a me servatam in hisce febribus methodum (quam quidem, utpote simpliciore, tutiore, minusque AEgrotis incommodam, nec non faustis fere semper eventibus confirmatam, amplexus fui) paucis, fideliterque adaperire.

CCCII. Ast cum non *Empirico* more ductus (quod quidem, utpote Medico inconueniens penitus, simulque AEgrotis nocuum, effugere semper consuevi, atque cum clarioribus omnibus Medicinae Processibus semper condemnabo) sed rationali quidem perficere tunc semper curationes sategerim; causam nempe morbi, tum *procathartica*, ut ajunt, tum *internam*, atque *immediatam* saniore scrutinio eruens; indeque tutioribus, magisque genuinae ipsius morbi naturae analogis *indicationibus* deductis, magis efficacia postmodum remedia seligens, vi, causaeque morbi tutius, citiusque evincendae magis conferentia: Operae pretium me facturum, pro certo habui, si priusquam servatam tunc a me

a me curationis normam ostendam, ea omnia prius exhibeam ratiocinia, quibus tum morbi, tum adnexorum ipsi *symptomatum* quorumcunque peculiare me attigisse causas existimo, ipsiusque methodi fundamentum me rationabiliter firmasse.

CCCIII. Dum Febri huic teterimum *malignitatis* nomen mihi placuit adjungere, non venenatum, fere dixerim, ejusdem principium indicare in animo habui: Febrim illam videlicet, quae, ut Dolaëus ait (148) *blanditur, & fallit instar Canum, qui minus latrant, acrius mordent*, atque brevissimo temporis intervallo motum suum luctuose adimplens, AEgrotos citissime jugulat. Febrim hanc *malignam* appellare consuevi, ut Medicorum, atque AEgrotorum me sermoni vulgari adaptarem, illam intelligens (149) *quae variis, gravissimisque stipatur symptomatibus, ruitque in deterius*. Fixum enim mihi, ratumque est, quod plerumque febres illae (150) *quae nobis videntur malignae, a viscerum, phlegmone, aut erysipellate fiunt, idest a causa evidente, & manifesta*: quod verum esse, semper arbitror, sive in cavitate Pectoris, sive Abdominis, sive in Capite primario sedem obtineant, aut a quovis stagnante specialiter humore proficiantur; *lymphatico nempe, sanguineo, bilioso, aut alio quolibet ab universa sanguinis massa secedente, atque extra circulationis aream quomodolibet deviante*.

CCCIV. Hinc satius *malignantis* naturae febrim ejusmodi dixerim, *petechialem*, atque *epidemicam*, in Abdomine praesertim fixam habentem causam, quae juxta consuetum accessionis modum, *symptomatumque* peculiarium comitatum, reduci merito posse videbatur ad illas omnes, quas idem indicavit expertissimus Baglivius: ad *Tritaeophyam* nempe, *Hemitritaeum*, *Triphodem*, *Affodem*, *Elodem*, *Lypiriam*, & *Epialam*: licet neutram ex hisce ipsam omnimode referre, quilibet ex allata supra historica hujusce febris descriptione primo intuitu noscere, satis possit. Omnibus itaque perspectis, quae hujusce febris propria fuere, *symptomattibus*, attentoque simul progrediendi ordine, ad *malignantium* indolem referendam illam esse, nemo negabit; dum juxta divini Senis mentem (151) *Rigores, qui ad rigorem tertianae accedunt, siquidem in medio exacerbantur, febri quidem nullum ordinem retinente, admodum maligni sunt*: quare alibi ex eodem Praeceptore didicimus, quod (152) *Quae tertianae modum febres referunt, & anxiae sunt, malignae*.

CCCV. Cum primum febris haec circa initium mensis Martii anni 1734. grassari coepit, saevissimam undecunque tyrannidem suam exercens, satius cunctando, quam temere agendo muneri Medico satisfieri a me posse in earundem curatione arbitratus certo fui, juxta solertissimi Sydenhamii monitum aperte

(148) Dolaëus Cap. 5. de Febre maligna.

(149) Bagliv. de Febr. malig., & Mesenteric. (150) Idem ibidem.

(151) Hippoc. in Coac. lib. 1. n. 26. (152) Idem ibidem n. 34.

te docentis : expedire (153) Quando novae febres grassari incipiunt, cunctari paulisper, & ad magna praesertim remedia non nisi suspensio pede, ac tardius procedere, diligenter interim illarum genium, atque morem observare; quibus itidem praesidiorum generibus Aegri juventur, vel laedantur, ut quamprimum, his repudiatis, illis utamur. Semper enim in morborum quorumlibet curationibus, ac praecipue sub initium epidemicae hujusce constitutionis, non tam facile, quin immo summopere arduum id esse putavi; genuinam nempe ipsius indolem, atque individualement conditionem statuere, ut verisimilis inde ipsius causa, atque curandi tutius principium emergeret. Haec namque non ratiociniis solum, non specialibus, aut ingeniosis quibusvis commentis assequi unquam potest Medicus; sed observationibus maxime, atque tutioribus a natura ipsa mutuatis fundamentis. Apposite enim admodum eruditissimus docet Hecquetus, quod in hisce tenebris (154) Naturae spectator factus Medicus otando agit, de illa operante tutus, quae illius causa, & nomine agit indefinenter, nec infructuose. Illius enim patientiae fructus est rescivisse modum, quo ferus ille cicuratur, vincitur tandem Morbus, modo hac, illa modo vacuandi ratione, non infrequenter evacuatione sensibili nulla. Sanioribus hujuscemodi documentis innixus, posthabitis quibuslibet praedictis, sive ab auctoritate, sive a Theoricis speculationibus mutuatis,

liber omnimode factus, febris hujusce genium investigare sedulo aggressus primo fui, motus ipsius omnes, symptomata quaeque, variasque mutationes pro varietate affectorum Corporum passim occurrentes (quae omnia pro ingenio meo, meliore, quo licuit, modo, in allata febris historia enucleare supra curavi) perscrutando: simulque peculiare attendendo evacuationes, quibus haec specialiter potius, quam alia febris solvi plerumque visa est.

CCCVI. Dum ad haec animum rite intenderem, tum in Nosocomiis, tum in Urbe frequenter Aegrotos hosce invisens: vulgaris subito illa inter Medicos quaestio prodiit: an febris scilicet haec a principio coagulante vere penderet, an potius dissolvente. Utrinq; tunc de hoc variae fuerunt sententiae. Alii enim vehementes febriles aestus attendendo, robustiora Corpora vividioris juventutis flore gaudentia, atque spirituosius eduliis, & potibus maxime assueta, nec non biliosa magis, volatilique sanguinis compage caeteroquin praedita, quae facilius, quae gravius, quam alia, saevi hujusce morbi tyrannidem pati solita erant: variaque simul alia spectantes symptomata hujusce febris familiaria; recte inde deduci posse arbitrabantur ipsam a dissolutione maxima sanguinis unice, & primario pendere. Plerique tamen oppositam tueri sententiam non dubitabant, certo putantes, genuinam tum ejusdem febris, tum adnexorum ipsi symptomatum originem

(153) Sydenh. de morb. epidem. Cap. 2.

(154) Hecquetus in monit. ad append. de Peste.

originem non aliunde melius, quam a *coagulante*, atque *incrassante* vi in sanguine dominante derivandam esse. Id enim testari satis videbantur Capitis gravedines, & dolores, mentis stupores, virium prostrationes praeviae, cum universali Corporis torpore, ad somnum nimia proclivitas, auditus obtusus, eidemque succedens fere temper surditas, cum *timitu*, & *sibilo*, *petechiales stases*, *oedematosi* partium extremarum tumores, aliaque *symptomata* quamplurima, quae febrim hanc utplurimum praeibant, comitabantur, atque sequi solebant.

CCCVII. Hisce potissimum de causis, hanc potius, quam aliam me amplecti merito debere sententiam primo existimavi, atque publice in occurrentibus consultationibus profiteri non dubitavi. Re autem melius considerata, actuosum admodum, atque mobile principium, sanguinis universam massam *dissolvens*, agnoscere coactus postea fui. Ea namque *symptomata*, quae sanguinis *coagulationem* aperte indicare videbantur, ac verae *stasis* genuinae soboles erant, patentes satis attenuati, atque maxime mobilis sanguinis necessarios effectus demonstrabant. Ideo enim in interstitiis cutis, in *lymphaticis* tubulis undique stagnando sanguis, *petechiales* praeferebat maculas; quia *lymphaticos* eosdem validius subiens canaliculos, extra *aream circulationis* dejectus, communi *circulationis* consueto motu fraudatus erat. Quod si non ab similes in internis etiam Corporis

partibus *primariis* factas eodem modo *stases* supponere non irrationabiliter velimus; inde etiam aliorum *symptomatum* tutior explicatio, illi conformis, habebitur. Quomodo autem quispiam violentas hasce, atque tumultuarias sanguinis deviationes a consueta *circulationis semita* factas percipere unquam poterit, nisi acceleratum admodum ipsius motum supponat, humorumque tenuitatem maximam a *dissolvente* peculiari principio petendam? Ab hoc uno profecto fonte facile erat deducere, quomodo nam sanguis admodum tenuis redditus, & mobilis, simulque majus ab adaucta eadem ratione velocitate momentum nactus, in canalium tunicas magno impetu irrueret, *lymphaticarum arteriolarum*, ostiola ampliaret, atque subiret facile: quomodo minus resistentes sanguineorum vasorum tunicas dirumperet; unde *Narium Haemorrhagias*, aut *Uteri*, aut *Haemorrhoidum* in quamplurimis evenisse novimus: quae quidem a crasso, glutinosoque sanguine, atque ad *coagulationem* maxime tendente derivari nec semper, nec tam facile possunt. Hac de causa *lenientia* quaeque, *incrassantia*, atque *acida remedia* in hujusce febris curatione caeteris omnibus palmam praeripere visa sunt; quae certe nocua admodum in alia hypothesi evasissent, si *coagulationis* veridicum adfuisset principium in toto sanguine; quo in casu, tanquam pestem, sanguinis missionem condemnat expertissimus Baglivius, dum absolute statuit, quod (155) Si

vel

vel minima suspicio aderit febris malignae ex coagulatione; cave a sanguinis missione, tanquam peste: quae quidem ex opposito juxta morbi, & Aegrotorum conditiones varias recte usurpata, feliciter evadere semper visa fuit.

CCCVIII. Hujuscemodi *dissolvens actuosum* principium a volatili exaltata, ut ajunt, admodum bile petendum specialiter esse videbatur: ex cujus imperio, atque actione omnia supra enarrata istius febris *phaenomena* derivari commode posse, nemo certe inficiabitur. Amarum iste liquor, mediis *Hepatis*, & *cystifelleae* colatoriis tubulis a tota sanguinea massa secretus, quo usque laudabilem omnimode conditionem obtinet non admodum *dissolventem*, blanda mordaci, qua pollet vi, non tantum ad faecum faciliorem *excretionem* mirabiliter conducit; verum etiam, ut alias supra adnotavimus, *meseraicas* magna ex parte subiens venas, iterum in circulum cum sanguine reducitur, ipsiusque componentes particulas opportune dividit, atque in earundem interstitia fesse intrudens, impedit quo minus sanguineum fluidum ad *coagulationem* tam facile vergat: ex quo fit, ut *circulatorio* universo perennando motui specialiter inserviat; quod videre est ex peculiaribus quamplurimum morborum *symptomatibus*, ob morbosas *Hepatis* constitutiones varias, atque *obstructiones* plerumque subortis: ex *Cachexia* nempe, *Hydrope*, aliisque morbis, sanguinis glutinosam naturam indicantibus, quae hic singillatim enarrare, atq;

explicare supervacaneum prorsus arbitror. Hinc dum bilis a moderata hac *detersiva*, atque *scindente* vi summo opere deflectens, ob actiuosa nimis reddita ejusdem principia (quae non vacat hic cum Chymicis, aut cum mechanicis determinate assignare) *dissolventem* plus aequo, atque *attenuantem*, *actuosamque* potentiam induit, universam sanguinis massam inde dissolvit quammaxime, & incidit, atque ita subdividit, ut in febriles violentos aestus datis temporibus, atque in determinatis ad id conferentibus circumstantiis perducere facillime possit, simulque tumultuarios quoscunq; suscitari motus, innumeris gravioribus progignendis *symptomatibus* idoneos; maxime cum ab eadem causa solidorum quorumlibet *oscillationes* magis fortes, magis frequentes fiant.

CCCIX. Quod una potius, quam altera vigente tempestate bilis potius, quam lymphæ, haec potius, quam *balsamica*, ut ajunt, vividior sanguinis *diathesis* in Corporibus quibuslibet copiose magis vigeat, atque speciales exsuscitet analogas *Aegritudines*, tam notum cuique est, ut nemo oppositum tueri rationabiliter valeat; quod & supra satis attigimus. Ob eandem rationem fit, quod & in variis aeris peculiaribus constitutionibus, consuetis anni quatuor tempestatibus adamussim respondentibus, homogenei hisce morbi suboriantur, qui analogæ iisdem pariter *symptomata*, atque fere semper similia quocunque anno plus, minusve exsuscitant. Quid ergo mirum, quod post diu protractam antea

etia siccitatem, intempestivis Veris tempore caloribus subsequentibus, aestivos etiam grassari praemature morbos viderimus? *Tertianas* nempe febres omnis generis, *Diarrhoeas*, *Dysenterias*, *Cardialgicas Ventriculi*, atque *Intestinorum passiones*, *Choleram* ipsam &c. Isti certe morbi omnes biliosum satis praeseferebant principium, a cujus potente magis dominio *malignantis* etiam hujusce febris originem eo rationabilius deducendam esse putavi, quo frequentius novi, plerumque, aut post *tertianas* male curatas febres, *petechialem* febrim istam paulo postea subsecutam esse: aut etiam hac profligata, *tertianas* saepissime immediate successisse. Id ultro evincere satis poterant *symptomata* illa omnia febrim hanc passim comitantia, quae *tertianarum* etiam *februm* propria vere sunt: tum & invadendi modus, cum *alternis* rigoribus, more *tertianarum* occurrentibus, nec raro etiam cum simulata febris *intermissione*, doloso accedente sudore: propter quae non semel vidimus, quod, dum *proditoriis* hisce apparentibus notis, *tertianam spuriam* febrim initio credentes, ad *Chinam Chinam* confugere Medici arbitrabantur, de Aegrotorum salute non parum sperantes, ad *specificas* alia magis congrua remedia confugere der repente coacti erant, atque in ancipiti admodum Aegrotorum vitam indicare, quam in tuto ponere paulo antea minus verebantur.

CCCX. Hinc apposite admodum de hac febre sic animadvertit Ludovicus Mercatus in observationibus

diligentissimus. (156) Habet quoque id fallacissimum, nimirum ad tantam remissionem in principio devenire, ut facile incautos, & imperitos Medicos decipiat. Nec tantum in principio *tertianarum* februm aemula febris ista videbatur; verum etiam in progressu, atque remissione. Praeter alia enim *symptomata* illius propria, satis bilis dominium testabantur oris maxima amarities, croceus faciei color, atque biliosae, maxime copiosae *excretiones* inferius ut plurimum, non raro superius, & *critice* factae. Insuper graviora quaeque *symptomata* febrim hanc comitantia, quae ab imo ventre suboriri manifeste videbantur, plerumque in *Hepate* subsidebant; unde ibidem & doloris, & tensionis notas saepissime observavimus, male affecto quoque per *consensum Ventriculo*, atque *Intestinis*, cum quibus mutuum adest tum nervorum, tum vasorum commercium. Quod si praeter haec, atque alia morbosa *phaenomena* (quae manifeste a latitante in imo ventre ut plurimum primaria causa derivari, nemo ignorabat) consuetas etiam Capitis affectiones adjungere velimus; dolorem nempe capitis, gravamen, mentis stuporem, atque surditatem &c. non absimile profecto eorundem principium censendum est: quod ultro magis, primo vix intuitu, patere cuique poterit, si manifestum Capitis cum *Hepate*, atque aliis imi Ventris praecipuis Visceribus consensum satis calleat: quē in affectione *Hyppocondriaca* maxime, atque praesertim in *abscessibus Hepa-*

P. tis,

tis, ob Capitis vulnera graviora non semel factis, perspectum optime habemus. Addam ultro, quod plerumque ii gravius, ii facilius ab hisce febribus corripiebantur, qui robustiores erant, Juniores, atque Cholericis maxime, aut vino magis, atque aromaticis eduliis indulgentes. Quare merito ex Savonarola habemus, quod (157) *Corpora naturaliter in poris lata, ut sanguinea, cholericas, caeteris aliis paribus, sunt paratiora, febrim incurrere pestiferam.* Insuper ii praesertim *malignantem* febrim hanc passi sunt, qui antea *tertianis* febribus frequentius laboraverant, aliisve hujusce indolis morbis a bile unice pendentibus. Hinc *Hepatis*, aut *Lienis*, aut utriusque etiam visceris tumores non raro febres hasce praeibant, aut subsequiebantur: quod perquam facile *recrudescentiae* morbi ansam praebebat.

CCCXI. Hisce omnibus de causis, atque aliis ultro (quas ex se ipso quilibet a supraposita febris historica descriptione, atque ab iis, quae postea dicentur, facile deducet) certe putavi febrim hanc ad *tertianarum* principium, atque indolem magna ex parte reducendam esse; licet & ratione *continuitatis*, & vehementiae *symptomatum*, & brevioris ut plurimum cursus, atque ob alias rationes, ab illis merito differre videretur. Pari ratione, experitissimo Sydenhamio febris *dysenterica* audiebat continua illa febris, quam *Dysenteria* dominante caput extulif-

se ipse dicit. (158) *Eisdem enim ubique (monet ipse) causas manifestas, & apparentes habuit, quas dysenteria, eadem etiam per omnia symptomata, quae dysentericorum febrim comitabantur.* Quod quidem ratiocinium casui nostro perquam facile aptari potest.

CCCXII. Quod si quispiam in hoc sententiae meae nil penitus assentiri velit; atque, dum a bile praesertim istius febris principium, saniolemque explicationem deduci debere autumo, aliunde hoc haberi melius posse, pro certo habeat; satis mihi erit innuere suam aequae, ac meam opinionem fallacis obnoxiam esse posse: Licet simul putem, meam non debili ex toto stare pede, atque non sine recto, aut saltem verisimili ratiocinio prolatam esse. Quidquid sit de hoc: satis omnes noscunt, ratiocinia quaeque medica *conjecturalia* tantum esse, utpote occultis innixa principiis, nunquam satis cognitis. (159) *In morbis enim sive acutis, sive chronicis producendis viget occultum quid per humanas speculationes fere incomprehensibile, & nisi juvantium, & laedentium testimonio in illius cognitionem perveniamus, adminicula mentis irrita, prorsus experiemur.* Hinc, nisi patentes audaciae notas mihi attribui possem viderem, non dubitarem asserere, habitas a me de hujusce febris causa *speculationes* a recto veritatis tramite minus alienas fuisse, quo magis iteratis observationibus confirmatae erant, atque iis maxime, quae, utpote a *juvantium*, & *laedentium* remedium

(157) Mich. Angel. Savonarola de febr. malig. Cap. 9.

(158) Sydenh. Cap. 4. de constit. ann. 1669., 70., 71., 72.

(159) Baglivius lib. 2. prax. Cap. 9.

remediorum exitu proficiscentes, erroris minus particeps esse solent.

CCCXIII. Quod a diuturna prae-
via hac siccitate maxima, velutige-
nerali causa, acuta haec febris ori-
ginem traxerit, eo fidentius asserere
non dubitavi, quo magis consonum
videbatur Hippocraticae sententiae,
dum ipse monet, quod (160) *In sic-
citatibus febres acutae sunt. Et siqui-
dem annus pro maiore parte talis fuerit,
qualem fecit constitutionem, ut plurimum
etiam tales morbos expectare oportet:*
quod casui nostro mirabiliter con-
gruit. Tunc autem acutos plerum-
que morbos, & facile vincendos eve-
nire, censet doctissimus nostri tem-
poris ejusdem cōmentator Hecquet;
ideo quia actuosus hinc magis red-
ditus sanguis, concitatiores exsusci-
tat tumultus, graviorum *symptoma-
tum* parentes, simulque *coctiones* ne-
cessarias accelerat. Quanta nam sit
aeris vicissitudinum quarumlibet vis
ad diversas in humoribus conditio-
nes producendas, nemo non novit,
dum aut ipsi crassescunt, atque ad
motum inertiores redduntur, aut
nimis attenuantur, comminuuntur-
que, quare violentius, & tumultua-
rie nimis motus suos adimplent. Ve-
rum cum humorum motus *mutuati-
tus* tantum sit, a solidis veniens;
proinde necessario constat illos tan-
tum ab aere alterari neutiquam
posse, nisi & ab eadem causa simul
solida eadem ratione patiantur. Hinc
facile est concipere, quomodo nam
in puriore hac aeris constitutione,
diutius praeter solitum siccitate pro-

tracta, & solida ipsa vegetiorem
contraxerint renisus vim, frequen-
tibus, atque validioribus suscitandis
oscillationibus quammaxime idoneam.
(161) *Ad aeris enim elateris rhythmum
oscillant, aut vibrant Corporis poten-
tiae: quapropter si vehementius, festi-
nantiusque oscillet aer, praecipitanti-
us oscillabunt potentiae vitales; sicque ae-
ris elateris modus, motus, mensura est
norma vitae, sanitatis regula.*

CCCXIV. Hac posita humorum
attenuatione inde facta, additaque si-
mul *energetica* solidorum potentia;
quis non videt a concitatiores hinc
exsuscitato fluidorum motu, atque
componentium molecularum neces-
sario consequente collisione forti,
quantum ultro subdividi, imminui,
atque attenuari potuerint; unde po-
stea volatiles molecule majore in-
copia exsurgerent, atque actuosae
maxime, vix suo loco unquam sta-
biles, a quibus biliosi hujusce humo-
ris magis in casu nostro furentis ori-
ginem petendam esse satis constat.
Hinc dum hujusmodi aeris tempe-
ries, fere semper eadem constanter
permanens, diu admodum protracta
esset, eadem propemodum febres diu-
turno tempore dominari visae sunt,
iisdem penitus stipatae *symptomati-
bus*, *criticisque* conformibus motibus
fere semper solutae, atque vix pau-
lulum, pro diversitate affectorum
Corporum immutatae. Id pariter
indicavit Hippocrates. (162) *In
constantibus temporibus, si tempestive tem-
pestiva reddantur, constantes, & judica-
tu faciles sunt morbi: in inconstantibus*

P 2

autem

(160) Hippoc. Aphor. 7. Sect. 3. (161) Hecquet in appendice de Peste,
(162) Hippoc. Aphor. 8. Sect. 3.

autem inconstantes, & difficiles iudicatu.
 Quod elegantissime admodum explicat praecclarissimus Hecquet, sic: (163) *Aer ergo vitae norma est, regula sanitatis, potentiarum Corporis momentum, elaterum fons, altor, & principium, quas omnes vires, quo agit ordine, rhythmus, aut moderamine, constantia pari moderatur vitae causas.*

CCCXV. Mirabitur hinc fortasse aliquis, quod a siccitate diutius protracta hujusce febris originem absolute deduxerim: dum caeteroquin tum ratione, tum experientia duce, potius constare videtur, malignantes haec febres in austrinis, atque pluviosis constitutionibus maxime exsurgere, atque crudelius saevire: quod clariorum Medentium observationibus convenire optime videtur, pro ut ipse indicavit Hippocrates. (164) *Ex anni vero constitutionibus (ait ipse) in universum quidem siccitates pluviosae sunt salubriores, & minus lethales.* Hoc explicat optime Hecquet in commentario; quia quo siccior est aer, eo subtilior, atque purior est; quia minus imbutus aquosis particulis, a quibus passim inficitur, maxime cum a terreis humidis, aliisque evaporationibus coinquinatur, a quibus imbrium materies efficitur. Addam ego; quod morbi in siccitatibus occurrentes, licet (ob allatas supra rationes) acuti fiant, & graves; minus tamen lethales sunt, eo quia coctiones nocuorum humorum facilius perficiuntur, sicuti & eorundem excretiones; ob maiorem nempe solidorum elasticam vim, fluidorumque volatilitatem

nimiam; secus ac in pluviosis australibus constitutionibus, autumno praesertim vigentibus, quando nempe (ut experientia ipsa docet) graviores, contumaciores, atque magis funestis stipatae symptomatibus aegritudines occurrunt. Praeterea quamquod placet hic ulterius animadvertere, quod Hippocratica sententia haec aliter etiam intelligenda esse videtur: quod nempe, ideo communiter siccitates imbribus salubriores sint, quia plerumque etiam sani melius sub aere sicco, quam pluvioso degunt, atque ad actiones omnes obeundas alacriores redduntur, magisque expediti. Etenim si absolute statuendum inde esset, quod graviores plerumque, & frequentius morbi accidant, in constitutione aeris pluviosa, quam sicca: nemo certe perciperet unquam, cur in sicca hic enarrata diuturna constitutione febres haec magna in copia dominatae fuerint: dum secus pauci admodum, ac fere dixerim nulli exitiales morbi visi sunt insurgere in eunte anno 1736., dum haec scribo; quando nempe continue tribus fere mensibus pluviosum semper, aut saltem nebulosum Coelum experti fuimus, perquam raro libero Solis lumine gaudentes: prout alias in sequenti constitutione fusius explicabimus.

CCCXVI. Adnotandum hic etiam est, quod si specialem febrem hanc cum aliis conferamus, quas alias in austrinis pluviosis constitutionibus grassatas distincte fuisse novimus: nil penitus similis reperietur; cum istae

istae raro per excretiones Alvi solvi solitae fuerint; sudoribus plerumque, aut urinis, aut aliis hujusmodi criticis motibus praevis remittentes. In hisce autem *lymphaticum* fortasse potius principium, quam aliud aderat, quod nulla ratione per Alvum solvi rationabiliter potest: pro ut in progressu istius constitutionis *malignantium* febrium prope hyemem, nos etiam observasse postea patebit. Bilis autem (quam genuinum hujusce febris principium fuisse diximus) nullo alio modo melius, quam per Alvum vincebatur. Quod autem in sicca constitutione hac potius, quam alia, magis copiosa, magisque activa bilis specialiter vigeret, ut dixi: satis ostendebant praematuri aestivi morbi, quos magna in copia tunc habuimus veris etiam tempore.

CCCXVII. Attamen non deerunt hic Nasutiores aliqui, ingeniosis potius speculationibus, quam veridicis observationibus Medicinam ditare affectantes, qui mechanicis ratiociniis tantum, atque speciosis quibusvis vocabulis a Mathesi mutuatis assueti, hasce bilis nomenclaturas, atque ab ipsa petitas ratiocinationes, utpote rancidas, obsoletasque penitus respuent, atque fastidiente stomacho ferre vix poterunt. Hinc a me petent anxie, quomodo nam factum fuerit, quod bilis haec (quam tertianarum quarumlibet principium esse supra statuimus) continuas postea acutas hasce perniciosissimas febres excitare potuerit, atque tam diversa,

multiplici ratione, morbosa phaenomena progignere. Rem arduam profecto postularet quicunque sic loqueretur; cujus tamen genuinam rationem in quacunque alia etiam Hypothesi tuto proponere, atque explicare nemo posset. De hisce autem differere ultro frustraneum esse prorsus arbitror. (165) Etenim ut impossibile plane est, ut Medicus eas morbi causas ediscat, quae nullum prorsus cum sensibus habent commercium, ita neque est necesse; Abunde enim sufficit, ut sciat, unde immediate oritur malum, talesque ejus effectus, atque symptomata, ut inter hunc, aliumque morbum hujus non dissimilem, valeat accurate distinguere. Sufficit scire quid vere illud fuerit, quod praecipue ejusmodi febribus ansam praebuerit: quomodo autem egerit, parum refert hic quaerere. Verum si in re tam ambigua, neque tuto satis unquam explicanda, eo quo possumus, modo ratiocinari velimus, haud alienum penitus a veritate putarem asserere, seu melius conjicere, quod in hisce specialiter, secus ac in tertianis febribus, & majore in copia, magisque activa, & mordax vigeret bilis, quae quidem non de tertio in tertium, neque data qualibet periodo (ut de *tertianis* quibuslibet, atque *quartanis* absolute statuere non dubitavimus) circa propria *emunctoria* accumularetur: quin imo ibidem magna ex parte congesta, biliosos fere dixerim abscessus progigneret, propriam *murationem*, aut *resolutionem* citius, tardiusve subire valentes; unde brevior, magisve diuturno

temporis intervallo febris ipsa remitteret, nempe decima quarta die, aut tardius post ipsam. Satis id evincebant pleraque *symptomata* in tertianis quoque familiaria, dolor nempe fere semper persistens, & tumor in regione Hepatis, aut non procul ab ipsa, croceus faciei color, aliaque quaecunque accidentia morboſa, quae eadem fere ratione remittere ut plurimum videbantur, qua & Alvus bilis majorem copiam congruo tempore educabat, sicuti & vice versa graviora fere semper evadebant, pro ut biliosa excretio deficeret, aut tardius occurreret. Alias omitto rationes, quas ex dictis facile quilibet deducet, ut hujusmodi principium magis, magisque pateat. Silentio tamen non praetermittam, quod hac eadem occasione, praeter bilem hanc majorem, minoreve in copia prope dicta *emunctoria* coacervatam, speciale idem biliosum principium in tota sanguinea massa vigeret, ipsam dissolvens, ut diximus, atque ad concitatiores aestus cogens. Non negaverim quoque, lympham ipsam non extra culpam quandoque fuisse, sicuti aliquando utramque simul: quod juxta occurrentes aeris constitutiones varias, diversa quoque ratione evenisse novimus, atque ego quoque distincte animadverti. Hinc modo *lymphaticam* tantum naturam praeferebat haec febris, modo *lymphatico-biliosam*, modo *biliosam* dumtaxat: quod tum peculiaria testabantur *symptomata* ipsam comitan-

tia, tum & singulares, *criticae excretiones*, quas ipsi terminum posuisse observavimus, nec semel admirati fuimus.

CCCXVIII. Satis ideo mihi fuit ab occurrentibus ut plurimum *evacuationibus* hostilem humorem noscere, quo prodeunte, *symptomata* quamplurima evanescendo, propriam ab ipso derivatam originem, ut diximus, satis indicabant. Quin immo, & quaecunque attemperantia, acida, & diluentia, ideo par levamen semper adferrebant, quia suppositi peccantis humoris naturae adversa, ejusdem actionem compescere, viresque enervare maxime poterant. Experientiae fideli dirigente luce, posteriores aliunde exquirere faces frustraneum, & inconsonum esse arbitror; ut intima magis morbi penetralia quispiam pervadat, ad quae si aliquis unquam pervenire posset, nunquam melius opitularetur morbis, quam naturae ipsius motus sequens, ab experientia ipsa per tutiores semitas manu ductus. (166) *Demum* quis erit ex Medicis modesti ingenii (loquor cum expertissimo Baglivio) qui non fateatur se internam, sive immediatam morborum causam prope modum ignorare; contra vero quotidie curationem illorum suscipere, & curativa methodo longo usu comparata feliciter absolvere? Satis hic sit innuere me ratio cinio proposito harum febrium curationes absolventem, minus erroneam amplexum fuisse methodum, utpote faustis ut plurimum eventibus confirmatam, quam

quam jam distincte hic proponere aggredior.

CCCXIX. (167) Cum morbi inchoant, si quid movendum videtur move, cum vero consistunt, melius est quietem habere. Utilissimum hoc est divini Senis praeceptum, cui tanquam firmo admodum fulcro primarium hujusce curationis fundamentum inhaerere debere tunc semper existimavi. Hinc cum ab eruditissimo Friderico Hoffmanno sanioris Medicinae in Germania praeceptore celeberrimo edoctus satis essem, quod (168) In his dissolutoriis exanthematicis, acutis, & periculosis febribus quammaxime valet practicus ille Hippocratis, Veterumque canon. Naturam esse optimam morborum medicatricem, per se doctam, quae congrua servet, & incongrua rejiciat; primarius mihi videbatur esse curationis scopus, ut statim initio hujusce febris eas omnes, si quae adessent, causas tollerem, quae aut morbum ipsum in ipsius decursu augere magis possent, aut consuetos naturae motus criticos praepedire, aut saltem retardare. Ut hoc autem tutius in occurrente nova hac constitutione praesertim praestarem, in eo potius eram, ut ipsius naturae salutares gressus respiciens, illuc sanioribus praesidiis unice tenderem, non violenter tamen ipsam cogens, sed ejusdem motus sequens, & simul fovens. In hujusmodi enim circumstantis merito animadvertit praecclariss. Hecquet, oportere maxime, quod Medicus sit. (169) Naturae auditor assi-

duus, in qua Medicinam nactus jugem, consilium habet ad manum, quem, confestim interrogando, monitorem illico audit; generatim novit naturae tuendi se rationes, instrumenta, modos in debellandis quorumlibet morborum assultibus; in antecessum illi est obtinuisse, cuius fuerint generis, & conditionis praesidia, quae ad sanandum ingredientem novum morbum illi venient eligenda; quin immo has omnes auxiliorum rationes ipsamet natura tibi definiet, si ex operibus illius, illius vocem interpretari suetus, observaveris diligenter, quae sint, quas feliciter adhibet artes, quos suscitatur motus, quas tentet vias, humores quos pellit, quae tempora servat, quas amat periodos, quas indicationes, quos exitus in expediendo novo ingrediente morbo.

CCCXX. Haec omnia adamussim perpensa, duo praesertim mihi statim indicabant praesidia, purgationem nempe, & sanguinis missionem. Purgatio autem convenire tunc merito videbatur; ut (si quae essent in primis, ut ajunt, viis humorum impuritates, aut magis liberalis male digesti alimenti reliquiae, aut peccantis ejusdem biliosi humoris portiones in superioribus Intestinis tumultuose fluctuantes) eas paulatim, & opportune educerem; eodemque tempore expeditas magis redderem Intestinorum semitas, ut per eas dato tempore consuetas moliri criticas separationes natura libere posset. Sanguinis vero missio satis indicata videbatur; ut exuberantem ejusdem copiam in plethoricis maxime Cor-

P 4 poribus
(167) Hippoc. Aphor. 29. Sect. 2. (168) Frider. Hoffm. de febr. epidem. exanthem. (169) Hecquet de Medici officio &c. ad append. de Peste.

poribus festinanter imminuerem: sic praecavens, ne in summo febris aestu, concitatioresque humorum tumultu, vigente morbo, rarefactus plus aequo sanguis, atque majus proinde spatium in canalibus affectans, nec satis habens, eorundem canales unquam dirumperet: aut saltem incongrua inde evaderet sanguinis totius moles continentium vasorum capacitati, sicque maximum perenni ipsius motui obstaculum emergeret, maximumque necessariis nocuorum humorum promovendis excretionibus impedimentum. propter quod utrinque, & *stases* quaelibet, & graviora *symptomata* quaeque multiplici hinc ratione imminere merito poterant.

CCCXXI. Non inconsulto tamen utraque haec praesidia in quibuscunque Corporibus, eadem licet pari modo inchoante febre, usurpabam. Ea enim omnia sedulo perpendens, quae peculiare Aegrotorum temperies, atque conditiones quaslibet ab extrinseco etiam quomodocunque venientes, modo alterutro, modo utroque modo, modo neutro ex hisce utebar; sed raro admodum. Quo ad sanguinis missionem, eam fere nunquam in principio omittendam fuisse censui; nisi cum, aut sero admodum vocatus, morbum jam ad summum perductum, atque ad remissionem jam tendentem curare deberem: aut etiam initio morbi talis adesset virium universalis prostratio, cum pulsu admodum debili, & parvo; propter quae merito pertimescerem, ne forte

Aegrotus in summo morbi conflictu unquam deficeret: quod perquam raro evenit. Non enim febres istae *malignantem* illam, quasi dixerim, *venenatam* indolem, ut innuimus, referebant, tanquam teterriam a Veteribus habitam; propter quam illico, & inopinato viribus fere ex toto destituitur Aegrotus, congruis solidorum *elateribus* extemplo deperditis. Neque a prima hac sanguinis missione unquam temperabam, etiamsi de vere *plethoricis* non ageretur Corporibus; cum futuram praeviderem sanguinis *rarefactionem* ob supra allatas rationes merito timendam. Non hinc tamen inconsiderate nimis ad copiosas magis sanguinis emissiones confugiendum esse monebam; optime noscens, ad praecavendos potius tumultuosi sanguinis motus effectus, quam ad morbi causam, primariam funditus evincendam eas specialiter conferre. Cum enim primitiva haec causa in bilioso praecipue humore consisteret, ipsam haud aliter melius, quam per congruas Alvi excretiones destrui posse, quilibet noverat. Quare jure, meritoque doctissimus Fridericus Hoffmannus animadvertit, quod (170) *Venae sectio in exanthematicis hisce febribus, cum summa circumspectione administranda sit. Magis enim ad perspirationem facit, quam ad curationem.*

CCCXXII. Ast cum veridicae adessent emittendi sanguinis indicationes, hoc statim fieri jubebam, congruam solícite occasionem arripiens: ne postea incassum forte, atque

atque ignominiose ipsam praescribere coactus essem. Etenim de sanguinis missione merito verum est, quod (171) *tarde facta juxta, ac omissa aequale vitae periculum inducere potest*. Quapropter Vallesius aperte monet, quod (172) *missio sanguinis quanto maturior, tanto utilior, ac proinde in principio primo ejus occasio est*. Quod magis in constitutione hujusce febris, ob quamplurimas rationes, contigisse, saepissime novi.

CCCXXIII. Si ex praegresso liberali magis victu in saginatis maxime corporibus, ex amaritiae oris, nausea, stomachi molesto gravamine, Ventris murmure, praesertim in *Hyppocondriacis*, atque ex aliis hujusmodi signis, specialem in imo ventre humorum apparatus dignoscebam: manum nil ultro a purgatione temperabam, quam tunc perficere fidentius solebam, cum sanguinis congrua missio celebrata antea fuisset. Tunc autem primo diligenter animadvertēbam, num per superiora, an vero per inferiora purgare consonum magis esset. Si frequens ad vomitum concitatio licet inanis aderat (quod ut plurimum evenisse novi) *emeticum* idoneum statim propinare consuevi, fausto semper exitu. Hoc est expertissimi Sydenhamii praeceptum, maximi in hisce casibus faciendum. (173) *Post venae sectionem (siquidem ipsa juxta casus praememoratos necessaria fuerit) sollicitus, sedulusque inquirō, numquid AEgrum vel vomitus,*

vel inanis aliqua vomendi propensio sub febris initium interturbaverit: Id si contigerit, omnino medicamen emeticum praescribo. Pro superiore autem purgatione hac absolvenda, tanquam tutum magis, & fidum remedium *Ipecacuanham* ad semidrachmam, aut scrupulos duos exhibebam, cujus adminiculo votis nunquam frustratus evasi. Ad artificiosa alia *emetica* confugere, tunc eo minus tutum arbitratus fui, quominus de eorundem recta praeparatione certus esse poteram. Id tamen caute admodum semper animadverti, quod, quotiescunque *emetici* ope inanes fierent vomendi conatus, aquae simplicis cujusvis tepidae, aut saltem jusculi diluti copiosos haustus iteratis vicibus praescriberem. Etenim hoc modo vehementior *emetici* actio compescitur; eodemque tempore, si quae fuerint materies magis viscosae, *Intestinorum*, atque maxime *Ventriculi* plicis infixae, optime dissolvuntur, atque ad exitum facilius, citiusque sollicitantur. Cavendum ultro tunc sedulo semper esse monui, ne intempestive nimis, statim post assumptum *emeticum*, ad copiosas hasce aquae potiones AEgroti confugerent. Sic enim praemature nimis excitato vomitu, *emeticum* ipsum rejicere facile poterant, priusquam quicquam egisset; quod ideo sic inutile prorsus evasisset.

CCCXXIV. Expurgato sic *Ventriculo*, si nil penitus per Alvum quoque fuerat dejectum (quod non raro evenit) eadem die *Clysterem* emol-

(171) Jo: Fort. de malign. febr. cap. proprio. (172) Valles. 4. Method. 2.
(173) Sydenh. de febr. contin. Cap. 4.

emollientem vesperi praescriberebam, hac praesertim ratione ductus, quod inversum quoquo modo, vi *emetici*, *Intestinorum* ad superiora motum, ad inferiora sic provide reducerem, ad eas nempe vias, per quas congruam in progressu morbi *crisim* natura moliri fere semper consueverat. Verum in administranda superius, vel inferius *purgatione*, sedulo semper curavi, quod si utraque tunc simul praesidia (sanguinis nempe missio, & *purgatio*) indicata essent, venam semper secari primo juberem, juxta doctissimi Vallesii effatum (174) *alioquin cum utraque evacuatione est opus, missionem sanguinis oportet antecedere*. Hinc Savonarola merito sic admonet (175) *Cum signa videris Phlebotomiae in putridis, statim phlebotomia, & solutionem ventris fac sequis*, cujus rationem sic profert Celsus (176) *Satius est enim primum levare AEgrum, deinde purgare*. Hisce sententiis assentitur etiam Sydenhamius, dum de exhibendi *emetici* ratione agens, optime explicat, quare nam ante ipsum sanguis sit primo mittendus. Siquidem dicit, quod si hoc fiat (177) *dum vasa distenta sunt, periculum imminet, ne ex violentis illis vomendi conatibus, vel rumpantur vasa Pulmonum, vel Cerebrum laedatur, affuso cum impetu sanguine, atque effuso, adeoque AEger Apoplexia correptus pereat*. Cujus rei quamvis historias aliquot commemorare possim, illis tamen hic supersedere visum est, monuisse contentus, maxima hac in re cautela utendum esse. Hujusmodi semper mi-

hi fuit propinandi tunc *emetici* ratio, cui & in quacunque alia constitutione, alioque etiam morbo inhaerendum semper jure, ac merito esse existimabo.

CCCXXV. Quoties tamen praevii deessent vomendi conatus, neque liberalis nimis, aut incongruus quacunque ratione praecessisset victus, si stricta admodum adesset Pectoris constructio, aut ad Haemorrhagias proclivis maxime AEgrotus esset, aliave hujusmodi *emeticum*, vel illico non poscerent, vel omnimode recusarent, alioquin autem *purgationis* indicatio urgeret: tunc inferius purgare satius arbitrabar. Ut hoc tamen praestarem, mitiora semper selegi remedia, *cathartici* validioribus omnibus prorsus rejectis. Mihi enim satis superque perspectum erat, quod hujusmodi remediorum nimia vi contrahuntur tam valide, corruganturque solidorum fibrae, ut, ob violentam expressionem in *intestinalibus glandulis* factam, non tantum humores noxii, verum etiam laudabilioris lymphae portiones per vim emungantur. Neque solum in Intestinis vehementiora haec *purgantia* vim suam violenter exerunt, sed eodem tempore, ob consensum partium omnium mutuum, in universo nervorum genere *spasmodicas* excitando contractiones, universam pariter humorum massam in furibundos tumultus cogunt, a quibus innumera suscitantur *symptomata* perquam gravia, quae passim in hisce casibus observare contingit: pro ut sanioribus qui-

(174) Valles. 2. Method. 3. (175) Mich. Ang. Savonar. de Febr. putr.

(176) Celsus Cap. 10. (177) Sydenh. de Febr. contin. Cap. 4.

quibuslibet Clinicis Medicis, experientia ipsa teste, notum satis est.

CCCXXVI. Praeter haec ideo magis blandis tantummodo, minusque activis *purgantibus* tunc uti satius duxi (dummodo tamen de saginatis admodum non ageretur Corporibus, quorum *Intestina* gravi *crudorum* humorum, atque excrementorum sarcina onusta maxime, validiore indigebant pharmaco, praedicto evincendo obici proportionato) quia illas solummodo excretias educere leviter curabam, quae in *Intestinis* plerumque adesse solent; ut eodem quoque tempore magis liberis illas redderem vias, per quas dominantem bilem, aliosque hostiles humores excernere natura tunc fere semper consueverat. Siquidem aliquando initio morborum mucosa quadam lymphâ, a liove tenaci humore interna superficies *Intestinorum* oblitur, sicque minimarum *glandularum* ibidem jacentium meatus tam stricte occluduntur, ut nullo fere modo, aut saltem difficili admodum, aut sero nimis per easdem vias natura noxios expellere humores queat: quod & de *biliariis excretoriis* poris verum pariratione comperitur; cum in ipsis tam tenax, tamque crassa quandoque latitet bilis, quae non nisi validioribus solidorum contractionibus removeri inde unquam potest: quod quidem saepissime in hujusce *petechialis* febris constitutione observare nobis datum fuit.

CCCXXVII. Inter mitiora *purgantia*, quibus tunc, quoties opus esset, initio hujusce morbi utebar, siue mavis solventia (ex quorum ac-

tionem nullam unquam, ne minimam quidem, AEgrotis tunc mihi commissis noxam subortam fuisse novi, quin potius, & faciliorem, tutioremque sanationem) familiaris ut plurimum mihi erat Sirupus ex Floribus *Perficorum*, aut Rosatus aureus in aqua destillata glandium *Perficorum* exhibitus. Quibus vero haec non arridebant pharmaca, aut tutiore alio uti consonum erat, ad praedictam infusionem foliorum *fenae*, cum *Rhabarbaro*, & *Tartaro* in eadem aqua factam confugiebam addendo simul congruam dosim, aut alterutrius dicti Sirupi, aut *Mannae*. Verum si inanes dejiciendi conatus, seu premitus urgerent (quod per saepe tunc evenit) a tenaci admodum, atque stimulante maxime bile *Intestinorum* tunicis, aut propriis *colatoriiis* infixa, initio morbi pendentes (quae quidem etsi in modica, plerumque copia ibidem consisteret, tamen ob nativum suum gluten praedictis partibus stricte inhaerens, ipsas admodum irritaret, easdemque ad frequentes enormes contractiones cogendo, molestos, frequentissimosque dejiciendi conatus progigneret) tunc inquam ad usum floris *Cassiae* recenter extractae una cum Pulpa *Tamarindorum* confugiebam. Certe tamen asserere possum, me tutius omnibus, magisque expeditum remedium tunc expertum fuisse, quum *Ipecacuanha* modo supradicto usus fui, maxime cum illico ciendi vomitum veridicae indicationes adessent, nullaque aliunde huic obstarent congruae rationes.

CCCXXVIII. Quamvis mitioribus

bus hisce utens praesidiis pro certo semper haberem, nullas penitus in *Intestinorum* fibris vehementes, minusque congruas contractiones, aut abrasiones produci posse: nihilo tamen secius optimenoscens, a nullis unquam, etsi magis blandis hujusmodi medicamentis Alvum sollicitari posse, nisi eorundem vi analoga in *Intestinis* ipsis irritatio suscitaretur: Ideo, ut, & huic prospicere satis incommodo possem, duabus, tribusve horis post assumptum pharmacum, praecipue post primas egestionem, aquae simplicis, aut simul addito Mali medici succo recenter expresso, copiosos cyathos AEgrotis exhiberi iteratis vicibus curabam. Eo autem congruum magis praesidium hoc arbitrabar, quo magis de biliosis Corporibus, magisque gracilibus ageretur; in quibus tum ad peccantis humoris fervorem provide compescendum optime convenire videbatur, tum ad laxandas, atque humectandas *Intestinorum* tunicas, quae, eadem ratione, vi purgantis remedii stimulantur, ut diximus, contrahuntur, exsiccanturque. Praeter haec adnotanda tunc etiam merito erat biliosi ejusdem humoris crassities in hisce febribus passim familiaris, quam necessario simul oportebat dissolvere, fluidioremque, juxta Hippocratis mentem, facere, ut facilius, ut citius, tutiusque adhibiti remedii actioni auscultaret. Non semel, quoties laxare sic magis fibras opus esset, loco praedictae aquae copiose sumendae, serum Lactis optime depuratum post singulas quascunque

egestiones pluries, & copiose sumendum esse, utiliter docebam. Quotiescunque tamen initio morbi Alvus ex se satis flueret, nulla ex praedictis incommoda vigerent, *purgationem* necessario expetentia, maxime in extenuatis Corporibus: purgans remedium, quodvis mittebam, solo emolliente *Clystere* quandoque contentus.

CCCXXIX. Dum haec profero, non deerunt quamplurimi (sicuti nec defuerunt tunc etiam) qui adhibitam tunc *purgationem*, etsi saniore praedicto modo usurpatam penitus condemnari jure, ac merito posse contendunt, utpote a purgantibus omnimode alieni. Ideo cum isti sententiam suam, quamplurimis non spernendis rationibus partim ab experientia, ut ajunt, partim ab auctoritate, atque praesertim a divini Senis oraculo mutuatis, tam viriliter tueri se posse depraedicent, ut oppositam funditus evertendam esse arbitrentur: non abs re futurum fore existimo, si rem hanc breviori, quo licebit modo, arrepta occasione perscrutemur; ut inde cuique pateat, metali utentem methodo non chimae-ricae, neque ex propriae opinionis tenacitate, sed tutioris ratiocinii lumine ductum tunc sic egisse. Idque AEgrotis ipsis perquam utile evadet, quorum persaepe tutior, citiorque salus a purgante remedio initio morbi dextere usurpato dependet, cujus ope toties futuris in posterum *criticis* naturae motibus via sternitur, atque ansa commode praebetur.

Pro-

CCCXXX. Profecto praecipuae, quae passim contra *purgationem* afferri solent rationes, non aliunde melius, quam ab Hippocraticis sententiis mutuari possunt. Esto igitur sic primo ex Hippocrate (178) *In acutis affectionibus raro, & in principis purgante utendum, atque hoc diligenti prius adhibita cautione faciendum.* Sententiae huic non immerito adhaerens Baglivius varia tradidit praecepta, atque praesertim sic distincte docuit. (179) *In principis febrium acutarum cave a purgantibus, cave pariter a remediis nimium volatilibus, & vehementibus: crudo namque existente adhuc morbo, vel educes, quae educenda non sunt, vel augebis febrim, vel jugulabis Aegrotum.* Necessarias hasce cruditatis, & coctionis animadversiones ante humorum *purgationem* habendas semper esse, satis ante ipsum divinus Senex monuerat. (180) *Concocta purgare, & movere oportet, non cruda, neque in principis, nisi turgeant. Plurima vero non turgent.* Huic alter adjungitur ejusdem Praeceptoris aphorismus. (181) *Corpora ubi quis purgare voluerit, facile fluentia reddere oportet.* Cum hoc alter omnimode convenit, in quo & modum ad dirigendas, si opus fuerit, superius, aut inferius *purgationes* idem optime docet. (182) *Corpora oportet, ubi quis purgare vult, facile fluentia reddere. Et siquidem velis efficere facile fluentia sursum, Alvum Altere; si vero deorsum, humectare.*

CCCXXXI. Hisce praesertim sententiis adhaerent omnes, qui *purgationem* quamlibet initio morborum quorumcunque indiscriminatim, & semper condemnant: utpote qui absolute existimant idoneas tunc humorum *coctiones* haberi nunquam posse. Istis facem praebere putatur laudatus toties perspicacissimus Hecquetus, praeter caeteros, qui tum in Commentario suprapositorum aphorismorum, tum fusius in aureo tractatu suo *de purganda Medicina* &c. litem hanc optime diremit, atque malefanos *purgationis* sollicitos nimis amatores solidissimis adortitur rationibus. Si autem Hippocratis sententias hasce rite, absque ullis praejudiciis perpendamus, una cum aliis quibuslibet inde petitis sanioribus ratiocinationibus, quas tum Hecquetus, tum alii contra *purgationem* improperam proferunt: haec omnia ad deficientem *concoctionem* (quod maxime initio acutorum animadvertendum esse indicant) referenda esse, quilibet statim intelliget. Quamobrem, antequam rationes istas, atque Hippocratis supraposita dogmata cum servata a me methodo conferamus, quid vere sub *coctionis* hujusce nomine intelligendum sit, cum sanioribus sedulo perscrutari, atq; admissim explicare oportebit.

CCCXXXII. Nemo certe, meo iudicio, clarius, nemo rationabilius docuit, quid sit tam decantata haec humorum *coctio*, quam laudatus toties

(178) Hippoc. Aphor. 24. Sect. 1. (179) Baglivius de febr. in genere.

(180) Idem Aphor. 22. Sect. 1. (181) Hippoc. Aphor. 9. Sect. 2.

(182) Idem Aphor. 60. Sect. 1.

ries Hecquetus (183) dum de cruditate humorum, & coctione fuse satis, dilucideque agit. Postquam enim ibidem optime explicavit, quam falso coctionis haec actio a caloris speciali vi, aut volatilizantium, ut ipse notat, succorum, aut sulphuris, absorbentium, concentrantium, aut alkaliu lixiviosorum, derivare nonnulli contenderint: pergit ostendere, quomodo coctio in speciali tum fluidorum, tum solidorum dispositione consistat. Dicit enim ibidem, miram illam succorum temperiem, quae coctio est, comminutionem esse liquidorum immensam, sed mollem, sed exquisitam, sed levem, eamque a solidorum tractabilitate, systole, & oscillatione perpetua, sed levi, forti, sed molli, miti, sed efficaci elaboratam. Porro coctionis fructus est, & signaculum secretionum facilitas, ordo, & sinceritas, quibus fit, ut suas directiones, tempora, & vices servant. Unde concludas licet definiendam venire coctionem his verbis, quae Hippocratis sunt, conceptam humorum commoderationem, permixtionem, & contemperationem; cruditatem vero (ut idem loquitur) incommoderationem: aut ut idem Auctor paulo postea subdit: Cruditatis nomine duo importari necesse est, deviantem liquidorum motum, eorundemque triturae defectum.

CCCXXXIII. Hac posita genuina coctionis, cruditatisque idea, facile est intellectu cur, & quomodo in quocunque morbo utrumque, tum coctionis, tum cruditatis tempus attendendum sedulo sit; ut hoc nempe a purgatione sapienter ex toto

temperet Medicus, ne cito nimis naturam ad secretionem, indeque ad excretionem quaslibet dirigat, ad quas tunc non nisi pervim, & temere coacta perducitur: illo autem, ut naturae motibus provide obsequendo, humores ab ipsa rite jam praeparatos, atque ad excretoria congrua organa jam propulso, dextere educat. Quaecunque autem ea sit occurrentis cujusvis specialis morbi primaria, atque immediata causa, sive a solidis tantum, sive a fluidis, sive ab utrisque quomodocunque derivanda, verum semper est, humorum inde deviationes, stagnationes, atque alterationes, si non primario, saltem secundario variis modis evenire, propter quas rectum totius animalis Oeconomiae moderamen suffragetur, atque proinde secretionem quaelibet, excretionemque eadem ratione pessime fiunt. Quamobrem, ut ad nativum statum reducatur Corpus (etiamsi primaria laesio in solidis vigeat; quae profecto tolli omnimode haudquaquam potest, nisi ortae inde humorum concretiones, aut crassities solvantur) stagnantes humores dictos, seu crassiores redditos, quicunque ii sint, ad motum sollicitare, aut attenuare oportet. Quod si ipsi jam in circulationis aream cum tota massa redacti sint, ad secretoria propria organa propellendi sunt, ut per ipsa consuetis adminiculis opportune excernantur. Quare, si ve peccantes humores jam stagnantes supponere velimus, sive etiam cum tota massa intine mixtos, jamque

que adhuc *crudor*, utrinque praevia naturae congrua actio necessaria, ipsis est, quam *coctionem* dicimus, antequam nempe *purgationem* subire coacti ipsi sint. Etenim oportet primo ut hujusmodi humores (si eos stagnantes arbitramur) idoneo solidorum agentium, & reagentium auxilio dissolvantur, attenuenturque, ut, aut ruptis aggeribus, postea inde congruo tempore prodeant, aut contiguarum venarum, seu *lymphaticorum* ductuum meatus subire queant, obsitamque partem liberando, sic in circulum cum tota sanguinea massa redigantur. Verum cum hoc haberi neutiquam possit, nisi apta contiguarum solidorum vibratione, & congrua laxitate, humorum in vasa refluxui non omnimode obstante; Ideo inde satis deducitur, quomodo *coctio* tum laudabilem humorum fluiditatem, tum solidorum congruam dispositionem importet, ut cum praeclarissimo Hecqueto supra statuimus. Si autem humores isti, quomodocunque peccantes, cum tota humorum massa promiscue in circulum agi supponantur: propria prius indigent *trituratione*, & *comminutione*, ut in determinatae cuiusvis molis, & figurae moleculas redigantur, quae ideo idoneae fiant, *separatoriis* alicujus visceris cribris permeandis, ut postea fercernantur, atque excernantur: Ad quod pariter solidorum requiritur proportionata actio, sine qua tam necessarium opus perficere neutiquam natura potis esset.

CCCXXXIV. Siquis ideo ineunte vix morbo, cuiusvis ille indolis

esset, humorum hujuscemodi separationem statim promovere tentaret: Eo audentius, eo incongrue, magis ageret, quo minus fluidi illi facti essent, minusque disposita solida, ut optatis eorundem secretionibus opem ferrent, atque, quod magis interest, natura adhuc ex toto indifferens esset, ut per hoc potius, quam per illud *emunctorium*, *excretionem* moliri tentaret: maxime cum eodem semper modo ipsa neutiquam operetur. In hoc certe casu, qui *cruditatis* tempore, talia malefano consilio expeteret, jure, meritoque Hippocratis exprobrationes sibi ascisceret, atque contra allata supra ejusdem dogmata temere progredieretur. Ast (ut in casu nostro de hisce specialiter differamus) tunc notum cuique erat, ex suprapositis ratiociniis, in hisce febribus copiosae, atque praeter modum aestuantis bilis dominium, quae partim cum universa sanguinis massa in circulum acta, partim in consuetis *biliariis colatoriis* secreta, & stagnans febriles furibundos sanguinis tumultus excitaret, in solida quaeque vehementer agens, eaque in *spasmodicas* fortes cogens contractiones, unde *symptomatum* quorumcunque ratio petenda erat.

CCCXXXV. Profecto, dum bilis haec cum sanguine intime mixta, erat, aut in *biliariis* Hepatis confinis restitans partim, crassa admodum erat, & glutinosa, *cruditatis* tempore, nullis unquam auxiliis educi, neque per vim poterat; atque tunc purgantia validiora propinare pro ejusdem promovenda *excretionem*, & *solidam*

solidaque ipsa ad enormes sic contractiones cogere, idem prorsus erat, ac aerem verberare, quin immo & novis humorum *stasibus*, eorundemque pejoribus novis tumultibus ansam praebere, tum & lympham infontem, loco peccantis bilis, velle educere. Sic (184) *crudo nempe existente morbo* (ut iterum expertissimi Baglivii verbis utar) *vel educes, quae educenda non sunt, vel augebis febrem, vel jugulabis aegrotum.* Praevia opus est antea hujusce bilis dissolutione, ut a tota massa secedat; ejusdemque ad *biliosa colatoria* praevio transitu, ut educi possit: quod utrumque tam expeditam naturae *coctionem* importat, quam modo citius, modo tardius, progrediente morbo ipsa perficit, & melius etiam, si adiutrices manus provide Medicus adhibeat, ipsius sequens gressus, non eam praemature cogens. In hoc certe sensu *purgationem* initio harum febrium non convenire, quin immo & perniciosam maxime esse, cum Hippocrate rationabiliter semper putavi; eam tamen intelligens *purgationem*, quae validioribus ideo purgantibus perficienda esset, quorum ope nondum praeparatus, seu (ut cum Hippocrate loquar) nondum fluidus factus biliosus humor tunc sic audacter, & inconsiderate educi posset.

CCCXXXVI. Hinc dum levioribus supra recensitis purgantibus initio morbi uti arbitrabar, non morificam ex toto educere vere causam in animo habebam. Hoc enim ideo incongruum magis esse, atque prae-

ter rationem existimabam, quia certo certius semper noveram tum hocce, tum alios acutos morbos statutum peculiare tempus ad necessariam perficiendam *coctionem* requirentes, nullis unquam remediis citius terminari unquam posse: quod in hisce praesertim febribus verum semper compertum fuisse, observavimus. Etenim nunquam ante decimam quartam diem omnimode solvebantur, & quandoque etiam ultro magis cursum suum protrahebant. Eo tantum idcirco consilio ductus mitissimis hisce suaviter agentibus purgantibus, sive mavis lenientibus, aut laxantibus remediis utebar: quod certe putarem, necesse esse in hisce febribus expeditas illas affatim reddere vias, per quas unice, & semper natura *crises* moliri solita fuerat, quibus ob stare maxime poterant, & plerumque solebant excrementitiae quaeque materies in *Intestinarum* cavitatibus latitantes, *secretorios* tum bilis, tum & *Peyerianos* etiam glandularum *Intestinalium* porulos comprimendo, atque obturando. Hoc autem non immature erat naturam cogere, sed liberiores tantum futuris in decursu morbi *excretionibus* semitam tuto, leniterque parare.

CCCXXXVII. Enim vero si id violentioribus remediis solida concutientibus, atque ab ipsis per vim humores valide emungentibus praestare tentassem; me inconsulto, & temere nimis sic egisse quilibet nosceret. Verum purgantia illa, quibus utebar, talis temper fuisse indolis animadverti: ut, si quae ad effectum perducere non possent

sent jam paratae in *Intestinis* materies, eas leniter educerem; si nullae adessent, additis inde aquae copiosis potionibus, *Intestina* ipsa diluerent. Hoc ne igitur erat *cruda* educere? *Cruda* medicare? atque *inconcoctos* humores praemature ad exitum sollicitare? Si *Intestina* tantum diluere, atque a latitantibus sordibus, levissimis, blandisque remediis expurgare, sic quaerebam? Nec frustranea penitus mihi videbatur hujuscemodi sollicita *Intestinorum expurgatio*, initio istarum febrium peracta; etiamsi dispositos nondum ad exitum noxios humores esse ego quoque noscerem. Etenim verum est, quod, caeteris paribus, cujusvis humoris separatio, & *excretio* eo facilius habetur, quo magis ampli, & expediti sunt *secretorii* meatus, in quibus eo minor occurrit *resistentia*, quo minus compressi sunt, minusque foedati. Quamobrem, dilutis sic *Intestinorum* cavitatibus, atque leviter initio expurgatis, facilior fiebat aditus, ut tum bilis per proprios ductus congruo tempore excerneretur, tum per *Intestinales* innumeras dictas glandulas totum secretionis reliquum opus perficere natura posset. Si quis autem fortasse ignoraret, quanti momenti, quantaque utilitatis sint minimae hae, ac pene infinitae numero *Intestinorum* glandulae, ad copiosissimas in morbis perficiendas *excretiones*, eruditissimum consulat Freind (185) qui praesertim de *excretionem Intestinali* agens, docet, glandulas hasce, ex Peyeri invento detectas, maximam humorum co-

piam in cavitatem *Intestinorum* cruciare commode, & perquam brevi posse. Neque tunc ad id intelligendum auctoritate, aut ratione ulteriori opus erat; cum experientia ipsa per se satis loqueretur. Plerumque enim in hac constitutione copiosissimas, ut diximus, progrediente morbo, hujusmodi *excretiones* per Alvum ad plures etiam dies protractas vidimus; quarum tantummodo beneficio tutior morbi solutio omni jure adscribenda erat.

CCCXXXVIII. Nec tantum non incongruas, non perniciosas, non inutiles *purgationes* hasce, dictis remediis peractas, verum etiam, necessarias tunc ut plurimum fuisse, facile est cognitu. Peculiares omittam circumstantias in saginatis admodum corporibus, gulae nimium indulgentibus, atque crassioribus omnis generis eduliis ad satietatem repletis; in quibus congruae *purgationis* tunc denegare necessitatem, idem prorsus erat, ac saniores *Medicinae* canones a fundamentis respuere. Quae a repletionem sunt, inanitione curantur, docet saepissime divinus Senex. Quid nam dicendum erat de *AEgrotis* illis, in quibus primis etiam febris diebus, cum amaritie maxima Oris, linguae citrino colore, stomachi gravamine, nausea &c. inanes vomendi conatus, non raro etiam cum biliosae virentis, aut flavae materiei *excretionem* occurrebant? quod saepissime vidimus. Nonne manifesta haec erant *turgentiae* verae fidissima notacula? Quare ergo in hujusmodi *turgentia* a

Q

pur-

purgatione temperandum tam scrupulose erat, quando hoc & in principiis acutarum febrium, & morborum quorumlibet faciendum indicat Hippocrates ipse? In hisce circumstantiis (186) *Sane vomitorium propinare* (loquor cum expertissimo Sydenhamio) *ubi istiusmodi praegressa est vomendi proclivitas, adeo est necessarium, ut nisi humor ille expellitur, in sentinam quamplurimum malorum difficultum sit abiturus, quae crucem figent Medico, toto durante Medicationis tempore, AEgrumque in haud leve periculum conjicient. Ex horum praecipuis, & maxime solitis est Diarrhoea, quae ut plurimum in defervescentia febris consequitur, quotiescunque emetica, quando ea suadebat indicatio, omissa fuere &c.*

CCCXXXIX. Hujusmodi incommoda, omisso *emetico* initio morbi a natura ipsa satis indicato, evenisse passim observavimus, quibus adjungebantur *cardialgicae passiones*, *Ventristensiones*, febriles majores aestus, ac praesertim difficilior morbi judicatio. Plerumque enim illi, quibus in hisce circumstantiis congrua bilis *expurgatio* initio omissa fuerat, difficilius, & tardius optatam valetudinem adipisci poterant. (187) *Quae ducere oportet, quo maxime vergant, eo ducenda per loca convenientia. Si ergo natura ipsa initio istarum febrium excretionem hanc indicabat, & moliebatur: quare ipsam omittere Medicus debebat, ejusdem caeteroquin fidelis sectator? Nec quidpiam hic refert dicere, quod aliquando, propinato emetico, tam*

modicam bilis copiam AEgroti vomerent, ut vix perceptibile parum videretur, quidnam inde levaminis capere ipsi possent. Quamvis ratio id difficile admodum probare queat, experientia tamen ex se sola satis loquitur, quod & ipse admiratus est Sydenhamius (188) *Saepe miratus sum* (inquit ipse) *dum forte materiam vomitu rejectam aliquando curiose contemplantur, eamque neque mole valde spectabilem, nec pravis qualitatibus insignem, qui factum fuerit, ut AEgri tantum levaminis exinde senserint, nempe vomitu peracto, saeva illa symptomata (nausea E. G., anxietas, iactationes, suspiria luctuosa, linguae nigredo) quae & ipsos excruciarant, & Adstantes perterrefecerant, mitigari solent, ac solvi. Profecto, etiamsi, emetici vi, magna humoris peccantis copia non educatur; ob excitatam tamen in ventriculo contractionem, concussionemque (quae proinde, ratione contiguitatis, Intestinis etiam, atque adnexis aliis partibus communicatur) excretionem omnes, & bilis praesertim sollicitantur: unde fit, quod licet ista per vomitum non semper educi satis queat, ad motum inde eadem ratione sollicitata, per inferiora faciliorem aditum obtineat; quod pluries tunc evenit, cum post assumptum emeticum parum vomendo AEgroti, magnam bilis copiam per Alvum paulo postea deiecerunt.*

CCCXL. Hinc quotiescunque manifesta aderant signa *emetici* usum indicantia, aliunde tamen consueta emer-

(186) Sydenh. constit. febr. cont. ann. 1661. 62. 63. 64.

(187) Hippoc. Aphor. 21. Sect. 1. (188) Sydenh. loco supra citat.

emergerent validiora *contraindiantia*: eundem propemodum effectum per inferiora obtineri toties vidi, idoneo adhibito purgante, ex mitioribus tamen, ut supra indicavimus. Ast utrumque in hisce casibus semper, & omnimode omittere, a recta curationis methodo temere aberrare erat. Nisi enim *purgationis* defectum, superveniente diarrhoea, natura satis supplere poterat; raro admodum Aegroti Mortis ictum effugiebant. Sunt qui fortasse putabunt, biliosos hosce humores a natura ipsa toto morbi decursu expulsos, non causam, sed effectum ipsius Morbi dicendos esse: unde certe deducunt purgantia, initio morbi, ideo nunquam convenire, quia solidas irritando partes, fluidaque ipsa nimium dissolvendo, incongruas haec hostiles suscitant *secretiones*, *excretionesque*, quas raro pro *criticis*, plerumque pro *symptomaticis* habendas esse arbitrantur. Ast dicant quaeso, qui sic loquuntur: effectusne tantum morbi dicentur, & mere *symptomaticae excretiones* biliosae istae, quae semper cum levamine fiebant? Quibus deficientibus graviora reddebantur *symptomata*, morbus in pejus semper ruebat, aut saltem diutius protrahebatur? Quoties morbi a bilis dominio specialiter derivantur, iis ob eandem penitus rationem, mutatis mutandis, *purgatio* convenit, propter quam, & sanguinis missio morbis aliis necessario competit, qui ab exuberante, aut remorato in aliqua parte sanguine unice dependent. Hinc & Baglivius ipse, quam-

vis in principio harum febrium a *purgatione* cavendum esse docuerit, in progressu tamen, & *Clysteribus*, & *purgationibus* frequenter, & utiliter se usum quampluries fuisse aperte testatur, dum ait: (189) *Humorum apparatus e Mesenterio quamcitissime educo, Clysteres etiam bis in die injicio, purgationes frequenter praescribo, & totam dirigo indicationem in educendo per purgationes mesenterico apparatu, posthabitis diaphoreticis, & inutilibus, ne dicam noxiis, testaceis pulveribus*. Utilissimum hoc est praeceptum in ejusmodi febribus scrupulose, atque adamussim servandum, quo plerumque istarum curationum rationem dirigens, fausto tunc utique omine rem mihi cessisse novi.

CCCXLI. Non desunt, qui hujusmodi *purgationis* indicationi satisfacere se posse putant, solo amygdalarum dulcium Oleo tum in principio, tum in progressu harum febrium exhibito. Profecto remedium hoc, utpote ab omni stimulo alienum, omnem meretur laudem; maxime dum, contractis nimis existentibus solidorum fibrillis, timendum merito est, ne purgantis cujusvis vi in violentiores contractiones ipsae redigantur, propter quas, impedito successive fluentium humorum motu, eorundem postea *stagnationes*, & inflammationes eveniant: quod a praepostero purgantium validiorum usu evenisse non semel novimus. In hujusmodi ideo casibus (maxime cum ultro de organica speciali laesione, a qua primario febris profiscatur, timendum sit) si materia

Q 2 etiam

etiam turgeat, optimum, & necessarium consilium est ad oleum amygdalarum dulcium confugere, quod simul, & humorum tenuiorum aestus, eorundem minimas particulas irretiendo, compescit, & solidorum simul corrugationes, laxando, mirabiliter tollit. Quapropter dum singultus, aut *cardialgicae passiones*, aut *tympanicae Ventris tensiones*, aut alia hujusmodi *symptomata* a torti solidorum *contractione* in hisce febribus derivata occurrebant: ad hoc remedium, tanquam ad sacram anchoram confugere perquam utiliter consuevi. Ast dum, initio morbi, spontanea haec ad vomitum excitatione, non a sola solidorum *contractione*, sed a bilis aestuantis fervore proficiscebantur: Oleum hoc propinare, idem prorsus erat, ac morbum suaviter, & blande lenire, seu melius tantum titillare. Addam ultro, quod quotiescunque in hisce circumstantiis prope *biliarios ductus*, atque in *Intestinis* ipsis magis tenax, & viscida adesset bilis: tantum abest, quod ab usu hujusce Olei quidquam levaminis caperent AEgri; ut potius inde molestissimae, & graves emergerent *passiones*, aliaque non levia *symptomata*: eo quia oleosae illae particulae cum glutinosis biliosis dictis irretitae, difficili admodum negotio removeri inde poterant: unde & ponderis, & irritationis sensus: quod quidem saepissime attendere potui. Oportebat tunc ad idoneum magis, magisque efficax remedium confugere, quod hostilem citius humorem educere posset, aut saltem ipsi viam melius

adaperire. Nec juvat hic opponere, quod oleum hoc, utpote blandum leniens remedium, AEgrotos minus fatiget: nam toties novimus tum in allatis supra circumstantiis, tum & in aliis etiam, ab illo graves stomachi *passiones*, & vomitus suscitari, quas a nullo mitiore purgante produci unquam observavimus. Oleum enim, utpote tenax maxime, atque ad motum pariter iners superficiei Ventriculi, atque *Intestinarum* maxime adhaeret, difficilique admodum modo ultro progredi potest; maxime cum tenaces aliae, & mucosae praeelegant materies, quarum superare *resistentiam* haudquaquam possit. Hanc potissimum ob causam non semel tunc, glutinosa magis vigente bile, nocuam quammaxime evasisse novi *causam*, cujus ope eo magis fortes ventriculi *passiones*, & ventris tormina, quam a purgantibus mihi familiaribus remediis, suscitari consueverant. Quare ab hoc remedio tunc semper abstinere satius duxi, atque ut plurimum curabo, ipsum ad oris gratiosam delectationem potius, quam ad AEgrorum utilitatem plerumque conferre, putans.

CCCXLII. Exhibito mitiore purgante supradicto, aut *emetico*, quoties opus esset, sequenti die iterum sanguinis emissionem ex Pede celebrari jubebam in congrua dosi, quae AEgrotorum vires, & morbi vehementiam respiceret. Interim praecipua mihi cura aderat, ut copiosas aquae acidulae potiones cum Mali medici succo saepissime sumendas etiam, atque etiam commenda-

rem,

rem, quae, meo iudicio, omnem in huiusmodi curationibus paginam adimplere commode poterant; tum ut glutinosam dissolverem bilem, eamque ad exitum facilius disponerem; tum ut eadem ratione febriles compescerem aestus, totiusque sanguineae massae tumultuarios furores sedarem. Hinc quantum hisce potionibus delectabantur AEgroti, tantum inde levaminis habebant. Unde & acidulas hasce copiosas portiones pro speciali cardiaco in hisce febribus semper habui, optime cum eruditissimo Boerhaave huiusce aevi Medico celeberrimo nescens, quod (190) *Cardiacum est proprie quidquid auget vim animale[m] movendi musculos, & vim naturalem movendi fluida*; seu quod idem est, quidquid *morbificam* causam destruens, aut saltem retundens, deperditum solidis restituit tonum, fluidisque congruam mobilitatem conciliat, propter quod utrinque optatum emergit aequilibrium, unicum & perenne vegetiorum in Corpore nostro motuum omnium principium. Non enim nomine *cardiaci* volatilia semper, atque dissolventia, magisque actuosa remedia intelligenda sunt (191) *quoniam id, quod uni cardiacum est, idem fit alteri venenum*: quod in nostro casu verum comperriri merito poterat. Huiusmodi namque *cardiaca* sanguinem attenuantia, mobilem etiam magis, atque activam reddere, eadem ratione, bilem poterant, atque proinde morbi causam magis, magisque fovere. Hinc cum aliunde notum fa-

tis esset, a furibundis hisce bilis aestibus effrænatos tum solidorum, tum fluidorum enormes tumultus suscitari: ut homogèneus magis, seu laudabilior eorundem restitueretur motus (quod unice *cardiacorum* usum necessario expetebat) nullum magis congruum, magisque efficax praesidium erat, quam ad acidas hasce portiones frequenter confugere: cum hac de causa idoneum magis haberetur inde *cardiacum*. Quamobrem inutiles penitus, ne dicam absolute noxios, tunc arbitrabar pulveres illos omnes *bezoarticos*, ut ajunt, *alkalicos*, *diaphoreticos*, dissolventes, aut alios huiuscemodi. Ad hosce quandoque, & quidem raro confugere tunc consuevi, cum Adstantium potius credulis opinionibus, quam indigentiae morbi satisfacere curabam. Pessimo enim nescio quo Artis nostrae fato, id specialiter Medico inesse munus debet, ut non tantum saniorum remediorum ope AEgrotantibus sibi commissis optulari satagat: verum etiam ut politicis adminiculis propriae famae prospiciat, ne forte, si speciale quidpiam, etsi inane remedium omiserit, moriente AEgroto, pessime ideo illum suo munere functum fuisse credatur. Tunc autem ea tantum seligebam remedia, quae, nisi optatum AEgrotis levamen adferrent, ipsis tamen nocere haudquaquam possent. In Nosocomiis ideo, ubi libere magis agere mihi concessum erat, simpliciore hac methodo servata, citius & tutius, ab hoc morbo evasisse AEgrotos ut plurimum novi,

Q 3

paucis

paucis admodum adhibitis remediis. Hinc dicere semper soleo, Nobiles viros eo minus tuto, eo pejus curari, quo magis a simplicitate deflectens Medicus illos multiplicibus, magisque pretiosis remediis curare coactus est: ac si Divitum, & Nobilium Hominum salus cariore redimenda sit pretio, iisque pomposa, & speciosa admodum remedia potius profint, atque convenient, quam simpliciora, & mere necessaria, quorum ope Pauperes facillime levantur. Alia tamen ratione Divitibus quandoque diversa curatio congruit, cum verum sit semper ex Seneca (192) quod tam nullo aegrotamus genere, quam vivimus; unde ibidem paulo antea ipse animadverterat sic: *Medicina quondam paucarum fuit scientia herbarum, quibus sisteretur fluens sanguis, vulnera coirent paulatim: deinde in hanc pervenit multiplicem varietatem. Nec est mirum, tunc illam minus negotii habuisse, firmis adhuc, solidisque corporibus, & facili cibo, nec per artem, voluptatemque corrupto. Qui postquam coepit, non ad tollendam, sed ad irritandam famem quaeri, & inventae sunt mille conditurae, quibus aviditas excitaretur: quae desiderantibus alimenta erant, onera sunt plenis.*

CCCXLIII. Primariis hisce remediis, juxta morbi naturam, affectionumque Corporum quorumlibet dispositiones in usum provide revocatis, diluentia tantum acidula supradicta indefinenter usurpanda indicabam: sicque ab aliis quibuslibet temperabam remediis, quae nimis credulo usurpari praejudicio passim

solent. Sciebam enim transgressis tunc primis morbi diebus, naturae ipsi munus inesse potius, quam Medico, ut peccantes humores rite dissolverentur, atque ad propria secretoria organa pervenirent, indeque necessariae fierent criticae excretiones (193) Enim vero ut suae sunt naturae viae (pro ut doctissimus Hecquet animadvertit) & viarum directiones, juxta quas servatur in sanis functionum ordo, suae etiam sunt sub morbis naturae determinationes, ductu quarum illum ad ordinem functiones restituere nititur, aut revocare. Ut autem mutatis illis directionibus, mutatur Corporis OEconomiae facies, mutatis his determinationibus novatur morbus, nova enim, & praeter ordinem, assurgunt symptomata, novus proinde morbus, morosus in tantum, & difficilis, in quantum caecae temeritatis foetus est, non effectus naturae. Quod hoc possit in curationibus morborum, ob nimiam Medicorum credulitatem, atque incongruam, noxiamque sollicitudinem evenire, nemo est qui ignoret.

CCCXLIV. Duae ideo mihi tantum, adaucto morbo, indicationes aderant, quibus omni studio satisfacere curabam: nempe ut primo occurrentibus in dies symptomatibus dextere prospicerem: simulque magis fidos naturae motus sedulo attendendo, eos ultro magis promoverem. Ut secundae huic satisfacerem indicationi, cum ex repetitis totius observationibus satis didicissem tutiores naturae motus in hisce febribus per Alvi dejectiones ut plurimum

(192) Seneca ep. 95. ad Lucill. (193) Hecquet Corn. in Aphor. 20. Hipp. Sect. 1.

rimum commode compleri; quoties Alvus inobediens esset, atque caeteroquin aliunde peccantis bilis aestus mihi satis innotescerent, *Clysteres* ex Lacte, aliosve hujusmodi laxantes, atque emollientes quotidie adhiberi, & bis etiam in die, si opus esset, jubebam. Mirum profecto est quam facile, quam blande graviora inde mitescerent *symptomata* omnia: quare quotidie Discipulis meis indicare non omittebam, praecipuam harum febrium ulteriorem curationem, frequenti enematum usui tribuendam omni jure fuisse: ut taceam sanguinis sufficientem emissionem, aliaque primis diebus usurpata praesidia, de quibus satis supra egimus. Si autem mediis *Clysteribus* parum deiciebant Aegroti (eo quia crassior, & tenax magis bilis in superioribus praecipue *Intestinis*, aut saltem in eorundem confiniis residens, difficili admodum modo removeri inde posset) tunc ad diluentia praedicta saepius, & copiosius confugiendum esse monebam. Utilis etiam tunc maxime fuit in progressu morbi usus Olei amygdalarum dulcium identidem in parva dosi usurpati.

CCCXLV. Oleum hoc amygdalarum dulcium iteratis vicibus adhibitum, una cum repetitis laxantibus *Clysteribus* jam supradictis, plerisque etiam succurrebat *symptomatibus* in hisce febribus praesertim familiaribus: vomitui nempe, atque *cardialgicis* aliis *Ventriculi passionibus*, Ventris doloribus, *Hyppocondriorum tensionibus*, singultui, atque aliis hujusmodi. *Anodynis* tamen simul utebar, juxta indigentiam, atque inter

haec ea specialiter seligebam, quae utilia toties expertus fueram ad *cardialgicas* hasce *passiones* in tertianis febribus sedandas, prout supra ostendi. Idcirco Sal Absynthii cum Laudano, aut *mixtura stomatica* mihi familiaris, tutissimum remedium fuit, ad haec *symptomata* illico sedanda: nunquam tamen omissis copiosis aquae potibus. Hisce solis simplicioribus remediis quamplures ex hisce Aegrotis servatos vidi, atque illos quoque, qui protracto ad plures dies continuo etiam singultu, cum universali Corporis refrigeratione, frequentibusque vomendi conatibus, animam jam agere videbantur; prout ex peculiaribus observationibus postea patebit. Congruum tunc etiam pluries remedium fuit malvaticum meracum vinum, cujus ope *ventriculi*, atque *Intestinorum* fibrae magis elasticae redditae, biliosum facilius expellebant humorem, non neglectis tamen *Clysteribus* ad id maxime conferentibus. Hisce iisdem de causis, quoties aderant *Hyppocondriorum tensiones*, utilia erant fomenta emollientia simul, atque discutientia saepissime adhibita.

CCCXLVI. Praeter dicta *symptomata*, in summo morbi conflictu molesto admodum Capitis gravamine vexabantur Aegroti, veternosi fere inde facti, cum universali torpore maximo, humeros gravius afficiente. Tunc etiam ut plurimum *Oedematosus* quidam tumor totum fere corpus occupabat, atque extremitates maxime; simulque tota facies pari ratione intumescebat, rubicundo magis, ac quasi livido colore perfusa.

perfusa. Talia autem *phaenomena* tunc citius, & facilius evenire consueverunt, quum copiosae magis, magisque lividae *petechiae* apparent. Quamobrem, cum haec omnia a lentefcente maxime undecunque humorum motu fierent, praesertim in minimis tubulis cutim pervadentibus: utiles admodum persaepe evadebant *cucurbitulae* scarificatae humeris appositae, quarum ope pleraque ex dictis *symptomatibus* illico mitiora reddebantur. Neque id a ratione penitus alienum quispiam arbitrabitur, si specialem *cucurbitularum* actionem attenderit. Namque ipsae valida quadam suctionis vicutis fibras comprimunt, atque proinde latentes in ipsa *sanguineos, lymphaticosque* ductus. Quae de re stagnans in ipsis sanguis, aut saltem lente admodum per ipsos fluens, ad motum maxime sollicitatur. Quod si extra aream *circulationis* dejectus in interstitiis cutis resideat (prout supra de *petechiarum* origine agentes supposuimus) eadem ratione contiguos venarum meatus subire cogitur, ut iterum in *circulum* redigatur. Nec tantum in ipsa parte, cui *cucurbitulae* apponuntur, earundem actio sistitur; sed ultro etiam vim suam exerit. Nemo enim ignorat consensum mutuum partium omnium nostri Corporis, qui praesertim in cute tam obviis cuique est, ut oculis ipsis percipi saepissime queat. Quapropter hinc liquido constat, quam ratione *cucurbitulae* tunc humeris applicatae, non solum lentefcentes ibidem humores ad motum urgere valide possent, simulque tor-

pescentem solidorum elaterem suscitare, & roborare: verum etiam in dissitis aliis partibus tum externis, tum internis pari modo agerent; quo nil opportunum magis, magisque efficax erat, ut tunc *petechiae* inde magna ex parte evanescerent; tum ut obtenebrata minus illico redderetur mens, universali simul imminuto gravamine, & torpore, aliisque pari ratione non parum remittentibus *symptomatibus*.

CCCXLVII. Quotiescunque tamen dictum Capitis summum gravamen non urgeret, neque tam gravi veterno premerentur Aegroti, neque summopere tumesceret facies, nec oculi admodum lentefcente in ipsis sanguine rubescerent: *cucurbitulas* penitus mittebam. Si enim consuetus torpor undique Corpus detinebat, copiosisque maxime *petechiis* tota cutis inspersa esset, illarum loco ad universales fortes *frictiones* confugiendum esse, tuto monebam, bis etiam singulo die eas repetendo. Porro si suctionis vim maximi aestimandam esse in *cucurbitularum* usu, ob plures causas, supra indicavimus: non minoris certe momenti cuiquam videbitur universalis cutis compressio, atque corrugatio *frictionum* ope pluries excitata, ad praedicta solvenda *symptomata*. Idcirco, ut voti compos tutius evaderem, non sicca manu, sed oleo amygdalarum dulcium satis illinita frictiones tunc fieri curabam. Quin immo plerumque (quoties lentefcentes in interstitiis cutis humores dissolvere efficacius, atque citius remove inde, velocioremq; in tota san-

sanguinis massa motum excitare, optabam) eidem oleo congrua dosis spiritus vini camphorati, una cum modica portione olei spicae volatilioris adjuncta erat, ut simul omnia pro idoneo linimento sufficerent, ad frictiones peragendas. Hujusce linimenti, iterataeque frictionis ope, minimi cutis meatus supradicta ratione aperiri melius poterant, simulque fibrae laxari, ut minor inde remaneret obex tam necessariae perspirationis muneri obeundo. Postquam aperte docuit clarissimus Desault (*) plurimi faciendas esse frictiones iteratas, & validas ad podagricorum humores crassos incidendos, atque per insensibilem perspirationem facile educendos; earundem maximam vim paucis sic merito explicat. *Si nous donnons attention à la structure de la peau, que Leuwenhoek nous a développée, on ne peut se dispenser de croire l'utilité, que cette friction apporte au rappel de la perspiration dans les gouteux. Ces petites écailles qui recouvrent la peau, ces petits canaux excrétoires qui la débordent peuvent-ils manquer d'être ouverts & relevés, lorsqu'on frotte une partie en tous sens, allant & venant? peut-on douter que par une mâle, & redoublée compression qu'ils souffrent, on n'exprime la matière qui y séjourne pour en procurer la sortie?* Porro non ad id tantummodo tunc frictiones hasce quammaxime prodesse arbitrabar, verum quoque ad dissolvendas, attenuandasque concreti sanguinis minimas portiones

illas, quas una cum lymphâ in cute restitare, atque petechias efficere novimus. Quare dissolutus inde, comminutusque sanguis ille, ob iteratas dicto modo frictiones, ad motum magis, magisque sollicitari ultro poterat, ut magis propinquos, hiantesque inde magis tubulos pervadens, ad circulationis aream iterum reduceretur. Etenim, ut notat praeclarissimus Fridericus Hoffmannus (194) *Sola pedum paulo longior, & fortior frictio tantum valet, ut universam sanguinis massam, atque etiam humorum in celeriores motum, cum intensiore calore, ut & perspiratione, adducat.* Quod potiore jure de universalibus frictionibus, ut supra diximus, saepissime usurpatis verum comperitur. Quare liquido constat, quomodo nam praesidia haec, quae a plerisque ad suppositam petechialem excretionem promovendam, atque augendam tam solcite in usum revocari quondam consueverant; atque nunc etiam a quamplurimis eadem ratione adhiberi solent; etiam in sententia nostra optima essent, atque merito convenirent: hoc tantummodo servato discrimine, quod si alii Medici, ad augendas solum, atque multiplicandas petechias frictionibus, atque inunctionibus utebantur: nos ad earundem citiorem, & faciliorem solutionem obtinendam, easdem maxime necessarias, utilesque esse arbitraremur.

CCCXLVIII. Ejusmodi inunctionum, frictionumque universalium quotidie, atque bis etiam in die adhibitarum

(*) Pierre Desault dissertat. sur la Goutte.

(194) Frider. Hoffman. Med. R. Syst. Tom. 3. sec. 1. cap. 6. n. 16.

hibitarum ope, sicuti in extimis minimis tubulis, ita & in majoribus proinde internis canalibus, laudabiliorem sanguinis motum promovebam, majorem aequa ratione solidorum fibrarum tonum addens, seu vividiorem *elasticitatem*, tum & majorem humoribus omnibus fluiditatem, atque ad motum faciliorem dispositionem, quae (ob factas undecunque progrediente morbo stases) deperdi magis, magisque quotidie videbatur. Hinc faciliores pari modo, magisque sollicitae evadebant *secretiones* omnes, *excretionesque*, atque *Intestinorum* praesertim, quas distincte, utpote magis tutas, & hujusce morbi enarratae causae magis congruentes, tutioribus supradictis remediis promovere non omittebam. Non semel tunc vidi, soluta satis Alvo, *Clysterum* emollientium ope, biliosisque hinc succedentibus congruis *excretionibus*, Capitis gravamen, & dolorem derepente imminui, atque etiam tolli, & quidem tutius, faciliusque, quam si ad consueta magis molesta *revellentia*, quae in usum passim revocari solent tunc frustra confugerem. Hinc magis ideo ultro patebat primariam hujusce febris, omniumque ipsam comitantium *symptomatum* causam in imo Ventre specialiter constituisse: unde & Caput quoque in consensum trahi solebat, ob patentem satis, licet nondum perfecte explicatam, communicationem Hepatis cum Capite, in gravioribus Capitis vulneribus a Chirurgis omnibus satis perspectam; in quibus & vomitus, & *cardialgicas passiones*, & *abscessus* lethales post-

modum in Hepate ob eandem causam plerumque suboriri, non est qui ignoret.

CCCIL. Dum praesidia haec varia ratione pro Aegrotorum varietate, *symptomatumque* peculiarium saevitiae in usum revocabam, *cardiacas*, ut ajunt, potiones quoque non omittebam, quas variis modis parari jubebam, atque cocleatim identidem sumi, juxta morbi specialem indigentiam. Hujusmodi potiones (quas in rigoroso vulgari sensu vere *cardiacas* non ausim absolute dicere) quandoque utiles in hisce morbis maxime esse, ob graviora quamplurima praesertim compescenda *symptomata*, satis ratio, & experientia ipsa suadet. A spirituosissimis enim hisce aromaticis remediis (dummodo dextere, & cum cautione debita usurpata sint, neque nimia polleant activitate destruendis potius, quam restaurandis viribus idonea) nescio quid actuosum Corpori suppeditatur, quod non raro, & flaccescentes Ventriculi defatigatas nimis in hisce casibus fibras elasticas magis reddit, nec ex toto ab similem in universo solidorum systemate fructum parit. Eodem tempore hinc etiam lentescencia undecunque fluida ad motum urgentur, comminuuntur, attenuanturque, atque proinde ab ipsis animalis tota OEconomia, fere dixerim, reficitur. Dum ad haec confugiebam praesidia, a multiplicibus abhorrens *praescriptionibus*, simplicitatem, meliorem quo poteram modo, semper curavi; Quare cum non eadem semper sese mihi offerret indigentia, non eadem semper methodo

Seet. 3. Cap. 2. Hujus Febris causa, & curatio &c. 225

methodo eas parari jubebam. Attamen plerumque hujusmodi fuit talium potionum mixtio.

R.^e *Aq. Tot. Citri*
Pimpinellae añ. unc. 3.
Theriacal. River. unc. 1.
Confec. Alchermes scrupul. 4.
Succin. alb. praep.
Nitri purific. añ. drach. 1.
Sir. ex Corticibus citri unc. sem. M. cap.
cocleatim. Loco Succini quandoque
Radice Contrahervae in pari dosi
adjungebam. Si cardialgicae aderant
Ventriculi passiones, si Alvus nimis
fluebat, si vomitus urgebat; loco
hujusce potionis ad mixturam stoma-
ticam confugiebam, quam supra de
Tertianarum febrium symptomatibus,
atque earundem curatione agentes,
proposuimus. Verum cum noscerem,
una cum variis humorum stasibus,
nervorum quoque malas affectiones
suscitari, a quibus non semel supra
enarrata Capitis morbosa plurima
phaenomena proficiscebantur, cum
stupore mentis, corporisque torpo-
re universali, tremoribus &c. ad vo-
latilia etiam nervina, una cum dis-
solventibus remediis aliis confugie-
bam. Sequens autem mixtura fa-
miliaris tunc mihi erat, eaque cum
manifesto levamine quampluries
usus fui.

R.^e *Aq. Meliss. non spirituosae*
Totius Citri añ. unc. 2.
& sem.
Theriacal. River. unc. 1.

Confec. Hyacint. scrup. 4.

Tincturae electae Castor.

scrupul. 2.

Spiritus Salis Armoniaci d.
drach. sem.

Sal. Volat. Succini scrup. sem.
aut scrup. 1.

Sir. de Toto Citro unc. sem. M.

CCCL. Quotiescunque, una cum recensitis *symptomatibus*, delirium simul maxime, atque indefinenter vigebat, cum magno faciei rubore, oculorum nitore, atque manifesta adhuc in sanguineorum tubulorum maxima *turgescentia* in *Adnata* praefertim tunica: cum toties observassem naturam ipsam nil utilius tunc, quam *Haemorrhagias* Narium promovere; consuetis hisce salutaribus naturae motibus inhaerens, *Hirudines* Narium pinnis extrinsecus applicari monebam, modicamque inde sanguinis copiam, cum manifesto immediato Aegrotorum levamine, detrahi. Praesidium hoc eo rationabilius, tutiusque me amplecti posse putabam, quo magis ejusdem naturae consuetis *crisibus* accomodari videretur. Etenim cum (195) *Artis sit naturae ductum sequi, in iisdem rerum angustiis easdem venas, vel ex eodem saltem alveo derivatas aperiri sane convenit.* Loco tutioris hujusmodi, atque a natura ipsa indicati praesidii in gravioribus hisce Capitis *symptomanibus*, nonnulli illico, atque indiscriminatim, nullo fere habito respectu ad veridicam talium *symptomatum* causam, ejusdemque veram sedem, jugularem venam statim secandam esse docebant, omnem in ipsa

ipsa spem praeter modum ponentes. Quod talis venae sectio in quamplurimis morbis (196) *qui partes illas, unde jugularis extimae ramuli oriuntur, afficiunt, V. G. in Angina, Ophthalmia, & faciei tumoribus &c.* merito convenire possit, ipse docet, atque distincte explicat praecclarissimus Joannes Freind, qui fusius de ipsa agit, atque ipsam maximis commendat laudibus. Omnem tamen ad id distincte fidem merentur ea, quae eruditissime, atque cum grano, ut dicitur, salis pensitavit, atque exposuit eruditissimus, atque inter rationales Medicos commendandus maxime Joannes Baptista Silva (197) Haec enim, quae in hoc argumentum, praeter alia, sapientissime ipse protulit, sicuti eas omnes exhibent rationes, quae jugularis sectionem in quamplurimis morbis utilem probant, ita ex opposito praeproperum, minusque cautum ejusdem usum jure, & merito condemnant, talesque raro admodum haberi posse in morbis circumstantias ipse monet, in quibus necessaria vere sit jugularium sectio, neque aliunde per aliarum venarum sectiones aeque prompte, tutiusque levare AEgroti queant. Ego tamen asserere certe possum, me in enarrata hac *malignantium* febrium constitutione nunquam jugulares secari jussisse, licet gravissima Capitis urgent *symptomata*; Comatosum nempe gravamen, mentis stupor, delirium, aliaque hujusce indolis, quae, prae-

viis aliis generalibus praesidiis, solo *enematum* frequenti usu commode solvebantur, cum in imo Ventre primaria eorundem vigeret causa, atque Cerebrum per consensum tantum, ut ajunt, pati videretur.

CCCLI. Spirituosae dissolventis supradictae potionis ope, atque *frictionum* maxime modo supradicto adhibitarum, una cum spiritu Vini, aliis ultro ad id conferentibus praesidiis, Capitis gravia quaecque tunc suborta *symptomata* plerumque sedata vidi, quin ad *Vesicantia* confugerem, quibus alii Medici, quamplurimis non contemnendis rationibus ducti, saniorumque Virorum plurium auctoritate suffulti, uti fidenter solebant. Ego certe, nunquam *Vesicantibus* credere, aut fidere tantum potui, quantum alii indiscriminatim faciunt. Etenim, licet ea omnia, quae a *Vesicantium* Fautoribus in eorundem laudem adducta sunt, omnem mereri laudem primo intuitu videantur: fixum mihi, ratumque semper tamen erit (198) *Rem maximae difficultatis esse, ubi plura adhibentur remedia, dignoscere, utri in morbo liberando prima deferre oportet*: prout clarissimus Freind notat, qui caeteroquin acerrimus *Vesicantium* Patronus, atque AEstimator videtur (199) dum & ratione, & experientia, eorundem necessitatem probare contendit. Quicunque *Vesicantium* usum distincte commendat, atque quamplurimum AEgritudinum sanationem ipsis unice,

(196) Freind. de febribus Com. 2.

(197) Traité de l'usage des Saignées prem. part.

(198) Freind. Com. de Febribus Com. 7. Hist. 1. (199) Idem ibid.

ce, & specialiter adscribendam esse arbitrantur: certe aliis etiam usi fuerunt remediis, quibus forsitan victoriae palma potiore jure tribuenda erat; aut rite nunquam statuere quispiam poterat, cuinam vere ex hisce esset rationabilius referenda. Non hinc tamen *Vesicantium* utilitatem maximam in quam plurimis morbis absolute denegare audeo; sed eorum generaliter commendatam plus aequo potentiam in morbis illis omnibus concedere prorsus nequeo, in quibus maxime convenire, quin immo necessariam summopere esse, plures arbitrantur, atque pleno nimis ore ubicunque depraedicant. Non pauci occurrunt morbi, in quibus *Vesicantium* usum respuere, utilitatemque denegare, idem penitus esse arbitror, ac contra veridicae experientiae quotidianae dogmata temere pugnare. Si autem minimus hujuscemodi Aegritudinum numerus, cum innumeraibili pene aliorum morborum, quibus nil penitus conveniunt, atque infensissima etiam sunt, agmine conferantur: nullius fere usus esse posse in Medicina reperientur. Non vacat hic singillatim ostendere in quibusnam tantum morbis *Vesicantia* merito laudanda sint, singulasque simul non tam facile solvendas rationes in prospectum ponere, propter quas in plerisque aliis, quin immo in maxima eorum parte damnanda merito sunt, quae fortasse alias, si opus erit, peculiaris dissertationis contexendae argumentum mihi non inutiliter exhibebunt. Satis ideo sit pro instituti hujusce

ratione breviter perquirere: an vere *Vesicantia* feбри huic rationabiliter convenire possent, an vero superflua potius essent, & nocua, ideoque jure, meritoque damnanda; quia tutius, & jucundius aliis utens mitioribus praesidiis Medicus, ea omnia tollere posset mala, symptomataque evincere, quibus nunquam melius, quam *Vesicantium* adminiculo obviam ire se posse, nonnulli putabant, atque publice profiteri non verebantur.

CCCLII. Et ut rem hanc intime magis perspectam breviter reddam, credulis hisce *Vesicantium* nimium sollicitis Patronis, ex supradictis objicio, febrem hanc, non vere ab humorum lentore, crassitieve originem sortitam fuisse, neque a solidorum laxitate: sed e contrario a nimia sanguinis volatilitate, mobilitate, atque dissolutione, ob speciale actuosae admodum, atque scindentis bilis dominium (aut quodlibet aliud non absimile spirituosum maxime principium supponere in quocunque systemate alio modo velimus, quod idem, mutatis mutandis, prorsus sonat) unde & febriles validi suscitabantur fervores, ipsaque solida, ob indefinentes, atque violentas fluidorum tumultuarie aestuantium percussiones, ad enormes contractiones sollicitata, eo magis valide contenta fluida verberando, ipsa ultro dissolvebant, atque eorundem motum celerem magis, magisque reddebant: qua de re, mutua hac tam efficaci suscitata causalitate, furibundi illi, variiq; tunc fiebant humorum tumultus, innumeris

meris *symptomatibus* progignendis aptissimi. Hisce sic stantibus (quae in dubium revocari non tam facile ex dictis poterunt) si ex opposito *Vesicantium* suppositam a pluribus potentiam ponamus; quis non videt, quam rationabiliter non tantum frustranea, sed maxime nocua censenda tunc illa essent? utpote quae & fluidorum majorem dissolutionem promovere maxime poterant, solidorumque contractiones eo magis validas, eo magis incongruas, totique animali oeconomiae infensas reddere.

CCCLIII. Ex opposito instare pergunt Adversarii, eatenus primariam hujusce febris causam non *dissolutioni* humorum, sed *coagulationi* referendam verisimiliter fuisse; quatenus & *Oedematosos* tumores, & gravamina Capitis, & universales Corporis lassitudines, fibrarum laxitates, *soporosas* affectiones, surditates, internasque varias, & externas *stagnationes*, atque inflammationem ipsam attendere nobis contigerit, aliaque hujusmodi, quae, juxta eorundem sententiã, maximam sanguinis ad stagnandum proclivitatem in propatulo ponunt. Quod *Phaenomena* haec a sanguinis, aut lymphae, aut utriusque variis *stasibus* in diversis partibus factis derivanda, merito fuerint, in dubium revocare nunquam ausus fui. Hoc tantum absolute nego, quod ejusmodi *stases* praeviam humorum specialem crassitiam, seu ad stagnandum peculiarem propensionem necessario supposuerint.

CCCLIV. Si verum est, quod

sanguis (cujuscunque ille sit conditionis) statim ac a consueta *circuitus* semita deflectens, in alienis residet tubulis, nativo suo fraudatus motu ibidem coagulatur; si verum est etiam, quod eo facilius extra sanguineos tubulos profilire sanguis potest, quo velocius movetur, quo tenuior est, magisque actuosus; hinc deduci facile potest, eo frequentius, eo facilius, eo commodius stagnationes hasce suscitari posse, quo magis dissolutus, magisque tenuis supponitur sanguis. Ob hanc specialiter rationem, varias *petechiales stases* in hisce febribus factas fuisse satis supra probavimus: quas a praevia sanguinis glutinosa, crassaque conditione derivare merito nemo unquam potuisset. Mobilis nimis, tenuisque, & dissoluti admodum sanguinis effectus unice erant hujusmodi *stases* omnes, quas e contrario a nimia ejusdem tenacitate deducendas esse ipsi arbitrabantur. Quamobrem dum mediis *vesicatoriis* sanguinem ultro dissolvere tentabant, idem prorsus erat, ac humores omnes in furibundos magis aestus cogere, tenuioresque illos reddere, atque proinde magis aptos ad concitatiores suscipiendos motus, eorundemque inde momentum magis, magisque augendum, ut & facilius, & violentius minima dirumperent vascula, aut saltem eorundem hiatus ampliores redderent: unde postea citius, & facilius a sanguineorum canalium semita sanguis aberrans, extra ipsam stagnaret, concrederetq; quod pari modo etiam de lymphâ verum esse satis patet.

Ex

CCCLV. Ex hisce autem an rationabilius laudandus, aut potius condemnandus merito fuerit *Vesicantium* usus, decernendum cuique libenter relinquam. Instabit hic tamen aliquis cum eruditiss. VValdschmidio (200) *Nunquam me fefellit Vesicatoriorum usus in morbis malignis*: quod ultro innumeris pene aliis clarissimorum Virorum sententiis comprobare posset. Si cum hoc Auctore id intendant explicare Adversarii nostri: quod ideo *nunquam ipsos fefellerit vesicatoriorum usus*; quia nulla unquam ab iis incommoda gravia suscitari noverint, neque tam violenta enasci *symptomata*, propter quae in manifestum vitae periculum inde AEgroti conjicerentur: Hoc gratis concedendum est. Quandoque enim fit, ut adhibitis *Vesicantibus*, nulla ex consuetis *symptomatibus* eveniant: quod semper ipsi fausta sorte contigisse, non abs re erit supponere: nisi tamen non immerito dicere velimus, ut plurimum *Vesicantium* Amatores a praeconcepta de iisdem proclivi nimis opinione obcaecatos, nunquam satis ea noscere, aut indicare velle mala, quae ab ipsis necessario plerumque emanant. Si autem aliunde asserere ipsi non dubitent, quod ideo *ipsos nunquam fefellerit vesicatoriorum usus*; quia semper ipsorum adminiculo & tutius, & citius *malignantem* causam devictam fuisse credant, gravioraque inde omnia profligata *symptomata*; bona ipsorum venia, certo ipsis obtrudam; quod ex communi saniorum Clinico-
rum omnium sententia ideo specia-

liter in Medicina difficile admodum iudicium evadit: quia difficile maxime captu est, atque explicatu, an semper quovis adbibito remedio (specificis tantummodo exceptis, quae perpauca sunt) vere, & unice ipsius ope convaluerit AEgrotus: quod de *Vesicantium* vi pari ratione verum comperitur, ut alias etiam supra demonstravimus, de morborum Pectoris curatione agentes.

CCCLVI. Si ex innumeris pene habitis observationibus, non ob praeconceptam gratis opinionem meam, sed ob liberum tantum veritatis amorem, ostenderim, aequè bene, aequè facile, aequè tuto (ne dicam facilius, & jucundius) hujusmodi AEgrotos mihi commissos, absque *vesicantibus* convaluisse, ac alios alia methodo tractatos, quibus non defuerat tam crudele Medentium munus; nonne hoc satis erit ad eorundem necessitatem denegandam? Necessaria enim, meo iudicio, illa dici merentur remedia, sine quorum auxilio, si non in pejus ruit morbus, saltem non tam facile, non tam cito, non tam tuto evincitur: quod certe de *vesicatoriis* verum comperiri tunc haudquaquam potuit. Verum dum inde *vesicantium* frustraneum usum ab observationibus hisce deducere fideliter satago: non deerunt alii, qui statim objicient, quod si recta esset ejusmodi illatio; aequè bene inferre quilibet posset, quod, cum Rustici quamplurimi, absque ullis remediis (nunquam tamen absolute absque Medicina naturali, quae illis speciale saltem suggerit victus

victus regimen, si non laudabile, & morbo congruum, saltem minus erroneum, & a consueto diversum) optime convalescant: remedia etiam alia omnia superflua penitus censi inde merito debeant. Quicumque sic loquitur, dum probare nimis sic videtur, nihil penitus probat. Qui praëjudiciis male obcaecatus judicat, pessime judicat, atque argumentatur. Si enim hujuscemodi morborum progressus, atque exitus admissim conferantur, & distincte attendantur in illis, qui nullis remediis usi fuerunt, ac in illis, qui methodicas subierunt curationes, dum caeteroquin utrinque fausta morbi solutio subsecuta fuit: maxima aderit discrepantia, tum quo ad morbi durationem, tam quo ad *symptomatum* saevitiem, cui satis opitulari Medicum posse, mediis *Narcoticis*, saepe novimus; dum e contrario tali deficiente adminiculo, & ea crudelius saeviisse, & diutius protracta esse, & frequentius insurrexisse, experientia ipsa testatum pluries reliquit. Sicuti igitur nefas esset arbitrari, inutiles curationes esse, etsi sana methodo peractas, quia sine Medicis, & remediis quamplures sanantur: ita absurdum manifeste proponere videntur ii, qui ex ratiocinio meo ejusmodi pessimam, & universalem deduci posse illationem autumant, dum inutilitatem *vesicantium* in hisce morbis probare curo.

CCCLVII. Instabunt ultro, quod etiam si istarum febrium causa a dissolutione petenda vere fuisset, indeque *vesicantia* jure, meritoque dam-

nanda: ad effectus tamen facilius tollendos non tantum inutilia, non tantum noxia, sed & necessaria, quammaxime tunc ipsa censenda erant. Quandoquidem dum *symptoma*, utpote gravius, totam ad se curationem trahere videtur: illa cito, atque rationabiliter praescribere remedia expedit, quae e directo *symptomaticum* effectum optime vincere valeant, etiam si primariam universalem causam eadem ratione foveant, augeant, atq; magis aestuosam reddant; quemadmodum me tunc egisse dicent, dum volatilia, & dissolventia tum externa, tum interna omnis generis me in usum revocasse supra demonstravi, ut *petechiales* maxime *stases* facilius solverem, aliaque evincerem *symptomata*: dum eodem tempore talia remedia causam ipsam actuosam magis reddere manifeste poterant.

CCCLVIII. Nemo certe inficias iverit, quod non raro, dum attendendum ad id specialiter est, quod magis urget, ipsi causae prospiciendum minus est, ut occurrentibus *symptomatibus*, ejusdemque magis funestis effectibus consulere satis possimus: propter quod ad ea statim confugimus remedia, quae primariam quandoque potius causam suscitant, quam destruunt. Attamen tunc ideo maxime curare debet Medicus, ut ad ea tunc remedia confugiat, quae minus causae affinia sint, minusque ideo metuenda. Hinc ad *frictiones* potius universales cum spiritu Vini camphorato, atque oleo amygdalarum dulcium factas, tutius, atque utilius, omissis *vesicantibus*,

cibus, confugere consuevi, quae intento optime satisfacere poterant. Namque (201) *Frictio* poros cutis patulos, & apertos reddit (ut cum celeberrimo Friderico Hoffmanno loquar) auctoque calore, majorem sanguinis influxum allicit, & sanguinem attenuando ejus cursum accelerat, quare ratione iuvandae perspirationi commodissime inservit. Si *frictionum* ejusmodi vis in casu nostro cum *Vesicantium* potentia conferatur (licet facile probare possem illarum potius, quam istorum magis efficacem actionem esse) hoc certe discriminis manifeste habebitur, quod *frictiones* motum sanguinis accelerare in extimis canalibus, & successive in internis valeant, atque proinde, ob adauctam velocitatem, ipsius etiam optatam dissolutionem promovere, & *stases* paulatim solvere; quin simul vitiosam in sanguinem introducant qualitatem, solidaque ad violentiores fere *spasmodicas contractiones* cogant. *Vesicantia* autem haec fortasse praestant, dum per poros cutis scindentes, volatilesque quasdam introPELLUNT particulas, quae simul pejora quandoque *symptomata* exsuscitant non parum metuenda; dum specialiter, & in solidorum universum genus agere comperiuntur. Quod si inde efficacem magis *Vesicantium* actionem, secus ac *frictionum*, dicant, ad optatas *dissolutiones* obtinendas, mediis *cantharidum* minimis, & penetrantibus moleculis in sanguinem affatim insinuatis; sciant me hoc aeque tuto, & commodius,

& efficacius tunc praestitisse, adhibitis simul interius volatilibus, & spirituosius remediis, quorum etiam ope *frictionum* actionem praedictam ultro augere, atque magis activam reddere non omittebam. Ad dam insuper, quod ideo hujusmodi volatilium salium, aut spirituum, moderatus usus magis intento satisfacere queat; quia pro libito facile repetuntur, atque identidem, juxta indigentiam, commode usurpantur: quod certe de *Vesicantibus* verum, neutiquam comperitur; quia ipsa eo tantummodo tempore dissolventes moleculas hasce, & quidem in minore copia, sanguini suppeditant, quo ipsa cuti affixa manent; nempe duodecim, aut viginti quatuor saltem horarum spatio. Non enim tam facile reiterari solent, cum satis quisque noscat, non parvi momenti mala timenda inde merito esse.

CCCLIX. Quamplures enumerare hic possem Auctores, solidasque ab ipsis non tam facile evertendas rationes desumere, atque hic proponere, quibus partim inutilis, partim noxius admodum probatur *Vesicantium* usus; prout in aureo libello suo de usu *Vesicantium* in maligna febre praestitit praelaudatus Homobonus Piso Concivis noster. Ad ef-fugiendam tamen prolixitatem haec omnia omittam, utpote cuique satis nota. Satis superque pro omnibus esse possunt solidissimae duodecim rationes, quae proponuntur in observationibus medicis (202) praeclarissimi, atque immortalis Vallis-

R

nerii

(201) *Frid. Hoffman. Med. R. Syst. Tom. 1. lib. 2. cap. 9.*

(202) *Vallisn. Tom. 3. S. 29.*

nerii in celeberrima Patavina Universitate quondam primarii Medicinae Professoris, cujus acerrimo ingenio, indefessis laboribus, atque omnigenae doctrinae, maximam tutioris hodierni ratiocinii medici partem deberi, nemo est qui non noverit, nemo est qui non plaudet, atque magnificentissimis laudibus commendet.

1. Primo autem, ideo *Vesicantium* usum condemnandum esse ibidem constat, quia *Cantharides* igneis constant particulis sanguinem accendentibus, atque febrim ipsam augentibus, propter quod sic febris feberi additur: id ostendit sitis, calor, frequentia pulsus &c. Tam prava autem est, tam infensa *cantharidum* venenata vis omnibus satis cognita, ut de iisdem agens praestantissimus Tournefortius, Botanicae famigeratissimus Professor in Gallia absolute statuerit, hujuscemodi remedio, pari cum praemeditatione utendum esse, ac si quis ad venenum vere confugeret: quod hisce verbis aperte indicat. (203) *Il faut apporter presque autant de precaution quand on se sert des cantharides, que quand on employe l'arsenic.* Meum non est hic distinctam *cantharidum* veridicam analysim proponere, cum quisque noscat, quam volatiles, quam actuosae, quam scindentes venenatae particulae in hisce animalculis lateant, ita valentes, ut totius animalis Oeconomiae symmetriam susdeque vertant, tum extrinsecus Corpori applicata, multoque magis intrinsecus assumpta. Neque unquam

pro libito hujusce veneni actionem moderari, atque ad speciales partes dirigere potest Medicus, si jam in sanguinem intrusum sit, variis modis effraenatos magis suscitaturum tumultus, juxta diversam affectorum corporum dispositionem.

2. Quia in malignis febribus praecipua esse debet Medentium cura in conservandis Aegrotorum viribus; quas vi doloris, atque aliter etiam *vesicantia* enervant.

3. Quia in laceratis sic partibus *gangraenae ulcerosae* enasci pluries observantur; unde *Vesicantia* non morbi remedia, sed peioris morbi causae dicenda sunt; dum eorundem vi morbum augemus, atque protrahimus. Id specialiter nos quoque saepissime adnotavimus, atque ultro etiam pluries novimus, quamplures ob *ulcerosas gangraenas* hasce miserrime mortuos fuisse, aut diutius admodum aegrotasse, posteaquam a maligna ipsa febre omnimode convalescerant, peculiaribus ejusdem *Symptomatibus* omnibus ex toto profligatis. Neque *Gangraenae* istae malignantis, ut ajunt, humoris soboles merito censerı poterant; cum non potior adesset ratio, propter quam iis plerumque occurrerent tantum, quibus applicata fuissent *vesicantia*, atque in laceratis tantum illis partibus, & non alibi. Non equidem existimo, naturam tam facile Medicorum jussibus obtemperare, ut ad eas partes potius *criticas secretiones* suas dirigat, quae ipsi a Medico indicatae sunt: cum hoc non naturam adjuvare, sed temere cogere prorsus esset.

esset. *Metastases* enim a speciali quorumcunque Aegrotantium Corporum dispositione dependent, habito respectu ad partem in quocunque morbo magis affectam: contra quod quarta hic subsequens ratio ulterius militat.

4. Potissima ratio, propter quam *vesicantia* adhibentur, illa est, ut ab ipsis congrua naturae aperiatur via, per quam infensos *malignantes* humores educat. Id autem falsissimum est. Talis enim, qui inde exit, humor lymphæ tantum, & succus nutritius est, qui, dum illuc tendit, juxta consuetas *circulationis* leges, per corrosos canaliculos exit, qui illico concrescit, tanquam albumen ovi; quod de lymphæ distincte verum est, non autem de somniatis *malignis* humoribus, ab acrimonia salium, ut ipsi putant, congestionem pendentibus. Humorem autem illum a laceratis illis partibus educi, eodem prorsus modo arbitror, quo, si quis alicujus Arboris corticem quomodolibet incideret, ejusdem tubulorum continuationem tollendo. Inde enim *nutritius* profilit succus, qui, nisi identidem inde removeatur, glutinosa vi sua, statim concrescit, prioresque scissuras occludit taliter, ut nihil amplius educi queat. Hoc certe, pari ratione, evenire solet in partibus, quibus *vesicantia* applicantur, quæ, nisi sollicita Chirurgi manu confricentur, atque affluens *nutritius* humor facile ibidem concrescens abstergetur, statim exsiccantur; id quod creduli nonnulli Medici tanquam pessimum omen plerumque attendunt, cum hoc *maligni* humoris reconcentra-

tioni (prout ipsi falso putant) adscribi nullo modo unquam possit.

5. Qui sanguinis *circulationem*, nostrique corporis mechanicam structuram optime calleat, satis etiam intelliget, a laceratis sic hujusmodi partibus illam tantum humorum portionem educi posse, quæ *circulando*, juxta vasorum dispositionem, illuc tendit, atque ex pravis simul, bonisque succis conflatur. Humor autem ille, qui malæ indolis exit, habito respectu ad magnam humorum *malignantium* copiam, juxta eorundem sententiam in hisce febribus specialiter dominantem, tam modicus est, ut prius oporteret Aegrotum mori, anteaquam tota *malignitas* eliminata sic penitus fuisset. Insuper *malignitas* est in toto sanguine: sanguis non exit a laceratis partibus; ergo *malignitas* inde non exit. Ego autem sic alio modo arguam in proposito nostro. Primariam hujusce febris causam a bile derivandam absolute fuisse, ex dictis satis novimus: sed bilis ab erosa cute nequaquam prodibat; ergo inde morbi causa destrui nequaquam poterat. Quamobrem concludendum est iterum cum doctissimo hoc præcitato Auctore, totum id, quod adhibitis *vesicantibus* ab erosa cute effluit, succum esse dulcem, *nutritium*, & naturæ prorsus amicum; non autem hostilem, ut Adversarii certe putant.

6. Præcipua in evincendis malignis febribus Medico indicatur solertia, ut peccantium humorum *cotionem* obtineat, seu ut naturæ motus laudabiliores promoveat, aut

sequatur, ad hostiles particulas e sanguineo penu sejungendas. Hoc autem *vesicantia* potius impediunt, dum ad cutim violenter humores pellunt, massam totam turbant, atq; tumultuarios inordinatos prorsus motus suscitant, *causticis Cantharidum* venenatis salibus sic intrusis.

7. Si natura *criticos* motus in hisce febribus ad cutim molitur, nonne idem est, ac contra ipsam pugnare, ipsiusque actionem destruere, dum *vesicatoriis* utimur? Id autem in casu nostro verum esse potiore jure semper novimus, cum semper viderimus, non aliter, quam per Al-
vum, biliosi peccantis humoris *excretionem* naturam utiliter promovisse.

8. Quod si in aliis etiam casibus naturae motus *criticos* ad cutim nondum satis perspectos habeamus; quare illuc peccantes humores propellere contendimus? cum naturae fidelis sectator Medicus eo tantum tendere debeat, quo natura ipsa vergit, ut ex Hippocratis documentis habemus.

9. Ob arsenicalis *cantharidum* corrosivi salis intrusionem, sanguinem quandoque Aegroti mingunt; quandoque urina supprimitur (quod non semel nos etiam hic contingere observavimus, & quidem aliquando tam infausto exitu, ut soluta ex toto maligna febris, succedente hinc Vesicae *inflammatione*, mors inde miserrime, ut alias diximus, succederit) ob *sphincteris* Vesicae nimis fortem *contractionem*. Quandoque immoderatum, atque involuntarium urinae exitum evenire novimus: vi-

gilia suscitari, enervari vires, spasmosque fortes suboriri. Nec quidquam mirum est, quod *Cantharidum* actuosae molecule tam diversa, quin immo ex toto opposita, fere dixerim, ratione agere possint; cum earundem varia actio diversas semper sequatur Corporum dispositiones, & Vesicae maxime, ubi validius vim suam exercere specialiter solent. Hoc apposite satis, atque perbelle paucis explicat clarissimus Joannes Baptista Mazzinus in Patavina doctissima Universitate Medicinae Practicae Professor celeberrimus in eruditissima sua Medicamentorum *Mechanica*. Ipse enim observans nonnulla vegetabilia, ut *Hel-
lenium* Mures enecare, *Nucem vomica*m Canes occidere, reliquis Animalibus illaesis, inde deducit, quod (204) *Similiter Cantharides sine noxa mixtionem inire possunt cum sanguine humano; cum vero istae, aut in Renibus, aut in vesica unionem fecerint, cum tali determinato numero salis armoniacalis urinam componentis, tunc tales moles componi possunt, quae pondere, superficie, ac figura, stygiam veluti indolem acquirant, aptam renales glandulas, aut vesicam potentissime lacerare, urinarum mucus dissolvere, & urinas validissime promoveri &c.*

10. Si ex communi Recentiorum consensu malignae febres ab humoribus acribus, & dissolventibus fiunt (quod in enarrata praesertim constitutione evenisse ex supradictis satis constat) ad quid igneas, volatilesque addere particulas necessarium esse quispiam putabat? quod idem prorsus

sus erat, ac morbi causam fovere, atque magis, magisque valentem red- dere.

11. Concedamus, quod aliquan- do specialis occurrere possit consti- tutio, propter quam *Vesicantia* con- venire possint: non hinc tamen om- ni, & cuicumque individuo compe- tunt. Haec ferre possunt Corpora pingua, humida, &, ut ajunt, pi- tuitosa. Non ita biliosi Homines, debiles, Senes, extenuati, calidi, quo- rum sanguis salinis, sulphureisque scatet particulis: qui plerumque dictis febribus detinebantur.

12. Hinc tandem concluditur, quod si quandoque *Vesicantibus*, ob politicam tantum, uti velimus, ut plura facere in hisce casibus videamur: id faciamus, sed absque AE- grotantium damno. Secus enim po- litica haec, Tyrannis esset. Ultimo *Vesicantia* tanquam quid diabolicum ipsi videri, hisce verbis hic Auctor ostendit (205) *Io sospetto, che sia in- venzione diabolica per fare bestemmia- re gl' Infermi, per ridurgli a disperazione in quelle ultime agonie, per fargli ma- ledire la Medicina, che per sé è buona, ed il Medico, che per loro è cattivo.* Hinc satis, & ultro patere cuique posse credo, me non immerito, non irrationabiliter in enarratae supra febris curatione manum a *Vesican- tium* usu temperasse: quod aliis ul- tro rationibus a quamplurimis etiam Auctoribus depromptis confirmare adhuc me posse nemo ignorabit. Quare cum praelaudato celeberrimo Homobono Pisone, quemlibet ex

nimis credulis *Vesicantium* aestima- toribus, atque amatoribus, sic mihi pro assumpti coronide placet allo- qui.

(206) *Parce pias scelerare manus
quicumque medelam
Lethiferi aggredieris morbi;
si pestifer humor
Sanguiferos subeat, febris co-
mitante, meatus,
Spectraque turbatam vexent
bacchantia mentem,
Sive instent Cordi corrupti
copia succi,
Cur subito exuris lenaeis igni-
bus artus
Efferus in proprium genus?
Hosne subire dolores
Debuerit medica poscens so-
lumen ab arte?
Solaque tot poenas indicent
iussa Medentum?
Quid prosunt sano stillantia
membra cruore,
Et sine labe cutis diro lace-
rata veneno,
Mitia cum possint compescere
pharmaca morbos?*

CCCLX. Solis itaque universa- libus frictionibus identidem, ut supra diximus, usurpatis, tum & volatili- bus congruis remediis utens omnem in summo morbi conflictu operam juxta indigentiam adimplebam, ca- vens semper sedulo, ne salutares un- quam naturae motus, aut retarda- rem, aut compescerem, aut contra ipsius febris genium temere dirige- rem. Non omittendas simul esse de- mulcentes acidulas simplices potio- nes.

R 3

(205) Vallisner. loco supra citat.

(206) Homobonus Piso de usu Vesicant. in febr. malig.

nes plenishauſtibus uſurpatas, ſemper monebam, ut dixi; emollientes ſimul *Clyſteres*, prout opus eſſet, frequenter praefcribens, ut bilioſas Alvi *excretiones* promoverem, quibus plerumque tutiorem Morbi ſolutionem omni jure fuiſſe tribuendam ſemper animadverteram.

CCCLXI. Hiſce omnibus rite, prout peculiaris Morbi, atque AEgrotorum ratio poſtularet, in uſum revocatis, quotieſcunque natura vel ex ſe, vel provide adjuta, *criticis idoneis excretionibus* omnimodam, tutamque Morbi ſolutionem moliri videbatur; ad alia ultro tranſire inconſonum penitus arbitrabar, juxta tritum divini Senis monitum: (207) *Quae judicantur, & judicata ſunt perfecte, neque movere oportet, neque innovare, ſive purgantibus, ſive aliis irritamentis, ſed ſinere.* Critici autem ejuſmodi naturae motus, pro totali febris ſolutione, quamvis utplurimum poſt ſeptimam inchoati, circa decimam quartam fere ſemper perficiebantur. In aliquibus tamen ad vigefimam primam uſque morbi diem protendi viſi ſunt; pro variis affectorum Corporum praeviis diſpoſitionibus, atque peccantis ipſius humoris citioribus, tardioribuſque motibus, nec non ſpecialibus ejuſdem *ſtaſibus*, atque maxime juxta, occurrentes quotidie aeris viciffitudines: propter quae merito in plerisque varia, atque plus, minusve gravia exſurgebant *ſymptomata*; prout paulo infra ex peculiaribus ejuſmodi febrium hitoriis notum fiet. Tunc autem de totali, atque tuta

morbi ſolutione minus dubitabam; quum paulo poſtea priſtinus AEgrotis reddebatur appetitus, placidus magis fiebat ſomnus, concocta per Alvum ejiciebant, nulla aderat oris amarities, nulla in Abdomine tenſio, neque ulla alia penitus apparebant ſigna, quae latitantem adhuc fortaſſe bilioſum fomitem indicare poſſent. Aſt cum oppoſita hiſ eveniebant, atque gravis, praefertim, prope Ventriculum, moleſta tenſio perſiſteret, cum maxima nausea, lingua flava, plerumque cum inanibus ad dejiciendum conatibus, atque nocturnis jactationibus: Hiſce, inquam, ſic ſtantibus, non omnimode evictam hoſtilem cauſam adhuc fuiſſe noſcens, ad congruum purgans remedium confugere ſatius exiſtimabam. Merito enim & ipſe divinus Senex aperte monet, quod (208) *quae in morbis poſt criſim relinquuntur, recidivas facere ſolent*; aut ſaltem inde morbus ipſe diutius protrahitur, quod plurimis eveniſſe ſaepe obſervavimus. Hoc autem frequentius illis contigit, qui alia methodo curati, nullis unquam, ne mitioribus quidem, purgantibus uſi fuerant. Non deſunt enim quandoque quidam Medici, Artem noſtram tam ſcrupuloſe profitentes, ut, nullo habito purgantium diſcrimine, praekoncepta tantum opinione ſua temere ducti, a quibuſcunque purgantibus, tanquam peſte, cavendum ſemper eſſe arbitrentur. Nec tantum a validioribus hujusmodi remediis ipſi abhorrent, verum etiam ab illis, quae vix vix

Inte-

Intestina, absque ullo stimulo, a consuetis sordibus detergere valent, vegetum magis tantummodo eorundem *vermicularem* motum reddendo. Profecto si verum est, quod omnium inimicum est naturae inimicum, sicuti illi merito condemnandi sunt, qui vehementiora semper purgantia inconsulto, atque repetitis etiam vicibus praescribentes, naturam per indicatas vias non ducere tantum, sed violenter cogere solent: ita nullam penitus mereri posse laudem tot alii mihi videntur, qui tantum abest, quod ad mitiora purgantia unquam confugiant; ut infaustos morborum quoscunque eventus (morbi genio potius, quam medicamentis ejusmodi adscribendos) eorundem laudabiliori caeteroquin usui tribuendos semper jure esse putent: Quod idem prorsus est, ac Medicinam, ejusdemque instrumenta praecipua prorsus respuere. Satis autem ipsis semper super hisce sit clarissimos Viros Homobonum Pisonem, Hecquet (209) atque saniores alios Auctores consulere, ut melius discant, & im-

moderatum purgantium intempestivum usum evitare, atque ab iisdem neque semper, neque ex toto abhorre.

CCCLXII. *Méthodus* (210) hactenus enarrata (liceat mihi hic expertissimi Sydenhamii verbis uti) si quis illam prudenter, & cum destinato animi consilio observaverit, Aegros, si non ab omnibus, saltem a plerisque molestis illis symptomatibus immunes praestabit, quae hanc febrem vel comitari, vel eidem supervenire solent, quaeque Medicum animi ancipitem, atque saepe incurationis decursu consilii pene expertum reddunt, immo & illius curae commissos e medio auferunt. Pro totali autem specialis hujusce febris indolis, ejusdemque causae dilucidatione, postquam de ipsa satis generali quodam modo egimus, non incongruum hic erit peculiare observationes, atque Morborum historias subdere, quae diversos istius febris progressus juxta occurrentes varias aeris constitutiones, atque Aegrotorum praevias dispositiones, distincte ostendant.



R 4 SECTIO

(209) Homob. Piso de Regim. magn. auxil.

Hecquet de purgand. Med. a curar. sord.

(210) Sydenham. Cap. 3. Constit. Epid. annor. 1661. &c.

SECTIO TERTIA

CAPUT TERTIUM.

Peculiares hujus Febris observationes &c.

CCCLXIII.



UM ea-
dem fe-
re, ac
transac-
tis an-
tea A-

prili, Majo, Junio, & Julio men-
sibus universalis adhuc siccitas, ad-
dito aestivo forti calore, dominare-
tur, usque ad Octobrem dicti anni
1734. protracta: eundem prorsus
ejusmodi febrium progressum obser-
vavimus. Promiscue tamen cum il-
lis consueti quoque aestivi morbi
grassabantur: *diarrhoeae* nempe,
dysenteriae, omnisque generis tertia-
nae febres, alique hujusce indolis
morbi. Verum tunc quum aestivi isti
morbi, & frequentius, & gravius sae-
viebant; tanquam inseparabile *sym-*
ptoma, *malignantes* hasce febres, prae-
ter alia, plus quam antea comita-
bantur *cardialgicae passiones*, *choleric*
fluxus, singultus, Ventr^{is} tumores,
atque universales praesertim totius
Corporis refrigerationes; prout in
Lypiriis a concitatore actuosae ma-
gis bilis aestu subortis evenire solet.
Isti autem plerumque, qui in hac
constitutione hujuscemodi *sympto-*
matibus gravius torquebantur, ma-
gna ex parte mortui sunt. Eadem
pene fuit *malignantium* istarum fe-

brium natura, & progrediendi modus
sequentibus etiam Augusto, & Sep-
tembri mensibus; observatuque
tunc dignum maxime fuit, quod
quo facilius, & frequentius *mali-*
gnantes hae febres tota aestate graf-
sarentur, eo rarius tertianae quaevis
occurrerent; ac si illae istarum
vices, & dominium supplerent, ea-
dem admissim, ut diximus, cum
ipsis *symptomata* proferentes.

CCCLIV. Idem prorsus initio
sequentis Octobris observavimus;
licet postea saepius, quam antea
tertianae ipsae febres insurgerent,
quae tamen perquam facile (quam-
vis *Chinae Chinae* congruo usu rite
curatae) iterum, atque iterum re-
crudescebant, diu admodum inde
protractae. Declinante hoc mense
optata jamdiu pluvia gaudere tan-
dem aliquoties potuimus. Quare
nubilo ut plurimum existente Coelo,
frigidus, humidusque maxime dere-
pente aer evasit. Ob subitam hanc
aeris mutationem *lymphatici* quam-
plurimi morbi grassari illico coepe-
runt, ipsaeque *malignantes* febres
diversum fere ex toto characterem
induere visae sunt; cum plerisque
in fine *Parotidum* tumores fierent,
alique glandulares tumores. Idcir-
co non copiosis, sicuti antea, bilio-
fis

lis Alvi excretionibus, sed affluentibus potius sudoribus, atque urinis, febris solutio tutior merito erat adscribenda. Ob eandem causam tunc sanguis ab hisce febricitantibus educatus, consuetum *pleuriticum*, licet non tam crassum, *corticem* referebat. Quamobrem aperte hinc statuum erat, febres hasce, quae *biliosum* tantum antea principium obtulerant, *lymphaticam* postea simul indolem, ob occurrentes aeris novas hasce vicissitudines, induisse: quod ultro magis, magisque indicabant lymphaticae variae in Pectore *stases*, occasione istarum febrium factae, propter quas tum gravia, eademque ratione diversa suscitabantur *symptomata*; tum morbus ipse, quo ad reliqua, lethalem magis praeseferbat faciem: quod antea perquam raro contigisse sedulo animadverteram. Hinc dum *Petechialis* haec febris tam funestis, gravioribusque stipata *symptomatibus* grassabatur novam proferens indolem, atque diversos penitus servans mores; utiles maxime erant iteratae magis, magisque copiosae sanguinis emissiones; quod rationi ipsi consonum, tunc maxime erat. Vigente enim nova hac aeris rigidioris constitutione, perspirationis mensura summo pere decreverat, eademque ratione totius sanguineae massae moles adaucta fuerat; quae ideo magis sollicitam, magisque liberalem Phlebotomi opem merito postulabat.

CCCLXV. Mense Novembri ejusdem anni 1734. non tam pluviosum evasit Coelum; licet humidus maxime plerumque aer esset,

nec parum frigidus. Quamplures tunc *Asthmate* sicco laboraverunt, cum inaequalitate pulsus, accedentibus saepe copiosis, glutinosisque sudoribus, qui genitam inde passim *lipothymiam* comitabantur. Porro, cum haec liberi sanguinis *circulatorii* motus impedimentum aperte indicarent; organicam in Pectore latentem causam manifeste proferebant; *polyposas* nempe ut plurimum concretiones in confiniis Cordis, aut majorum vasorum progenitas. Hujusmodi tamen concretiones aliquando de novo fiebant, ob specialem dictam tunc occurrentem aeris constitutionem, indeque ortam mucosae lymphae congestionem: quandoque etiam antea existentes, sed mole admodum parvae, eadem ratione postea (aliis etiam extrinsecus adjunctis causis, nova scilicet iisdem tunc facta lymphae appositione) in majores adhuc successive moles excrescebant, praedictis, aliisque etiam pejoribus suscitandis *symptomatibus* idoneas. Sicco gravi hoc *Asthmate* correptus tunc fuit Nobilis Dominus Canonicus Betollius. Iste tamen jam plurimis antea annis magna pulsus inaequalitate laboraverat, quae adhuc persistit etiam in sanitatis statu, ob *polyposam* concretionem, liberum sanguinis motum plus, minusve praepedientem, pro ut varia ratione in majorem excrescit molem. Utile tunc ipsi maxime praesidium fuit iterata sanguinis copiosa emissio, una cum decoctione Radicis Arundinis montanae, & Chinae, & Herbarum dissolventium, atque, ut ajunt, pectoralium, quae diu-

diuturno admodum tempore usus fuit. Secus tunc evenit Nobili Dominae Mariae Maffezzolae, quae *Asthmate* eodem sicco, non absimilem ob causam, detenta fuit, iisdemque vexata *symptomatibus*, quae caeteroquin ab hysterica causa tantum progenita putans Gallus quidam Medicus, *polyposam* satis patentem concretionem prope majora vasa latitantem, incongruo quodam ratiocinio absolute negabat. Nihil penitus huic profuere sanguinis iteratae emissiones, Pectorales laxantes poriones plenis haustibus ingurgitatae, tum & lenientia omnis generis, atque dissolventia congrua, unde ad Hydropem paulo postea perducta e vivis miserrime discessit. Aperto post mortem Cadavere, polyposam jam antea indicatam concretionem in sinistro Cordis sinu observavimus, aliasque imi Ventris, & Ventriculi praecipue laesiones, quae quidem progrediente forsitan morbo successive evenerant, non autem pro praecipua ejusdem causa haberi unquam rationabiliter poterant.

CCCLXVI. *Malignantes* dictae febres, quae adhuc magna in copia dominabantur, lymphaticam plerumque, ut supra diximus, naturam referebant. Hinc licet a bilioso praesertim fomite, sicuti antea, pendentes, praecipuam in imo ventre causam agnoscerent; ut plurimum tamen, & Pectoris varias simul laesiones tunc comites habebant, una cum tussi contumaci, inaequalitate maxima, depressione, atque frequentia, pulsus primis usque

morbi diebus satis sensibili. Neque Alvi *excretiones*, ut antea, tunc aeque faustum proferre omen videbantur; cum non raro post ipsas, invalescente adhuc gravius morbo, Aegroti paulo postea interirent: ut Reverendissimo Patri Abbati Bonjoanno Canonico Regulari Lateranensi circa undecimam morbi diem tunc contigit, maximo Abdominis praevio tumore, difficili admodum reddita respiratione, cum inani tussi, atque intenso faciei rubore.

CCCLXVII. Aliquibus tamen, qui *malignantibus* hisce febribus hoc eodem mense laborarunt, cardialgicae quoque vehementes Ventriculi *passiones* non defuere, cum inanibus ad vomitum conatibus, biliosisque dejectionibus, pulsu frequenti maxime, parvo, & depresso, accedente inde *lipothymia*, cum universalibus Corporis refrigerationibus, atque profusis sudoribus. Isti ideo fere omnes mortui sunt, praeviis manifestis *inflammationis* signaculis, aut in Hepate, aut in Ventriculo, Liene, aliisve imi Ventris visceribus, sive junctim, sive separatim laborantibus. Non absimilem *petechialium* febrium constitutionem, atque parem in ipsis procedendi morem, inter praeclarissimos hujusce aevi in Medicina coryphaeos merito connumeratus, expertissimus Fridericus Hoffmannus olim observavit (211) dum, *de febribus epidemicis* agens, pleraque indicat *symptomata* ea, quibus inter caeteros tunc distincte eruditissimus Medicus Masinus Nosocomio Pedemonta-

montanorum militum in Caenobio Divi Petri firmato assistens, vexatus acriter fuit. Ille cum in summo morbi conflictu, consuetis aliis *symptomatibus* jam summopere fatigatus, alimenta quaeque per vomitum illico rejiceret, *stomaticis* nil proficientibus, atque *narcoticis* magis congruis remediis, misere extenuatus, atque refrigeratus occubuit, universalis profecto maerore; cum ob peculiare animi, quibus praeditus erat, dotes, solidiusque medicae Artis studium, atque probatam satis in saniore praxi peritiam, qualisnam temporis progressu singularis futurus foret Medicus, cuique indicabat.

CCCLXVIII. Hoc eodem tempore plurimi *Icteria* laborarunt: quibus *aperientes*, ut ajunt, *diureticae* potiones, ac praecipue serum Lactis floribus chamaemeli, & radicibus Fragariae alteratum, una cum congrua Rhabarbari infusione, tum, & in fine Balsamum de Copaiba, & alia ejusmodi praesidia perquam utilia evaserunt. Mense Decembri ejusdem anni 1734. saevire magis frigus coepit, variamque humidam, atque nebulosam plerumque aeris constitutionem habuimus. Tunc eadem, ac transacto mense *malignantium*, plus quam antea grassantium febrium conditio, & progrediendi modus fuit; cum adhuc una cum biliosa lymphaticam praecipue naturam saperent. Tunc quoque *Icteriae* frequentes fuere, Apoplexiae non paucae, *Catarrhales* saepe febres, alique *lymphatici* morbi; fere nunquam Pleuritides, quae ut plurimum illos corripere spe-

cialiter consueverunt, qui iisdem morbis alias laboraverant.

CCCLXIX. Quamplures *Icteri*ci, qui elapsis antea mensibus, sive naturae tantum, sive Artis etiam beneficio quomodocunque convaluerant, ineunte Januario mense subsequenti anni 1735. eodem iterum morbo laborarunt. Tunc autem in illis id specialiter adnotavi pluries, quod educta per *excreatum* saliva croceum adferret colorem, in iis maxime, qui molesto, magisque contumaci pruritu universali detinebantur. Hoc aperte indicabat, bilem ab Hepatis *secretoriis* ductibus quomodolibet obstructis refluam, lympham universaliter in *Icteria* inficere, propter quod, & urina lixiviosam fere naturam induere videtur, atque separatim ab educto sanguine serum croceo magis praeter consuetum colore tingitur. Hinc fit quod cum magna ex parte cutaneos ductus lympham pervadat, biliosam hanc sapiens naturam: cutaneas ibidem minimas nervorum papillas pungendo leviter, atque vellicando, pruritus sensum efficiat, citrinumque cuti largiatur simul colorem.

CCCLXX. *Malignantes* dictae febres, quae Januario hoc mense majore in copia grassatae sunt, diutius quam antea protrahebantur, cum perquam raro decima quarta die remittere viderentur, ad vigesimam primam plerumque productae, aliquando cum consuetis alvi biliosis *excretionibus*. Attamen magna ex parte, & de *lymphatica* natura participes factae, cum pulsu parvo, duro,

duro, atque inaequali admodum, etiam primis diebus, plures corripiebant, succedente plerisque magis diuturno delirio, Pectoris anxietate &c. Inter hos ii, qui somniculosi fiebant, amplo inde magis reddito pulsu, minusque inaequali, facilius evadebant. Illi autem, in quibus per urinam potius, quam per Alvum natura Crises moliebatur, in fine morbi stupidi magis fiebant, & vigiles admodum; atque inter hosce, ii quibus arida magis reddebatur cutis, cum contumaci delirio, atque diu protractis vigiliis, ut plurimum occubuerunt. In hisce tamen raro tunc sanguis eductus *pleuriticum* referebat corticem, atque vix aliquando in illis, qui *Pleuritide* laborarunt, quos perpauco tunc videre contigit. *Catarrhales* vero variae indolis morbi non defuerunt, sicuti & Erysipelae plurimae. In Nosocomiis militaribus Pedemontanorum, occasione *malignantium* istarum febrium, id specialiter adnotare tunc quampluries potuimus, quod in apice Nasi, tum & in extremitatibus pedum gangraenae (non secus, ac illis quandoque evenit, qui rigidioris frigoris incommoda diutius patiuntur) occurrerent: ex quibus nulli fere evaserunt, cum duobus, tribusve diebus post gangraenae apparitionem vix superstites essent. Gangraenae autem istae illis facilius, & gravius eveniebant, qui aut diuturna, & copiosa diarrhoea antea laboraverant, aut exuberantes narium haemorrhagias passi fuerant, post quas immediate ut plurimum,

atque derepente fiebant. Hinc autem facile erat deducere, gangraenas hasce a speciali sanguinis inopinata maiore *stasi* suboriri, in iis praecipue vasis, in quibus (aut ob maiorem a Corde distantiam, aut ob minorem eorundem diametrum, aut quia magis compressa, complicataque sint) minor semper, caeteris paribus, evadit sanguinis velocitas, quae ob supradictas paulo antea praegressas causas eo magis, magisque imminuta fuerat. Hujusce ratiocinii fundamentum facile est depromere ab *oedematosis* tumoribus in extremitatibus maxime factis, atque a *cachecticis* habitibus, aliisque non absimilibus morbis, quos contumaciori diarrhoeae, atque liberalibus nimis sanguinis emissionibus, aut haemorrhagiis facile supervenire supra satis explicavimus.

CCCLXXI. Hac eadem occasione non abs re esse, arbitror, peculiarem a me hoc eodem mense habitam observationem hic retexere, quae licet cum proposita *malignantium* istarum febrium constitutione nullam habeat affinitatem; non incongrua tamen mihi videtur, quin immo cognitu admodum utilis ad quamplurima in praxi medica passim occurrentia *phaenomena* melius percipienda, atque explicanda. Dominus Mollus Pharmacopola Cremonensis, ob inopinatam, atque violentam causam (cum caeteroquin antea optime se haberet) toto animo tam vehementer commotus fuit, atque in iram adeo extemplo concitatus, ut in-

sanus

sanus fere ex toto illico factus, huc illuc per urbem vagaretur, quo pergeret prorsus ignorans. Successive animo paulo postea deficiens, humi cecidit, maxima simul respirationis difficultate correptus, anxiusque factus, cum tumore faciei, atque rubore, pulsus inaequalitate, atque tarditate, prominentibus praeter modum oculis, atque insolito nitore perfusis. Hujusmodi *symptomatibus* graviter pressus nil penitus loqui poterat; omnia tamen audiebat, atque intuebatur, appositaque identidem regioni Pectoris, & Stomachi manu, morbi sedem indicare quaerebat, nil penitus Capite dolens, saepissime suspirioso forti anhelitu vexatus, propter quem animam continue agere videbatur. Morbum hunc a violenta cardiacorum nervorum contractione deducens (unde fortasse sanguinis liber motus praepeditus maxime fuerat, arctata inde Ventriculorum Cordis capacitate; unde ipse ibidem plus aequo, & inordinate subsistens, tardum, & inaequalem pulsum effecerat) sanguinem illico ex brachio, atque postea ex pede copiose detrahi jussi: indeque *cucurbitulas*, *revulsionis*, ut ajunt, validioris gratia, ipsi per humeros violenter deducendas, absque ulteriore sanguinis emissionem imperavi. Clyster inde fortis praescriptus fuit, ad biliosas facilius per inferiora materies educendas, quarum plus solito copiosam *secretionem* in furibundis magis irac aestibus fieri, nemo ignorat. Hinc dissolvente, & narcotica simul mixtura cum sufficiente dosi *Laudani liquidi Sydenham*

usus fuit. Horum remediorum adminiculo melius se habuit sequenti die, aequali reddito pulsu, nil tamen loquens. Liberior tamen spirabat, vix paululum de stomachi, ut ipse agebat, dolore conquerens. Hinc in consilium tunc accersito clarissimo Medico Joanne Sonfis, unanimi consensu purgantem potionem, ab omni tamen validiore stimulo alienam ipsi propinare satius existimavimus, ea praesertim ducti ratione, quod si in *Intestinis*, aut saltem prope consueta bilis colatoria, ejusdem adhuc furibundi biliosi humoris reliquiae superessent, averruncari citius, & commodius possent: si non, ad inferiores saltem partes, nervorum *spasmodicas contractiones*, ceu per *revulsionem* reduceremus. Res autem pro votis cessit, atque satis per Alvum expurgatus, melius ultro se habuit, sed nihil loquens, omnia tamen optime videns, audiens, atque intelligens, simulque tristitiae suae notas manifeste proferens. Sequenti die Decoctio florum Chamaemeli pro potu ordinario calide sumenda praescripta fuit, quam cum nimis ferventem hausisset, linguam non parum circumussit. Mirum hinc maxime fuit, quod lingua, quae ob *spasmodicam* nervorum *contractionem* Oris plano per basin fere defixa erat (ut ipse postea explicavit) paulatim ab hoc vinculo sic soluta fuerit, ut ipse loqui libere illico posset: unde ex toto successive convaluit. Ex hac autem observatione innotescere satis putavi, vehementes quaslibet animi perturbationes gravioribus quibuslibet susci-

244 Sect. 3. Cap. 3. Peculiares hujus Febris observationes &c.

fuscitandis morbis idoneas maxime esse, dum solidorum oscillationes subito, vel accelerant nimis, vel cohibent, parique successive ratione consuetos proinde humorum motus immutant: quod & vice versa de solidorum, fluidorumque repentinis commotionibus ad varias animi affectiones producendas idoneis verum comperitur. Mutuum enim inter Animam, & Corpus commercium adest, quod licet intelligere satis, atque explicare nemo queat, ex quotidianis tamen observationibus quilibet noscere, atque concedere coactus est.

CCCLXXII. Mutata aeris constitutione ex Australi in Borealem mense Februario ejusdem anni 1735. mirum fuit attendere, quod illico sanguis ab Aegrotantibus eductus *pleuriticum* utplurimum corticem, & quidem croceo perfusum colore ostenderit. Tunc etiam in *malignantibus* adhuc dominantibus febribus, nunc tanquam *primarius*, nunc tanquam *secundarius* morbus, comes adfuit *Pleuritis*, plerumque externa, raro cruentis apparentibus sputis, una cum respirationis non levi gravamine. Hasce tamen febres magis, quam transacto proxime mense, & frequentius *cardialgicae* *passiones* comitari consueverunt, una cum vomitu biliosi humoris, in vigore, & fine morbi, tunc cum & Alvi *excretionibus* magis copiosae fiebant: raro tamen subsequenter *Parotidum* tumoribus. Post decimam octavam hujusce mensis diem, immutata, iterum viceversa aeris constitutione a Boreali in Australem, febres hae

lymphaticam iterum eo magis naturam obtulerunt. Quare cognitu facile erat, quod Epidemici quilibet morbi a consueto semper cursu vario modo deflectunt, juxta occurrentes aeris mutationes. Tunc quoque Febricitantibus hisce Narium copiosa Haemorrhagia utplurimum successit.

CCCLXXIII. Martius mensis dicti anni 1735. qui pluvias nobis saepe attulit, aere plerumque nubibus obtenebrato, humidoque facto, *Petechiales* hasce frequentius febres excitavit, diversae tamen indolis participes. Hisce enim utplurimum illi gravius laborabant, qui paulo antea *lymphaticis* febribus detenti fuerant, a quibus affluentis sudoris ope, perfecte convaluisse videbantur. Fere semper tamen consuetam biliosam referebant indolem, accedente vomitu, & singultu, aliisque hujusce generis *symptomatibus*, quae plerumque copiosis alvi *excretionibus* omnimode solvebantur. Sic & in *petechiis* varii aderant colores, atque varia ratione apparebant; semper tamen quo copiosae magis illae erant, eo magis lethales evadebant, ut supra adnotavimus. Circa finem hujusce mensis saepius, graviusque, quam antea, *cardialgicae* Ventriculi *passiones* febres hasce comitari consueverunt, eademque penitus *symptomata* alia, quae perniciosas magis tertianas, atque eas maxime, quae ad *typhuram* proxime accedunt, utplurimum sequi solent; Vocis nempe maxima demissio, seu *Aphonia*, cum *suspiriosa* frequenti anxietate, molesto singultu, universalibus

Sect. 3. Cap. 3. Peculiares hujus Febris observationes &c. 245

salibus refrigerationibus, Ventris *tensionibus*, & praecipue in regione Ventriculi: quae omnia inopinato evanescere ex toto videbantur, habita proportionem ad Alvi biliosas *excretiones*, quas ideo, dum opus esset, provido, tutoque *Clysterum* adminiculo quotidie promovere non omittebam, siue etiam oleo amygdalarum dulcium, prout ratio morbi postularet. Hinc nil mirum penitus fuit, quod ii omnes, quibus, licet sanioribus hisce adhibitis praesidiis, nullae penitus, aut nimis parcae *excretiones* istae biliosae fiebant, *timpanica* fere Abdominis accedente *tensione*, una cum aliis gravioribus supra enarratis *symptomatibus* inevitabilem Mortis ictum ante decimam quartam morbi diem miserrime subierint. Id specialiter evenit Nobili Domino Alphonso Manna. Ipse hujusmodi febre correptus fuit cum inaequalitate magna, & duritiae pulsus primis usque morbi diebus, inanibus ad vomitum accedentibus conatibus. Congruo ideo statim adhibito mitiore purgante, foetidas admodum, & biliosas ejecit materies: facta successive, atque iterata sanguinis copiosa emissionem plethorico ipsius temperamento idonea. Attamen morbus successive maxime augeri visus est, cum enarratis paulo antea gravioribus *symptomatibus*. Neque hisce quicquam profuere repetiti *Clysteres*, atque iteratus olei amygdalarum dulcium usus, aut emollientium fotuum, ad Alvi necessarias promovendas *excretiones*, quae parcae admodum, atque fere

nullae, habito respectu ad biliosum morbi fomitem, fiebant. Quae de re Abdomen maxime inde obtumuit, oculorum, atque genarum sublividus rubor accessit, una cum saturatis citrinis urinis, sed paucis, delirio, vigiliis, atque sudore frontem praesertim, & Pectus infestante; unde pulsu magis, magisque inaequali reddito, cum singultu indentidem insurgente, miserrime occubuit. Hoc eodem mense variae simul dominabantur *lippitudines*, cutis *efflorescentiae*, *ephemerae* nonnullae febres, & *Synochaes catarrhales*, affluentibus sudoribus solutae, nec non intermittentes tertianae aliquae, ventris dolores, diarrhoeae, aliaque ejusdem indolis morbosa *phaenomena* a speciali aestuantis bilis dominio originem ducentia.

CCCLXXIV. Cum eadem penitus mense Aprili dicti anni 1735. aeris constitutio persisteret, ac transacto proximo mense Martio: eadem penitus etiam tunc fuit perdurantium adhuc *malignantium* istarum febrium conditio, ne dicam peior, utpote magis dolosa. Pleraeque enim ex illis initio tertianam mitissimam febrim, eamque intermittentem, aemulari visae sunt, & quidem tam pravae indolis, ut primo intuitu *Chinae Chinae* usum necessario, laudabiliterque illico expetere viderentur, nullamque penitus mali moris febrim subolere. Haec tamen ut plurimum prope septimam, parvo reddito, frequentique pulsu, tenso, vibratoque, una cum respirandi anxietate, vigiliis &c. lethalem aperte protulerunt *malignantem* naturam, exsur-

exsurgentibus successive magna in copia *petechiis*, una cum linguae siccitate, delirio, nec raro Abdominis consueti universali tumore, praesertim in superiore regione prope Venter. Hinc undecima plerumque morbi dies, adauctis denuo *symptomatibus* omnibus, aliisque de novo accedentibus, Mortem tandem miserrime accersebat: maxime cum tempestivam, sufficientemque Alvi *excretionem* ad biliosum evincendum fomitem natura non moliretur, laudabilioribus etiam praesidiis adjuta. Id specialiter Nobili Domino Roncadello Equiti Melitensi contigisse observavi. Adnotatu tamen maxime dignum tunc fuit, quod in plerisque, qui hac *petechiali* febre detinebantur, tum Vini meracioris praevius usus, tum lautae nimis mensae, praeter universale aeris principium, in causa pluries fuerunt. Quamobrem febres istae, ut supra etiam adnotavimus, & voraces, & vino praecipue deditos, & Juniores, magisque robustos, atque bene nutritos validius, faciliusque invadere, quos ideo citius, & violentius de medio tulerunt.

CCCLXXV. Hisce potissimum de causis nullas pene ex religiosis coetibus Virgines, quae plerumque laudabilius servant victus regimen, hisce febribus detentas vidimus, atque paucos admodum ex religiosis Viris, si illos excipiamus, qui Nosocomia frequentius ad invisendos Aegrotos adibant: quod tum in militaribus, tum in nostro evenisse saepissime observavimus. Hoc quoque lethale vectigal Medici omnes, & Chirurghi,

Galli maxime, & Pedemontani persolverunt; nec pauci mortui ideo sunt. Hinc clare patebat, Febrem hanc *contagiosam malignantem* naturam suboluisse, quam nonnulli Medici ab innumerabilibus per aerem circumductis vermiculis deducebant, qui partim per os in actu inspirationis aeris, ad interiora Corporis demissi, partim per minutissima cutis foramina insinuati, in illis maxime Corporibus nidularentur, crescerent, atque foecundi magis evaderent, ad admirabilem eorundem immensam pene, atque citissimam propagationem, in quibus peculiarem dispositionem invenirent ipsorum naturae magis analogam.

CCCLXXVI. Quod sententia haec de vermiculis ejusmodi exilissimis, Pesti praesertim genuinum largientibus principium, non improbabilis ex toto sit, quin immo vero forsan magis proxima, utpote optimis ratiociniis, iteratisque experimentis innixa, inficias nunquam absolute iverim. Satis enim sit quamplurimos ex Recentioribus clarissimos, doctissimosque viros ipsius Patronos, strenuissimosque propugnatores in medium adducere, quorum celeberrima scripta, cedro vere digna, omnem Posteritatis laudem promereri semper poterunt. Inter hos autem praecipuam sibi asciscunt aestimationem eruditissima immortalis Vallisnerii opera, sicuti & praecclarissimi Bartholomaei Curtii, qui tum omnigena litteratura, tum saniore doctrina Medica, atque admirabili profecto peritia, inter clariores hujusce aevi Clinicos Medicos principatum

cipatum nunc obtinet, utpote praecipuum, firmissimumque rationalis tutioris Medicinae fulcrum jure, meritoque habendus. Clarissimus iste Vir rem hanc profecto tam dilucide exposuit, tamque solidis rationibus, ab experientia ipsa quoque petitis, tueri aggressus est: ut ipsius Adversarii nil amplius ipsi respondere ausi unquam fuerint. Verum si ipsius dissertationes eruditissimas haec quispiam sedulo perpendit, noscet illico ratiocinia haec, quae ad veram Pestis causam inquirendam specialiter conducere possunt, petechiali huic malignae feбри haudquaquam convenire, prout ipse Adversariis suis obtrudere sic visus est. (*) *Ma se volete poi addimandarmi, s'io creda, che il simile succeda in quei maligni mali, ne quali appariscono le macchie livide, o tali altre espulsiōni alla cute, io per ora, non voglio dichiararmi con Christiano Langio per l'affirmativa, a me bastando d'accennarvi la gran differenza che corre tra que mali creduti volgarmente contagiosi, e la vera peste. Quamobrem paulo postea subdit. In fatti non s'offererà mai, che, certe feбри maligne, le quali infestino un Villaggio, o qualche altro Quartiere, per pestilenziali che sieno, passino in un'altro distante per via di merci, o di persone partite dal luogo infetto, molto meno da una casa all'altra per mezzo d'Animali domestici esser portate; così ancora il Vajuolo, se pure si vuol contagioso, venendo ordinariamente queste malattie piuttosto maturate dalla qualità dell'Aria, ed*

in que' Corpi disposti a ricevere quella tale impressione &c. Praeclarissimi ideo hujusce Auctoris animadversionibus inhaerens, non abs re arbitrarer Doctissimi Hecqueti explanationem illam in propositum nostrum hic adducere, quam in appendice de Peste protulit. Ibi enim contagii causam ab urente quodam spiritu aerem inficiente deducit, qui in Corpus quomodocunque insinuat, lympham praesertim siccatur, solidaque nervosa maxime omnia, juxta contagii diversam naturam vario modo afficit. Quare idem in Corporibus nostris, mutatis mutandis, inde evenire arbitratur, quod in Arborum gemmis, & cerealium culminibus, spicisve, quando uredine siccantur. (212) Sic aura pestilens ore ducta, nervorum medullas, & ipsa stamina torret. Verum dictarum febrium contagiosum Semen non absolute, & generaliter ab aere tantum (fuiſſet enim magis generalis hujusmodi constitutio) sed a speciali affectorum distincte Corporum atmosphaera petendum erat. Illi enim tantum facilius, graviusque tali labe inficiebantur, qui frequentius Nosocomia adibant, aut cum domesticis AEgrotis suis nimis familiariter, absque ulla cautione, agebant: propterea non semel tunc observavimus, quod dum quispiam in aliqua familia tali feбри aegrotaret, successive & omnes alii paulo postea eidem subjicerentur morbo; hoc tantum habito specialiter discrimine, quod ii, qui ab AEgrotorum commercio principium morbi

(*) Corte Lettera apolog. n. 56., 57. (212) Hecquet Appen. de Peste.

morbi nanciscebantur, caeteroquin antea perfecte sani, & gravius aegrotabant, atque multo magis in vitae discrimen ducebantur, secus quam alii, qui ex se tale infensissimum principium alio modo obtinuerant. Hinc non immerito conjici posse opinabar, ideo ab infectis hujuscemodi corporibus ad sana quam facile *morbificam* causam deduci, quia a peculiari atmosfera corpora illa circumambiente (a quibus indefinenter inimici prodeuntes halitus *malignantem*, seu *venenatam*, quasi dixerim, constituebant nubem) in actu inspirationis, a sanis corporibus hauriri possent speciales infensae actuosissimae particulae, quae tractu temporis per contactum aliarum multiplicatae, aut quomodocunque in sufficiente copia coacervatae, sanguinem dissolvere, attenuare, atque taliter immutare possent, ut ex ipsarum diffuso principio, furens illa *malignantis* indolis bilis secerneretur, atque inde magis, magisque accumularetur, a qua ejusmodi febris *phaenomena* quaelibet derivanda unice esse supra statuimus.

CCCLXXVII. Quod si *verminosum* principium ex eo ultro deducere quispiam vellet, quod quamplures ex hisce Aegrotantibus Vermes facpissime per Alvum ejicerent; eo magis hallucinari mihi videretur, quo magis constare cuique poterat, prodeuntium hoc modo hujuscemodi Vermium naturam eandem penitus esse, ac illorum, qui e sanis etiam Corporibus extra febris occasionem, excernuntur. Vermes hosce non tanquam morbi causam, sed veluti

effectum intuebar, certo putans, quod eorundem ova, (quae in quibuscunque corporibus plus, minusve indiscriminatim existunt) tunc in illis facilius foecundari, ibidemque progeniti vermes melius nutriri possent, atque commodius augeri; quia a peculiaribus tunc in *Intestinorum* cavitate latitantibus humoribus, magis analogum sibi nutrimentum mutuarentur, eademque ratione ab iisdem corporibus magis idoneus exurgeret calor eorum foecundationi faciliori conveniens. Antequam autem ad alia transeamus, nonnullas hic mihi placet cogitationes meas, & aliorum etiam proferre, quae, praeter multiplices rationes alias facile aliunde derivandas, non incongruae mihi videntur ad vulgarem nimis amplam hanc, de existentibus *contagiosis* innumeris vermiculis, sententiam omni jure moderandam. Frustra enim ejusdem Patroni (ut non tantum genuinae Pestis causam, verum etiam *Petechialium* dictarum febrium, & aliarum per contactum facile communicabilium, originem inde se rationabiliter deducere viderentur) certe testantur, innumerabilem pene vermiculorum copiam in infectorum corporum sanguine existere, quin immo se oculis ipsis, exquisitorum *Microscopiorum* adminiculo, vitales eorum motus vidisse. Eadem enim contra ipsos militare potest ratio, & observatio, quam in Physiologia mea, de generatione agens, adversus suppositam seminalium vermiculorum nimis amplam, atque pene immensam cohortem proposui. Absolute enim arbitror, oculos nostros exqui-

exquisitissimis hisce instrumentis munitos, dum nimis vident, quandoque nihil videre, ipsiusque videntis mentem maxime obcaecari posse, ut nimium praeter rationem credat. Id ipsum contra hanc sententiam objicit celeberrimus Dionis. (213) Hinc si quis in casu etiam nostro diceret, minima illa supposita contagiosa animalcula, non vere talia semper fuisse, sed plerumque meras *apparentias* exilissimarum particularum sanguinei liquoris, aut alterius, in quo jacere putantur, utpote analogam vermiculis configurationem referentium: non tam facile a veritate alienus ab Adversariis comprobari rationabiliter posset. Frustra enim objicerent illi suppositorum vermiculorum vitalem vere motum, qui rationabilius forsitan pro intestino, aut alio quolibet dictarum particularum, quam pro viventis genuino motu haberi ut plurimum potest. Etenim nemo inficias iverit, componentes cujuscunque liquoris minimas moleculas (dum ipse ab antehabito motu cessat) difficillime absolutam nancisci illico quietem; ita ut una ipsarum magis gravis, quam alia sibi contigua, hanc e pristino loco, per aliquod saltem tempus, non dejiciat: idem intelligendo de diversa configuratione, propter quam una in uno, altera in altero loco commodius immota jacebit: praeter alias circumstantias tum variae fluiditatis, & copiae ejusdem liquoris, tum impetus, quo primo mo-

tus fuit, tum inclinationis plani, in quo dispergitur, aliasque ejusmodi rationes, unde componentes omnes dictae particulae omnimodam universaliter quietem adipiscuntur. Hanc enim solummodo obtinent, quando justum in dicto plano quarumlibet ipsarum aequilibrium habetur, seu congrua mutua loci ratio, aequo modo respiciens varias supradictas condiciones, aliasque forsitan, quae simul sumptae variuin expetunt quarumcunque molecularum aptum, convenientemque situm. Haec autem explicatio omnibus quorumcunque liquorum proprietatibus, congruo hinc desumpto ratiocinio, pro eorundem diversitate, aptari facile potest: sive nempe liquor ille, in quo Vermiculi innumerabiles isti jacere putantur, sanguis sit, sive serum, sive lymphæ &c.

CCCLXXVIII. Hisce suppositis, quis unquam ex Adversariis non noscet, quod plerumque motus ille, qui in suppositis Vermiculis, pro vitali habetur, motus sit necessarius minimarum molecularum fluidum illud constituentium, quae propriis nondum sibi ipsis congruentibus locis aptatae sint, aut ab illis quacunque de causa semotae. Nam si ope exquisitissimi *Microscopii* illarum particularum moles verisimiliter ad summum augeri putatur, eadem pariter ratione adauctus in immensum pene videbitur nativus earundem motus praedictus, a specifica ipsarum gravitate di-

S 2

stincte

stincte dependens; & quidem taliter, supposita apparente imagine *Microscopii* auxilio conspecta, ut viventis Animalculi quemlibet vivacissimum motum aemulari non immerito queat, quin tamen vere animalcula sint. Hinc jure omnem mereri posse fidem arbitror, observationem a clarissimo Carolo Mazzucchello in Ticinensi Universitate Anatomiae Professore habitam (214) dum absolute asserit, se in guttula sanguinis a Bove *contagioso* morbo laborante educti, nunquam enarratos Vermiculos intueri potuisse, etiamsi perfectissimis uteretur *Microscopiis*, quorum ope minimas attendendo ejusdem particulas, etsi primo intuitu exilissima, atque innumerabilia se admirari animalcula se moventia sibi videretur; sedulo tamen postea adhibito examine, aperte novit, motum hunc non vere vitalem esse, sed unice pendere a naturali consueto motu fibrillarum minimarum sanguinis, quae juxta inclinationem plani, in quo jacebant, ad unam potius, quam ad alteram partem necessario tendebant; etsi, juxta *Microscopiorum* vulgarem effectum, in oppositam migrare partem viderentur; unde tumultuarius, atque indeterminatus emergebat motus paulo postea ex toto evanescens: quod & in guttula sanguinis sani Bovis se adamussim observasse testatur. Haec autem omnia dicta sunt, non quia saniorum quamplurium Virorum fidem dene-gare unquam audeam (illorum nem-

pe, qui minus in hac sententia supponendo, veridica magis experimenta proferunt, quorum rationibus ductus, aliquando & hosce minimos in sanguine vermiculos, sed non tam admirabili propagatione in immensum citissime multiplicatos existere, ego quoque nunquam inficiari contendam; maxime si de causa verae Pestis corpora quaeque indiscriminatim afficientis agatur) sed ut illorum tantum jactantiam cohibeam, qui cum aliunde morbos explicare, eorundemque causas detegere satis nequeant, ut ignorantiae propriae aliquo modo consulant, faciliorem nacti viam, per quam ratiocinia sua, quaecunque ea sint, dextere dirigant; Corpus nostrum undecunque vermibus scatere autumant, quorum genium, mores, vitam, generationem, benignas, aut malignas qualitates, huic potius, quam illi Animali infensas, nec non innumerabilia alia hujusmodi temere supponunt, atque nimis credulis demonstrare crispata fronte fatagunt, novitatis hujusce lumine sibi laudem affectantes.

CCCLXXIX. Caeterum, ut ad propositum nostrum redeam, *malignantes* istae febres hoc pariter Aprilii mense iisdem penitus, ut antea, *symptomatibus* stipatae erant. Iphis tamen saepius, quam elapsis mensibus, haemorrhagiae narium contigerunt, tum & Parotidum tumores, qui actuali caustico aperti, fausto plerumque exitu solvebantur.

(214) Carlo Mazzucchelli, *Notizie pratiche intorno all'Epidemia degli Animali Bovini.*

tur. Nonnulli ex hisce Aegrotis, ope copiosi sudoris universalis, praeter ordinem inopinato habiti, ante decimam quartam diem convalescere tunc visi sunt. Haec tamen praematura salutis notacula ut plurimum infauſta experiebamur. Iſti enim fere omnes iterum poſtea aegrotabant, indeque *chronicis Hypochondriorum* morbis, aut *inflammatoriis* detinebantur, a quibus pauci evadebant.

CCCLXXX. Majo, & Junio ſequentibus menſibus ejusdem anni 1735. varia ut plurimum fuit aeris conſtitutio, nondum adaucto maxime calore, atque raro pluviae ceciderunt. Tunc denuo eadem, ac antea magis, magisque graſſabantur *malignantes* febres, cum Haemorrhagia Narium, quae quo magis copioſa fiebat, eo magis fauſtum pollicebatur omen, licet *excretio* haec *crisim* vere non compleret, quae Alvi dejectionibus referenda adhuc rationabiliter, magna ſaltem ex parte, erat. In hisce pariter *cardialgicae* Ventricle *paſſiones* dictae variae, & quidem graviores, plus quam antea ſaeviebant; *Aphoniae* etiam, ſingultus, copioſi inordinati ſudores &c. Hujusmodi *ſymptomata*, plerumque poſt decimam quartam diem occurrere tunc conſueverant, una cum inanibus ad vomitum concitationibus. Talia diſtincte admirari hoc menſe potui in Domino Francisco Mutio, qui poſt decimam quartam (cum jam de totali morbi victoria ageretur) tam graviter *ſymptomatibus* hisce divexatus fuit, ut toto Corpore maxime refrigeratus, cum *hippocratica*, ut vulgo dicitur, fa-

cie, atque *ſingultuſis* continuis ſuſpiriis, ventriculique *paſſionibus* variis, jam animam agere videretur. Ab hisce autem omnibus prope vigefimam primam diem liber ex toto evaſit, praeviis foetidis bilioſis, atque glutinoſis maxime dejectionibus, quae tamen etiam ante graviorum ejusmodi *ſymptomatum* acceſſionem copioſae admodum viſae fuerant, emollientibus *Clyſteribus* fere quotidie promotae. Aegrotus iſte, quam plurimis ante febris principium diebus, noctu per lectum ſeſe admodum jactabat, atque *concuſſivis* corporis ſubſultibus dormiens perſaepe detinebatur, cum gravamine Capitis, viriumque proſtratione maxima ſimul, & nauſea. Ad ſupradicta ſedanda *ſymptomata* optimum fuit praefidium *mixtura* noſtra *ſtomatica* in pernicioſis tertianis ſupra expoſita, qua identidē ad cochlearia utebatur. Profuit etiam ipſi maxime malvaticum Vinum, tunc praefertim, cum major refrigeratio aderat, in modica tamen conveniente doſi uſurpatum. Praeter haec *Clyſteribus* maxime anodynis ſimul, atque emollientibus bis etiam in die repetitis, victoriam tunc fuiſſe omni jure referendam, certo exiſtimavi: cum ipſorum ope ad criticas neceſſarias Alvi *excretiones* provide natura promoveretur, ad quas ſe ſola ſatis fortaſſe non fuiſſet. Huic tuſſis inanis, & frequens in fine morbi ſupervenit decreſcente febre, illamque ab eadem proſus deducendam eſſe cauſa certe arbitrabar, a qua univerſalis Corporis pruritus evaneſcentibus *petechiis* factus fue-

rat; quod ut plurimum contingit.

CCCLXXXI. Occasione istarum febrium in Nosocomiis maximè, quampluries observavi, quod illis praesertim, qui, soluto circa decimam quartam diem morbo, paulo postea acuta non absimili febre iterum corripiebantur, cum iisdem *symptomatibus*, diarrhoea nempe, vomitu, Capitis gravamine, *cardialgicisque passionibus*: illis, inquam, fere omnibus Lienis, aut Hepatis, aut utriusque visceris tumores fiebant, propter quos, aut *inflammatoriis* violentis cito accedentibus morbis, aut in chronicos paulatim migrantes, misere occumbere visi sunt. Id adamussim evenit expertissimo Chirurgo Rinaldo, Viro profecto in Arte sua singulari, Pedemontanis militibus assistenti. Iste acuta ejusmodi detentus fuit febre, quae quandoque tertianarum periodum, sed inordinatum, *Chinae Chinae* usum penitus frustrantem, dolose simulabat, iisdem prorsus accedentibus *symptomatibus*, quae tertianas veras comitari consuecunt. In hoc autem non biliosus tantum consuetus apparatus, sed Viscerum omnium imi Ventris praesertim infarctus, atque Lienis maxime tumor in causa fortasse fuit, qui successive in dies adauctus eo magis tactui se prodidit. Verum dum immoderato nimis, & frequenti purgantium usu (a quo ipsum ex toto avertere sanioribus ratiociniis quotidie non omittebam, licet frustra) *humoralem*, ab ipso falso creditam, morbi causam destruere tentabat, frequentius, validiusque solida omnia irritando,

eademque in vehementes *contractiones* cogendo, organicam causam magis, magisque adauxit. Cohibito enim sic libero magis humorum motu, ob solidorum violentas oscillationes, major in dies congestio in Liene progenita fuit, quae tandem, gravi adjuncta ejusdem partis inflammatione, praematuram ipsi attulit mortem, protracto tamen plus quam per mensem miserrime morbo. Hinc cum eadem penitus in hoc AEgroto *symptomata* adnotassem, quae in *petechialibus* dictis febribus semper evenerant; eo tutius conjiciendum esse existimavi, hasce etiam in infimo Ventre *organicam* per saepe, non absimilem causam habuisse, quae quidem in quamplurimis, prodeuntibus in progressu morbi Lienis, aut Hepatis, aut utriusque visceris tumoribus, aut *cachexia*, aut *Hydrope* succedente, palam magis fiebat.

CCCLXXXII. Ejusdem pene indolis, sed fausti exitus, fuit acuta *petechialis* febris, qua Junio dicto mense Illustris. Eques Rat, Dux in Pedemontana acie, vulgo dicta de *Fucilieri*, correptus graviter fuit. Temperamento hic erat sanguineo admodum, & bilioso praeditus, ad iracundiam maxime proclivis. Febre autem primo detentus fuit, quae in principio accessionum alternatim quandam referens *horripilationem*, tertianarum simplicium periodum simulare videbatur. Successive tamen continua vere *continens* facta non absimilem cum enarratis *petechialibus* naturam protulit. Progrediente morbo, pro more febris, gravia accessere consuecta *symptomata*:

Capitis

Capitis videlicet dolor, una cum gravaminis fere continuo sensu, cui addita est Oris amarities, linguae siccitas, & molesti ad vomitum frequentes conatus, maxime dum cibum assumeret. Hisce omnibus circa decimam morbi diem comes adfuit singultus molestissimus, atque fere continuus una cum universali ventris tumore fere tympanico. Praeter consueta remedia, juxta enarratam supra methodum usurpata, cum nil penitus per Alvum tunc deiceret, sedulo curavi, ut sanioribus remediis, ad *criticas excretiones* illas naturam excitarem, quarum ope eadem per saepe *symptomata* alias omnimode evanuisse attenderam. Idcirco oleum amygdalarum dulcium, iteratis tunc vicibus ipsi praescriptum, tum & oleum seminum Lini, aliaque hujusmodi; quae frustranea penitus evasere. Quamobrem, *symptomata* illa a *spasmodica* etiam partium valida contractione immediate suborta fuisse certe putans, ad lenientia alia, & narcotica confugi, atque praesertim ad *mixturam* nostram *stomaticam* supradictam: cujus ope, laxatis *Intestinorum* fibris, atque ad pristinum paulatim tonum redactis, copiosae per Alvum biliosae *excretiones* inde *successerunt*, emollientibus ad id maxime conferentibus *Clysteribus*. Quamobrem additis etiam diluentibus copiosis potionibus, furentis praesertim bilis aestus compescentibus, perfecte convaluit.

CCCLXXXIII. Mirum tamen, tunc maxime fuit, quod *malignantes* hae febres, quae ab eodem pror-

sus principio manifeste pendere videbantur, juxta Aegrotantium Corporum diversas dispositiones, tam variis modis motum suum explerent, quamplurimis simul, varia ratione procedentibus, *symptomatibus* stipatae; prout ex sequenti observatione magis, magisque innotescet. Circa medium Junii mensis Nobilis Dominus Gaspar Torchius Sacerdos, Avunculus meus, *hipochondriacus* maxime, habituque Corporis admodum gracilis, febre acuta correptus fuit, quae etsi continuitatem servaret, tertianae tamen febris accessiones, alternis diebus sibi respondentes, manifeste praeferebat, praevio levi rigoris sensu. Primis hinc diebus bis ipsi detractus fuit sanguis, congruaque levis *purgatio* praescripta, additis acidulis attemperantibus copiosis potionibus. Ast septima morbi die febris iterum cum rigore magis fortius ipsum invasit. Pessime ideo tunc se habuit, glutinosis fere frigidis sudoribus, circa frontem maxime, in summo febris rigore apparentibus, cum universali virium maxima prostratione, atque livescente faciei colore. Ideo ad *Chinam Chinam* illico tunc confugere satius duxi, *Lypiriam* a longe pertimescens. Hujus ope febris statim evanescere visa fuit, conferentibus etiam ad id biliosis dejectionibus, foetidis admodum, quas toto etiam morbi tempore promovere antea, *Clysterum* laxantium adminiculo, non neglexeram. Sequentibus hinc quinque diebus, quamvis omnimode febre immunis esset, nihil penitus cibum appetebat,

254 Sect. 3. Cap. 3. Peculiares hujus Febris observationes &c.

bat, depressae admodum vires erant, pulsus debilis, & parvus, aliquantulum frequens, noctesque vigil ut plurimum transigebat. Hinc dum ex hisce omnibus infidam prorsus morbi solutionem mecum ipse arbitrabar, sexta die febris denuo accessit, nullo praevio frigoris sensu, cum calore mordaci, subitaque vocis demissione, sudoribus copiosis, & frigidis, vigiliis, intensa siti, jactationibus, atque *cardialgicis passionibus*. Cum autem e lecto tunc surgere coactus fuisset, addita hisce derepente fuit *lipothymia* fortis cum, magna virium universali prostratione, ut in extremitatibus refrigeratus quammaxime, cum *hippocratica*,

ut ajunt, facie jam ad agonem miserrime perductus videretur. In hoc teterrimo statu *stomaticam* statim *mixturam* nostram ad cochlearia saepe sumendam, sicuti, & malvatici meracioris Vini usum ipsi praescripsi. Postmodum maxime id mihi curae fuit, ut tum oleo amygdalarum dulcium, tum repetitis laxantibus *Clysteribus* ex lacte praesertim paratis, biliosas *excretiones* denuo per Alvum promoverem; quod pro votis successit. Foetidis enim frequentibus citrinis dejectionibus, accedente etiam copiosa urinarum *excretionem* ab affluentibus acidulis portionibus excitata, pristinam inde paulatim salutem adeptus fuit.



SECTIO QUARTA.

Constitutio partis anni 1735. ab Aestate incipiens,
integrum quoque annum 1736 respiciens.

OBSERVATIONES VARIAE.

*Agitur iterum de Tertianarum Februm causa,
tum & de modo, quo China China easdem
Febres evincit.*

CCCLXXXIV.



Ense Ju-
lio dic-
ti anni
1735.
varius

plerumque, magisque calidus vige-
bat aer, fere nunquam pluviosus.
Tunc terribilissima haec *malignantium*
dictarum febrium constitutio im-
mutari coepit, cum rarius ipsae oc-
currerent, minusque lethalem prae-
ferrent faciem. Hinc subsecutae
sunt *Ephemeræ*, & *Synochæ* plu-
rimae, aliaeque hujusce mitioris in-
dolis febres, quae brevi plerumque
temporis intervallo cursum suum
explebant, copiosa *diaphoresi* ut plu-
rimum ex se solutae, aut saltem sola
sanguinis congrua emissionem, absque
aliis Medicinae praesidiis. Attamen
mirum maxime erat, quod *Synochæ*
ejusmodi febres non parum de an-
tehabita *malignante* constitutione
participes simul essent; cum iisdem
persaepe *symptomatibus* stipatae vide-
rentur. Hisce enim non raro comi-

tes adesse consueverunt, tum car-
dialgiae ventriculi *passiones*, tum vo-
mitus, & *cholericus* fluxus &c. Hinc
licet circa septimam diem, quando-
que & ante ipsam, copiosi sudo-
ris beneficio, solverentur; post ali-
quot tamen dies plerumque iterum
prodibant; atque tunc, praeter enar-
rata *symptomata*, universales etiam
afferebant refrigerationes, quae suc-
cedente postea *Diarrhoea* evanesce-
bant; observatumque fuit in illis,
qui Lienis, aut Hepatis, aut utri-
usque visceris tumoribus laborabant,
ter etiam, quaterque hujusmodi *re-
cidivas* evenisse. Eodem tempore,
& Tertianae variae febres domi-
nabantur, quae persaepe illos cor-
ripiebant, qui paulo antea e *pete-
chialibus* dictis febribus evaserant. In
omnibus tamen foetidae semper, te-
naces, & maxime croceae dejectiones,
majore, minoreve in copia ha-
bitae sunt, pro morbi speciali con-
ditione, affectorumque Corporum
ratione varia. Successive & *Diarrhoeas*,

rhoeas, & Dysenterias, vomitus, aliofque hujusmodi benignae indolis morbos suscitari vidimus.

CCCLXXXV. Immutata sic quāmaxime aeris constitutione, quo propitium magis Hominum saluti Coelum evadere paululum videbatur, eo funestius cerealibus bellum edicere coepit. Dum enim circumundique tumente jam, atque maturitati proximo grano turgescabant aristae: paulo postea, venefico quasi afflatu derepente tactae, jejunae fere ex toto evasere. Verum hoc venenatae, quasi dixerim, rubigini adscriptum fuit, quae tumentium granorum medullam ita consumpsit, ut extimo corrugato cortice, pene adusta evaserint. Unde cum Seneca universali luctu dolendum sic merito erat.

(215) *Gravis, & ater incubat terris vapor,*

Obtextit arces Coelitum, ac summas domos

Inferna facies, denegat fructum Ceres

Adulta, & altis flava cum spicis cremat.

Arente culmo sterilis emoritur seges.

Non absimile infortunium refert celeberrimus Ramazzinus suis temporibus evenisse, tunc praesertim cum majore numero, magisque lethales dominabantur *malignantes* febres, eandem fere redolentes naturam, iisdemq; quasi stipatae *symptomatibus*, quae supra in constitutione nostra observata fuisse monuimus. Hinc non

abs re suspicari quispiam posset, quod remota *malignantis* hujusce constitutionis, Hominibus tam infensae causa ab eodem fere fonte derivanda esset, a quo pariter noxiae rubiginis principium forsitan emanaverat. De hoc tamen verisimilem assequi rationem, atque explicationem proponere, perquam arduum puto: licet ad id conferre non parum possint ingeniosae ejusdem Ramazzini cogitationes de Rubiginis causa, quas ipse (216) in enarrata constitutione proponit. Tam late autem, tam graviter tyrannidem suam profecuta tunc fuit Cerealis haec pestis, ut ubicunque de Annonae imminenti caritate luctuosi exsurgerent clamores. Inter tot teterrima spectra Hominum saluti undecunque adversantia: inter bellicos tumultus animum multifariam subvertentes, atque bona omnia devastantes: addita inde bovina paulo postea fere universali peste: timore, & horrore vehementer perculsi, Mortis quasi victimae jam jam futurae, aut saltem multiplicibus hisce malis summopere oppressi, antiquam nostrarum Regionum felicitatem anxie expetebamus, quam inter Italiae laudes elegantiss. Poeta quondam breviter sic proposuerat.

(217) *Haec loca non tauri spirantes naribus ignem*

Invertere satis immunes dentibus Hydri,

Nec galeis, densisque Virum seges horruit hastis,

Sed gravidae fruges, & Bacchi massicus humor

Imple-

(215) *L. Ann. Senec. in OEdipo.* (216) *Ramazzin. in constit. ann. 1692. 93. 94.*

(217) *Virgil. 2. Georg.*

*Implevere, tenent Oleaeque,
Armentaque laeta.*

CCCLXXXVI. Verum licet magna ex parte *malignantium* dictarum febrium constitutio evanescere visa tunc fuisset: non deerant tamen molestissimi, simulque graves quamplurimi morbi, qui tum ratione multiplicium *symptomatum*, tum & specialis contumaciae, quo variis modis luctuosius progrediebantur, eo majus Medicis facessabant negotium, a bilioso tamen eodem principio non absimili ratione derivati. Quot autem, & quam diversa suscitari possint *symptomata* a bilioso hoc humore plus, minusve furente, juxta varias affectorum Corporum dispositiones, animadvertere maxime tunc potui in gravi, complicatoque morbo, quo Nobilissima Domina Marchionissa Aralda hoc eodem Julio mense detenta fuit; cujus accuratam historiam hic placet proponere. Nob. haec Matrona biliosa admodum sanguinis constitutione ditata (quin immo spontaneis biliosis vomitibus identidem diuturno abhinc tempore assueta, quorum ope optime statim se habebat, atque ab *hipochondriacis*, quibus per saepe detinebatur, affectionibus distincte levabatur) die decima octava hujusce mensis insolitam stomachi *tensionem*, cum dolore Capitis maximo persensit, cui febris illico addita fuit. Sequenti die vomitus inanis accessit, una cum doloribus Ventris, praesertim circa Hepar: adhibitoque *Clystere*, biliosas magna in copia eduxit materies, quare melius se habere visa fuit. In vespere

tamen invaluit maxime febris cum delirio; unde sanguis ex pede deductus fuit. Initio usque morbi, cum ex inanibus hisce ad vomitum incitamentis in hac Nob. Matrona aliunde, ut dixi, biliosis vomitibus persaepe detenta, atque jamdiu omnimode suppressis, bilis retentae dominium aperte noscerem: libenter emeticum, & quidem utiliter forsan propinassem. Ast, cum ejusmodi remedia plus aequo ipsa pertimesceret, eaque penitus respueret, mitioribus tunc uti coactus fui: *Clysteribus* nempe emollientibus, atque oleo amygdalarum dulcium: ne forte, ob ea, quae non vi remedii, sed morbi, evenire successive poterant, Remedium, atque Artem ipsam, ex praeconcepta AEgrotantis, atque Adstantium opinione, temere infamari postea viderem. Die vigesima ejusdem mensis fatus emollientes, & inunctiones adhibitae sunt; tum & *mixtura anodyna*, cum Laudano: indeque immunis febre ex toto fere circa vespere evasit. Die vigesima prima febris iterum invaluit, cum vomitu inani partim cum biliosa amaricante, atque acida materie, accedentibus Ventris gravioribus torminibus totum fere Abdomen, usque ad Pubem infestantibus, cum *timpanica* quasi *tensione*. Tunc fatus emollientes, & *Clysteres* ejusdem indolis in usum revocavi, mediis quibus magnam bilis copiam per Alvum eduxit, quam & per vomitum liberaliter ejecit, acida subsequente viridi, ac fere *poracea* lymphâ. Completis hisce excretionibus, Salem Absynthii cum Laudano assumpsit;

sumpsit; propterea *Abdominis tensio* imminuta fuit, & successive in vespere eo melius se habere omnimode sensit. Sequenti tamen nocte ex toto vigil fuit, animoque, & Corpore summopere divexata. Die vigesima secunda mane dolores iterum invaluerunt, adhibitoque *Clystere*, videntes per Alvum affluenter materies expulit, absque ullo levamine. Adfuit hinc continua fere, atque inanis ad vomitum concitatio: pulsus imminutus maxime fuit, simulque durus, & frequens redditus. Quamobrem libram unam, & semis Decoctionis Hordei cum *Sirupo acetoso simplici* uno haustu sumendam calidam ipsi exhibui, cujus ope magna admodum copia virentis tenacibilis per vomitum effluxit, & levata est, multoque inde melius se habuit, dum paulo postea, iteratis *Alvi excretionibus*, per aliam viam denuo bilem ejusdem indolis copiose detrudere potuit. Hinc noctem tranquillam magis transegit, atque sequenti die vigesima tertia vomitu, & doloribus omnimode caruit, cum modica tamen febris, & siti, crassis admodum, & paucis profluentibus urinis. Post prandium eadem die iterum febris adaucta fuit, comite inani vomitu: Venter eo magis, magisque intumuit, & doluit, injectoque *Clystere*, biliosas denuo per Alvum eductas materies vidimus. Animadvertendum hic autem est, quod morbus iste ipsam invasit, consuetis lunaribus ineuntibus *excretionibus*, quae paulatim, & absque ordine procedendo, hac die penitus evanescere. Magna ventris dicta *tensio*

timpanica, una cum aliis *symptomatibus*, modo plus, modo minus invalescentibus usque ad vigesimam octavam hujusce mensis diem obstinate perduravit; atque quotidie, nunc per vomitum, nunc per Alvum biliosas ejusdem indolis materies expulit, modo sponte, modo *Clysterum*, aut olei amygdalarum dulcium beneficio. Jusculum alteratum, foliis Malvae, floribus Chamaemeli, seminibus Citri, & Lini, familiaris tunc ipsi potio fuit, quod perquam utile omni jure evasit. Hinc decrescente *Ventris tensione*, cum liberius *Abdominis viscera* pertractare possem, Hepar tumidum, multoque magis Lienem inveni. Febris tamen absque ordine omnino progrediebatur, modo citius, modo tardius, modo majore, modo minore cum rigore invalescens. Die vigesima nona, & trigesima morbus imminui visus est, non deficientibus biliosis consuetis *excretionibus*. Verum paucae admodum, & crassae urinae erant, quae successive copiosae magis reddebantur: atque dolores, qui antea per totum *Abdomen* divagati fuerant, in regione Lienis constiterunt. Accersitus tunc in consilium fuit clarissimus, expertissimusque Medicus de Bregolis non senio tantum, sed diuturna saniore praxi Medica, atque selectioribus observationibus confectus: tum, etiam laudatus alias clarissimus Raina, qui, re simul saniore ratio-
cinio intime magis perspecta, primariam tunc morbi sedem in Liene firmatam fuisse mecum statuerunt, utpote a praegressis *phaenomenis* ma-
gna

gna ex parte subortam. Laxantia ideo tum interna, tum externa omnis generis unanimi consensu commendavimus, atq; praecipue copiosas potiones ex emolliente supra recensito jusculo. Hinc ad praecavendam inflammationem, atque ad *revulsio-*
nem quoquo modo perficiendam, sanguinem ab *Haemorrhoidalibus*, mediis *hirudinibus* detrahendum esse sapienter statuit doctissimus Raina; quod illico perfici jussi. Sequentibus diebus eo hinc melius semper se habuit, atque affluentibus praeter expectationem maxime urinis, Lienis tumor eadem ratione imminuebatur. Non defuerunt quoque biliosae *ex-*
cretiones, quas, juxta indigentiam, promovere identidem non omittebam. Hinc & urinae copia adaucta taliter fuit, ut plus quam decem libras quotidie per plures dies educeret, quarum *excretionum* per quindecim circiter, & ultra dies habitatum beneficio, Venter mollis paulatim factus est, tumor Lienis, & dolor evanuit, atque pristinam inde salutem Nobiliss. Aegrotans adeptus fuit. Quo usque tamen, vigente adhuc morbo, copiosa haec urinarum *excretio* perduravit, ipsae tenues admodum erant, atque postea, vergente ad salutem morbo, citrinae evaserunt. Ex hisce ideo facile erat conjicere, Lienis tumorem dictum non a fibrosae sanguinis partis congestionem, sed a solo lymphae copioso affluxu unice subortum fuisse; quae de re ad *suppurationem* nil penitus vergere visus fuit. Non hinc tamen inficiari unquam potuimus, biliosas etiam materies pravae conditionis,

nempe *flavo-virentes*, tenaces, & corroderentes fere, tum *biliariis* ductibus, tum & *Intestinis* undique adhaerentes, ad primaria hujusce morbi firmanda stamina, & graviora, quaeque suscitanda *symptomata* non parum contulisse: quod & biliosae ipsae dejectiones variae indolis, initio usque morbi magna in copia observatae, totoque morbi decursu cum manifesto levamine identidem apparentes indicare satis poterant. Hoc unum tamen non tam facile quis judicaret: utrum serosa illa copiosa congestio in Liene facta, tamquam primaria morbi causa, an melius ejusdem tantum effectus credenda merito foret. Ego tamen posteriori potius, quam priori adhaererem sententiae; cum tumor ille non in principio, sed in decursu morbi tantum postea apparuerit. Praeterquamquod ex praegressis initio hujusce morbi *symptomatibus*, facile est genuinam progenitae inde in Liene serosae *stasis* causam deducere. Verum namque est *Lymphaticas stagnationes*, in quibusvis nostri corporis partibus nunquam facilius haberi posse, quam dum sanguinea tota massa tardius, quam par est, *circulatorium* motum suum adimplet, aut aliqua in parte residet (sive ob incongruas solidorum oscillationes, sive ob fluentis ejusdem liquidi crassitiem, sive ob utramque causam id quomodolibet fiat) quod satis indicant *Oedematosi* tumores, atque *Hydopes*, morbos Pectoris *organicos*, atq; *Asthma* praecipue subsequentes. Lympha etiam plerumque extra nativos ductus suos profi-

proflit, ob fortes continentium partium compressiones, aut corrugationes: quod videre est in ambustionibus, contusionibus, compressionibus, atque praecipue in illis partibus, quibus apponuntur *Vesicantia*. Hinc clare patet, quomodo, ob primos morbi insultus, spasmodicasque imi Ventris partium contractiones fortes, ab irritante bile factas, occasione dolorum, imminutis tunc quammaxime canalium diametris, sanguinis motus praepeditus maxime fuerit, contractisque simul per consensum Lienis fibrillis, lymphatici quoque tubuli compressi evaserint, indeque disruptis exilissimis eorundem tunicis, lymphæ extra consuetos cancellos ibidem fluxerit: quod satis superque erat ad antedictum suscitandum tumorem, qui, imminuta exinde per urinarias vias lymphæ exuberantis, & stagnantis copia, omnimode evanuit.

CCCLXXXVII. Mense Augusto ejusdem anni 1735. invalescente calore, atque perquam raro accedentibus pluviis, aestiva successive constitutio magis, magisque se prodidit, minus tamen Hominum vitae infensa. Profligatis enim fere ex toto *petechialibus* febribus mali moris, raro admodum Libitinae terribili strepitu Urbem nostram, circumpositaque loca funestarunt. Hinc tertianæ exquisitæ, non multæ tamen, grassari visæ sunt, quæ ex se perquam facile solvebantur, aut solo leviorum purgantium usu, atque alterantium; maxime tamen convenientis dietæ adminiculo. Hinc a sanguinis emissionem ut plurimum temperavi in hisce febribus, eam

solummodo tunc praescribens, juxta peculiare affectorum Corporum constitutiones, aut occurrentia graviora symptomata. Hoc tamen initio istarum febrium sedulo semper curavi, quod quotiescunque amaricantis materiei vomitus, aut frequentes tantum ad vomitum concitationes, cum stomachi gravamine, atque oris amaritiei praecessissent; semper congruo statim *Emetico* uterer, ut plurimum *Ipecacuanha*: quod eo magis faustum semper contigisse novi, quo magis de stabulante prope Ventrículum morbifica causa, tutior aderat suspicio, quod & supra adnotavimus. Secus vero, cum nulla adessent praevia hujusmodi signa, non ad *Emeticum*, sed ad idoneum purgans confugiebam, quod transactis diebus aliquot, si opus esset, iterum propinabam; aut saltem iteratis laxantibus, atque anodynis ex Lacte *Clysteribus* utebar: nisi tamen, accedente (quod passim evenit) *diarrhoea*, biliosa causa eliminata satis antea fuisset. Raro admodum ad evincendas tertianas hasce febres *China China* usus fui, ad quam tunc solummodo confugere consuevi, cum graviorum symptomatum saevitia, aut imminentis *typhiriae* suspicio, id necessario exposcere videretur: quod tamen perquam raro evenit. Etenim ejusmodi febrium accessiones consuetus semper, atque satis extensus praeibat rigor; universalis, atque aequalis subsequeretur calor, cui inde socius aderat paulo post octavam, aut decimam saltem horam sudor profusus universalis, totalem febris solutionem indicans, & firmans:

mans: unde sic procedendo, postposita semper invasionis hora, plerumque in quinta accessione omnimode solvebantur.

CCCLXXXVIII. Attamen non omnes tertianae hae febres, quae grassatae tunc raro fuere, aequae benignam protulerunt indolem. Aliquae enim, licet initio de tertio in in tertium veridicas simularent accessiones, diutius tamen, quam par erat, protractae, atque quotidie insurgendo, in continuas paulatim migrarunt, nullius tamen pravae indolis participes. Verum consuetis tertianarum *symptomatibus* stipatae erant. Oris enim aderat amarities, frequens biliosus vomitus, aut inanes saltem ad vomitum concitationes, Ventriculi passiones, atque *tensiones*, cum dolore capitis, simulque recurrente copioso sudore. *Symptomata* haec omnia perquam facile biliosis ad id conferentibus *excretionibus spontaneis*, vulgo dictis, aut congruo saltem adminiculo promotis, evanescebant, quarum ope, & febris ipsa circa decimam quartam diem solvebatur: prout in Domino Paulo Pisano distincte observare potui, cujus febris, etsi in progressu vere continuitatem servaret, praegressa tamen alterna periodo, indeque *malignantem* simulare indolem videretur; tuto tamen mediis Alvi copiosis dejectionibus evanuit.

CCCLXXXIX. Aliae ex hisce febribus, licet initio tertianarum vere periodum protulissent, nil penitus *Chinae Chinae* usui auscultantes, quamplurima & gravia postea *symptomata* habuerunt socia; Capi-

tis nempe *gravativos* dolores, *tensiones* in *Abdomine*, modo circa *Hepar*, modo circa *Lienem*, nocturnos profusos sudores, quandoque frigidos, circa faciem, & Pectus maxime inordinate occurrentes, absque ulla febris remissione, quin immo, una cum maxima universali Corporis refrigeratione, accedente gravaminis sensu circa Ventriculum, inani frequenti vomitu, nec non *suspiriosa* respirationis anxietate. Haec omnia specialiter tunc adnotavi in Nobilissimo Domino Alphonso Pavasio, quem cum hisce omnibus *symptomatibus* vehementer vexatum reperissem, ad ipsum accersitus, statim cum *Ipecacuanha* purgandum esse arbitratus fui, annuente doctissimo Sonis: quod quidem pro votis optime cessit. Commotis enim sic biliosis materiebus, in *Intestinis*, aut saltem non procul ab ipsis latitantibus, croceos tenaces admodum humores per Alvum iteratis vicibus ejecit: unde maxime levatus est, cessantibus inde inopinato sudoribus. Non hinc tamen morbus ex toto evanuit; sed ultra quadragesimum diem protractus est: quo tempore modo diluentibus copiosis potionibus, modo & *Ipecacuanha* iterum, modo *Clysteribus* laxantibus ex lacte, modo *stomaticis anodynis* identidem adhibitis remediis, magis vehemens morbi impetus, gravioraque *symptomata* omnia commode sedari potuerunt. Hinc biliosis necessariis *excretionibus* liberior fuit aditus: quare superveniente postea *diarrhoea* non parum protracta, a peccantibus omnimode humoribus libera-

liberatus fuit; Successive in fine morbi Balsamo de Copaiba usus est, tum ad affectarum partium laxitatem tollendam, tum ad promovendas urinas, quae tunc parce admodum excernebantur. Hujus adminiculo perfecte sanus evasit, evanescente simul contumacissimo dolore, quo in regione *Lienis* toto morbi decursu vexatus maxime fuerat, ubi fortasse primarius morbi fomes residebat, ipsum jam jam ad *cachexiam* misere perducturus, prout multiplici ratione patebat.

CCCXC. Ex allato autem hoc casu, sicuti & ex similibus aliis eo magis evidens semper erat, praecipuam grassantium tunc morborum causam tum a biliosis maxime, tum a *lymphaticis* crassioribus humoribus hinc inde latitantibus plerumque fuisse petendam. Caeterum Julio, & Augusto mensibus perquam pauci mortui sunt, nullis fere dominantibus *petechialibus* febribus. Successive febres tertianas *spurias* habuimus majore numero, ex illis praecipue, quae statim gravibus stipatae *symptomatibus* erant, ut *cholericis fluxu*, *cardialgicis passionibus*, profusis sudoribus &c. earumque accessiones tandiu protrahebantur, ut nullum penitus *infebricitationis* tempus plerumque relinquerent, etsi, accedentibus sudoribus, ad remissionem fidam vergere viderentur. Tantum autem abfuit, quod sudores isti quicquam tunc levaminis afferrent, ut potius AEgrotos eo magis defatigarent. Initio harum febrium levis utplurimum rigor accessiones quaslibet praecipat, qui diu

admodum protractus erat, copiosis accedentibus vomitibus materiei praesertim viridis iteratis vicibus prodeuntis. Febres istae gravius, & facilius *plethorica* invadebant corpora, uberiori cibo, magisque liberali meracioris Vini usui assueta. In hisce casibus, praevia sanguinis congrua, atque iterata emissionem, simulque conveniente *purgatione*, statim ad *Chinam Chinam* confugiebam, ad evitandam *Lypiriam*. Hac methodo evanescebat illico febris, quae paulo postea, iisdem comitantibus *symptomatibus*, redibat, iterumque *China China* vincebatur: quod ter, quaterque in hujusmodi AEgrotis evenisse pluries tunc observavi, maxime cum febres istae prope autumnale aequinoctium primo insurgerent, unde iteratis vicibus denuo invadendo, usque ad Vergiliarum occasum utplurimum protrahebantur. Eadem autem, in administranda *China China*, methodo, iisdemque cautionibus usus fui, quas supra in curatione tertianarum febrium proposui. Talis vero constitutio toto etiam Septembri mense perduravit, quo tempore aestivos fere passi fuimus calores.

CCCXCI. Octobri, atque Novembri mensibus ejusdem anni 1735. cum persaepe pluviosum esset Coelum, australem plerumque aeris constitutionem, accedente frigore, habuimus. Hinc nil mirum fuit *lymphaticos* saepius attendere morbos. Ob eandem causam die decima tertia Octobris ego quoque Angina *spuria* correptus fui dexteram praesertim *Tonsillam* invadente, cum uni-

universa capitis, & colli *Rheumatica* affectione, atque valida febris. Hinc sequenti die decima quarta ejusdem mensis, exsiccatis ex toto Naribus, crevit maxime dolor, multoque magis decima quinta die circa vespertas, quando adhibito *Clystere* emolliente lectum omnino petere coactus fui. Noctem sequentem insomnē semper transegi, adaucta magis febris, cum rigore absque ordine recurrente. Dolor successive magis, magisque adauctus fuit, usque ad aurem inde protensus, tumore tum interius, tum exterius taliter excrescente, ut demissa vix voce loqui paululum possem, nil nisi juscula, & quidem laboriose assumens. Sanguinem tunc mihi detrahi jussi, absque ullo levamine tamen: sicuti & prodesse parum videbatur copiosa crassae lymphae excretio, per *ptyalismum* fere continuum. Hinc quatuor succedentibus diebus morbus in eodem fere statu semper constitit, Alvo nil penitus fluente, quamvis *Clysteribus* fere quotidie adjuta. Tandem die vigesima ejusdem mensis, praevio copiosiore lymphae exscreatu, pus sincerum una cum sanguineis fibrillis effluxit, propter quod inopinato morbus fere ex toto evanuit, copiosa tamen adhuc durante *salivatione*. Quamobrem, ut hujusmodi *lymphaticum* affluxum alio diverterem, ejusdem lymphae magna in copia dominantis secretionem per *Intestinales* glandulas promoturus, sequenti die leve purgans assumpsi, medio quo Alvus soluta est, & laxa evasit per plures dies, ex quo morbus perfecte, tutiusque evanuit. Mirum ta-

men tunc maxime fuit attendere, quod, assumpto purgante dicto, quo magis laxa reddebatur Alvus, eo magis pari ratione *salivalis* excretio diminueretur. Id etiam in *Rheumaticis* aliis morbis pluries observavi, in quibus non tam inutilis, multoque minus non tam nocuus est mitiorum purgantium usus, prout plures praedictis potius, quam rationibus ducti censent.

CCCXCII. Attamen, congruo habito tunc generatim respectu, duobus hisce mensibus perquam pauci aegrotarunt, exceptis iis, qui vix vix ab aestivis morbis evaserant; a tertianis nempe febribus contumacioribus, aut quartanis autumnalibus, quae plerumque, juxta Hippocratis monitum, diuturniores esse consuecunt. Quamplures enim ex hisce terque, quaterque iterum iisdem morbis correpti fuerunt, iisdemque comitantibus *symptomatibus*, atque praesertim vomitu copioso virentium materierum, atque *cholericis* ejusdem indolis dejectionibus, quarum beneficio convalescere videbantur: donec pari denuo ejusdem bilis apparatu paulatim progenito, iterum febris insurgeret, iterumque iisdem *excretionibus* solveretur. Inter contumaciores tertianas, aut quartanas hasce, *erraticae* quaedam aliae febres grassatae sunt, quae continuitatem persaepe servant, post aliquot dies modo citius, modo tardius, iisdem praecedentibus biliosis *excretionibus* evanescebant, iterumque postea citius, tardiusve invadebant, cum vomitu, *cardialgicis* passionibus, aliisque ejus-

T dem

dem indolis *symptomatibus*, quae omnia tertianarum semper consuetum principium, etsi magis contumax, magisque inordinatum, satis indicabant. Hinc denuo a febris liberi evadebant, non autem ex toto sani, sed debiles admodum, pallidi, atque *cachectico* fere perfusi colore. Recrudescentium contumacissimarum ejusmodi febrium morem, atque specialem procedendi modum, sicuti & servatam in ipsis curandi methodum in propinanda maxime *China*. *China* non vacat hic distincte proponere, cum haec omnia ex antedictis satis superque innotescere possint. Hoc unum addam, quod hoc etiam tempore omnes plerumque, qui hisce febribus absque ordine progredientibus detinebantur, accedentibus inde, aut etiam praexistentibus *Lienis*, aut *Hepatis*, aliorumve imi Ventris viscerum tumoribus, in *Chronicos* migrabant morbos, aut *Cachectici*, aut *Hydropici* postea facti. Ab hisce ideo morbis, aut diuturno admodum tempore detinebantur, nihil proficientibus consuetis remediis; aut insurgente acuta admodum febris, cum siccitate linguae maxima, oris amaritie, genarum continuo rubore, ob dictorum viscerum subsequenter inflammationem, extremum paulo postea diem complebant. Hisce etiam mensibus nonnulli, sed pauci admodum, *malignantibus* dictis febribus laborarunt, quae tamen feliciter enarrata supra methodo evincebantur, apparentibus saepissime *Parotidum* tumoribus, copiosis Narium *Haemorrhagiis*, atque etiam *Diarrhoea*.

CCCXCIII. Prope finem mensis Novembris, Aquilonaribus dominantibus ventis, rigidior evasit aeris constitutio; unde detractus ab Aegrotis sanguis consuetum *pleuriticorum corticem*, modo flavum, modo *flavo-virentem* obtulit, maxime in iis, qui *lymphaticis* corripiebantur *Pleuritidibus*, qui tamen perpauci fuerunt; inter quos Rustici praesertim, atque urbani Plebei, aeris inclementias minus caute passi. Hinc ineunte Decembri mense ejusdem anni 1735., australi subeunte aeris dominio, minusque rigido frigore, Pectoris dicti morbi penitus evanuerunt, nullamque amplius detractus sanguis *pleuritica* obtulit *crustam*. Inter paucos, qui tunc aegrotarunt, nil nisi autumnales recrudescentes morbos novimus; febres nempe tertianas inordinatas, quae successive consuetis biliosis *excretionibus* solvebantur, atque paulo postea invadendo, mox *quartanas*, mox *quintanas*, *sextanas*, *octanas*, aliasque ejusmodi *erraticas* febres, varia ratione procedendi simulabant. Febres autem istae illis praesertim contigerunt, qui dictis imi Ventris tumoribus laborantes, contumaciores tertianas, progrediente Autumno, saepe, ut supra diximus, passi fuerant.

CCCXCIV. Senescentem annum 1735. Aquilonaris admodum rigida constitutio complevit, quae inde subsequente Januario mense anni 1736. magis, magisque saeviit. Hinc *Pleuriticos* quamplures vidimus, in quibus sanguineae praesertim Pulmonum *stases* occurrebant, atque proinde

proinde magis funestae, quam *lymphaticae* (de quibus omnibus supra satis egimus) consuetaque praeferebant *symptomata*. Speciales hic duas addam observationes, quae occurrentis tunc constitutionis indolem satis patefaciant, habitaque supra de morbis Pectoris, ac praesertim de *Pleuritidibus* ratiocinia magis, magisque illustrent. Reverenda D. Bartholomaea Religiosa vere tum sacris, tum politicis dotibus illustris in Collegio Virginum, ut ajunt, Jesuitarum Ciemonae, *Pleuritide* derepente correpta fuit, levi praeceunte rigore absque ordine recurrente, una cum respirationis anxietate maxima. Dolor ad jugulum protrahebatur, ad spurias usque costas in sinistra parte simul extensus, plerumque cum gravaminis sensu. Secta bis vena tunc fuit: atque demulcentibus calidis consuetis potionibus, nec non externis fotibus nil penitus levata est. Dolor non *punctorius*, ut vulgo dicitur, sed *gravativus* potius perdurabat: pulsus frequens admodum, & concitatus, & durus: Tussis non admodum molesta erat, nec frequens, cum salivali tantum *excretionem*, cui aliquando sanguinea filamenta immixta erant. Quarta morbi die anhelosa magis respiratione facta, jam catarrhi strepitus insignis audiri in Pectore coepit, qui successive adauctus est, donec tandem septima die circiter extremum miserrime complevit diem. Toto morbi tempore nunquam sudavit, levi excepto glutinoso sudore, quo per *expressionem* potius violenter promotum, ultimis morbi diebus perfusa est,

tunc praesertim cum respiratio anxiosa magis evasit, pulsusque inaequalis maxime redditus fuit. Mente tamen compos semper fuit, foetidasque per Alvum deiecit materias biliosas, absque ullo levamine. Urinae naturalem fere constitutionem, & colorem servarunt. Curationi praecerat laudatus alias praecclarissimus Pedrattus, cum quo ego consilium inivi; unde hisce omnibus sedulo perspectis unanimi consensu statuimus, quod *Pleuritis* ista non a lymphae praesertim, sed a sanguinis genuina *stasi* in intima sinistri Pulmonis superiore parte suborta esset; cui optime ideo conveniebant infausta omnia divini Senis praesagia satis supra, distincteque proposita. Eodem tempore Reverendus Pater Luranus Minimorum Corrector, *Pleuritide* vere *Phlegmonode* correptus fuit, cum respirandi difficultate maxima, faciei rubore intenso, pulsu admodum frequenti, & concitato. Nihil penitus toto morbi decursu expuit, modica excepta lymphae copia sanguine leviter aliquando intincta. Frustranea fuere penitus remedia quaeque laudabiliore methodo usurpata, sicuti & iterata sanguinis missio. Dolor tamen *punctorius* nunquam fuit, sed *gravativus*, qui successive, invalescente morbo, eo mitior reddebatur. Facta inde *suppuratione* consuetis signis indicata, nec pure unquam per *excreatum* educto, ad *articulationes* inferiores pedum, & genua, gravibus accedentibus doloribus, cum manifesto tumore, consuetas naturae *metastases* moliri aperte visa est, ma-

xime cum inde eadem ratione difficultas respirandi minor semper evaderet. Attamen faustas *crises* hasce nullibi unquam natura satis complevit; cum modo hic, modo illic perficere opus aggrediretur. Quare, *Diarrhoea* postea accedente, circa undecimam morbi diem aeternum quievit.

CCCXCV. Sequentibus quatuor mensibus anni 1736. Februario videlicet, Martio, Aprili, & Majo Australem plerumque, & pluviosam pertinacem constitutionem habuimus, Aquilonaribus raro ingruentibus ventis: atque talis fuit ut plurimum aeris conditio, usque ad Vergiliarum ortum, quando moderatum ferre calorem coepimus. Mirum maxime tunc mihi fuit attendere, quod toto hoc tempore perquam pauci aegrotaverint, ac fere dixerim nulli, si Senes male aliter constitutos exceperis, aliosque etiam, qui caeteroquin, ob interna aliqua Viscerum vitia, male semper plus, minusve se habere soliti erant. Contra enim merito militare videbatur Hippocratis vulgare effatum (218) *Ex anni vero constitutionibus in universum quidem siccitates pluviosae sunt salubriores, & minus lethales*. Licet ejusmodi sententia omnem ex praxi fidem mereri soleat, in casu tamen nostro loquendo (si pluviosa constitutio haec conferatur cum enarrata supra contumaci siccitate, unde primam *malignantes* dictae febres originem nactae sunt, atque ob eandem causam diutius protractas illas fuisse novimus) oppositum certe evenisse nemo

negabit. Quamobrem eo magis firmo stare posse pede arbitramur propositam ibidem de iisdem febribus *Theoricam* explicationem, tum & *Symptomatum* peculiarium omnium, quae ipsas fere semper comitari consueverunt. Non inficiabor tamen tunc etiam *malignantes* ejusdem fere indolis febres aliquando subortas fuisse ineunte maxime Vere, quae cum paucae admodum essent, transactam nil prorsus constitutionem teterrimam illam exhibere poterant, qua vigente & Nosocomia quaeque tum Urbis, tum Militum, atque Civium quoque domus fere omnes nil nisi *petechiales* febres referre magna in copia videbantur. Quotannis enim prope Ver, & Autumnum ejusmodi exsurgere febres solent, quae nisi universaliter, diuturnoque tempore grassentur, nunquam Epidemicam sapere constitutionem possunt, quam post universalem siccitatem caput extulisse, eademque vigente, adauctam fuisse, ex allatis supra observationibus aperte constat. Nonnulli etiam spuris tertianis febribus hoc tempore laborarunt, atque illi praesertim, qui transacto anno eosdem passi fuerant morbos, *Chinae* *Chinae* usu profligatos. Non defuerunt tunc etiam, & *Catarrhales* febres variae, & *Erysipelae*, & *Diarrhoeae*, *Dysenteriae*, aliaeque minoris momenti non absimiles Aegritudines, quae tamen, cum raro admodum, leviterque, & paucos invaderent, nullum mereri Medentis scrutamen videbantur. Copiosiores *malignantes* dictae febres insurge-

re

re visae sunt paulo ante Vergiliarum ortum, multoque magis initio mensis Junii sub aestivo solstitio: maxime cum siccior tunc diu vigeret aeris conditio. Cum *petechiales* hae febres eandem fervarent indolem, eodemque modo progredirentur, ac aliae in supraposita epidemica constitutione descriptae: eandem etiam utiliter curandi methodum exposcebant, cum aequae facile, & perfecte biliosis praesertim excretionibus solverentur, copiosis non raro urinis ad id conferentibus.

CCCXCVI. Toto Junio mense varia plerumque fuit aeris constitutio, atque ingruentibus per saepe pluviis, & ventis vix vix paululum aestivum persensimus calorem. Tunc perquam raro *petechiales* dictae febres occurrere, atque tertianis variae indolis obnoxii saepius fuimus. Initio mensis Julii tam moderatus vigeat calor, ut vernalem pene aemularetur. Paulo postea tamen maxime excrevit, cum serenum ut plurimum micaret Coelum; Ideo tertianae praecipue febres generatim grassari magis coeperunt. Verum mitiorem tunc sortiebantur indolem, *exquisite simplicium* characteres tantum referentes. Quamobrem vel sponte sua illico solvebantur, consuetis accedentibus biliosis crisis, & sudoribus; vel solo *Chinae Chinae* usui, quoties ad ipsam expediret confugere, facile, tutoque auscultabant, non omissis copiosis attemperantibus potionibus; de quibus satis suo loco egimus. Una cum Tertianis hisce *simplicibus* febribus *Synochae* pariter

dominabantur, quae aliquando ad plures dies plus, minusve praeter ordinem protraherentur, solo semper affluentis sudoris beneficio solutae. Declinante tamen hoc Julio mense tertianae dictae febres pejorem admodum praesefere faciem visae sunt; cum & diutius accessiones producerent, & gravibus consuetis *symptomatibus* stipatae per saepe essent, *perniciosae* plerumque indolis participes, ad *Lypiriam* quamproxime tendentes. Tunc ideo frequens, & necessarius magis fuit *Chinae Chinae* usus, cujus adminiculo devicta febris pluries recrudesce postmodum, etiam absque causa manifesta, videbatur.

CCCXCVII. Ineunte Augusto mense aestivos gravius calores sustinuimus, praesertim cum raro nebulosum evaderet Coelum, ac fere nunquam pluviosum. Toto hoc mense quoque eadem pene fuit aeris constitutio: quare immoderatis diutius protractis aestibus omnia fervebant. Hinc praeter modum aestuante, & rarefacto sanguine, *Synochas* saepius febres habuimus, sola sanguinis congrua emissionem facile curatas, cum ad copiosos *criticos* sudores suapte natura tenderent, quorum adminiculo penitus, tutoque remittebant. Communiter tamen Tertianae tunc praesertim dominabantur febres *spuriae*, saepe *perniciosae*, curatuque magis difficiles. *Lypiriae* ideo saepius occurrebant, quas si tempestive *febrifugo* adoriri non omittebat Medicus, generalibus aliis non neglectis praesidiis, votis nunquam frustratus evadebat. Non vacat hic

Lypiriae hujusce febris, teterrimis semper stipatae *symptomatibus*, mores, indolem, causas, atque exitus singillatim proponere: cum haec satis superque ex dictis pateant. Id tantum innuam, quod plerumque hac etiam occasione observaverim, quod Rusticana maxime Plebs hisce febribus facilius obnoxia sit, iisdemque gravius laboret. Rustici enim, qui vix a continuis acutis febribus paululum primis diebus expavescunt, Tertianas penitus potiore jure negligunt, maxime si alternis tantummodo diebus aegrotent. Necessariis ideo deficientibus medicis praesidiis, invalescit in dies morbus, quotidie accedit febris, diutius persistit, indeque *Lypiria* succrescit. Quotquot autem hac febre detentos in Nosocomio nostro Rusticos habui, etiamsi gravia quaeque consueta vigerent *symptomata* (dummodo confirmatae inflammationis tuta signacula non adessent) omnes prorsus sanatos vidi, solo *Chinae Chinae* usu, tum & malvatico meraciore Vino interdum saepissime usurpato, una cum *anodynis*, juxta *symptomatum* saevitiam, adhibitis, iisdem, simulque *mixturae stomaticae* nostrae supra descriptae victoriam jure, meritoque referens. Hinc rarius Cives, licet magis *perniciosi* tertianis laborantes, tempestive curati, *Lypiria* hac febre corripiebantur; si eos excipias, qui *biliosi* magis, & *sanguinei*, ut vulgo dicitur, simul essent, incongruo magis victus regimini assueti, Vinoque meraciori, omnisque generis immaturis fructibus, & Oleribus temere indulgentes.

CCCXCVIII. September mensis saepius nobis pluvias attulit, atque nubibus plerumque obtectum Coelum fuit; unde inopinato fere aestivus calor evanuit. Quamobrem majore in copia dominabantur Tertianae febres *spuriae*, quae & contumaciores quam antea erant, graviusque Aegrotos fatigabant, utpote molestissimis consuetis stipatae *symptomatibus*, *perniciosa* semper referentes indolem, atque perquam facile, saepiusque recrudescentes. Hujusmodi contumaces febres eo frequentius, eo vehementius saevire coeperunt, quo propius Autumnale aequinoctium imminebat. Haec omnia conformia utique sunt iis, quae in *Sectione prima de Tertianis febribus* differentes fusius supra proposuimus. Praeterea hoc anno, dum earundem variam indolem, & progrediendi modum sedulo attenderem, observatu mihi dignum specialiter evenit, quod aestivis primis mensibus tertianae omnes tunc occurrentes, *exquisitam* vere servando semper indolem, minus molestae evaderent, plerumque *simplices* essent, breviores afferrent accessiones, citiusque, & tutius absque magno remediorum apparatu solverentur, Natura sponte sua consuetas *excretiones* perficiente. Hinc recedente aestivo solstitio, adaucto in dies magis, magisque calore, parique ratione activo magis reddito febrili fomite, magisque contumaci, utpote majore in copia vigente: quae tunc eveniebant tertianae, eo majus in dies Medicis negotium facessere consueverunt. Rarius enim *exquisitas*

tis simplices tertianas occurrere, animadvertimus. Quin immo earum loco duplices frequentius, ne dicam semper, accedebant, atque successive eo magis diuturnas afferebant accessiones, gravioribus pariratione comitantibus *symptomatibus*. Hinc accedente Autumnali aequinoctio, cum magis, magisque aequo passu diuturnae accessiones fierent, merito postea continuae evadebant. Id etiam in continuis hisce tertianis animadversione dignum, semper novi, quod illae, quae non procul ab Autumnali aequinoctio insurgere solebant, praevio consueto rigore manifestum magis exhiberent accessionum quarumlibet principium, etsi continuitatem vere servarent. Transacto hoc tempore, maxime post Autumnale aequinoctium, aboleri in dies magis videbatur praevium hoc accessionum signaculum, ita ut, coeuntibus mutuo accessionibus, *continuae* fere *continentes* fierent, quarum principium, & remissionem vix vix aliunde paululum dignoscere datum erat. Hujusmodi Tertianarum febrium *transmigrationes*, ut ita dicam, peculiari hoc ordine factas, juxta occurrentis tempestatis cursum, in illis clarius dignoscere potui, qui, dum primo tertiana exquisita non procul ab aestivo solstitio laboraverant, aut saltem Tertiana duplici citius remittente, pluries postmodum recidivas passi fuerant. Siquidem quoties de novo eodem morbo aegrotabant, licet eadem vigeret pristina causa, statis temporibus invalescens, varia tamen ratione torquebantur: mox nempe

eadem adhuc Tertiana duplici, sed diutius accessiones singulas producente, cum intermissione sensibili; mox continua, sed alternam periodum aperte indicante, sicuti & alternam remissionem; mox continua *essentia*, ut ajunt, *tertianariam* normam obscure admodum referente. Eadem ratione quicumque iteratas hasce multoties recidivas procul magis ab Autumnali aequinoctio patiebantur, cum pari passu febrile biliosum principium enervari necessario consuesceret, minorique in copia vigeret, tertianis iterum *duplicibus* aperte magis videbantur laborare, indeque simplicibus. Quapropter imminuta successive febrili massa, *quartanam* postea ferebant, mox *quintanam*, mox *sextanam* &c. quod & supra etiam satis attigimus. Multiplices hasce tertianarum febrium varietates, anni temporum motibus tam rigorose conformes, non aliter, meo judicio, melius quispiam explicabit, quam si biliosum principium ex dictis supponat. Porro supra satis novimus, quod biliosi humoris tenuitas breviores accessiones parit, atque alternis tantum diebus occurrentes. Si autem & tenuis, & copiosa bilis vigeat in sanguine, quae breviori temporis intervallo coacervari possit in consuetis *emunctoriis*, atque ab iis cito secedere: Tertiana duplex progignitur, non diu admodum accessiones protrahens. Hinc cum accedente Autumno & copiosa, & crassior, quin immo glutinosa, magis bilis evadat; cum primo in *emunctoriis* propriis accumulata est, ibidem diutius sistitur, indeque tar-

dius removetur: quare diuturniores accessiones sunt, quarum principium tantum dignoscere paululum, aut quotidie, aut alternis diebus datum est; quia aut quotidie, aut alternatim solum, juxta copiam ejusdem biliosi laticis in sanguine dominantis, ad consueta loca fluit, ibidemque cum praeexistente febrili fomite conjungitur, partesque, quas permeat, irritando, datis temporibus consuetum rigoris signaculum exhibet. Attamen successive tractu temporis, congruis factis bilis *excretionibus* sive sponte, sive Medici praesidio promotis, imminuitur bilis copia, quae semper majorem in dies tenacitatem acquirit. Majus ideo requiritur tempus, ut a sanguine secedens sufficientem in *emunctoriis* consuetis massam efficiat, suscitandae feberi idoneam, eademque ratione, cum tardius removeri inde queat, diutius accessiones quaelibet perdurant, quae eodem habito respectu, aut alternis tantum diebus, aut de quarto in quartum, aut aliter occurrunt. Haec autem (quae ex dictis desumpta in compendium hic redigere placuit, ad variam investigandam causam, quae recrudescentibus tertianis diversam largitur indolem, juxta temporum occurrentes vicissitudines) verisimilem quoque rationem aperte indicant, propter quam illi etiam, qui primo tertianis detinentur sive prope Aestivum solstitium, sive prope Autumnale aequinoctium, sive intermedio quovis tempore, sive prope Vergiliarum occasum &c. diverso prorsus modo iisdem laborent. Verum cum

febrilis fomes iste non tantum generalem respiciat causam aestivo tempore in aere dominantem, verum etiam peculiare Aegrotantium quorumcunque Corporum dispositiones: Ideo ea, quae hic de tertianarum februm causae ratione generaliter dicta sunt, speciales expetunt animadversiones, propter quas varia in variis, eodem etiam posito principio evenire posse, nobis innotescat.

CCCIC. Ex hisce omnibus, quae tum alias supra, tum hic de tertianarum februm causa proposuimus, aperte patet, quam ratione, dum biliosus crassior, magisque tenax latex magna in copia in confiniis Hepatis coacervatur, ibidemque consistens biliosus, ut ita dicam, *abscessus* constituit, contumaces illae continuae suboriantur febres, nec *febrifugo*, nec aliis consuetis remediis plerumque auscultantes. Attamen in hisce praesertim casibus, juxta leges secretionum, quae indefinenter fiunt a tota sanguinea massa, (quae quidem varia ratione tum quo ad copiam, tum quo ad tempus peraguntur, congruo habito respectu ad peculiare conditiones secernendi humoris adhuc cum tota massa intime mixti) nova identidem biliosa materies consuetis colatoriis Hepatis suppeditatur, priorem jam stagnantem in majores aestus cogens. Hinc fit, quod illi, qui contumacioribus hisce febribus continue laborant, identidem gravius vexentur consuetis adauctis *symptomatibus*, datisque temporibus inhorrescant, & frigore detineantur, ac si novae ipsis insurgerent febriles accessiones, quandoque

que alternam periodum simulantes, aut quamcunque aliam inordinatam, ut diximus. Hujuscemodi contumaces febres diu admodum absque ordine vigentes *Hepaticas* jure, ac merito dicendas esse semper existimavi, utpote illae, quae tractu temporis, ex dictis, aut ad *cachexiam* postea perducunt, aut ad desperatum *Hydropem*, aut ad omnimodam ejusdem visceris inflammationem subito jugulantem. Hujus propemodum indolis Febris illa fuit, qua in eunte Autumno hujusce anni 1736. graviter detentus fuit Dominus Curtius Torchiana, eademque plus quam per duos menses variis modis laboravit. Hic autem saginatus praeter modum erat, licet juvenili adhuc aetate gaudens, atque obeso fere. Corporis habitu praeditus, liberali victu, atque meracioribus praesertim vinis copiose indulgens. Porro initio tertiana duplici spuria laborare visus est, quum quotidie rigores insurgerent, alterno quodam *Rhythmo* sibi mutuo respondentes; nunquam tamen ex toto intermittebat febris: quare de acuta febre non immerito aderat suspicio, quae *petechialium* supradictarum naturam saperet. Capitis enim maximum gravamen aderat, cum aurium sibilu, siti intensa, vomitu, una cum universa Corporis lassitudine, vigiliis, amaritiae oris, atque quandoque cum *cardialgicis* passionibus, urinis croceis admodum, & pulsu concitato. Sanguis ter satis eductus fuit, factaque congrua purgatione, bilem tenacem magna in copia ejecit, cujus excretionem, quoties opus

erat, iteratis laxantibus *Clysteribus* promovere non omisi, copiosos simul aquae haustus una cum Mali medici succo laudans, ad bilis dominantis aestus rite compescendos. Frustra autem *Petechiales stases* expectavimus. Siquidem in decursu morbi aliam penitus indolem protulit Febris, ad *Chronicam* aperte tendens. Tunc Abdomen obtumuit maxime, praesertim in regione *Hepatis*, inanibus ad vomitum conatibus saepe accedentibus, cum vigiliis, atque respirationis anhelitu summo. Eodem tempore biliosae excretiones imminutae sunt, tum & urina parvior evasit. Verum lingua bilioso glutine obducta semper erat, cum amaritiae oris, & nausea. Satius ideo duxi ad serum Lactis alteratum, cum aperientibus herbis, facta simul congrua infusione Rhabarbari, confugere, quo per plures dies usus fuit. Hujus adminiculo magis copiosae evaserunt biliosae excretiones, sicuti & urinae affluentius prodire. Quapropter febris, quae plus quam per mensem obstinate permanerat, solvi penitus visa est. Hinc paulo postea gravius iterum accessit absque ordine adhuc progrediens, & continuitatem servans. Eadem ideo iterum prodire *symptomata*, cum difficultate respirandi, quae quandoque ita augebatur, ut illico e lecto surgere coactus esset, cum supinus jacens spiritum sibi fere ex toto praeccludi conquereretur, pulsu frequenti, & concitato admodum reddito, atque inordinatum penitus *rhythmum* servante. Laborioso hoc anhelitu identidem vexabatur, qui plerumque

que soluta inde alvo, congruaque bilis facta excretionem solvebatur. Aderant tunc quoque inanes vomitus, vigiliae, sitis maxima, oris amarities, & tensio prope Hepar maxime cum dolore, ibidemque facta compressione, difficilis reddebatur illico respiratio, ac si praedictis insultibus corriperebatur. Hinc, attentis etiam reliquis omnibus praegressis, certo certius arbitratus sum, contumacem biliosam in Hepate vigere causam, quam iterato *Specacuanhae* identidem usurpatae usu, tum & *Clysteribus* laxantibus, paulatim destruere, atque leniter educere non neglexi. Non omittebam pariter usum *mixturae stomaticae* ad graviora sedanda *symptomata*, quibus opitulanti etiam maxime videbantur copiosae potiones aquae supradictae. Sic res pro votis cessit, omnia mitiora evasere, & febris quoque summopere imminuta est. Verum jam universus Corporis habitus *cachecticus* evadebat, ad *hydropem* pronus, parique ratione tumebant pedes, & manus, imminuta quam maxime urinarum excretionem. Propterea, ad *Gummi ammoniacum* confugi, indeque ad *Balsamum de Copaiba*, ad aquas Villenses pro potu ordinario: quorum omnium ope, copiosae admodum evasere urinae, eademque ratione oedematosus universalis evanuit tumor, conferente etiam ad id plurimum Oleo Amygdalarum dulcium, & *Clysteribus*, biliosas excretionem pro indigentia promoventibus. Quapropter ex toto convaluit, Balsamo praesertim *de Copaiba* primariam referens laudem; cum ipsius

specialiter vi, & urinarum secretio libera evasisset, atque glutinosa bilis in confiniis Hepatis defixa ita fuisset dissoluta, ut postea tractu temporis omnimode excerneretur, cuius quidem immensam pene copiam plus quam duorum mensium intervallo, quo morbus hic contumax fuit, iteratis vicibus eduxit. Non absimilem morbum tunc passa fuit Nobilissima Domina Zaccharia e religioso Coetu Divae Martae hujusce Urbis, iisdemque biliosis excretionibus pristinae valetudini optime restituta fuit. Diutius tamen admodum aegrotavit; cum haec ab *Specacuanhae* usu iterato abhorrens, mitiora tantum amaret remedia. Quare nobiliter, & dulcius curata, diutius morbum ferre coacta fuit: quod Nobilibus quibuscunque Aegrotis evenire plerumque solet; quoties lenem potius, & suavem, quam rudorem, & utilem Medicorum operam, aut quaerunt, aut sustinent. Hujusce morbi, quo praedicta Religiosa detenta fuit, Historiam distincte hic proponere supersedeo, cum ab alia hic fusius exarata parum differat.

CCCC. Verum dum praeter alia, quae de Tertianarum febrium causa supra fusius proposuimus, iterum eas a varia bilis aestuantis indole, varioque motu, copia, atque diversis *stasibus*, originem plerumque sortiri aperte innuo: non deerunt plurimi, qui diversas hac super re clariorum Authorum opiniones, aliaque ratiocinia mihi obtrudent, utpote quae, & veritati magis conformia putentur, atque experientia
ipsa

ipsa satis superque confirmata. Meum utique non est singulas hasce sententias hic adamussim perpendere, tum quia instituti hujusce ratio id prorsus respuit, tum quia aliorum opiniones refellere in animo neutiquam habeo, dum sententiae meae fidem adstruere, ratione, & experientia teste quaero. Scio enim in rebus medicis utpote conjecturalibus, atque in hisce praesertim, tum mihi, tum aliis forsan fallaciae notae aequae adscribi posse. Omissis tamen reliquis omnibus sententiis meae oppositis, non abs re hic erit praeclarissimi Default ratiocinia super hisce hic obiter proferre. Putat hic Auctor, quod febres intermittentes hae ab imminuta perspiratione dependeant, non secus ac *Catarrhales* aegritudines, quae ab eodem, ut nos etiam supra toties statuimus, fonte derivantur. (219) *Les fiebres intermittentes sont causées par la suppression de la perspiration*. Id plurimis in locis confirmat, congruis ab experientia ipsa desumptis ratiociniis: Dicit enim, quod plerique, quos aestatis tempore tertiana intermittente febris correptos vidit, transactis ut plurimum paulo antea diebus inopinato post aestivos vehementiores calores serotinis ventis fesse exposuerant, aut derepente se frigidis aquis immerferant, aliave qualibet ratione affluentem perspirationem quammaxime cohibuerant. Quod aestivis caloribus superveniens extemplo frigus, perspirationi obstare specialiter possit, & ipse novit

Sanctorius (220) dum docet, quod aestivo calori superveniente frigore, eadem die libra circiter excrementorum perspirabilium magna ex parte difflari prohibetur. Hinc non immerito prae laudatus Default, Baglivio teste monet (221) quod, *fallitur ignarum vulgus, si credat aestate morbos vehementius laedere, ob nimiam in esu fructuum intemperantiam; aegrotant potius Homines, quia insensibilem transpirationem aestate copiosiore, aura frigida diu, & noctu incaute sumpta, derepente deprimunt, atque coercent.*

CCCCI. Haec autem, meo iudicio, aperte quidem ostendunt, quod aestivo tempore perspiratio derepente imminuta intermittentibus hisce febribus occasionem jure, meritoque praebere possit: quod autem unica, & praecipua earundem sit causa haudquaquam satis evincunt. Hanc enim ob causam persaepe, tum hoc maxime anno, tum aliis etiam non intermittentes hujusmodi, sed *lymphaticas* veras febres, aestivo magis saeviente calore, suscitari observavimus, & quidem iisdem stipatas *symptomatibus*, quae rigidioris dominante Brumae evenire solent. Nihil tamen secius haud equidem inficias iverim, ob cohibitam inopinato sic aestivo tempore perspirationem, tertianis etiam febribus statim suscitandis ansum, maxime praebere quandoque posse. Notum enim satis cuique est, in ea propemodum ratione tunc universae humorum massae molem excrecere, in qua decrescit perspirationis negotium:

(219) Default dissertat. sur la Goutte. (220) Sanctor. Aphor. 29. Sec. 2.

(221) Bagliv. Can. 7.

gotium: ut nos etiam supra toties innuimus. Propterea eadem penitus ratione bilis quoque copia augebitur. Siquidem, licet perspirabilis materies magna ex parte a lymphâ praesertim suppeditetur, biliosae etiam particulae ipsi plus, minusve associantur, habito respectu ad copiam biliosi humoris tunc in illo Corpore dominantis. Id videre est ex croceo colore, quo perspirabilis materies quandoque e Corporibus secedens indusia plus, minusve inficit, habita proportionem ad peculiare perspirantium corporum conditiones. Testem hic quendam adducere Hominem possem, qui plerumque aestatis tempore tam flavo colore indusum tingit, ac si in infusione Croci immersum fuisset.

CCCCII. Hinc liquido constat, hujusce clarissimi Auctoris sententiam de tertianarum causa, nil penitus suprapositis ratiociniis nostris adversari. Id namque quod per meatus cutis avolare non potest, ideo suscitandis tertianis febribus occasionem praebet, quia retentae sic particulae perspirabiles illae, atque intro pulsae, bilioso praeexistenti fomiti adjunguntur, unde ipse in majorem sic excrescens molem febrilibus suscitandis aestuationibus aptior evadit. Quapropter verum semper est, ut diximus, bilem plerumque dictarum febrium praecipuum principium merito esse existimandam, utpote illam, quae, ob cohibitam derepente perspirationem, ceu in peculiari congrua circumstantia, ad actum reducatur: quod idem est, ac

paratae materiae ignem adungere: prout & ipse Desault sic explicat. (222) *Enfin j'avance come un fait sûr averé & incontestable, que si on recherche la cause qui a occasionné la fièvre, on trouvera que la perspiration a été ou supprimée ou considérablement diminuée, que sa matière a rosoulée vers l'estomach & les boyaux, & mis pour ainsi dire le feu a des matières indigestes qui s'y-sont trouvées, & à causé des cours de ventre, des vomissemens &c.*

CCCCIII. Cum hic per transennam de Tertianarum febrium causa cum prae laudato hoc Auctore denovo egerimus, non abs re erit, si pauca hic etiam obiter proferam, ut pateat modus, seu melius saltem perquiratur, quo Peruvianus Cortex easdem tam cito evincere possit. Posteaquam Auctor iste indicaverat intermittentes hasce febres a suppressa subito perspiratione ortum ducere, inde tanquam certum proponit, *Chinam Chinam* ideo optatum sortiri effectum, quia perspirationem iterum excitat, magisque copiosam reddit. (223) *Le Kina fait son coup (ait ipse) lorsqu'il produit une perspiration grasse, onctueuse, halitueuse. C'est pour lors qu'il pousse au-dehors par la perspiration, cette partie que Sanctorius appelle perspirabilis pars crassa, & ponderosa, tout autant qu'il est emporté par la cours de ventre ou par le vomissement, que la peau est sèche & aride, il est sans effet, mais des-lors que vous voyez paroître après quelques jours de son usage, cette moiteur grasse,*

se, tenez pour assurée la guérison de votre fièvre. Ideo certo certius arbitratur *Chinam Chinam* ad id maxime conferre, quia arteriarum fibras roborat, easdem contrahendo, seu decurtando, sicque ipsas aptiores reddit, ut validioribus contractionibus lentescentem sanguinis motum vehementius excitare, atque promoveré possint. Propterea aperte docet (224) que la poudre de Kina, come un tan précieux s'insinuant dans ces fibres, les racourcit, les fortifie, & les met en état d'exercer de plus vives & fortes contractions pour surmonter l'obstacle que le sang devenu moins fluide par le mélange de la matière de la perspiration, opposoit à leur foible ressort, & retardoit le mouvement circulaire. Paulo antea enim ipse ibidem monuerat, quod le Kina est une espèce de tan, il y a lieu de croire qu'il produit dans les tuniques des artères, principalement dans leurs fibres, le même effet que le tan que les corroyeurs mettent sur leurs cuirs, c'est à dire, qu'il les racourcit, & en même-temps les renforce.

CCCCIV. Non equidem inficiabor unquam, copiosos persaepe sudores crisis perfectae loco in intermittentibus hisce febribus utiliter evadere, cum ipsorum beneficio solvantur. Attamen non solis sudoribus in hoc laus merito tribuenda est. Etenim hoc *lymphaticis* melius, aut *synochis*, & *ephemeris*, aliisve hujusce indolis febribus convenit, utpote illis, quae in sanis etiam caeteroquin corporibus ab extrinseca

qualibet tantum causa statim excitantur; ut a cohibita maxime derrepente perspiratione. Ideoque in hisce adaucta perspiratio unicum, & optimum est praesidium; cum id tantummodo requiratur, ut corpus ad pristinum salutarem statum vergat, nempe ut id, quod retentum antea fuerat cito, & satis prodeat. Hinc in intermittentibus febribus dictis biliosae excretionés per alvum utiliter majore, minoreve in copia occurrunt, quarum ope crassiores illae, magisque mucosae protruduntur materies, quae lente per meatus cutis difficillime prodire potuissent. Hinc cum prae laudato hoc Auctore admitto quidem, quod *China China stipticis*, ut ita dicam, particulis magna ex parte constet, quae in interstitia partium sese insinuando, earundem fibras breviores reddunt, atque proinde magis tensas, seu elasticas; eodem prorsus modo quo cortices *Quercus*, ut dixit, poros *Corii* stipare solent. Hujusmodi tamen *Peruviani Corticis* actio in illis partibus citius, atque efficacius evenire debet, quas primo, & immediate pervadit, antequam *etherogeneis* aliis quibusvis imbuatur succis, aut quoquo modo alteretur, nativamque vim, aut sic omnimode deperdat, aut saltem magna ex parte. Id circo *Ventriculus* maxime, atq; *Intestina* hujusce remedii efficaciam subito experiri debent, cum eas partes illico subeat. Quamobrem earundem partium fibrillae omnes statim contrahuntur, maximamque inde elasticitatis vim nactae,

tae, violentiores exercent oscillationes, parique ratione in contenta quaeque fluida vehementius contrahuntur, ut ipsa ad motum magis sollicitent, atque optatas earundem secretiones, excretionesq; citius promoveant. Hinc ob mutuum nerveorum filaminum consensum, contiguae praesertim partes omnes pari fruuntur beneficio: *Cholidocum* nempe ductus, omnesque ipsi adnexi *biliarii* tubuli ab Hepate venientes: *Ductus Pancreaticus*, aliaque quaelibet *lymphatica* vascula in *Intestinorum* cavitates hiantia: quod & sanguinea quaeque vasa illuc tendentia expeririuntur. Porro, dum partes istae omnes novi huiusce adminiculi ope rigidae magis evadunt, tendunturque, majusque nanciscuntur robur, validius statim oscillare pergunt, *biliosumque* ibidem latitantem fomitem concutiunt, dissolvunt, repagula tollunt, ejusdemque *excretionem* citius, & facilius excitant; quod & de aliis illuc tendentibus liquoribus pari pacto intelligendum venit. Ex hisce videmus, quomodo *febrifugi* ope intermittentes febres feliciter solvantur. Non aequè tamen facile, non aequè cito id in omnibus evenit. Namque prout crassius magis, minusve, aut tenax est biliosus fomes, atque plus, minusve dictis partibus inhaeret, varia ratione resistere solet contrahentibus solidis, ut optata ejusdem secretio fiat. Id quod ratione duce intelligimus, experientia ipsa ex dictis satis evincit. Quis enim non novit, Tertianas spurias praesertim febres, aliasque ejusdem prosapiae tardius febrifugo

auscultare, utpote illas, quae a glutinosamagis bile originem fortuntur, cujus quidem mucosam conditionem in excretis facile est oculis ipsis dignoscere. Hoc eodem ratiocinio percipimus, cur febres tertianae illae spuriae, seu incongruo quovis ordine progredientes, quae ab *Hypochondriorum obstructionibus* enascuntur, *Chinae Chinae* vim plerumque multoties eludant; cum difficile admodum solidorum fibrae, etsi noviter modo supradicto roboratae, hujusmodi obices tollere valeant: ad quod ideo, & diuturnum maxime tempus, & plerumque incidentia alia, & amaricantia, magisque activa remedia necessario requiruntur.

CCCCV. Hisce suppositis, nil mirum penitus unquam erit, si plerumque attendamus, *Corticem Peruvianum* in pulverem redactum, sicque Aegrotis propinatum, Tertianas febres citius sistere, & tutius quidem, quam ejusdem tincturam sive cum vino, sive cum aqua, sive alio quolibet liquore extractam; prout & ipse clarissimus Default adnotavit. Etenim hujusmodi pulvis firmitus inhaeret Ventriculo, atque *Intestinis*, ibidemque diutius consistit, suamque ideo actionem validius exercere valet: secus quam ejusdem tinctura, quae, utpote fluida, facilius permeat, citiusque *Intestinorum* cavitates pervadit, atque illico per Alvum excernitur, priusquam optatum fortiatum satis effectum. Quod si verum esset, quod *China China* primariam actionem suam ideo exerceret, quia arteriarum

rum omnium robur, & elasticitatem augendo, aptiores illas redderet *circulatorio* sollicitando magis motui, atque proinde copiosae magis ciendae perspirationi: profecto tinctura potius *Chinae Chinae*, quam ipsius cortex magis, & citius proficere deberet: cui quidem experientia quotidiana, ut diximus, refragatur. Siquidem nemo inficiabitur, patulam magis per venas lacteas huic tincturae viam existere, ut inde ad sanguinea vasa fluat, quam ipsius corticis pulveri, qui per exilissimos dictos porulos traduci haudquam poterit. Quapropter satis superque ex hisce deducitur merito, omnem, aut praecipuam saltem, *Chinae Chinae* actionem in primis, ut ajunt, viis modo supradicto exerceri.

CCCCVI. Quamvis ex dictis certo certius existimem, *Peruvianum Corticem* praecipue operari in hisce febribus, biliosas congruo modo *excretiones* promovendo, non ex illis tamen unquam fui, qui *purgantia* eidem adjungenda plerumque esse arbitrantur. Satis enim perspectum mihi est, remedium hoc ut plurimum irritum evadere, quoties congruo tempore in Ventriculo, atque *Intestinis* moram non agat, pro ut opus est, ut eorundem fibras satis roboret, atque elasticas efficiat. Idcirco *purgantia* cum ipso commixta, dum plusaequo sollicitatam ejusdem excretionem promovent, aut votis frustratum penitus Medicum relinquunt, aut optatam morbi solutionem summopere retardant: quod patiter prae laudatus Default jure,

meritoque cum aliis animadvertendum sedulo esse monuit. Nec tantum *purgantium* cum *febrifugo* mixtionem condemnat, verum etiam eorundem usum perniciosum prorsus arbitratur, posteaquam febris ope *Chinae Chinae* profligata fuerit; quando nempe, & simplicem *Clysterum* usum timendum maxime esse ostendit. Neque hoc a ratione alienum quispiam existimabit, si attenderit, *purgantia* quaeque etiam mitiora *Intestinalium* fibrarum robur non parum enervare, dum earundem contractiones, sive violentiores, sive magis frequentes exsuscitant; quod idem prorsus est ac adhibiti paulo antea *febrifugi* beneficium pene destruere. Non hinc tamen ullus unquam sanae mentis inficiabitur, credo, quandoque tertianas quasdam spurias febres occurrere, quae utpote a glutinosa magis, atque tenaci bile progenitae, contumaces admodum sunt, unde solius *febrifugi* usui auscultare perquam raro solent. In hisce ideo *purgantia* congrua omni jure conveniunt, tanquam ea, quae irritante vi sua, atque scindente, tum solidorum actiones vehementius excitant, tum febrilem fomitem efficacius dissolvunt, citius commovent, atque ad necessarias *excretiones* magna ex parte perducunt. Ideo pluries supra monui, me in hujusmodi intermittentibus febribus una cum *febrifugo* idoneis *purgantibus* utiliter, feliciterque saepissime usum fuisse, quoties maxime solus *Chinae Chinae* usus frustraneus evasisset. Verum, quotiescunque gravia

non

non urgerent *symptomata*, satius semper in hisce febribus arbitratus fui, ad *purgantia* congrua potius confugere, seu ad *epicraticam*, ut diximus, *purgationem*, anteaquam *Chinam* *China* AEgroti assumerent: secus ac faciunt illi, qui inconsulto plerumque illa statim absque mora utuntur; quibus ideo persaepe contumacia febris, ejusdemque facilis, iterataque recrudescencia tribuenda rationabiliter videtur.

CCCCVII. Quod spectat ad *purgationem* in contumacioribus hujusmodi spuriis intermittentibus post *Chinae* *Chinae* usum usurpandam, aliqua jam supra diximus sub §. 68. Docuimus ibidem, quod, si profligata jam febris ope *febrifugi*, non perfecte convalescat AEgrotus, congruaque adsint signa latitantem adhuc biliosum fomitem aperte indicantia, aut inferius, aut superius juxta indigentiam purgare omni jure conveniat. Etenim tunc satius est AEgrotos purgare, etiam cum manifesta *recidivae* suspicione, quam contumacioribus aliis, magisque gravibus inde forsitan eventuris morbis ansam relinquere. Praesto enim iterum esse potest *febrifugi* praesidium post *purgationem* utiliter usurpandi, ad futuras morbi *recrudescencias* tutius avertendas. Praeter haec animadvertendum etiam est in hisce casibus, non *purgantia* quaeque convenire, sed illa potius seligenda esse, quae *Intestinalium* fibrorum tonum minus enervant, simulque *stiptica*, ut ajunt, congrua virtute polleant, ad deperditum sic earundem robur aliquantisper resti-

tuendum. Propterea praeter caetera *Rhabarbarum* distincte semper laudavi, eoque feliciter usus tunc semper fui. Si autem ante usum *febrifugi* Alvus sponte sua nimium flueret, aut saltem primis vicibus assumpta *China* *China* sic statim, & quidem intempestive excerneretur: ad *opiata* illico, & *adstringentia* confugiebam, nempe aut ad *Laudanum* ipsum, aut ad *Electuarium* *Diacordeon*, aut ad *Theriacam*. Remedia haec una cum *febrifugo* utiliter in congrua dosi exhibebam, variis modis, juxta indigentiam, ut supra explicavimus: quod propositis rationibus, atque animadversionibus praelaudati *Desault* optime arridet.

CCCCVIII. Octobri mense ejusdem anni 1736. serenum raro Coelum fuit, plerumque nebulosum, atque densa caligine saepissime obductum, quare humidam fere quotidie constitutionem habuimus. Sequenti Novembri mense frigus paululum invaluit, atque prope finem magis, sed solito minus excrevit. Caeterum varia semper viguit aeris constitutio, a praegressa transacti mensis parum absimilis. December successive mensis brumales consuetos fere nunquam attulit rigores, licet serenum ut plurimum esset Coelum, consuetis raro dominantibus hyemalibus ventis. Attamen tribus hisce mensibus, inter tam varias aeris vicissitudines, salubri quam maxime aere frui potuimus, licet bovina adhuc vigeret, atque saevius grassaretur pestis. Pauci ideo adversa valetudine tenebantur, ac fere dicam nulli, si illos excipias, qui aetivis,

aestivis, aut autumnalibus adhuc re-
crudescuntibus contumacioribus
morbis identidem corripiebantur.
Hinc & Nosocomia nostra toto hoc
tempore quasi omnimode vacua eva-
lere.

CCCCIX. Haec ea sunt, quae
adnotatu digna transactis tribus hi-
sce annis mihi occurrere. Reliqua,
quae in posterum evenient, alia vice
fideliter proponam. Etenim pro-
missis stare in animo habeo, idque
sedulo praestare semper satagam,
ut, si non aliis, utpote in rebus
medicis satis superque expertis, Di-
scipulis saltem meis, aut potius mi-
hi ipsi prosum, sicque minus errare
in Medicina quotidie discam. (225)

*Hoc nempe ab Homine exigitur, ut
prosit Homini, si fieri potest, mul-
tis; si minus paucis; si minus proxi-
mis; si minus sibi.* Quod si quispiam
attenderit, me in practicis hisce
dissertationibus diffusas nimis phi-
losophicas disputationes de iis om-
nibus, quae identidem evenere,
prorsus omisisse: non equidem mi-
rabitur, si animadverterit, me non
theoricos specialiter Medicos, in solis
speculationibus ad pompam potius,
quam ad utilitatem occupatos allo-
qui voluisse, sed practicos distincte
saniores omnes, utpote illos, quos
solus disputandi gloriosus pruritus
non tangit, sed magis interest ab
iteratis observationibus discere, qui-
busnam signis verisimilius noscan-
tur morbi, quonam speciali ordine
incedant, quibusve tutioribus reme-
diis evinci possint; non omissis ta-
men sanioribus ratiociniis a veridica

magis philosophia petitis, ad eorum-
dem genuinas eruendas causas; quae
quidem paululum tetigisse satis est:
diffuse autem nimis exarare super-
vacaneum penitus existimavi. Ve-
rum, cum huiusmodi morborum fe-
re omnium generalem, praecipuam-
que causam ab Aeris variis con-
ditionibus, seu qualitatibus, juxta
varios anni temporum motus, atque
ob diversas quaslibet alias rationes
occurentibus, plerumque petendam
rationabiliter tunc fuisse indicave-
rim: haudquaquam ignoro, quod
assumpto muneri satisfacere melius
potuissem, si, quotidianis sedulo
habitis aeris, ventorumque identi-
dem flantium observationibus, ac-
curatum contexere diarium curas-
sem, huic operi utiliter adnecten-
dum. Hoc saniores aliqui Auctores
adamussum praestiterunt, perfectis
Thermometris, Barometrisque uten-
tes, quorum ope tutiores ad id con-
ducentes supputationes, aliis non
neglectis, specialiter emergunt. Hu-
juscemodi enim differendi modus,
sicuti in Physicis, ita & in medicis
ratiociniis maxime prodest. Siqui-
dem nemo unquam sanae mentis in-
ficiabitur, easdem fere in nobis ipsis,
tum quo ad solida, tum quo ad flui-
da, pro diversis aeris conditionibus,
mutationes evenire, quas & unde-
cunque in aliis quibuscunque corpo-
ribus occurrere, praedicta praefer-
tim instrumenta testantur. Hinc ju-
re, ac merito perspicacissimus Philo-
sophus Carolus Taglini animadver-
tit, quod (226) *Quotiescunque constitu-
tio, & temperatio aeris immutatur ven-*

V

tis,

tis, ut cum aer ipse sit nubilus, serenus, calidus, frigidus, humidus, aut siccus, nos quoque in nobis, more, modoque thermometrorum, barometrorum, hygrometrorum &c. rationem, & habitudinem nostri corporis nonnihil immutari deprehendimus &c. Idcirco, cum ejusmodi instrumentis rite praeparatis carem, neque sufficiens ad id mihi suppeteret otium: subsecivum hoc opus pro votis sic perficere neutiquam potui. Insuper & de fucosis scribendi lenociniis nil prorsus sollicitus fui, cum satis noscerem, a Medico quolibet praxi vere dedito, aut de ipsa quomodocunque differente, veridicas tantum expeti observationes, non autem eleganti stilo exaratas. Etenim hoc, quo magis formosas ipsas reddit, non equidem veritati magis consonas facit: quod praecipue Clinico Medico necessarium est. Omni namque jure Seneca monet, (227) *Non quaerit Aeger Medicum eloquentem, sed sanantem, sed*

si ita competit, ut idem ille, qui sanare potest, compte de his, quae facienda sunt, differat, boni consulat: non tamen erit quare gratuletur sibi, quod inciderit in Medicum etiam disertum: Hoc enim tale est, quale si peritus Gubernator etiam formosus est. Praeterea, pro totali hujusce operis complemento (228). Non ignoro plura potuisse adjici: verum haec speciminis loco sufficere posse sum arbitratus: Quod si perspexerim laborem meum non displicere, alias forte plura addam. Si non semper rem acutigerim, homo sum, nec humani quicquam a me alienum puto. Non sum adeo opinionum mearum tenax, ut errata corrigere, aut a sententiarum momentis avelli, turpe ducam. Errare Humanum est, in errore perseverare diabolicum. Veritatem quaesivi, & utilitatem. Qui hisce aliquid habeat rectius, candidus impertiatur, si non, hisce mecum utatur.

FINIS.



INDEX

(227) Seneca Epist. ad Lucil. 75. (228) Bartholom. de Moor Cogit. lib. 3.



INDEX

Numeri romani paginas in Dissertatione praevia denotant, alii vero numeros initiales ad quoscunque Paragraphos in toto Opere spectantes.



A



Abscessus varii quomodo fiant, & quare in Pleuritidis remissione 203.

— *In quibus praesertim partibus tunc plerumque eveniant 204.*

— *Cur in una potius, quam in altera parte 205. & 206.*

— *Eorundem sub Axillis, aut in inferiore extrema Thoracis parte erumpentium ratio proponitur 205.*

— *Tum & aliorum, qui procul magis a Pectore erumpunt 206.*

— *Omnes plerumque derepente apparent, atque augentur 206.*

— *Abscessuum istorum ab aliis differentia patet ibid.*

— *De fausto, vel infasto eorundem exitu 207.*

— *Illi qui ad aures consistunt, faustum plerumque omen praeseferunt 208. & 209.*

— *Quibus ad aures fiebant 209.*

— *Qui in infimis partibus, protrac-
to diutius morbo, erumpebant, malum
afferebant omen, & quare 210. 211.*

— *Quando salutes ibid.*

— *Eorum signa praevia 202. 206.*

*Abscessuum extrinsecus, sive intrinsecus
ad aures prodeuntium in Petechia-
lium febrium remissione ratio propo-
nitur 292.*

Aeris actio in humano Corpore 313. 314.

— *Aer Corporis poros subit, atque
cum sanguine commiscetur 119.*

— *Ejusdem actio a recentioribus Phi-
losophis melius explicatur XI. XII.*

*Aestivorum morborum origo plerumque
a tenuiore bile 90. & alibi.*

Alberti Michael 277. 278.

I N D E X.

Anatomia quid ad Theoriam medicam contulerit IX.
 — *Sine praxi ad medendum parum confert IX. X.*
Angina Lymphatica Auctoris; ejus progressus, & curatio 391.
In Angina magis periculosa, aliis incassum adhibitis remediis, cucurbitulae scarificatae utiliter sub mento apponuntur 145.
Animi vehementes passiones gravibus suscitandis morbis idoneae 371.
 — *Ad id specialis observatio in D. Mollo Pharmacopola nostro ibid.*
Apoplexiae lymphaticae observatio, atque explicatio in Perillustri Domina Boccia 104.
 — *Syncopalis, seu cardiacae alia observatio 105.*
Apostematum sive in internis, sive in externis Corporis partibus factorum ratio 102.
Aqua destillata ex glandibus Persicorum maxime prodest, si in ipsa dissolvantur purgantia remedia 81.
Aquilonia vigente constitutione meatus cutis maxime occluduntur, Lymphae copia augetur, atque eodem tempore frigoris particulae aeris corpus permeant 119. 137. & alibi.
Aquilonia constitutio maxime post australem illico occurrens lymphaticos varios morbos facilius progignit 108. 109. 115.
Asthma siccum a polyposis concretionibus in Cordis confiniis 365.
 — *Ad id observationes in Nob. D. Canonico Bettolio, & in Nob. Domina Maria Maffezzola ibid.*
Austrina constitutio aqueas particulas corpori suppeditat: quare copia lymphae inde augetur 119.

Quomodo intelligendus sit Hippocratis Aphorismus: ex anni autem constitutionibus in universum quidem siccitates pluviosae sunt salubriores, & minus lethales 315. 393.

Autumnalium morborum origo praesertim est a crassiore bile; & quomodo ipsi fiant 95. & alibi.

Azygos vena, juxta clar. Lancisium, maxime inservit ad Pleuriticum humorem per excreatum educendum; & quare 176.

— *Sententia haec plurimis difficultatibus obnoxia ostenditur 177.*

B

B *Aglinus cit. pluries.*

Ballonius cit. 223. & alibi.

Balsami de Copaiba vires in Phthysicis praesertim, aliisque Pectoris morbis 196. 199. 200. 225. &c.

Balsamica cur merito in suppurationibus maxime Pectoris conveniant 200. 223. 224. 225. 199. &c.

Bilis actio in humano corpore 299. &c.

— *Sanguinis dissolutioni maxime conducit; quare Petechialis febris tunc Cremonae grassantis ratio ab ipsa distincte sumitur 308. 309. 304. 299. &c.*

— *Aliquando per sudorem educitur 401.*

— *Majore, minoreve in copia vixens, plus, minusve in biliariis emunctoriis consistens, atque ab ipsis varia ratione secedens, juxta occurrentes aeris constitutiones, varias constituit tertianas febres absque*

INDEX.

- que ordine etiam quoquo modo progredientes 398. & alibi.
- Eiusdem magis copiosa secretio quomodo aestivo tempore fiat, indeque aestivi varii morbi producantur 91. 92. 93. 94. &c.
- Crassior fit accedente autumnio: unde autumnalium morborum principium 95.
- Complicatos excuscat inordinatos morbos, juxta diversas corporum dispositiones. Ad id speciales observationes in Nob. Domina March. Aralda 386.
- In Nob. D. Rat. Pedemontano Duce 382.
- In Nob. D. Gaspare Torchio 383.
- In D. Francisco Mutio 380.
- In Nob. D. Alphonso Pavese 389.
- Bertini Pater, & Filius Florentini Medici 145.
- Boerhaavii opinio de modo excretionis puris per Alvum in Empyematicis 201.
- Boyleus Robertus cit. XI.
- De Bregolis Medicus Cremonensis 386.
- Bussaccus Andreas Medicus 199.

C

- C**allostitates cur in specialibus aeris constitutionibus dolores afferant 118.
- Cantharidum vis toti animali oeconomiae infensa 359.
- Quomodo diversos, atque etiam oppositos effectus producat ibid.
- Cardanus Chirurgus Cremonensis 198.
- Cardiacum medicamentum quid vere sit 342.
- Pro primario cardiaco copiosae portiones aquae acidulae habebantur in Petechiali febre a bile distincte tunc

- orta ibid.
- Cardiacae ideo volatilia, & dissolventia incongrua fuerunt ibid.
- Cardiacorum quorundam inutilitas ostenditur ibid.
- Cardiacarum specialium potionum in hac febre actio explicatur 349.
- Potio cardiaca ab Auctore tunc adhibita ibid.
- Alia, dum afficiebantur Nervi ibid.
- Cardialgicae passiones quare sic dictae 46.
- Cassiae usus quando improbandus 341.
- Celsus Cornelius cit. pluries.
- China China specificum intermittentium febrium remedium 35.
- Circa ipsius usum cautiones necessariae ibid.
- Varii modi ipsam exhibendi 36. 37. 38. 39. 55. 56. 57. 58. 59. 76. 83. 84. &c.
- Juxta Desault intermittentes febres evincit, insensibilem perspirationem magis copiosam promovendo 403.
- Haec sententia perpenditur 404.
- Agit roborando fibras, & biliosas excretiones promovendo; quare citius, tardiusve operatur ibid.
- Ipsam propinandi vera ratio 35. 39.
- Si in pulverem redacta quoquo modo exhibeatur, citius, & efficacius agit, quam ejusdem sola tinctura, & quare 405.
- Incongruum plerumque est cum ipsa immiscere remedia purgantia, & quare 406.
- Sic post ipsius usum merito purgantia multoties damnantur ibid.
- Aliquando tamen purgantia sunt neces-

INDEX.

- necessaria, sive ante ipsius usum, sive post ibid. & 68. & alibi.*
- Ideo tunc Rhabarbarum maxime prae caeteris laudatur 407. 37.
- Secus aliquando ipsi adjunguntur adstringentia, & opiata 407. 76. &c.
- Chymia quid contulerit ad Theoriam medicam VII.
- Quid ad praxim VI. VII.
- Licet tum ad praxim, tum ad Theoricam non parum contulerit, Artem tamen perficere non potuit VIII.
- Chymica medicamenta ut plurimum, aut valide agunt, aut inutilia prorsus sunt VI. VII.
- Idque passim ob incongruam eorundem praeparationem ibid.
- Circulationis sanguinis ratio melius a Recentiorum philosophia petitur XVI.
- Cirillus Nicol. laud. 283.
- Clysteres iterati praecipuum fuerunt praesidium in Petechiali descripta febre, ad pleraque evincenda ejusdem symptomata 344. 345. 348. &c.
- Consensus partium imi ventris cum superioribus, atque cum Larynge maxime, & Pharynge explicatur 70.
- Constitutio Autumnalis anni 1733. 80. &c.
- Octobris ejusdem anni 96. 97. 98. &c.
- Novembris, & Decembris 103. 106. &c.
- AEstivi temporis ejusdem anni 1733. 2. 3. 4. 5. 6. &c.
- Ineuntis anni 1734. 111. 112. 113. &c.
- Februarii, & Martii 251. &c.
- Veris ejusdem anni 252. 253. &c.
- AEstatis ejusdem anni 256. &c.
- Autumni ejusdem anni 364. 365. &c.
- Januarii 1735. 365. 370. &c.
- Februarii 372. &c.
- Martii, Aprilis, Maii, & Junii, Julii, Augusti, Septembris, Octobris, & Novembris, ac demum Decembris 373. 374. 380. 384. 387. 390. 391. 392. 393.
- Januarii 1736., tum & Februarii, Martii, Aprilis, Maii 395.
- Junii, & Julii, Augusti, Septembris, Octobris, Novembris, & Decembris 396. 397. 398. 408.
- Contagiosum principium malignantium febrium unde petendum fuerit 376.
- Hoc ab urente quodam spiritu aerem inficiente deduxit Hecquet ibid.
- Quomodo dictae febres per contagium propagari potuerint ibid.
- Non ob verminosum fomitem 377. 378.
- De Copaiba Balsamum cur in Empyematicis, & Phthysicis tam utile evadat 196. 199. 200. &c.
- Tum & Hydropicis 199.
- Tum & in qualibet interna suppuratione sive in Pectore, sive alibi facta, ob praegressum quemlibet morbum 223. 224. 225. 249.
- Corporum animalium partes quaelibet tum intra, tum extra inter se maxime discrepant XX.
- Principia non eadem vere sunt, ac illa quae a Chymicis assignantur VIII.
- Corpora nostra variis modis specialiter afficiuntur, juxta diversas aeris constitutiones.

INDEX.

- stitutiones* 280.
Costa Medicus Gallus 79.
Crises in descripta Petechiali febre
quomodo, & quando fiebant 361.
Cruditus, & coctio tam decantata hu-
morum in corpore quid vere sit iux-
ta Hecquet 332.
 — *Ulterius hoc explicatur ab Aucto-*
re 333. 334.
Cucurbitulae scarificatae quando tunc
utiles evadebant 346.
 — *Earum actio explicatur ibid.*
 — *Quando omittebantur* 347.
 — *Ad externos pleuriticos sedandos*
dolores quoque prosunt; sicuti & in
Angina sub mento appositae 145.
Curtius Barthol. Medicus Mediolanen-
sis 376.
Cutis quorundam morborum, ut Erysi-
pelorum, Petechiarum &c. Theoria
proponitur 101. & *alibi.*

D

- D** *El Papa Joseph Medicus Flo-*
rentinus 299.
Ad delirium sedandum Hirudines Na-
rium pinnis utiliter apponuntur 350.
 — *Tunc quid de venae Jugularis*
sectione sentiendum ibid.
Desault Medici Galli opinio de Phthy-
sis causa, ejusque curatione 200.
 — *Putat Tertianas febres a cohi-*
bita perspiratione pendere 400.
 — *Haec opinio perpenditur* 401.
 402.
 — *Hinc putat Chinam Chinam ha-*
scie febres evincere, perspirationem
insensibilem magis copiosam promo-
vendo 403.
 — *Haec opinio perpenditur* 404.

- Destillationes catarrhales a capite re-*
futantur 116. 117.
Dionis laud. 377.
Divites plerumque pejus curantur, quam
Pauperes, & quare 342. 399.
Dorsi dolor fortis in febribus unde
fiat 7.
Duretus cit. pluries.

E

- E** *Lastica vis in nervis habetur*
maxime XII.
Emeticum cur in Pleuritide lymphati-
co-biliosa conveniat 150.
 — *Qua cautione usurpandum* 152.
 323. 324.
 — *Ante ipsum cur primo mittendus*
est sanguis 29. 149. &c.
Empyematis principium 183. 184. 235.
 — *Quando plerumque fiat, & quo-*
modo cognoscatur 192.
 — *De Puris excreatu veterum Me-*
dicorum sententia refellitur 193.
 — *De hoc Auctor suam proponit*
conjecturam ab observationibus, &
Cadaveribus maxime depromptam,
ibid. 194. 195.
 — *Pus quandoque refluit in mas-*
sam sanguinis, indeque per Renes,
aut per intestina secernitur, atque
excernitur: & quomodo 195. 200.
 201.
 — *Id & in Phthysicis evenit; qua-*
re in utroque casu diuretica conve-
niunt, quae simul balsamica sint
 196. 200. 201. &c.
 — *In hisce autem puris excretio per*
Alvum non aequae prodest 197. 201.
Eunuchi quare obesi sunt, & debiles
 299.

INDEX.

F

F Antonus Medicus 185. 192.

Febres tertianae, juxta clariss. Desault, a cohibita perspiratione ortum habent 400.

— Haec sententia perpenditur 401. & 402.

— Juxta anni temporum vicissitudines vario modo grassantur. Observavimus enim, quod circa AEstivum solstitium exquisitae plerumque simplices vigent, indeque duplices spuriae; prope autumnale AEquinoctium continuae perniciosae, atq; heae ad Vergiliarum occasum inordinatae magis evadunt; quae omnia a variis biliosi humoris conditionibus derivantur 398. &c.

— Continuae aliquando fiunt, quae acutarum mores, & nullam postea periodum servant, & contumacissimae sunt: ut in D. Curtio Torchiana 399. &c.

Febres tertianae exquisitae anni 1733. 9. 10. 18. &c.

— In hisce cur, & quando emittebatur sanguis 11.

— Aliquando Petechiae apparent, & quare 13.

— In accessionis principio urinae cur quasi aquae excernuntur, in remissione vero coloratae 14.

— In hisce quando omittenda sanguinis emissio 15.

— Quando purgans Medicamentum, aut Emeticum propinandum: quando Clysteribus uti expedit 16. 17. 18.

Febris tertiana duplex 19.

— Eiusdem curatio 20.

— Utrarumque causa a bile 20. 21. &c.

— In hisce febrilis rigor, & calor explicatur 21. 22. 23.

Febrem convulsioni supervenire melius est, quam convulsionem febrim 23.

Febrilis motus in hisce maxime suscitatur a bilioso humore, & quare ibid.

— Hoc probant maxime anthysterica medicamenta ibid.

— Harum febrium varius est progrediendi morbus 25.

Febres tertianae spuriae quomodo differant a legitimis 26.

— Istae quoque a bile sunt 27.

— Ipsarum curatio 28. 29. 30. 31. 32. 33. &c.

— In hisce raro emittebatur sanguis 28. 33.

— Quando adhibita sunt solventia, aut emetica 29.

— Ante emetica, urgente plethora sanguis emittebatur, & quare ibid.

— Quando laxantia, & oleosa cum emeticis adhibita 30.

— Inanibus tunc urgentibus vomendi conatibus, calidas copiosas potiones praescripsimus ibid.

— Ratio purgandi in hisce febribus 31.

— Quando Clysteribus utendum 32.

— Ad contumaciores hasce evincendas febres efficax remedium fuit Serum lactis cum infusione Rhabarbari 32.

— Tenax bilis quando prope ventriculum turgeat 33.

— In hisce febribus inutilis prorsus probatur usus pulverum digestivorum, seu alkaliorum 34.

— Mixtura utilis ad consueta harum

INDEX.

- rum febrium symptomata sedanda 38.
- In hisce dejectiones liquidae admodum, seu serosae, parum solutioni febris conferunt 39.
- Haec a tenaci magis bile ortum habent ibid.
- In hisce Chinae Chinae usus ibid.
- Vomitus, Diarrhoea, & cardialgicae passiones quomodo sedantur 38.
- Febris Lypiria 40. 41.
- Quos invadit 41. 397.
- Ejusdem prima accessio, procedendi modus, & remissio 42.
- Secunda accessio, ejusque status, & remissio 43. 44.
- Tertia accessio 45.
- Augmentum, & status 45. 46.
- Summi lypiriae gradus descriptio 46.
- Hujus febris variae observationes 47.
- Ejusdem varii exitus 48.
- Exitus ad mortem 49.
- Observatio specialis 50.
- Symptomata eadem, ac in Iliaca passione 51.
- In utroque morbo Intestinorum inflammatio plerumque evenit 52.
- Post diuturnam diarrhoeam, aut dysenteriam saepe haec febris oritur, ut observavimus in D. Scanzola 53.
- Ejusdem curatio in prima accessione 54. 55.
- In secunda 56.
- Quid agendum in remissione 57.
- Imminentis lypiriae signa in secunda accessione ibid.
- Tunc China China statim propinanda, & quomodo, tum & symptomatibus prospiciendum 58. 59.
- Ad id externa remedia 59.
- Clysteres varii 60.
- Quare simul tunc, & copiosae potiones aquae, & vinum malvaticum convenient 61.
- Quid sentiendum de iis, qui refrigerantia tantum, & diluentia, non autem spirituosae laudant in hac febre 62.
- Tertia ejusdem accessio, progrediendi modus, & curatio 63. 64.
- Tunc iterum China China praescribenda 65. 66.
- Febris haec China China sopita facile pluries recrudescit 67.
- Aut in Chronicos saepe morbos desinit 68.
- Ad haec peculiaris observatio 68. 72.
- In recidivis observationes aliae 69.
- Tunc sunt quandoque Tonsillarum inflammationes 70.
- Ad id specialis observatio in D. Maller Pedemontano 71.
- Quomodo hujus febris recrudescentia praedici queat 73.
- In febribus tertianis contumacioribus an detur certa curationis methodus 74.
- Ad id specialis proponitur methodus Auctori familiaris 75. 76. 77.
- Quare in hisce sanguinis emissio non semper conveniat 78.
- Aliquando tamen summe est necessaria; ut ex observatione habita in Excellentiss. D. Marchione Divi Simonis inter Primates Gallici Exercitus 79.
- Februm tertianarum, & quartanarum, tum & Epidemicorum quorumlibet morborum causa a veterum Medicorum observationibus optime petitur 85. 86.

INDEX.

Febris quartanae curatio proponitur, & primo ope emetici, aut purgationis 81.

— *Secundo ope aperientium* 82.

— *Tertio ope Chinae Chinae, cuius peculiaris utilissima praeparatio Auctori familiaris exhibetur* 83.

— *Dum contumax magis est febris haec, alio modo China China propinatur* 84.

Febres tertianae biliosae simul & lymphaticae 96. 98.

— *Mensis Augusti 1735. & earum curatio* 387.

— *Ipsarum varia indoles, & observationes* 388. 389.

— *Ad id illustris observatio in Nobiliss. D. Pavese* 389.

— *Earundem causa tum a bile, tum a lymphis* 390.

Febres tertianae spuriae ejusdem mensis quomodo curatae ibid.

Febres erraticae mensium Octobris, & Novembris ejusdem anni 392.

Febris Petechialis Cremonae tunc grassantis principium, accessio, & progrediendi modus 254. 255. 256. 257. 258. 259. 260. 261. 262. 263. 264. 265. 266. 305. &c.

— *Ejusdem exitus* 265.

— *Sedes* 304.

— *Faustus, vel infastus exitus unde patebat* 266. 267.

— *Ex Alvi excretionibus* 267. 268. 271.

— *Ex delirio* 268. 269.

— *Perfecta solutio solis biliosis excretionibus aut superius, aut inferius habitis tribuenda fuit* 269.

— *Sudoris excretio raro tunc critica evasit* 271.

— *Idem de urinis verum fuit, qua-*

rum consideratio proponitur 272.

— *In novo hujusce febris ingressu quid actum fuerit, & quid agendum* 305. 319.

— *Febris haec Veris tempore anni 1734. grassari primo coepit* 250. *inde vario modo progrediens usque ad sequentem annum protracta est* 252. 387.

— *Febres ejusmodi vel a coagulatione, vel a dissolutione oriuntur* 306.

— *Haec autem a dissolutione potius oriebatur* 307.

— *Ejusdem dissolvens principium a bilioso humore* 308. 309. 310. 316. 317. 305. 306. 307. &c.

— *Hinc tertianarum febrium indolem aemulabatur* 309. 310. 311. 312. 376. &c.

— *Unde orta fuerit, atque praesertim a praegressa siccitate* 313. 314. 315. 316.

— *Ejusdem causa distincte in Abdomine quaerenda* 348.

— *Quinam facilius ab hac febre corripiebantur* 310.

— *Ejusdem curatio* 319. 344. 345. 346. 357. &c.

— *Et primo per purgationem aliquando* 320. 324. &c.

— *Secundo per sanguinis emissionem, & quare, & quando* 320. 322. &c.

— *Quando hisce duobus praesidiis tunc utebatur Auctor* 321.

— *Et praesertim purgatione* 319. 321. 336. &c.

— *Emetico; post cuius usum, dum graviores stomachi passiones aderant, quid utiliter actum fuerit* 339. 324.

I N D E X.

- Ante purgationem merito sanguis primo mittebatur 324.
- Validioribus tunc omiffis purgantibus, quatenus in usum revocata fuerint 325. 326. 327.
- Post purgationem quid actum fuerit 328. 342. &c.
- Praeter haec iteratae corporis frictiones universales utiles fuisse, & quare 347. 348.
- Undenam, de totali hujus febris solutione minus timendum 361.
- In ejusdem remissione quando adhibuit purgans ibid.
- Quid Auctor intellexerit nomine malignantis hujusce febris 303. 304. 299.
- Ejusdem causam a verminoso principio aliqui derivabant 375.
- Quid de hoc Auctor sentiat 376.
- Causa remota non immerito ab eodem fonte derivanda, a quo rubiginis principium tunc emanavit 385.
- Quomodo febris haec vario modo grassabatur ineunte anno 1735. & qui tunc moriebantur 373.
- Ad id specialis observatio in Nobiliss. D. Manna ibid.
- Alia observatio in Nobiliss. D. Equite Roncadello 376.
- Aliae ultro observationes 381. 382. 383.
- Ab hac febre Religiosae praesertim immunes maxime fuerunt 375.
- Febres malignantes lymphaticae Autumnales 364.
- Quibus symptomatibus stipatae 366.
- Qui moriebantur 367. &c.

- Hyemales 370. 372. &c.
- Circa hasce, observationes variae 370.
- In hisce eductus sanguis pleuriticum corticem ostendebat 370. 372.
- Febres synochae anni 1735. 384.
- Forestus cit. 277. 279. 203.
- Frictionum universalium, & inunctionum mira utilitas in Petechialibus febribus 358. 351. 360. 347. 348.
- Freind clariss. cit. 300. 350. &c.

G

- G** Abellus Franciscus Maria Medicus Cremonensis 199.
- Primitius Medicus ibid.
- Franciscus Medicus Junior ibid.
- Gallaratus Augustinus, ejusdemque observationes circa Petechialem recensitam febrem 300.
- Gangraenae, quae ibi fiunt, ubi vescicantia apponuntur, non sunt malignantium humorum effectus 359.
- Gangraenae in Apice Nasi, atque extremitatibus Pedum observatae inenarrata Petechiali febre 370.
- Haec, quibus facilius eveniebant ibid.
- Gutta rosacea, seu morphaea rubra, ejusque causa 203.

H

- H** AEmorrhagiae narium copiosae in Petechiali febre criticae aliquando fuerunt 278. 300.
- Quandoque tamen inordinate, atque

I N D E X.

atque interpestive fluens sanguis
mali ominis fuit 278.

Hecquet Medicus Gallus citat. pluries,
& maxime 283.

Hirudines naribus utiliter appositae in
Petechiali febre, ad graviora capi-
tis sedanda Symptomata 350.

Hoffmannus Frid. Medicus Germanus
cit. pluries.

Humor, qui post apposita vesicantia
exit, quid vere sit 359.

Humorum quatuor existentia in Animali
corpore non bene a Veteribus explica-
ta, quomodo juxta Recentiorum opi-
niones intelligi melius possit 85.
86.

—— Ex hisce quomodo singulos,
juxta varias anni tempestates, specia-
le sortiri dominium, arbitrari merito
possimus 87.

—— Primo de lymphae dominio,
unde generalis hyemalium morborum
theoria desumitur 87. 88. &c.

—— Secundo de sanguinis domi-
nio, unde Vernales morbi derivan-
tur 90. &c.

—— Tertio de Bilis dominio, ubi
de morbis aestivis agitur 91. 92.
93. &c.

—— Quarto de Bilis crassioris in-
dole, seu de melancholico humore,
juxta Veteres, unde autumnales oriun-
tur morbi 95.

I

Jacotius Desiderius cit. pluries.

In icteritia remedia adhibita 368.

—— Observationes 369.

—— Eiusdem Theoria 94.

Idea totius huiusce Operis XXII.

XXIII. XXIV.

In Iliaca passione cur Intestinorum in-
flammati eveniat 51.

In inflammationibus internis quibusli-
bet non semper incrassantia, & at-
temperantia prosunt 62.

Ischuria in Petechiali enarrata febre
familiaris, praesertim post adhibita
Vesicantia 300.

—— Alio modo etiam, ob alias cau-
sas, imminuebatur tunc maxime
urinae fluxus ibid.

Judicium in Medicina difficile, maxi-
me si de remedium actione in ani-
mali corpore differere velimus 214.
355. &c.

Jugularium venarum sectio frustranea
credita, ad graviora capitis sedanda
Symptomata in Petechiali dicta fe-
bre 350.

Julapia, aliave ejusmodi remedia ex
saccharo, aut melle parata, frustra-
nea sunt ad exscreatum promovend-
um in Pectoris morbis; alia tame
ratione aliquando prosunt 166.

K

Keilii Jacobi opinio de frigoris
suscepti causa 119.

—— Putat ipse frigorificas quasdam
aeris particulas hyemis tempore ma-
xime vigentes, atque in Corpus in-
sinuatas, hyemales maxime suscita-
re morbos 137.

—— Sententia haec allatis supra ratio-
ciniis nostris non opponitur 119.

Knips-Macoppe 127. & alibi.

INDEX.

L

L Abiorum scissurae, & Narium
quomodo haberi possint pro certo
signo discessurae febris Tertianae
70.

Lancisus Medicus 176. &c.

Libri Theorici in Medicina nimis abun-
dant, practici vero utiles maxime
desiderantur XXI.

Louwer Medicus 242.

Lympha, quare Hyemis tempore ma-
jore in copia vigeat, atque peculia-
res suscitet morbos 88.

— Si una cum bilioso humore domi-
netur, inordinatas tertianas febres
excitat 96.

— Cur in australi maxime constitu-
tione, aquilonari postea subsequente,
graviores excitet morbos 115. 116.
88.

— Quomodo ejusmodi morbi fiant,
explicatur 100. 101. 102.

— Quare stagnet vitio sanguinis 386.

M

M Alignitatis nomine, quid vere
intelligendum fuerit in Pete-
chiali enarrata febre 303.

Malpighius cit. pluries.

Marenchi Pater, & Filius Medici Cre-
monenses 199.

Marosticus Medicus Cremonensis 269.

Masinus quondam Medicus in Nosocomiis
Pedemontanorum Cremonae 367.

Mazzinus Professor Medicus Patav.
359.

Mazzucchellus Medicus Mediolanensis
378.

Medicina vere utilis, praeter saniora,
ratiocinia, ab observationibus ma-
xime petenda est XXI.

— Quondam contempta I.

— Ob Medicorum imperitiam con-
temnitur III.

— Eiusdem progressus impedimenta
II. III.

— Difficilis admodum V.

— Ad ipsam quid contulerit Chymia
VI. VII. VIII.

— Quid Matthesis XX. XXI.

— Quid Anatomia IX. X. XIII.
XIV.

— Quid Philosophia X. XI. XII.
XIII. XIV. XV.

— Quid Optica XIII. XIV.

— Ad ipsam perficiendam, praeter
haec, praxis distincte requiritur XV.
XVI.

— Quomodo Theoria cum praxi jun-
genda sit XVI. XVII. XVIII. &c.

— Circa Theoriam monitum XVII.

— Ut Medicina ad pristinum redu-
catur decus quid requiritur IV. V.

Medicamenta maxime, non ratiocinia
sanant homines XVIII. &c.

In Medicina iudicium difficile 214.

— ad ipsam quantum conferat pra-
xis XXI. XXII.

Medicorum praestantia a solis morbo-
rum eventibus male iudicatur I. II. III.

— Quid in Medico requiratur IV.

— Antiquorum, & Recentiorum stu-
dia, atque observationes usque in hunc
diem Medicinam non perfecerunt VI.

— Sciolorum quorundam delineatio ab
Hecqueto proposita XIX.

— Quid Medici in observationibus
agere debeant XXII.

Medicus esse debet Naturae auditor as-
siduus 319.

Medici

I N D E X.

*Medici nomine quidem multi, reipsa
perpauci IV.*

Melancholicus humor quid sit 95.

*Migliavacca Pater, & Filius Medici
Cremonenses 199.*

Mixtura Stomatica Auctoris 38. 58.

*Morbi omnes plerumque ad triplicem re-
ducuntur classem XXII.*

—— *Eorum immediatae verae causae
prorsus latent 317. 318.*

*Morgagnus Anatomicus Primarius Patav.
176.*

Moor Bartholom. cit. X. XX. &c.

Musculorum actio juxta Recentiores XIII.

N

N *Arcoticorum praeproperus usus in
Lypiria damnatur 56.*

*Natura est optima morborum medica-
trix 319.*

—— *Ex se crises molitur 343.*

—— *Ipsius actiones temere pervertit
Medicus nimis operosus ibid.*

—— *Ipsi conforme magis est paucis,
& simplicibus remediis uti 222.*

O

O *bservationes primum fuerunt, &
erunt semper medicinae funda-
damentum, tum & tutioris cujusvis
ratiocinii XVI.*

—— *Ipsae tamen absque congruis ra-
tiociniis Medico sufficere nequeunt XVII*

*Oedematosi Pedum tumores post Petechia-
lem febrim occurrentes explicantur
296. 297. 298.*

—— *Iis facilius tunc occurrebant,
quibus copiose magis sanguis eductus*

*fuerat, aut contumax evenerat diar-
rhoea 298. 299.*

*Oleum amygdalarum dulcium quid vere
egerit in Petechiali dicta febre 341.*

—— *Quando merito tunc exhibi-
tum fuerit 344. 345.*

*Optica quid ad Theoriam medicam vere
conferat XIII.*

—— *Ad Praxim XIV.*

P

P *ectoris morborum ineunte anno
1734. grassantium causa 115.
116.*

—— *In ipsis sententia fluxionis a
capite refellitur 116. 117.*

—— *Hisce quare facilius afficieban-
tur illi, qui conformes alias morbos
passi fuerant 118.*

—— *Eorundem differentiae ab
affecta parte petitae 119.*

—— *Alii grassantes mense praefer-
tim Decembris 1733., quos plerum-
que invadebant 107.*

—— *Quare ab iis facilius, &
gravius afficiebantur tum Rustici, tum
Milites 108. 109. 110. &c.*

Pedrattus Medicus Cremonensis 367. 394

*Perniones cur Hyemis tempore occurrant,
Pueros maxime afficiant, & quomodo
fiant 140.*

*Petechiae in Petechiali dicta febre in-
faustum omen afferebant 279. 300.*

—— *Tertianas etiam febres aliquando
comitantur 13. 288.*

—— *Alias criticae evasere, asserente
clar. Ramazzino 280.*

—— *De hujusce Auctoris opinione quid
sentiendum 281. 290.*

—— *Medicorum quorundam cautiones ad
Pete-*

INDEX.

- Petechias promovendas in hisce febris* 282.
- *Contra ipsos Auctor invehitur* 285.
- *Quid vere ipsae sint* 281.
- *Juxta Hecquet* 283.
- *Juxta Cirillum, Villisium, & Homobonum Pisonem* 283. 284.
- *Ipsas explicat Auctor, exemplo desumpto ab Echymosis in cute ortis prope vulnus a Phlebotomo inflictum pro detrahendo sanguine* 285.
- *Sive dum cutis aliquo modo comprimitur* 286. 287.
- *Earum eadem est ratio productionis, ac aliarum fere macularum, quae in scorbuticis sunt* 287.
- *In quo istae ab aliis vere differant* 288.
- *Genuinae quomodo fiant* *ibid.*
- *Non oriuntur a prava humorum qualitate, maligna dicta* *ibid.*
- *Ad ipsas promovendas, qui incisivis, & volatilibus utuntur remediis, morbum plerumque augent* 289.
- *Earundem occasione, stases quoque in internis partibus sunt* *ibid.*
- *Earum colores varii explicantur, qui quidem a malignitate, ut ajunt, febris causa non sunt* 291.
- Per Peyerianas Intestinales glandulas aliquando, ope remediorum purgantium, Lymphae fluxus ad superiores partes praepeditur, & quare* 70.
- Phthisis origo, & explicatio juxta Desault* 200.
- *In ejusdem curatione, sicuti & in internis aliis plerisque morbis, causae primariae magis, quam effectibus, seu symptomatibus attendere debet Medicus prudens; unde balsamica praecipue magis, quam alia remedia conveniunt* *ibid.*
- *Quare in hoc morbo facile diarrhoea eveniat* 201.
- *Hujus morbi solutio, pure cum urinis prodeunte, ut in Nob. D. Com. Rebuffo* 197.
- *Alia ad id observatio in Domina Verzuma, cui maxime tunc profuit Balsamum de Copaiba* 199.
- *In hoc morbo temere reprobatur usus Balsami de Copaiba, quod quidem ipsi merito convenit* 200.
- *Attamen, praeter hoc Balsamum, non omittenda sunt nutrientia, attemperantia, aliaque remedia, quae symptomatibus sedandis conferant* *ibid.*
- Philosophia Medicinae parens, si Theoriam spectes, non vero Praxim* X.
- *Recentiorum Medicinae quantum contulerit* XI. XII. XIII. XIV.
- Piso Homobonus* 13. 284. 288. 359.
- Pleuritidum omnium generalis divisio in Lymphaticas simplices, Lymphatico-sanguineas, Lymphatico-biliofas, & sanguineas simplices* 119.
- Pleuritis Lymphatica simplex, quomodo ab aliis differat, quomodo procedat &c.* 120.
- *Quos plerumque invadebat* *ibid.*
- *Ejusdem curatio* 121.
- *Lymphatica spuria; quomodo ab aliis distinguenda, quomodo curanda* 122.
- *Inunctiones in hisce morbis plerumque frustraneae: quod si heae convellant, quomodo adhibendae* *ibid.*
- *Hujusmodi Pleuritidum alia species magis funesta* 123. 124.
- *Ad id observationes in cadaveribus habitae proponuntur* 124.
- *In hisce cur sanguinem largius expediat*

INDEX.

- pediat mittere* 125.
- *Hisce associantur concretiones polyposae in vasis* *ibid.*
- *Aliquando comitem habent inaequalitatem pulsus in alterutra parte: & quomodo id fiat* 126. 127.
- *Eadem ratione fiunt quandoque in alterutro ex brachiis dolores, tremores, atque oedematosi tumores; & quare* 128.
- *Ad id specialis observatio in Nob. D. de Mussis* *ibid.*
- Pleuritica crusta in educto sanguine in huiusmodi Pleuriticis semper apparebat* 129.
- *Quanti facienda sit tempestiva istius crustae apparitio* 130.
- *Crusta haec in quamam vere Pleuritide appareat* 131. 132.
- *Ista tum in hac Pleuritide, tum in lymphatico quovis morbo, ac maxime in Rheumatismo videtur* 132.
- *In ejusmodi tamen Pleuritide semper, & necessario, plus minusve occurrit, & quare* 133.
- *Non autem in Pleuritide vera sanguinea* 134.
- *Hinc emergunt congrua tutiora signa ad distinguendam sanguineam Pleuritidem a Lymphatica* 135.
- *Praedicta crusta in sanguine detracto apparens eadem est, ac illa, quae Pleuram, & Pulmones in hisce morbis obsidet, eademque ac glutinosa lymphilla illa, quae concretiones polyposas dictas efficit* 136. 137.
- *Quod haec crusta a glutinosa vere lymphilla fiat, satis testantur peculiare observationes in emissio tunc sanguine habitae* 138.
- *Probatur hinc, quomodo ab eadem causa concretiones dictae in vasis fieri soleant* 139.
- *Sydenhamii sententia, atque animadversiones circa hanc crustam proponuntur* *ibid.*
- *Ad ejusdem causam referenda etiam est specialis conditio Aeris: quod probatur exemplo Pernionum: unde hinc aliae ejusdem Sydenhamii observationes, & ratiocinia de hisce exhibentur* 140.
- *De hisce quid Auctor sentiat* 141. 142.
- In Pleuritide huiusmodi, & aliis, ex hisce probatur cur sanguis pleno gurgite sit mittendus* 142.
- *Ad id Pitcarnii opinio de emittendo sanguine ab opposita parte* 143.
- *Ad id Hollerii sententia, dum Vesalii oppositam opinionem evertit* 144.
- *Ad id Auctoris sententia, qui & de ratione emittendi insuper sanguinem ex Pede differit, tum & de usu cucurbitularum* 145.
- *Sanguinis inde emissio tanquam praecipuum auxilium probatur, dummodo tamen nimium liberaliter non administretur: ubi & reliqua huiusmodi Pleuritidum curatio, ope aliorum remedium distincte proponitur* 146.
- Pleuritis lymphatico-biliosa* 147.
- *In hac emissus sanguis flavam, aut flavo-virentem crustam exhibet* *ibid.*
- *Hinc sputa, & lymphaticae internae concretiones, & supradicta crusta ejusdem esse penitus indolis reperiuntur* *ibid.*
- *Unde haec Pleuritis oriri soleat, quos facilius invadat, qua ratione procedat* *ibid.*
- *In hac quomodo biliosus humor in Pectore consistat* 148.

Ejusdem

INDEX.

———— Eiusdem curatio proponitur;
 & primo per sanguinis emissionem,
 indeque per Emeticum 149.

———— Quandoque exhibito emetico
 symptomata quaeque remittunt, &
 quare 150. 151.

———— Non omnibus tamen eadem
 methodus semper convenire poterat
 152.

———— Reliquae curationis ratio pro-
 ponitur 153.

———— In hoc morbo distincte quae-
 nam plerumque symptomata attende-
 bantur ibid.

———— Cur gravius saeviret 154.

———— Verum Pleuritis haec, sicuti
 & aliae, non eodem modo in omni-
 bus semper saevit, sed habita ratio-
 ne diversae partis, quam distincte
 in Pectore obsidet, varia ratione
 progreditur 155.

———— Signa ad dignoscendas lym-
 phatico-biliosas stases in Pulmonibus
 specialiter factas 156.

———— Hinc Pulmo affectus plerum-
 que Pleurae fortiter alligatur ibid.

———— Circa huiusmodi adhaesiones
 Pulmonum cum Pleura observationes
 exhibentur 157.

———— Hinc patet cur Pulmo sensus
 particeps specialiter esse possit, con-
 tra Veterum opinionem 156.

———— Dictae adhaesiones Pulmonis
 cum Pleura quomodo inter se diffe-
 rant: cum aliae fiant in decursu mor-
 bi, aliae vero antea existant 157.

———— Quae ante morbum existunt,
 quatenus vere sint 158.

———— Explicatur ultro, cur in hisce
 morbis aliquando crusta pleuritica ap-
 pareat, aliquando vero non 157.

———— Praedictae adhaesiones natu-

rales, seu ante morbum habitae nihil
 respirationi officiunt 158. 159.

———— Circa hasce, observationes pe-
 culiaries habentur 159.

———— In Pleuritidibus hisce, & aliis
 etiam, juxta Pulmonis partem spe-
 cialiter affectam, varia eveniunt
 symptomata, variique exitus 161. &c.

———— Si Pulmonum intima substan-
 tia laeditur, sive superius, sive in-
 ferius, quid eveniat 162.

———— Ad id varia ex sputis signa
 proponuntur, quae tum ad diagno-
 sim, tum ad prognosim in hisce mor-
 bis quammaxime conferunt ibid. &
 a 163. ad 170.

———— Circa stasim extra Pulmones
 in hisce morbis factam variae, & pe-
 culiaries observationes proponuntur 171.

———— Hinc varia alia suscitabantur
 symptomata, si extrema Pulmonis pars,
 sive superior, sive inferior afficiebatur,
 sive in parte cava &c. 172.

———— Circa stases in Pleura ipsa fac-
 ctas propriae extant observationes 173.

———— Tunc humor pleuriticus quan-
 doque ad intercostales musculos, aut
 aliter ad externas partes, sub inte-
 gumentis, permeabat ibid.

———— Stases variae aliquando fiunt
 inter appendices membraneas Pleu-
 ram cum Pulmone vincientes 174.

———— Ob lymphaticas hasce, aut
 lymphatico-biliosas stases quovis mo-
 do factas, absque ulla stagnatione
 sanguinis, suppuratio nunquam subo-
 ritur; unde & facilius solvitur ple-
 rumque morbus ibid.

———— Maximum tamen inde vitae
 periculum imminet, ob concretiones
 pseudo-polyposas in confiniis cordis
 factas 180.

I N D E X.

- Caeterum quocunque modo stas extra pulmones consistat, non tam facile est captu, quomodo Pleuriticus humor subire Pulmones possit, ut inde per excreatum educatur. Ad hoc tamen variae proponuntur conjecturae magis verisimiles, partim ab auctoritate, partim ab Anatomia petitae a 174. usque ad 179.
- Ad concretiones quod spectat Polyposas, seu Pseudo-polyposas, explicatur cur heae potius in venis, quam in Arteriis, in dextero potius cordis sinu, quam in sinistro fierent, & facilius 180.
- In Pleuritide vere sanguinea, aut mixta, stagnante quomodocunque sanguine, aut effuso, suppurationes plerumque fiunt 181.
- Si suppuratio in Pulmonis intima parte fit, facilius per excreatum educitur ibid. & 190.
- Secus evenit, si Pus in folliculo omnimode clausum sit, ad quod specialis affertur observatio 182.
- Si Pus diutius in Pulmonibus, quam par est, consistat, ulcera ibidem occurrunt, atque inde Phthisis 181. 191.
- Si Pus per excreatum educi immediate nequeat, refluit in sanguinem, atque cum ipso in circulum agitur, unde & ad Bronchia transire aliquando potest 183. 184.
- Dum Pus in sanguinem refluit, exacerbatur febris 191.
- In quacunque ex hisce Pleuritidibus, si Pus ad bronchia aditum non obtineat, ut per excreatum prodeat, atque secus in cavitationem Pectoris effundatur, Empyema suboritur statim 184. 185. 235.
- Ad suppurationes dictas dignoscendas congrua proponuntur signa 185. 186. 187. 188. 189.
- Pus extra Pulmones consistens per appendices dictas, ipsos cum Pleura vincientes, Bronchia aliquando subit, & per excreatum educitur 190.
- Pus aliter, aut in cavitationem Pectoris effunditur, aut externas subit Pectoris partes, aut ad remotas alias etiam demittitur 191.
- Pus plerumque quando in cavitationem Pectoris tunc facilius effundatur, verisimilius explicatur, propriisque signis ostenditur 192.
- Agitur de modo, quo Pus in cavitatione Pectoris consistens Pulmones subire possit, & primo Helmontiana ad id opinio proponitur 193.
- Propriam ad id sententiam Auctor explicat, dum putat, purulentam hanc materiam aut a laceratis Pulmonibus exsugere, aut in sanguinem refluere, ut postea Pulmones subeat 193.
- Primum verisimilius explicatur, & facilius 193. 194.
- Secundum impossibile non est, licet difficilius quidem 195.
- Secundum probatur, cum aliquando Pus usque ad Renes, & Aluum tendat 195. 196. &c.
- Hinc explicatur Hippocratica illa sententia: suppuratis a Pulmone pus per ventrem secedere lethale 201.
- Explicatur modus, quo Pus a cavitatione Pectoris ad Aluum tendere possit, quare ad id clar. Boerhaave sententia perpenditur 201.
- Dum Pus in sanguinem refluxum ad Pulmones nequit tendere, neque per Renes

I N D E X.

- Renes, aut Aluum eliminari, variis in partibus consistit, atque abscessus efficit varios* 202. ad 211.
- *Desumpto ab hisce abscessibus ratio- cinio, atque ab eorundem fausto ali- quando exitu, Clinici plures Medici cum Baglivio necessaria, & quidem maxime utilia censent Vesicantia, in- ferioribus partibus admovenda in hi- sce morbis* 212.
- *Sententia haec de vesicantium usu per- penditur, & refellitur a* 213. ad 222.
- *Puris refluxum in sanguinem indi- cant dolores in articulis vagi &c.* 206.
- *Quo ad curationem istarum Pleuri- tidum emollientia, & laxantia, tum interna, tum externa caeteris pal- mam praeripere ostenditur, sicque tota curationis reliqua ratio breviter exponitur* 221. 222. 223. 224. 225.
- Pleuritides sanguineae verae ad dupli- cem reducuntur pariter classsem; ad eas nempe, quae in Pulmonibus consi- stunt, atque ad alias, quae extra; In- super aliae Erysipelatodes, aliae Phleg- monodes dici merentur* 226.
- *Per quid differant istae a Lympha- ticis* 227.
- *Sanguinearum huiusmodi Pleuriti- dum principium proponitur, atque explicatur* 228.
- *Quare haec potius, quam lymphati- cae simplices, aut aliae dictae mix- tae, datis temporibus occurrant* 228. 229.
- *Quare unum potius, quam alte- rum corripiant* 229. 230.
- *Signa eas dignoscendi, & maxime ex sputis, dum ipsarum veridica im- mediata simul causa exhibetur* 230. 231.
- Pleuritis Erysipelatodes describitur, & ejusdem causa* 232.
- *Signa, ut pateat, utrum ipsa in Pulmone consistat, an extra ipsum* 233.
- *Ejus exitus* 234.
- *In ejusdem curatione praeci- puum remedium est sanguinis emissio, indeque laxantia quaeque tum inter- na, tum externa conveniunt* 234.
- Pleuritis Phlegmonodes vera plerumque in Pulmonibus ipsis consistit* 235.
- *Duplici modo solvitur* ibid.
- *Ejusdem signa tum ex decubitu, tum ex sputis &c.* 236.
- *Citius, quam aliae, ut plurimum ad exitum tendit, modo per suppuratio- nem, modo secus, nunc fausto, nunc infasto omine* 237.
- *Ad id speciales observationes Nob. Dom. Teresiae Cazzanighae* 238.
- *Rev. Religiosae, & R. Patris Cor- rectoris Minimorum* 394.
- *In hac Pleuritide quae sint fausti ominis signa* 239. 240.
- *Non raro dum ad remissionem ten- dit, nova facta suppuratione, recru- descit* 240.
- *Quomodo recrudescencia haec prae- nosci queat; dum laudabiliora simul puris signa proponuntur* ibid.
- *Signa alia ad cognoscendam spe- cialiter futuram suppurationem, ejus- demque quaslibet vicissitudines* 241.
- *In hac Pleuritide quid specialiter observatum fuerit* ibid.
- *Quandoque lymphae etiam stases subsequuntur* 242.
- *Tunc ideo Pleuritis sanguineo-lym- phaticam naturam profert, ex propriis signis attendendam* 243.
- *Sanguineae Pleuritidis curatio pro- ponitur, omissa purgatione penitus, per*

INDEX.

- per sanguinis emissionem, frictiones, fomenta, anodyna remedia &c. 244. 245. 246. 247. 248. 249. 250.
- Pleuritidis hujusce exitus duplici tantum ratione habetur: nempe aut per resolutionem, ut ajunt, aut per suppurationem, sicuti & in externis Phlegmonibus evenire adnotant Chirurghi, a quibus ideo & in internis curationibus genuina ratio est desumenda 244.
- Primo itaque quaerenda resolutio: sin minus suppuratio promovenda 247. 248.
- Improbatur hinc illorum methodus, qui large nimis sanguinem in hisce morbis emittunt 246.
- Suppuratione facta, ad Puris excretionem promovendam quomodo attendendum 249.
- Qua ratione purgatio usurpata fuerit 328.
- Purgationem initio acutorum semper condemnandam esse aliqui putant 329.
- Praecipue ex Hippocratis Aphorismis, quia deest humorum debita coctio 330. 331. 334.
- Explicatur quid vere sit haec coctio, & cruditas 332. 333.
- Aliae contra purgationem objectiones proponuntur, & solvuntur 340. 341.
- Oleum amygdalarum dulcium tantum ad id frustra adhibitum in Petechiali dicta hac febre 341.
- Purgantia leviora tunc in usum revocari consueverunt, & quam ratione 334. 335. 336. 337.
- Purgantia haec equidem tunc ut plurimum necessaria maxime fuerunt 338.
- Emeticum quoque propinandi ratio 338. 339.

- Quaenam, omisso emetico, mala occurrerent, quando illud morbus postularet ibid.
- Remittente hac febre quam ratione purgatio adhibita fuerit 361.
- Practicus bene expertus Medicus, absque ulla Theoria quandoque Aegrotis satis utilis reperitur XVIII.
- Praxis medica sine Theoria, neque Theoria sine praxi medico Clinico sufficiunt, sed utraque simul requiritur XVI. XVII. XVIII. XIX.
- De Purgatione, & venae sectione in Petechialibus febribus cautela Clinicae 300. 320. 321. 322. 323. 324. 325.
- Puris cum urina excretionis observatio peculiaris in D. Parravicino, qui abscessu in Brachio laborabat 198.

R

- R** Aina Medicus Taurinensis 79. 386.
- Ramazzinus cit. pluries. Eiusdem observatio de critica, ut ipse ait, petechiarum excretionem in Petechiali febre 280.
- Recidivae tertianae febres quomodo praenoscendae 73. &c.
- Recrudescentium facile post diuturnum tempus morborum Pectoris ratio proponitur 118.
- Rhabarbarum Chinae Chinae admixtum quantum tertianis febribus prodesse possit 37. 407.
- Rheumaticarum quarumlibet affectionum Theoria 100. in hisce purgantia aliquando utilia 391.
- Earundem series 99.
- Procedendi modus, & curatio 103.

INDEX.

Autumno anni 1733. grassantium causa 96.

Ineunte anno 1734. grassantium III. 112.

Earum causa 116.

Rinaldus Chirurgus Pedemontanus, ejusque mors 381.

Robusta corpora & facilius, & gravius Pectoris morbis laborant 90.

Rubigo segetum anni 1735. 385.

S

Sauctorius cit. pluries.

Sanguinis emissio in morbis caute est semper usurpanda 322. 321.

Nimis liberalis in morbis Pectoris damnanda 246.

Ita & in Petechialibus febribus, & quare 298. 299. 300.

Stillicidium e naribus malum in his protulit omen 278.

Sanguinis retardatum motum, ejusdemque stagnationes, lymphae quoque stagnatio, aut effusio subsequitur in Pectoris maxime morbis, tum & in aliis etiam 242. 386.

Scorbuticorum maculae quomodo fiant, & cur differant a Petechiis 287.

Semen, praeter generationis negotium, quid agat in Corpore 299.

Signa ad praenoscendam futuram suppurationem in Pectore 187. 188. 189.

Suppurationis factae 186. 189.

Non omnia tamen semper eadem sunt 190.

Silva Joannes Baptista Medicus Gallus 350.

Solida in Corpore nostro attendenda maxime semper sunt a Rationali Medico, maxime si verum sit, juxta Hecquet,

quod ipsorum vis ad vim fluidorum sit ut 1000. ad 1. 295. 296.

In gravioribus morbis, ut in convulsionibus, Phrenitide, rigida magis, & elastica evadunt, & remittente morbo laxa fiunt; unde corporis robur primo augetur, & postea decrescit 296.

Sonsis Jo: Medicus Cremonensis 102. 269. 371. 374. 389.

Sputa quomodo faustos, vel infastos morborum Pectoris exitus praedicere queant 239.

Quo citius apparent, eo magis morbum breviant 162.

Quomodo sanguinolenta evadant 163.

Anacatharsis quomodo promovenda 163. 164.

Ad id emollientia tum interna, tum externa prosunt 164. 165.

Ad id Julapia, aut alia hujusmodi non modo inutilia, verum & nocua sunt 166.

Ad id Sperma Ceti cum camphora prodest 167.

Sputum initio morbi pauca bile tinctum quid indicat: tum si bile admodum jaturatum, aut aeruginosum sit 168. 169.

Si stasis extra Pulmones consistat, sputa nil certi proferunt 170.

Stasis lymphatico-biliofa, sic & alia quaecvis, si Pulmones occupet, facilius, citiusque solvitur, quam si extra Pulmones quomodolibet consistat 175.

Si in Pleura lateat, quam ratione per exscreatum educiqueat 176.

Ad id sententia clariss. Lancisii perpenditur 176. 177.

Alio modo id melius explicatur 178. 179.

Surdi-

INDEX.

Surditas in Petechialium febrium remissione occurrens, cur faustum proferat omen 294. 295.

— *Quomodo tunc fiat, ubi & bombi, & tinnitus ratio proponitur* 292. 293. 294.

Sydenhamius cit. pluries.

— *Ejusdem opinio de origine pleuriticae crustae in superficie emissi sanguinis apparente* 139.

T

T *Aglini Carolus* 409.

Temperamentum cujusunque hominis est morbus, seu specialis ad aegrotandum dispositio 231.

Theoricae subtiliores speculationes nimis abstractae, sicuti mentem maxime alliciunt, ita Medicum a practicis necessariis observationibus maxime avertunt XVII.

Theoricus excellens Medicus absque congrua praxi, quo magis est doctus, eo minus Aegrotis prodest XV.

Ad Theoriam medicam quid Chymia contulerit VII. VIII.

Theriaca extrinsecus adhibita in Pleuriticis doloribus parum utilis, quibus ideo fomenta, & frictiones magis prosunt 122.

Tonsillarum inflammationes post tertianas contumaciores febres quomodo fiant, & quid indicent 70.

— *Ad id specialis observatio in D. Maller Pedemontano* 71.

Torti Franciscus Medicus 41.

Tournefortius Medicus Gallus 359.

Tozzi Lucas 123.

Tumores faciei, manuum, brachiorum, in Petechiali febre quare fiebant 296.

— *Pedum eadem occasione facti explicantur ibid. &* 297.

— *Isti cur in Plebeis potius, & Militibus fiebant, maxime post diarrhoeas contumaces, aut post copiosas nimis sanguinis emissiones* 298. 299.

V

V *Allesius cit. pluries.*

Vallisnieri 359.

Vermes per vomitum, & per Aluum ejecti in Petechiali febre 270.

Vermiculorum in sanguine suppositorum sententia perpenditur, ibique probatur illorum apparentes motus plerumque nihil aliud esse, quam perturbatum motum particularum sanguinem constituentium 377. 378.

— *Istorum sententia ad contagiosos explicandos morbos* 375.

— *Sententia haec, juxta celeberr. Medicum Curtium, Pestis quidem verae causam respicit, non autem Petechialium, aut epidemicorum aliorum morborum* 376.

— *Quaenam verisimilis statui possit ratio in Petechiali dicta febre ad contagium explicandum ibid.*

Vernalium morborum origo 89. 90. &c.

Vesicantia non semper inutilia, ideoque non semper sunt reprobanda 351.

— *Eorum loco tutius, & utilius frictionibus, aliisque remediis utebatur Auctor in Petechiali febre ibid.*

— *Haec, ob abscessus quandoque ad inferiora utiliter a Natura ipsa factos, congrua censentur in morbis Pectoris, si Tibiis admoveantur, juxta clariss. Baglivium* 212.

— *Quid autem tunc agere putentur* 213

Ipso-

I N D E X.

- Ipsorum inutilitas ostenditur 213. 218. 220. 221.
- Ideo Baglivii opinio perpenditur 215. 216. 217. 218. 219.
- In Pectoris morbis nocua potius sunt 219.
- Etiam in Petechiali dicta febre inutilia evasere, maxime cum eorum loco, alia tutius adhibita sint remedia 347.
- Nec tantum inutilia, verum etiam nocua tunc comperta fuere 352. 353. 354.
- Auctor ideo respondet illis, qui absolute asserunt, quod eos nunquam fefellerit vesicantium usus in morbis hisce 355.
- Probatur ultro haec necessaria non fuisse in dicta febre 356.
- Juxta ipsorum fautores, etiamsi causae morbi non rite conveniant, effectibus tamen prospiciunt 357.
- Hisce respondet Auctor 358.
- Duodecim rationes a Vallisniero clariss. desumptae contra vesicantium usum proponuntur 359.
- 1. Quia febrem augent ibid.
- 2. Quia vires enervant ibid.
- 3. Quia gangraenas excitant ibid.
- 4. Quia humor, qui a vesicatoriis extil-
lat, lympham tantum nutritia est, non
autem somniatus ille malignus humor
ibid.
- 5. Quia nihil, vel inutiliter agunt ibid.
- 6. Quia coctionem humorum cohibent
ibid.
- 7. Quia crises impediunt ibid.
- 8. Aut divertunt ibid.
- 9. Quia eorum causa Aegri sanguinem
aliquando mingunt, aut urina suppri-
mitur, succedente inflammatione, aut
immoderatus urinae fluxus promove-
tur ibid. & 300.
- 10. Quia morbi causam fovent ibid.
- 11. Quia cuique indiscriminatim non
conveniunt ibid.
- 12. Ideo tanquam inventum diabolicum
censentur ibid.
- Vini Malvatici usus in Petechiali dicta
febre 345.
- In Lypiria 59. 61. 397. &c.
- Urinae sanguineae saepe observatae in
R. D. Zaccaria Vacchello 11. 12.
- Urinarum fallax iudicium in Petechiali
febre 259. 273.
- In ipsis quid attendendum merito
sit 273. 274.
- Quare variae videbantur, tum
quo ad colorem, tum quo ad substan-
tiam &c. 275. 276.
- In hac febre, praesertim juxta
clariss. Gallarati observationes, uri-
nae parce admodum plerumque excer-
nebantur, & quare 300.
- Quid sentiendum sit de Uroman-
tia, & Uroscopia 279.



BENEVOLO LECTORI

AUCTOR. S.

Posteaquam Dissertationem Praeviam typis iam tradideram, aliorum exemplo, & consilio, operae pretium me facturum existimaui, si in toto Opere omnia verba barbara, aut a latino idiomate quomodocunque aliena, quibus, pro materiae agendaee necessitate, ad maiorem assumptorum explicationem, uti coactus fuisssem, diverso ab aliis charactere imprimi curarem. Verum non haec tantum alio modo sic excussa volui, verum etiam nomina quamplurima, & vocabula, quae, etsi a Latinis adhibita, aliunde tamen congruam ab aliis distinctionem jure exposcere mihi videbantur, tum ut clarius, tum ut commodius percipi omnia possent. Enim vero, quamvis id omni, qua potui, diligentia praestare sategerim, non pauca irrepsērunt verba a latio prorsus remota, quae fortuito sic distincta nunquam fuerunt. Sic alia invenientur nunc uno, nunc altero modo adnotata. Verum hoc aequo animo feres, spero, Lector benevole, si potius materiam spectaveris, in qua propositarum rerum exarandae magis veritati, quam verbis ipsis, aut scribendi rationi fas erat attendere; maxime cum, ob assiduas praxeos curas, pro transcribendo chirographo, Amanuensi uti debuerim. Plura insuper corriges errata, quae hic habes a me tumultuarie inventa, atque adnotata. Reliqua, si quae erunt, gratiose ignosces, atque tu ipse emendabis. Vale

In Dissertatione Praevia.

Pag. 1. l. 26. cum quis cor. cum quispiam. P. 9. l. 36. proficuum cor. utilem. & sic alibi. P. 12. l. 36. eadem cor. eisdem. P. 13. l. 23. varis cor. variis. P. 15. l. 15. perspete cor. perspectae. P. 22. l. 2. pronunciando. cor. pronun-
ciando, . P. 23. l. 9. ineunte cor. progrediente, & sic alibi in eodem sensu.

In reliquo Opere.

Pag. 1. colum. 1. lin. 22. illorum cor. istorum. P. 4. c. 2. l. 41. in initio cor. initio, & sic alibi. P. 6. c. 1. l. 22. Limonum cor. Mali medici. P. 6. c. 2. l. 35. caestus cor. aestus. P. 6. c. 2. l. 19. proferique cor. proferrique. P. 10. c. 1. l. 1. multo longius cor. multo tardius. P. 10. c. 1. l. 7. quorum cor. quarum. P. 18. c. 2. l. 7. victu cor. victui. P. 21. c. 1. l. 1. bulleinte cor. bulliente. P. 40. c. 1. l. 37. praescripsi cor. praescipsi. P. 55. c. 2. l. 21. crassior cor. crassior. P. 65. c. 1. l. 31. firmarentur cor. consisterent. P. 66. c. 1. l. 37. frigido, quam cor. frigido potius, quam. P. 71. c. 1. l. 1. remorata cor. residens. P. 94. c. 2. l. 30. aequivocationem cor. ambiguitatem. P. 105. c. 2. l. 6. exitum cor. exitium. P. 107. c. 1. l. 16. lymmpa cor. lymphæ. P. 108. c. 2. l. 27. evenite tiam cor. evenit etiam. P. 114. c. 1. l. 28. antecedente cor. praegresso. P. 120. c. 2. l. 4. astipulari cor. adstipulari. P. 129. c. 1. l. 28. diturnam cor. diuturnam. P. 137. c. 2. l. 28. cutius. cor. citius. P. 152. c. 1. l. 1. ad id faventes cor. ad id conducentes. P. 198. c. 2. l. 17. suscitari cor. suscitare. P. 212. c. 1. l. 9. alkailum cor. alkalium. P. 214. c. 2. l. 6. nullis unquam remediis cor. nullis remediis. P. 220. c. 2. ad fin. totius cor. toties. P. 235. c. 2. versu 5. sive instent cor. sive instet. P. 241. c. 1. l. 17. indicabat cor. indicaret. P. 246. c. 1. l. 2. & 3. sic-sicitate cor. siccitate. P. 246. c. 2. l. 5. suboluisse cor. subolevisse.

AUREA

AUREA METHODUS


VETERIBUS INCOGNITA

*Ad profligandas expeditissime febres
Tertianas tum intermittentes,
tum per subingressum
continuas,*

BREVISSIME LUCUBRATA

A FLORENTIO AUGUSTINO
GALLARATO

*Ex Colleg. Nob. Phys. Papiae, ibique in Reg. Caes.
Universitate Practicae Primario.*



Inter caetera morborum genera, quibus plerumque humanum Corpus extorquetur, ea saepius communi damno censentur evenire, quae vulgari titulo Febres vocitantur. Istae tamen non aequae semper pari passu incedunt, diversosque ut plurimum exitus fortiuntur. Ideo aliae de characterē *salubri* sunt, aliae vero de *insalubri*, aliae *breves*, aliae *diuturnae*, aliae *essentiales*, aliae *symptomaticae*, aliaeque quamplurimae variae indolis observantur. Porro tamen inter hujuscemodi genera febrium nulla alia manifestatur, quae tanto impetu, tantaque frequentia undecunque affligat, quam ipsa *Tertiana* febris, quae nulli aetati, temperamento, regioni, vel sexui parcit. Quamobrem peculiarem expeditissimae curationis methodum ipsi omni jure congruentem, iteratisque experimentis comprobata, paucis hic exarare decrevi.

Proh infelix elapsi temporis conditio! cujus mendendi norma, vix primis ingruentibus *tertianariis paroxysmis*, tum solvente pharmaco, tum saepe mandata quoque *phlebotomia*, iisque non raro repetitis, Aegrotos pessime, inutiliterque extorquebat. Etenim, enervatis maxime viribus, atque diu frustra expectata febris solutione, aut in onerosum *convalescentiae* vinculum, aut in pertinacia *naturalium* viscerum *infarcta* Patientes incidebant. Plurimi namque iis nituntur principiis, quod, nisi dempta prius per *evacuationes* causa *materiali* ipsius febris, nunquam per alia remedia sedantia inordinatum motum *fermentativum*, simulque febrilem *fermentorum* mixturam extricantia, tuto febris evinci possit; prout innuit *Humoristarum* opinio, quorum falsas hypotheses, per somniatam *bilis putrescentiam* in primis ductibus, *tertianarios paroxysmos* de genere *intermittentium* decernere intendit.

Verum si genuinam, atque verisimilem magis hujusce febris causam paucis hic proponere velimus, neglecto prorsus dissertationum theoricorum fastu (cum de hisce fatis medullitus, disertèque conscriptum sit a tot Viris in AEsculapica facultate clarissimis) satis erit innuere, *materiale* pabulum dictas febres excitans, & fovens, ex lege *chymico-mechanica* a doctissimo

mo

mo Friderico Hoffmanno specialiter illustrata, petendum merito esse. Quamplurimae enim *salivales*, ac viscidiores particulae, ob depravatam maxime digestionem, in sanguine congeatae, atque cum *succo Pancreatico* immixtae eundem reddunt in motu lentescentem; unde acidior factus, atque in Intestino duodeno secretus, exuberantem ibidem init *fermentativum* motum cum *bilioso succo*, atque lactice aquoso, adeo ut ex hisce tribus male fermentescentibus quartum quid *excrementitium* resultet *salino-sulphureum*, & acre, quod, *circulans* in tubulis *glandulosis*, aliisque partibus primae regionis, iisdem adhaeret, easque obstruendo minus *transpirabiles*, flexiles, atque *systalticas* efficit. Dum vero se exerere incipit, ad *paroxysmi* febrilis motum, tunc fibras nerveas dictarum partium *glandulosarum* irritat, easque *spasmodico* impetu, veluti convulsivo, quatiens, tubulorum diametros arctat, succorumque ibidem *circulantium* motus cohibet, solidorum elateres retardat, moraturque *undulationes*; unde, *spastica diathesi* in iisdem partibus plus, minusve concitata, frigus, vel rigor, vel horror, vomitus, anxietates, pulsuum parvitas, caeteraque alia *symptomata* tertianarum febrium familiaria subsequuntur. Hinc *excrementitium* istud febrile per vasa lactea successive ad sanguinem

guinem defertur , turbatque fluidorum cum solidis commercia, placidosque eorundem oscillatorios motus; unde, adaucto *systaltico* Cordis, & Arteriarum motu, massae sanguinis, fluidorumque omnium progressus intenditur: sicque celerior, & concitatus magis evadit pulsus, atque molestus, maximusque in toto Corpore calor emergit. Haec autem omnia eo non desunt, quo usque, laxatis *excretoriis* fibris, febrile illud principium *excrementitium* per cutis meatus, aliosque *secretoriarum*, atque *excretoriarum* partium ductus ejiciatur; tuncque insultus cessat, donec, nova *spastica diathesi* inducta in iisdem primae regionis partibus a novo motu ejusdem *excrementitii* ibidem stabulantis, nova denuo ipsius quantitas ad sanguinem fuerit translata, indeque febrilis alter suboriatur *paroxysmus*.

Quamobrem, *causali* breviter innuta, *diagnosis* & *prognosis* vulgatae notionis comitantur: unde merito expedit Tertianas febres distinguere in *Vernales*, *Autumnales*, & *AEstivas*.

Quod vero ad curationem spectat, earum praefertim, quae potissimum AEstate, vel paulo ante, vel paulo post invadunt (quidquid sit, velintque opiniones ex varietate *symptomatum* elucubratae) expeditissimum censetur, juxta dogmaticae Medicinae leges, tuto, cito, & jucunde

jucunde dictas febres profligare; quod quidem curationis genus maxime compleitur per appropriata specifica, sive per ea, quae vulgo *antidota* nuncupantur, quibus morbos feliciter jugulatos passim admiramur. Qua de re dictarum febrium hostile *fermentum febrifuga*, & peculiari *Quinquinae* energia protinus infringendum est, prius quam *fermenti* fomitem alio quovis remedio educere aggrediaris. Etenim praefato temporis aestu, concitatis activioribus Aetheris particulis, fit, ut saepissime a solventibus, quamvis levioribus, parique passu a *phlebotomia*, confestim irritato tertianae febris *fermento*, istud ad furorem facillime redigatur; unde in hujusmodi febribus, quoties, primum administratis nedum utrisque, sed etiam singulis hisce Medicinae instrumentis, quoties, inquam, lethales *Cardialgiae*, *Cholerae*, ac *Lypiriae* inopinato subiere? Quoties enunciatae febres de statu *simplici* ad *duplicem* devenerunt? Quoties de periodo *intermittenti* in *continuum*, plerumque fatali Aegrotorum perniciem, demigrarunt? Veluti, praeter crebrum experientiae testimonium, satis superque ostendunt quamplurimae observationes a clarissimo Francisco Torti in ejus libro, *Therapeutices specialis*, propositae. Quamvis autem in profligandis hisce febribus alii alia sentiant,

nostra tamen opinio iis innititur Authorum
principiis, eorumque sententiis invalescit, quod
satiis, utiliusque tunc sit, omissis prorsus aliis
remediis, illico ad *Chinam Chinam* plerumque
confugere, juxta illud in libro, *Febris Chinae
Chinae expugnata. Cap. Remedii in usum ducendi
ratio: Parag. 22.*, ubi habetur quod in hoc
minime conveniunt Auctores, alii enim statim ad
usum *Quinquinae* deveniendum asserunt, nulla prae-
missa corporis praeparatione, nequaquam scilicet
secta vena &c. Verum, iis tantummodo innu-
tis temporum circumstantiis, tali norma stric-
to jure procedendum est. Caeteris vero anni
temporibus communis, ac vulgata curandi me-
thodus, tanquam nocua nequit condemnari:
nisi fortasse vel *temperaturae* gracilitas, vel ae-
tatis conditio, vel gravia *symptomata tertiana-*
ria, vel urgens casus individualis, vel alia hu-
jusmodi emergerent, propter quae illico ad dic-
tum *febrifugum* esset confugiendum.

Quod si ulterius de ea, qua uti possis, *febri-*
fugi norma aliquid asserendum sit, hanc ex-
peditissimam habebis, si, percepto dictarum
febrium insultu in esse intermittenti, aut a for-
tiori in esse febris continuae, sed de genere sim-
pliciter tertianario, ex quo continua per subin-
gressum denominatur (quatenus, etsi conti-
nua, *symptomatibus* tamen proprie tertianariis
stipata

stipata invadit, imo etiamsi aliquando aggre-
diatur sine rigore, horrore, aut refrigeratio-
ne, retinet tamen in reliquis veram tertiana-
riam indolem, cum Corporis aestus, & pul-
suum celeritas observetur; insuper, ineuntibus
accessionibus, nausea, vel vomitus, vel sal-
tem in earundem remissione sudores, plus
minus leves per Alvum dejectiones apparent:
non vero deest, quod in ea latitent semina,
ac rudimenta futurae acutiei, quae in pro-
gressu accessionum cum periculo manifestan-
tur saepissime, quando aut neglecta sit, aut
a solventibus, vel *phlebotomia* latitantia dicta
semina in motum cieantur) specifico statim
remedio utaris; ita ut in dictis febribus *in-*
termittentibus, aut *continuis per subingressum*, *Ene-*
mate praemisso, ubi res ipsa tantum postulet,
Chinam Chinam de esse genuino, ac legitimo
ad scrupulos quatuor statim a principio exhi-
beas, fluida, aut solida forma, prout facilius
Aegroto respondeat: melius vero, si fluida
forma, ut aqua appropriata, aut etiam com-
muni sufficienter dilutam. Hoc tamen ada-
mussim praestabis, nisi dictae febres *diarrhoe-*
am adnexam afferant immodicam; tunc enim
tutius in forma solida utendum ipsa erit:
miscendo nempe *febrifugum* cum *electuar.* *Dias-*
cord. *Fracast.*, & *Sirup. de Absynth.*, addita pau-
ca

ca dosi Mucilaginis Gummi *Tragacanthi*. Utroque tamen *exhibitionis* modo semper post tres, quatuorve horas successive procedendum est, quo usque saltem uncia una, & semis, ad summum unciae duae hujusce saluberrimi remedi a febricitantibus hisce sint ingestae. Nec obstant gravia *symptomata* tempore febrilis circuitus occurrentia, veluti dolor Capitis, delirium, vigiliae, Corporis jactatio, atque alia hujusmodi, quorum ratione ad *Phlebotomiam* fortasse vulgo esset deveniendum, cui profecto nedum reluctatur sententia ipsius Avicennae, quod *sanguis est fraenum bilis*, quin immo praesidium istud *simpliciter*, & *per se* in hoc casu non indicatur. Etenim haec omnia a nimis effero *Tertianariae fermentationis* motu *de genere intermittenti* promoventur; quare hoc ipso citissime sedato ab activa virtute *febrifugi* saepe saepius iterati, simul etiam alia quaeque in hac febre urgentia *symptomata* compesci statim videntur. Tandem AEgroto jam ad perfectam inde integritatem redacto, si jam ope *febrifugi* modo supradicto sedulo usurpati, nempe ob ejusdem vim, ut ajunt, praecipitantem; si, inquam, juxta Corporis temperiem, victusque conditiones, satis superque per sudorem, per urinam, vel potissimum per Alvum, ut saepe contingit AEgrotorum

grotorum utilitate , *febrilem fomitem* opportu-
ne, & pro ratione a tota sanguinis massa se-
cretum , atque e Corpore eliminatum judica-
bis; tunc temporis ea utere , nunquam satis
commendata , Hippocratis sententia in Aph.
20. Sec. I. videlicet: *Quae judicantur , & ju-
dicata sunt integre, neque movere, neque innovare
aliquid.*

Hisce positis, *curativam* generice normam in dic-
tis febribus exploratam habes ; sicuti infra
praeservationis methodus exarabitur. Verum ,
cum ex hujusmodi febrium germine non ra-
ro *perniciosae* quaedam tertianae prodeant ,
lethale passim, & celerrime Aegrotorum fa-
tum deferentes (veluti sunt tertianae *cardial-
gicae, typhicae, syncopales, ulterius Algidae, Le-
thargicae, tum etiam cholerae, biliosae, & sub-
cruentae ad modum fluxus hepatici, caeterae-
que aliae pravae hujuscemodi indolis, quarum
dira, & mortifera symptomata in accessionis prin-
cipio utplurimum aggrediuntur, atque in ea
febrili periodo Aegrotum pollent jugulare)
in hisce, inquam, casibus obstat brevitatem tem-
poris , quod superest usque ad futuram fe-
bris accessionem ; quare celeriore usu dictus
cortex praescribendus est , & quidem quo
longe magis a principio, eo melior, ac tutior
de fatali insultu victoria; sin minus ad ipsum
saltem*

saltem confugere expedit ante viginti quatuor horas futuri *paroxysmi*, facto etiam calculo ejusdem *anticipationis*, hac nempe servata norma, quod pro prima dosi assumatur dimidia uncia *febrifugi in substantia*, & reliquis horis *repartita* ejusdem uncia una, donec tota dosis unciae unius, & semis horis circiter duodecim ante futuram febris accessionem fuerit assumpta. Porro tamen si unquam contingeret, quod exitialis *paroxysmus* vix quindecim, aut duodecim circiter horas distaret; tunc occasio praeceptis admodum esset. Tunc ideo hac temporis angustia statim ad drachmas sex *Chinae Chinae in substantia* confugiendum esset, quin immo tutius ad integram unciam unam in libra una circiter aquae dilutam: & profecto immediate pro prima dosi eo tutius licebit transcendere, quo magis ejusdem corticis vires nostris temporibus paululum fractae observantur. Hinc duabus, tribusve elapsis horis alias dicti Corticis drachmas duas, unciis quatuor aquae solutas expedit propinare, sicuti & ejusdem drachmam unam pro singula hora usque ad tres successive, donec detur locus cibum exhibendi tribus, quatuorve horis ante *paroxysmum*.

Verum, quia, inter alia febrium genera, illae praefertim, quae sub *tertianaria intermittenti*, aut
quasi

quasi intermittenti periodo continentur, facillime, & pluries recrudesce solent: Hinc ad cautelam quarto quoque die circiter, donec quadragesima elapsa sit, *Quinquina* ad scrupulos quatuor salubriter exhibetur. Ulterius etiam, loco *Chinae Chinae*, *mixtura* potissimum *febrifuga* ex Pillulis adversus febrem tertianam RR. PP. Societatis Jesu in eorum Collegio Mediolani paratis, cum pro actuali curatione, tum etiam pro ipsa *praeservatione*, tanquam mirandum, expertumque remedium celebratur. Sic etiam *Chinae Chinae recens extractum*, atque ad solidam consistentiam redactum, pondere unius drachmae pro singula dosi, *praeservativum Alexipharmacum* praxis edocuit. Interim autem, recto servato regimine, & praesertim longe a fructibus, a lacte, nec non etiam ab acidis austeris, quisque ex hisce Aegrotis proprio munere fungi poterit: dum operationes naturales, sive consueta exercitia hoc *praeservationis* decursu tolerantur.

Quando autem a *febrifugo*, ut supra in principio morbi exhibito, erepta quidem febris evadat, ex eo tamen nihil plane, aut parum saltem materiale morbi pabulum per consuetas *excretiones* fuerit eductum (quamvis istud virtute *febrifugi* a sua *fermentativa* compage jam dissolutum evadat) tunc, ad *scoriam febrilem* sub-

subducendam, unum ex placidis evacuantibus cum Rhabarbaro immixtis propinandum erit, nonnisi tamen transacta quinta, vel septima die a postremo febrili *paroxysmo*, ita ut etiam ipsa *evacuationis* dies vel intermittenti respondeat, si tertiana simplex, vel remissiori, si duplex extiterit. Posteaquam tamen congrua sic habita fuerit purgatio, juxta Patientis habitum, ejusdemque victus rationem, illico die sequenti *China Chinae* denuo propinanda est eo temporis intervallo, iisdemque modis, & formis, ut supra, expressis, ubi ad cautelam, & *praeservationis* gratia commendatur.

Ita profecto Medicae facultatis praecauta docet solertia. Nam, si minima particula *tertianarii fermenti*, quamvis sublata febre, intus adhuc delitescat, se habet veluti neglecta ignis scintilla novum excitans incendium. Quare ab interpolato usu *febrifugi praecautive* superius expresso, si forte iners quidpiam febrilis *fermenti*, novo *fermentationis* motu, sit deinceps aggressurum, celeriter enervatur. Hinc evenit, ut fere semper citissime, tutissimeque convalescant Aegroti, absque consueta, & molesta morbi extensione, activaq; remediorum ubertate, a quibus alias fractae vires diu admodum evadebant.

Quotiescunque tamen, *praeservationis* decursu Aegroti,

groti, bene riteque caeteroquin nutriti, non restaurentur (quod quidem raro contingit) aut in recto regimine errata quaelibet praecesserint, indeque nec appetentia redeat, quin immo nausea, sitis molesta, nocturnae agitationes, aut vigiliae urgeant; praesertim cum Hypochondriorum tensione; tunc *Chinam Chinam*, cum tinctura Rhabarbari, Sale Tartari in aqua Agrimonii extractam, aut mixturam ex Rhabarbaro, & *Chinae Chinae* substantia, una cum Tartaro Vitriolato *epicratice* exhibitam, salutarem admodum experieris. Hujusmodi siquidem curationis norma rationi, & Praxi consona, diuque fausto eventu comprobata, omni consulta brevitare libentissime commendatur.

F I N I S.



